

# दूर वोट

[ विमुक्त आत्मा : आने ९ ३ सिन्धी ]

बर्मा वोल



पुस्तकालय पुस्तक क्रमांक : ४१६५ : दिनांक : ३१.३.५६

ଅଧ୍ୟକ୍ଷ ସାଂଜୀ ମହାସଭା : ୧୯୫୫

ସର୍ବସ୍ୱତ୍ୱ ପ୍ରକାଶକ କର୍ତ୍ତୃକ ସଂରକ୍ଷିତ

ତ୍ରିନ ଟାକା ଚାର ଆନା

ଅଧ୍ୟକ୍ଷ : ବିକାଶ ସିଂହ, ୦ କଲେଜ କୋଠାର, କଲିକତା-୧୫

ସ୍ୱାକ୍ଷର : ମରତ ନାଥ, ସତ୍ୟାପ୍ତ ପ୍ରିଣ୍ଟିଂ ମାର୍ଟିନ, କଲିକତା-୧୫

জানালায় বসে আছে আনেৎ আলোর দিকে পিঠ দিয়ে—দিন-শেষের আলো, তার অগ্নি-বরণ রশ্মি প'ড়েছে ওর শুভ্র পেশল গ্রীবার 'পর ।

এই মাত্র বেড়িয়ে ফিরেছে ও । বছদিন, অর্থাৎ পুরো কয়েক মাস পরে আজ ও বেরিয়েছিল প্রথম । সারাটা দিন ভবঘুরের মত বাইরে মাঠে ঘাটে মুক্ত প্রকৃতির বৃকে ঘুরে ঘুরে কাটান, বাসন্তী সূর্যের আলো চিত্ত ভরে করল পান ..মাতাল-করা আলো...নির্জলা তীব্র সুরার মত একেবারে নির্ভেজাল, এমন কি নিষ্পত্র গাছেরও ছায়া নেই সে-আলোতে । পলাতক শীতের পেছনে ফেলে- যাওয়া হিমের বেশ-জড়ান-বাতাসে সে-আলো আরো ঝলমল, আরো স্বচ্ছ । ওর মস্তিস্কের মধ্যে গানের গুঞ্জন চলছে, চলছে শিরায় শিরায় গানের উচ্ছল নৃত্য, নয়নে ঝরছে আলোর সহস্র ধারা । নিম্নীলিত চোখের নীচে পডন্ত আলো সোনা আর লাল আলপনা এঁকে দিয়েছে—সোনা আর লালের আলপনা ওর সর্বদেহে ।

চেয়ারে বসে আছে আনেৎ, ধ্যানলীনা প্রতিমার মত নিশ্চল । বহুতের জন্ম চেতনার জগৎ হতে ছিটকে পড়ে আনেৎ...ডুবে যায় স্বপ্নে ..

নিবিড় বনে-ঘেরা সরোবর । জলের বৃকে এক টুকরো আলো—যেন কাঁচ চোখ ! চার পাশে মাথা উঁচিয়ে বড় বড় গাছের সারি, শেওলা-ঢাকা তাঁদের দেহ । হঠাৎ নাইতে ইচ্ছে হয় আনেৎ-এর.. নাইবে আনেৎ...

নিরাবণ শুভ্র দেহ...

শীতল জলের স্পর্শ লাগে পায়েরে...ওপরে...আরো ওপরে...হাঁটুতে এসে পৌঁছায়...। কেমন যেন তীব্র মাদকতা—নেশা একটা...তন্ত্রার আবেশের মত । জলের বৃকে সোনালী আলোর আলপনা ; তারি মাঝে ওর নিরাবরণ দেহের

প্রতিবিম্ব। আনেৎ দেখে...। একটা নামহীন, অস্পষ্ট লজ্জায় ওর চিন্তে যেন শিহরণ লাগে...ও-চোখ যেন ওর নয়, আর কারো, দেখছে আর কেউ ওর এই অনাবৃত দেহ। লজ্জা ঢাকবার জন্য আরো গভীর জলে নেমে যায়। চিবুকের কাছে এসে পৌঁছায় চঞ্চল জল—জল নয় যেন এ...জীবন্ত উষ্ণ আলিঙ্গন কারো। শেগুলার দল দীর্ঘ বাহু বাড়িয়ে জড়িয়ে ধরে ওর পা। ছাড়াতে চেষ্টা করে। প্রয়াসে কাদায় পা বসে যায়। জলের ঠিক উপর খানিতে সূর্যের আলো ঘুমিয়ে। রাগে পা ছোঁড়ে আনেৎ। ঘোলা হ'য়ে ওঠে জল—নিশ্চয়, পাণ্ডুর... ঘুমন্ত আলোর ঘুম ভাঙে না তবু।

জলের ধারে ঝুঁকে-পড়া গাছ, তারি একটা শাখা ধরে আপনাকে মুক্ত ক'রে নেয়...নিরাবরণ পিঠ ছেয়ে যায় পাতায়।

রাতের ছায়া ঘনায়...

অন্ধে লাগে শীতল বায়ুর স্পর্শ...

স্বপ্ন টুটে যায়। কণিকের স্বপ্ন।

সেইন্ট, ক্লাউড্, পাহাড়ের পেছনে সূর্য ডোবে।

সন্ধ্যার স্নিগ্ধতা নামে পৃথিবীতে...নামে আনেৎ-এর চিন্তা-লোকে।

শাস্ত হ'য়ে উঠে দাঁড়ায়, ঠাণ্ডায় কেমন কাঁপন ধরেছে।

কি ছেলেমানুষীই করল আজ। নিজের ওপর রাগ হয় আনেৎ-এর। ঘরে অল্প প্রান্তে আগুনের সামনে গিয়ে বসে ও। মিষ্টি আগুন—রূপে চোবে নেশা লাগে, চিন্তে লাগে সঙ্গ, দেহে উত্তাপ লাগুক আর নাট লাগুক। খোল: জানালার পথে ভেসে আসে প্রথম বসন্ত-সন্ধ্যার শিশির-ভেজা বাতাস আ তার সাথে ঘুম-পাওয়া পাখীর ঘুম-জড়ান কাকলি। আনেৎ কল্প-লোকে ভেবে যায়। কিন্তু চোখ দুটি খোলাই রয়েছে এবার। এবারে ফিরে এসেছে ৭ প্রত্যাহের পরিচিত আপন জগতে; পায়ের তলায় পেয়েছে ও বাস্তব ভূমি। এঁ তো ওর আপন ঘর, আপন নীড়। আনেৎ রিভিরে ও, আনেৎ আর কেউ নয়...

আগুনের দিকে একটু ঝুঁকে বসে—লাল আভায় তরুণ মুখ খানি দীপ্ত হ'য়ে ওঠে। কালো বেড়ালটা আগুনের দিকে মুখ ক'রে লম্বা হ'য়ে ওয়ে আছে

পা দিয়ে ওর সাথে খুনসুড়ি করতে করতে মনে প'ড়ে যায়... মনে প'ড়ে যায় সেই বেদনা, একটা সংক্ষিপ্ত সময়ের জন্ম যা ও ভুলেছিল... মনে হয় তারি কথা যে হারিয়ে গেছে... একেবারে হারিয়ে গেছে [ মনের পট হ'তে তার ছবি একেবারে মুছে গেছে ] ।

• এখন ও শোকের কাল উত্তরায়নি... শোকের বেশ ওর অধর-প্রান্তে আর ললাটে এখন ও রয়েছে ; ফোলা চোখের পাতায় রয়েছে সমস্ত অশ্রু-প্রবাহের স্বাক্ষর...

কিন্তু কাণায় কাণায় ভরা স্বাস্থ্যে, সতেজ লাভণ্যে, প্রকৃতির বলিষ্ঠ যৌবন-শ্রীর মতই রস-সমৃদ্ধা আনেৎ... বেগবতী, প্রাণৈর্খ্যবতী, চিরশ্রামা । রূপবতী না হ'লে ও দেহ-সৌষ্ঠবে, মাথার সোনালী চুলের রাশে, রোদলাগা গ্রীবার বাদামীতে, নিটোল দুট গালে শ্রী-মতী আনেৎ । ওর চোখে বিশ্বয় আর বিষাদের আবছা কুয়াশার ছেঁড়া ছেঁড়া টুকরো । তারি ফাঁকে ফাঁকে ওর নূতন নূতন প্রকাশ, নূতন নূতন বিকাশের ব্যঞ্জনা । দৃঢ়, পেশল কাঁধ দুটিতে নূতন নূতন ভঙ্গী ।

চেয়ারে বসে আছে আনেৎ, অপস্ফয়মান প্রিয়-স্মৃতির পথ-প্রান্তে চেয়ে-থাকা বিধুরা বিরহিনীর মত । রিক্ত আনেৎ—অস্তুরে একেবারে রিক্ত । বাবার হৃত্যুতে একমাত্র অবলম্বন আর আশ্রয় হারিয়ে আজ ও সর্বস্ব-হারী । তাঁরই স্মৃতি ও হৃদয়ের হস্ততে তন্তুতে জড়িয়ে রাখতে চায় । ওর বাবা রাওল রিভিয়ের স্মৃতি ।

ছ'মাস হ'ল এ পারের হিসেব চুকিয়েছেন রিভিয়ে । কিইবা এমন ব্যয়েস হয়েছিল—ইউরেমিয়ায় ছ'দিনেই শেষ হ'য়ে গেলেন । দেহটার ওপর অত্যাচার করেছেন সারা জীবন । গত ক'টা বছর অবশ্য সামলে চলেছেন কিছু—ভাবেননি এ পারের পাট ভুলতে হবে এত শিগ গির ।

পারীর হুপ্তি রাওল রিভিয়ে—ভিল্লা রোম'ার শিষ্য । পরম সুপুরুষ—বুদ্ধিতে ধর, উচ্চাশায় উদগ্র, ড্রট্টংক্রম জগতের রাজা আর অফিসিয়েল মহলের দেবতা । সারা জীবন পেয়েছেন বহু মান, খ্যাতি, প্রতিপত্তি ; পেয়েছেন উচ্চ পদ—খোঁজেননি তবু পেয়েছেন । না খুঁজে অমনি-পাওয়ার মন্ত্র ওর জানা ছিল ।

খাঁটি করাসী চেহারা । সবার চেনা—ছবিতে, পত্রিকায়, কাটুনে সবাই দেখেছে, সবাই চেনে । উঁচু কপাল, দুই পাশে উঁচু ; তেড়ে-আসা ঝাঁড়ের মত মাথাটা সামনের দিকে ঝোঁকা ; গোল বেরিয়ে-আসা চোখ—উজ্জ্বল তার দৃষ্টি ।

সাদা বাকড়া চুল পরিপাটি করে ব্রাস করা। ঠোঁট হাসিতে ঝাঁকান আর কামনায় তীক্ষ্ণ, আর তারি নীচে ছোট একটু দাড়ি। বুদ্ধির দীপ্তি আর সর্ষিত অবজ্ঞা, আকর্ষণী-শক্তি আর গ্লোমের বিচিত্র সংমিশ্রন ওর চেহারায়— আকর্ষণ কবে, বহু থেকে ওকে আলাদা করে রাখে।

পারীর শিল্প আর বিলাস-শাস্ত্রের জগতে একে চেনে সবাই, অথচ জানেনা কেউ। জানবে কি করে? মনে আর বাইরে রাওল ঠিক ছোটো মানুষ। কাজ হাসিলের কৌশল ও জানে এবং তার জন্ম ও সমাজের ছাঁচে একেবারে খাপ খাইয়ে বসিয়ে রাখে নিজকে, অথচ ব্যক্তিগত মানুষটা থাকে আড়ালে, কুশল-হাতের রচা গোপন দুর্গে।

হৃদয় উদাস প্রবৃত্তি, বিশ্বের যত দুষ্কৃতি সাবলীল পটুয়ে বেপরোয়া রাওলের স্বভাবের অঙ্গ। এই পটুই ও অর্জন করেছে সাধনা আর প্রয়াস দিয়ে অনুশীলন করে। কিন্তু হৃসিয়ার রাওল আপনাকে ঢেকে রাখে সাবধানে পাছে হটে যায় মকেলের দল।

একটা গোপন মিউজিয়ম ছিল রাওলের। এক আধজন নিভাস্ত ঘনিষ্ঠ অন্তরঙ্গেরই কেবল সেখানে প্রবেশাধিকার ছিল। সাধারণের কচি বা নীতির ধার ও মোটে ধারত না অথচ সামাজিক রাওল আর ব্যবহারিক জগতের রাওল একেবারে সকলের সাথে খাপ-খাওয়া।

কাজেই অতি-চেনা রাওল অতি-অচেনা থেকে যায় শত্রুর কাছে আর মিত্রের কাছেও। শত্রু? শত্রু কোথায়? শত্রু ওর ছিল না। প্রতিদ্বন্দ্বী হ'একজন ছিল বটে যারা ওর অমন মাথা-তুলে এগিয়ে যাওয়াটা সুস্থ মনে গ্রহণ করতে পারে নি। তাদের অন্তরে দাহ থাকলেও ওর ওপরে রাগ বা বিদ্বেষ ছিল না কারো। এমনি অদ্ভুত ছিল ওর মন ভোলাবার কৌশল যে এই পেছনে-প'ড়ে-থাকা, হেরে-যাওয়ার দলও বিরূপ হওয়া তো দূরের কথা মুখে ভীক হাসি মেখে হাত জোড় করত ওরই কাছে—অর্থাৎ পা মাড়ালে পর সেই ভীকরাই পাণ্টে কমা চাইত। হুঃসাহসী রাওল শাঠ্যের মূলধনে গৈত্রী কিনেছে প্রতিযোগিতার ক্ষেত্রে—যাদের মাড়িয়ে গেছে তাদের আর যে-মেয়েকে ছেঁড়া কাপড়ের মত ছুঁড়ে ফেলে দিয়েছে তারও।

এহেন রাণলের কিছু পরাজয় ঘটেছিল তার গৃহস্থালীর ক্ষেত্রে। স্ত্রীর চোখ এড়ায়নি—স্বামীর হুমুখো চরিত্র তাকে পীড়া দিল। কিন্তু রাণলের কাছে এটা হলো কেবল স্ত্রীর রুচি-বিকার মাত্র। বিবাহিত জীবনের এই সুদীর্ঘ পঁচিশটি বছরের মধ্যে সে স্বামীকে মেনে নিতে পারেনি। রাণলের মতে তা পারাই উচিত ছিল লক্ষ্মী মেয়ের মত। কিন্তু তা পারলে না মেয়েটা—আত্ম-বিলোপ ঘটাতো সে কিছুতে পারলে না ; না পারলে স্বামীকে আদৃত করতে।

শ্রীমতীর নিষ্ঠা-বোধ ছিল ভারী উগ্র। লায়ন-দেশীয় রূপের মতই ওর ব্যবহারে ছিল নিম্প্রাণ ঔদাস্য। অন্তর্ভূতি তীক্ষ্ণ, তীব্র, প্রবল, কিন্তু লাগাম-আটা, রাশ-বাধা, এক কোঁটা ছলকে পড়বে না এদিক ওদিক। স্বামীকে হাত করার কলা-কৌশল ও শিখলে না, আর শিখলে না যা হাতের বাইরে তাকে অবহেলার অগ্রাঙ্ক করতে। প্রথম আত্ম-মর্ষাদা-বোধে নাশিশ করলে না কোনোদিন, আবার এদিকে ও বে জানে সব এবং জেনে কষ্ট পাচ্ছে এই কথাটাই লুকিয়ে রেখে আত্ম-সমর্পন করতেও পারলে না। রাণলও অভিমানী [অন্ততঃ ওর বিশ্বাস ছিল তাই], অভিমানে ও এদিকটা ভুলে থাকতেই চাইল। অথচ ভুলতে পারল না স্ত্রীর উদগ্র ব্যক্তিত্ব আর তার প্রকাশ। ভুলতে পারলে না আর তাই ক্রোধও জমতে লাগল স্তরের পর স্তর।

গত দু'বছর থেকে বলতে গেলে এদের দাম্পত্য-জীবন একেবারে পাঁচিল-তোলা মহলে ভাগ হ'য়ে গেছে। কিন্তু সমাজ আর একমাত্র কল্যা আনেৎ-এর দৃষ্টি থেকে অন্তঃপুরের এ-গ্রানিকে সযত্নে প্রচ্ছন্ন রেখে এসেছে ওরা। এক্ষেত্রে স্বামী-স্ত্রীর পারস্পরিক সহযোগিতা ছিল : আনেৎ ঘৃণাকরেও বাবা মার দ্বিধা-ভিন্ন জীবনের এই ট্রাজেডী জানতে পারেনি। জানতে চেষ্টাও করেনি, ওর রুচিতে বেধেছে। তা'ছাড়া ওর কিশোর মনের অবকাশই বা কোথায় অপরের কথা ভাবার !

রাণল রিভিয়ে মেয়ের বেলাও আপনার যাহু খাটালে এবং সে-যাহুর টানে মেয়েকে টেনে নিল নিজের দিকে। অবশ্য এ জন্তু তাকে কোন আশ্রয় বা প্রয়াস করতে হয়নি ; এবেলায়ও তার সহজ চৌম্বক-শক্তির জয় হ'লো। একদিনের জন্তুও মেয়ের কাছে স্ত্রীর বিকল্পে একটি কথা বলেনি কোনোদিন—

তার বিরূপ কোন ব্যবহারের আভাস পর্যন্ত না। মর্যাদায়, ক্রটিতে অভিজাত রাওল নির্বিকার রইল। ভাবল, মেয়েই দেখে শুনে বুঝে নেবে। এবং মেয়ে বিচার করলে অনুকূলেই। বাবার মায়া-জালের বাইরে আসার সাধ্য কি তার? তা ছাড়া রাওলের মত মানুষের স্ত্রী হ'য়ে যে মেয়ে আপন হাতে নিজের সূখের ঘরে আগুন দিলে তাকে কুমাই বা করা চলে কি ক'রে? সুতরাং এই অসম-সংগ্রামে প্রথম থেকেই মাদামের হার হ'য়ে থাকল; এবং আগে মরে তিনি এই পরম পরাজয়কে একেবারে চরমের কোঠায় উত্তীর্ণ ক'রে দিয়ে গেলেন। অতএব তারপরে রাওল একেবারে একমেবাদ্বিতীয় এবং একমাত্র সচাট আপন রাজ্যের, কস্তার চিন্তালোকেরও।

সম্পূর্ণ আচ্ছন্ন ক'রে ছিল রাওল এই পাঁচটা বছর আনেৎকে—ভালবেসেছে বুক ভ'রে আর অজ্ঞাতসারে সেই স্নেহের সাথে ঢেলেছে আপন চরিত্রের যা বৈশিষ্ট্য, আর ওর সহজ সন্মোহনী মায়া। গত দু' বছর স্বাস্থ্য-ভঙ্গের জন্তু বাইরে থেকে একেবারেই নিজেকে গুটিয়ে ফেলতে হয়েছিল রাওলকে। অতএব ওর যোহিনীশক্তির ক্রিয়ার ক্ষেত্র যখন সংকুচিত হ'য়ে এল, কণ্ঠাট নিল সে-স্থান।

কন্তা আর পিতার মাঝখানে দাঁড়াবার না ছিল কেউ আর না ছিল কিছু। আনেৎ-এর সুপ্ত অন্তর-লোকের একমাত্র অধীশ্বর হ'লেন পিতা। দেহের বয়স হয়েছিল বটে ওর তেইশ চব্বিশ, কিন্তু মনের বয়স ছিল পিছিয়ে। সে তখনও কৈশোরের পথ ডিজিয়ে যৌবনের অভিযাত্রায় বেরযনি—চলছিল সহজ-ছন্দে সহজ পথে, পেছন থেকে ঠেলা মেরে ওকে জোর কদমে চালায়নি কেউ। ওর সামনে সুদীর্ঘ ভবিষ্যৎ আর চিত্তের ঢুকুল ছাপিয়ে জীবনের ভরাগাঢ় করছে টলমল। সুতরাং এমনি অবস্থায় সবার যা হয়, ওর প্রাণাবেগ মূলধনে বেড়েই চলল—খরচ হলোনা, বইলোনা হিসেব নিকেশের তাড়া।

পিতা-মাতা দু'জনের কাছে থেকেই ও পেয়েছিল কিছু না কিছু। আকৃতি হ'লো রাওলের—সেই বিশ্ব-বিমোহী হাসি, যে হাসির শক্তির খবর রাখতনা রাওল নিজেই; আর কৌমার্য-শুভা আনেৎ-এর পক্ষে ভালোই হ'তো অত শক্তি যদি না ধরত ওই হাসি। কিন্তু ওই শক্তি-গর্ভ হাসির ওপরে বিছানো



প্রশান্তির আত্মশানি—তা ওর মাঝের। সুমার্জিত পরিচ্ছন্ন ব্যবহার-সৌষ্ঠবের উত্তরাধিকার ও মাঝের কাছ হ'তে। আর নিরবচ্ছিন্ন স্বাধীনতার মধ্যেও যে সুস্থির, পরিপূর্ণ গাফীর্ঘ—তার উৎসও ওই একট। একের চৌক-শক্তি আর অপরের গাফীর্ঘ—এই দুইয়ের সমাবেশে আনেৎ আরো বেশী মোহমগ্নী হ'বে উঠেছিল। ওর চরিত্রের এই দুই ধর্মের মধ্যে কোনটির যে প্রাবল্য বেশী, তা বলা বড় কঠিন। আসলে ও ঢাকা পড়ে রইল—নিজের কাছেও, অপরের কাছেও। ওর ভেতরকার রহস্যময় জগতের হৃদয় কেউ পেল না। টাডেন উগ্রানের ও যেন আধ-দুমস্ত ইভ্ ; খোঁজ রাখেনা নিজের বুকের মধ্যে যে সহস্র বাসনা বাসা বেঁধে আছে। তাদের শাস্তির নীড়ে কোন হাওয়ার দোলা লাগেনি আজও, ওদের ঘুম ভাঙানি কেউ। আনেৎ-এর শুধু হাত বাড়িয়ে দেবার অপেক্ষা—অঞ্জলি ভরবে আপনা হতেই। কিন্তু সে-প্রয়াস ও কখনও করেনি— কারণ বুকের তলাকার কামনার দলের সুখ-গভীর, শান্তি-নিবিড় অশুট কাকলিতে ওর আবেশ লাগে, ঘুম পেয়ে যায় যেন। হাত বাড়াবার কথা মনে থাকে না। হয়তো ইচ্ছাও হয়নি। একি আপনাকে ভোলান? ভোলায় কি মানুষ এমনি ক'রে আপনাকে? হয়ত মানুষ চায় না শাস্ত চিন্তাক্রমে ঝড় ওঠে। আনেৎও তখন চেয়েছিল তাই—চেয়েছিল বুকের মধ্যকার গভীর সাগরটির পাশ কাটিয়ে যেতে। সুতরাং যে আনেৎকে ও নিজে চেনে, চেনে সংসারের মানুষ, সে-আনেৎ সুস্থিরা, সুধীরা, বুদ্ধি বিবেচনায় বেশ গোছ-গাছ ক'রে তৈরী মানুষ; শক্ত হাতে আপনাকে লাগাম ক'রে চালায়; আট-সাঁট ক'রে নিয়ম-বাধা জীবন; উচ্চার স্বাতন্ত্র্য আছে—আছে স্বাধীন বিচার-শক্তি। তবু আজও ওর স্বাধীন ইচ্ছা আর মনের কোন সংঘর্ষ বাধেনি ওর চার পাশের সমাজ আর সংসারের সঙ্গে।

সামাজিক জীবনের কর্তব্য ও ভোলেনি এবং সে-জীবনের খালায় যে আনন্দ-রস পরিবেশন করা আছে তার প্রতি ওর ঔনসীন্ত তো নেইই বরঞ্চ আছে অতি সহজ সুস্থ ক্ষুধা, এবং সেই ক্ষুধায় যা কিছু উপভোগ্য তা ও দু'হাত ভ'রে গ্রহণ করে। কিন্তু তারই সাথে ও চায় সত্যকার কর্মময় জীবন। হাওয়ার ভাঙ্গা জীবন নয়। সুতরাং গভীর অভিনিবেশে ও পড়েছে। বিশ্ব-বিদ্যালয়ের পড়াও পড়েছে, ডিগ্রীও পেয়েছে ছ'টো। বুদ্ধি ওর শানিত,

যাক্ষিত, জীবন্ত। এবং তাই ওর গতিধর্মী মনের অবলম্বন চাই—অর্থাৎ  
 চাই কাজ। পড়তে ও ভালোবাসে, তবে সখের পড়া নয়, পড়ার মত পড়া—  
 বিশেষ করে বিজ্ঞান। এবং এ বিষয়ে মেধা আছে ওর অসাধারণ। ওর সুস্থ  
 স্বাভাবিক প্রকৃতির মধ্যে সর্ব অবস্থার মাঝপথে চলার একটা সহজ ক্ষমতা ও  
 প্রবণতা আছে। হয়তো সেজন্মই ও সর্বদা একটা কড়া নিয়ম-শৃঙ্খলার  
 মধ্যে থাকতে ভালোবাসে—যেখানে কোন অস্পষ্টতা নাই, শিথিলতা নাই ;  
 যেখানে কোন ভাব-ভাবনা-নীতির মধ্যে অস্বচ্ছতা, ঘোরপ্যাচ, ভাঁজ-ভেজাল  
 নাই। সব কিছু অতি স্পষ্ট, অতি সরল। এবং এমনি করে পাঁচিলের  
 ঘেরায় ও পুরে রাখতে চায় ওর অন্তর্জীবনকে, নইলে চার পাশে হাত  
 বাড়িয়ে আর চোখ মেলে মেলে বেড়ায় ওটা—ভয়, কখন ঝড় উঠে সব  
 তচনচ্ করে দিয়ে যায়। কিন্তু ভেতরের মানুষটা শাসন মানে না। সুযোগ  
 পেলেই—অর্থাৎ ছুটতে ছুটতে মন যখনই একমুহূর্ত হাঁক ছাড়ার জন্ম থামে সেট  
 কাকে সে এসে ধারে যা দেয়। অতএব ওর সুনিয়ন্ত্রিত, সুরক্ষিত দুর্গের আশ্রয়  
 মন্দ লাগে না তখনকার মত। এর পরে কি হবে, অনাগত কালের হিসেবের  
 খাতায় কোন অঙ্ক পড়বে তা নিয়ে মাথা ঘামাতে ওর ভাল লাগে না একেবারে,  
 চায়ও না। বিবাহে কোন আকর্ষণ নাই, সে-চিন্তা এড়িয়েই যায়। বাবা হাসেন,  
 কিন্তু বাধা দেন না, কারণ সুবিধা নিজেই।

[ দুই ]

রাওল রিভিয়ার দৃষ্ট্য আনেৎ-এর গৎ-এ বাধা সাজানো জীবনের ভিত্তথানা  
 একেবারে নেড়ে দিলে। ভেঙ্গে পড়ল প্রধান স্তম্ভটিও। আনেৎ বুঝলনা ওই  
 স্তম্ভ ছিলেন রাওল। মৃত্যুর সাথে অপরিচয় নেই ওর। পাঁচ বছর আগেই  
 পরিচয়টি হয়েছে মায়ের মৃত্যুর সময়। কিন্তু মরণের রূপ তো সব সময় এক নয়।  
 কয়েক মাস রোগশয্যার কাটিয়ে যা গেলেন নীরবে, অস্ত-কালের ভয়খানিকে চিন্তে  
 নীরবে বহন করে, যেমন ছিলেন নীরবে—জীবনের সংগ্রাম-সংঘাতকে নীরবতার

তলায় চাপা দিয়ে। পেছনে রেখে গেলেন কেবল কল্লার সহজ ব্যক্তিত্বের মধ্যে একখানি মৃদু বিষণ্ণতা বসন্তের প্রথম বারি-ঝরার মতই যা কণারু। আর দিয়ে গেলেন মেথেকে স্বস্তি যদিও মেয়ে তা স্বীকার করল না, লুকিয়ে রাখল। শোকের যে লঘু ছায়াখানি ফেলে গেলেন পেছনে, জীবনের আনন্দ-প্রবাহে তা দু'দিনেই ভেসে গেল।

কিন্তু বাওলের মৃত্যু এল একেবারে ভিন্ন রূপ নিয়ে। অজস্র সন্তোষ ও আনন্দের ভরা-গাঙ্গে তখনও পুরোদমে সঁতার কেটে চলছিল লোকটা। ভেবেছিল আসবে না এই শ্রোত, ফুরাবে না এই সঁতার কাটার শক্তি। অস্তুতঃ শীঘ্র তো নয়ই। তাই শেষের পাতার হিসেব সে করেনি, না সঞ্চয় করেছে পাথের। কাজেই যখন রোগ এল যাবার পরোয়ানা নিয়ে—তখন আস্তিন গুটিয়ে যুদ্ধং দে হি বলে তার মন উঠল ভেদে, এবং লডল সে ভয় নিয়ে, শক্তি দিয়ে—পাহাড় চড়ার সময় তেজী ঘোড়ার মত কঠিন যাতনায় হাঁপিয়ে হাঁপিয়েও ; লডল শেষ পর্যন্ত যতক্ষণ না নিশ্বাস একেবারে ধেমে গেল। বাবার মৃত্যুর এ ভয়ানক ছবি আনেৎ-এর উদ্দীপ্ত মস্তিষ্কের মধ্যে যেন একেবারে গঁথে রইল। রাতে এ ছবি বিভীষিকা হয়ে সামনে এসে দাঁড়ায়—অন্ধকারে বিছানায় শুয়ে তন্দ্রার মধ্যেও ভেসে ওঠে মৃদু অশেষ মর্মান্তিক যাতনার ছবি আর সেই বেদনা ক্লিষ্ট মুখ ; হঠাৎ ঘুম ভেঙ্গে চোখের সামনে মনে হয় অন্ধকারের গায়ে ঝাঁকা ওঠে ছবি। এমনি প্রবল এমনি তীব্র সে-অনুভূতি যে আনেৎ-এর মনে হয় ওঠে যাতনা-কুঞ্চিত মুখ, ওঠে মরণাহত চোখ ওরই , ঐ রুদ্ধ নিশ্বাস বেরুবার পথ খুঁজছে ওরই বুক থেকে। যেন আলাদা নয় ছবির ঐ মরণ-পথ-যাত্রী আর নিছানায় শুয়ে-থাকা, স্তব্ধ জীবিত আনেৎ। গভীর কোটরের মধ্য থেকে ঠিকরে-আসা ঐ দৃষ্টিতে ডুবন্ত মানুষের আকৃতি আর সংগ্রাম। আনেৎ-এর দম বন্ধ হ'য়ে আসতে চায়। কিন্তু বলিষ্ঠ যৌবনের কী অপূর্ব প্রসার ধর্ম। এর মধ্যেও বলিষ্ঠ যৌবন তার প্রাণধর্মে রস খুঁজে পায়। গুণ যতই টানো, জীবনের তীব্র ছুটেবে ততই দূরে আরও দূরে।

ওই যে চোখের সামনে ধূরে বেড়ায়, ও স্বস্তি নয়, ছবি নয়, আগুন, আগুন। অসহ্য চোখ-বলসান তার দীপ্তি আপন তীব্রতায় আপনি জ্বলে জ্বলে নিঃশেষ

হ'য়ে এল—তমিষার ঢাকল স্বরণ-লোক । চলে-বাওয়া মানুষটার চেহারা, তার কণ্ঠধর, এই তো সেদিনকার সেই দীপ্ত সস্তা, সব মিলিয়ে গেল সেই অন্ধকারে । আনেৎ হাতড়ে হাতড়ে আর এতটুকু টুকরোও খুঁজে পায়না ব.বার স্বর্ভিতর । খুঁজতে খুঁজতে শ্রান্ত হ'য়ে ওঠে, হাতে ঠেকে যা, সে হচ্ছে আনেৎ নিক্কে । আনেৎ তাই আজ একা—একেবারে একা । নিরালা, স্বক কাননের ইভ আজ জেগে উঠ'ছে...জাগছে ইভ...দোসর-হারা ইভ...যে দোসর এত দিন পাশে ছিল...বাকে ও চেনেনি, চিনতে চায়নি, সে আজ পাশে নাই । কখন যেন সেই অস্পষ্ট অচেনা মানুষটা ধীরে ধীরে ভালোবাসার রূপ পরিগ্রহ ক'রে চিত্ত জুড়ে বসল । সন্ধে সন্ধে অকস্মাৎ ইডেন উগানের ঘেরা প্রাচীর ধসে পড়ে যার—বিপদের ধবর আসে হাওয়ায় ভেসে । বাইরে থেকে অশান্ত বাতাসে ভেসে আসে মরণের বার্তা আর জীবনের স্বাদ—। আনেৎ চোখ মেলে—যেমন ক'রে মেলেছিল মানুষ সৃষ্টির প্রথম নিশায় বিশ্বয়ে, ভয়ে—আসন্ন সংগ্রামের সহজ অনুভূতি নিয়ে—যেন চারদিকে আনাচে কানাচে অসংখ্য অজানা সংকট ঝুঁপ পেতে আছে । নিমেষে ভেতরকার সুপ্ত শক্তিগুলি জেগে উঠে গা ঝারা দিয়ে একেবারে তৈরী হ'য়ে দাঁড়ায় হাতিয়ার হাতে । নিরালা দুর্গ দুর্ধ্ব বীরের দলে ছেয়ে যায় ।

যনের সমতা ভেঙ্গে গেছে আনেৎ-এর । পড়া, কাজ সব অর্থহীন মনে হয় , হাসি পায় ওর আজ অর্থহীন নেশায় মাতা জীবনটার দিকে তাকিয়ে । কিন্তু এই জীবনটারই অপর অন্ধনের ধূলি-কণায় অল্প ধবর পাওয়া যায় । শোকের ছায়ায় ক্ষণিক আগে তার আকাশ ঢেকেছিল । ছায়া কেটে আজ আবার অসীমের খোঁজ গেছে পাওয়া । বেদনার আঘাতে আঘনে চিত্তের তন্ত্রীগুলি জেগে উঠ'ছে আর বেজে উঠ'ছে । প্রিয়-বিরহে মর্মে যে ক্ষণ জেগেছে তারই চার পাশে ঘিরে আসে ভালোবাসার যত দুর্বীর শক্তি অচেনা, অ-জানা, অ-দেখা । ব.বার মৃত্যুতে মধ্য-শূন্যতার সৃষ্টি হয়েছে অন্তরাকাশে, তারই টানে এরা সব ছুটে বেরিয়ে এসেছে ওর সস্তার কোন গহন তল থেকে । আনেৎ বিস্মিত হ'ল, ত্রস্ত হ'ল এই আকস্মিক উৎপাতে, এবং অঙ্গীকার করতে চাইল এই উৎপাতের আসল পরিচয়কে , বোঝাতে চাইল বার বার মনকে শোকেরই অনুচর পরিচয় এরা । এট যে প্রকৃতি শিশির-ভেজা বসন্ত বাতাসে

ন ভিত্তিয়ে দেয়—মনকে করে সতেজ, উদ্দীপ্ত—সেখানে আগুন জ্বলে আর  
 আলো জ্বলে—বুকের তলার এই আকুলি বিকুলি—স্বপ্নের জন্ম—যে-স্বপ্ন  
 সারিয়ে গেছে আর যা ইচ্ছা হ'য়ে অন্তরে রয়েছে। এই যে স্বপ্ন-চাওরা—যে  
 গওয়ার প্রচণ্ডতাকে ও চিনেছে কিন্তু দেখেনি তার স্পষ্ট রূপ...আর যে দিন  
 গলে গেল দুরু দুরু বক্ষে তারি দিকে [ না, অনাগতের ? ] এই বারে বারে  
 ব্যাকুল ভাবে হাত বাড়িয়ে দেয়া...আনেৎ বোঝাতে চায়...সব...সব...এ সব  
 চুটু-ই উঠেছে ওঠ একই হাওয়ায়। শোকের, বিরহ বেদনার হাওয়ায়। কিন্তু  
 এই বেদনাকে ও পারল না স্তব্ধ করতে ; তা কেবল গলে গলে বিসাদে,  
 আবেগে একটা ছায়াময় অস্পষ্ট আনন্দাত্মভূতিকে মিলে-মিশে একাকার হ'য়ে  
 কমন এক রহস্যময় রূপ পরিগ্রহ করল। এই নব-রূপ শুকে একেবারে  
 আচ্ছন্ন ক'রে গ্রাস ক'রে ফেলল—এবং এই পরাভবের বিরুদ্ধে বিদ্রোহী হ'য়ে  
 উঠল আনেৎ-এর মন...

আজের এই এপ্রিল-শেষের সন্ধ্যায় বিদ্রোহ, বিপ্লবে বিক্ষুব্ধ আনেৎ। ওর  
 চিন্ত তার দার খুলে বহুক্ষণ ভাবনাগুলোকে ঝেড়ে রেখেছিল অনন্ত আকাশে...  
 অবাধ স্বাতন্ত্র্যে সেই পাখীর দল এলোমেলো ভাবে দিক-বিদিকে ছড়িয়ে গেল।  
 আনেৎ-এর সাবধানী, বিচার-শীল মন দেখল বিপদ ; উঠল চোখ রাখিয়ে,  
 উদ্ভত ডানাগুলোকে বেধে ফেলতে গেল। দেখল সহজ নয় সে-কাজ—খাঁচা-  
 হাড়া ওই পাখীর দল আজ অবাধ্য ; চিন্ত হয়েছে দেউলে ; শাসন দণ্ড ধসে  
 পড়েছে তার হাত থেকে।

...ঘরে অগ্নিকুণ্ডকে ঘিরে কত স্বপ্নসায়র, বাইরে কুহক জড়ানো রাত্রির  
 অভিসার। আনেৎ ছিনিয়ে নের নিজকে এদের রোমাঞ্চ থেকে। আপনাকে  
 ছিনিয়ে নিয়ে উঠে দাঁড়াল। শীত করেছে...বাবারই একটা ড্রেসিং-গাউন টেনে  
 গায়ে জড়িয়ে নিল। তারপর জ্বলন্ত বাতি—আলোয় ভেসে গেল ঘর।

রাওল রিভিয়ের পাঠ-কক্ষ। প্রশস্ত, খোলা বাতায়ন পথে সামনের ওই  
 বিরল-পত্র গাছের ফাঁকে দেখা যার সীন্ নদী...আধারের পরিবেশে তার স্থির  
 স্তব্ধ জল, আর তারি বুকে পড়েছে ওপারের গৃহ-সারির ছায়া। বাতায়নে

বাতায়নে একে একে জল আলো...সেইক্ট্ ক্লাউড্ পাহাড়ের আড়ালে ওই  
 নিশেষ হচ্ছে দিনের দীপ...সূর্য আলোর ছায়া পড়েছে নদীর কাণ্ডে বৃকে ।  
 রাওলের কুচি-বোধ ছিল সূক্ষ্ম । কিন্তু ধনী মকেলদের খেলাল-খুশি আর তাদের  
 বিকৃত জীবন ধারার সঙ্গে তাল মিলিয়ে রাওল তার কুচি-বোধকে ঠেলে  
 দিয়েছিল পরোক্ষে । এবং সেই কারণেই পারীর গেটের সামনে চতুর্দশ লুইয়ের  
 সময়কার ধাঁচের তৈরী একখানা বাড়ী ও বেছে নিয়েছিল । ওর স্বকীয় কুচি  
 তৃপ্ত হয়নি এ-নির্বাচনে—আরাম-বিরামের যথাসাধ্য ব্যবস্থা করে নিয়েছিল  
 যদিও । রাওলের এই পার্থ-কক্ষের উপযোগিতা অন্য দিকেও ছিল—অর্থাৎ এ  
 স্থান ছিল ওর জীবনের গোপন অধ্যায় অভিনয়ের মঞ্চ ; এবং তার উপযোগী  
 সর্বপ্রকার ব্যবস্থা করা ছিল এখানে । এ দিক থেকে রাওলের হাতে এ ঘর-  
 খানার ব্যবহার হয়েছে বেশ ভালো রকম । বাগানের দিকে গুপ্তদ্বার পথে বহুবার  
 বহু অভিসারিকা এ কক্ষে স্বাগতা হয়েছেন লোক চকুর অগোচরে । গত  
 দু'বছর মাত্র এ দরজা খোলা হয়নি । নারীর মধ্যে এখানে প্রবেশ করেছে  
 একমাত্র আনেৎ । সে এসেছে গেছে, জিনিসপত্র ঝেড়েছে, গুছিয়েছে,  
 ফুলদানীর জল বদলিয়েছে...অনবরত চলেছে আর ফিরেছে । তারপর হয়ত  
 হঠাৎ আপনার প্রিয় আসনটির কোলে গুটি স্টি হ'য়ে বসে প'ড়ে একখানা বইএর  
 ওপর স্থির হ'য়ে ঝুঁকে পড়েছে । ওখান থেকে দেখা যায় এঁকে বেকে ব'য়ে  
 ষাওয়া নদীর শান্ত নীরব-শ্রী । আনমনা পড়ার ফাঁকে ফাঁকে আনমনা ভাবে  
 কথা বলেছে মাঝে মাঝে বাবার সঙ্গে । বাবা একটু দূরেই বসা—কেমন যেন  
 ক্লান্ত আর চঞ্চল । দেখা যায় মুখের একটি পাশ—খোদাই করা মুখ । অপাত্তের  
 চতুর শানিত দৃষ্টিতে আনেৎ-এর প্রতিটি ছোট খোট নড়া-চড়া ধরা পড়েছে ।  
 আব্দেরে দুই ছেলের মতই বুদ্ধ খোকাটির দাবী, যেখানে যে-অবস্থায়ই তিনি  
 থাকুন থাকবেন সকলের বাক্য-চিন্তা-দৃষ্টির একেশ্বর হ'য়ে । এর অন্তথা ওঁর  
 বরদাস্ত হর না । কাজেই মেয়েকে আনমনা দেখলেই হাসি-ঠাট্টা দিয়ে, হাজার  
 প্রশ্ন করে উদ্ভাস্ত করে মেয়ের মন টানবার চেষ্টা করে এবং সেই সাথে পরখ  
 করে নেয় সত্যি মেয়ের মন কোন্ দিকে আছে । তারপর কতক বিরক্ত হ'য়ে  
 আবার কতক ঝুঁকে না হ'লে বাবার চলে না এই আনন্দেও ও ছেড়ে দিল সব

কিছু ; বাবার সেবা আর মনোরঞ্জে একেবারে নিজকে দিল ঢেলে । রাওল খুশি হয়, নিশ্চিন্ত হয় । ওর বহিঃসংসার আর সমাজ এখন ওই কড়া । নিঃসংশয় হয়, এই নূতন পৃথিবীর কক্ষপথ ঠেকে ঘিরেই । অতএব তার ওপর আপন ঐশ্বর্যময় মনের বিভব দুহাতে ঢেলে দিতে বসে রাওল এবারে খুলে দেয় মনের দ্বার—আলোর দল হাউই-এর মত ছোট্ট আকাশে । উন্মুক্ত হয় স্বতির ভাণ্ডার । অবশ্য সাবধানী রাওল অতি সাবধানে মেরের মন আতি-পাঁতি করে খুঁজে দেখে তার রুচি-অরুচি, মনের ভাঁজে সংগোপনে-থাকা কৌতূহল—সব কিছুর একটা পরিষ্কার হিসেব করে নেয় , আবার হঠাৎ বে কখন তীব্র বিরূপতার কালোমেঘে মেয়েটার মুখ ছেয়ে যাবে আর উঠবে আচম্বক। ঝড়, তারও পূর্বাভাস ওর চতুর মন আর সন্ধানী দৃষ্টি সুপটুভাবে কমে ফেলে । এবং সেই অনুসারেই ভালো করে ঝাড়াই বাছাই করে যা দেবার মেয়ের হাতে তুলে দেয় । ঠিক যেটুকু জানতে চায় মেয়ে তাই কেবল বলে রাওল , এবং মেঘে শোনে সর্ব সস্তা দিয়ে, সর্ব অক্ষ আর প্রত্যক্ষ দিয়ে—সেই ওর গোটা অস্তিত্ব তাদের বিভিন্নতা আর বৈশিষ্ট্য হারিয়ে একমাত্র শ্রুতি-যন্ত্র হয়ে গেছে । শোনে আর গবিত হয় । বাবা শুকে বিশ্বাসের পত্রী বলে গ্রহণ করেছেন । তাঁর এই স্বীকৃতি ওর কাছে পরম গর্বের বস্তু । এবং সেই গর্বে ওর এমনি বিশ্বাস হয়ে ওঠে যে—যা যা জানতেন তার চাইতেও ও বেশী জানল বাবাকে, দেখল তাঁর গৃহ জীবনকে—যেখানে প্রবেশাধিকার পেল একমাত্র ও এবং সেই জীবনের নিগঢ় ইতিহাসের একমাত্র অছি ও ।

বাবার মৃত্যুর পর আর একটা দায় এসে পড়ল ওর হাতে । সে হলো তাঁর রাশি-কৃত কাগজ পত্র । ওগুলো সম্বন্ধে আনেৎ-এর কৌতূহল নেই । বরঞ্চ মৃতের প্রতি অন্ধবোধ ওকে বলে ওই বস্তুতে ওর অধিকার নেই । অন্য আর একটা চিন্তা আবার ঠিক উন্টে। কথা বলে । আনেৎই ওর বাবার একমাত্র উত্তরাধিকারিণী—এবং হঠাৎ ওর মৃত্যু যদি হয় তবে এ সব অস্ত্রের হাতে পড়বে । অতএব এগুলোর একটা পাকা ব্যবস্থা দরকার । অস্ত্রের হাতে পড়তে দেওয়া কোন মতেই চলে না । সেজন্যই ভালো করে পরীক্ষা করে দেখা প্রয়োজন ওগুলো রাখা দরকার না নষ্ট করে ফেলা উচিত ।

ক'দিন হ'লো এই সিদ্ধান্তই পাকা ক'রে রেখেছে আনেৎ । কিন্তু সন্ধ্যাবেলায় যখনই আনেৎ এ-ঘরে এসেছে ঐ উদ্দেশ্যে, সব সাহস গেছে হারিয়ে । মনে হ'তে থাকে ঘরখানার শূন্যতায় ভরে আছে ওর হারানো প্রিয় পিতা । সে তো যায়নি, সে যে জুড়ে আছে ঘরখানার প্রতি অনুর্তে অনুর্তে, প্রতিটি জিনিসে । ভয় করে, হাত ওঠেনা চিঠির তাড়া খুলতে—কে জানে কোন্ রুঢ় বাস্তবের মুখোমুখি হ'তে হবে তাহ'লে । তাই নিশ্চল হির প্রতিমার মত বসে বসে ঘণ্টার পর ঘণ্টা কাটিয়ে দেয় শূন্যতা ভরে-থাকা প্রিয় সন্তার ধ্যানে ।

তবু কর্তব্য সাধন করতেই হবে । অতএব আজ সন্ধ্যায় ও মনকে বোধে ফেললে । রাত্রি নেমেছে, অপূর্ব স্নিগ্ধ রাত্রি—কোমলতায় বাধ ভাঙ্গা । এলো-যেসো ক'রে দেয় সব । আনেৎ চকিতে অনুভব করে শোকের ভরা-শ্রোতে ভাটার টান লেগেছে । সঙ্করে হির হয় মন, যে গেছে চলে তার উপর আর কারুর অধিকারই মানবে না ও । তার ওপর একান্ত ক'রে ওরই অধিকার । তাকে শিথিল হ'তে দেবে না আনেৎ । এগিয়ে গেল ও পঞ্চদশ লুইয়ের সময়কার পদ্ধতিতে তৈরী গোলাপ কাঠের আলমারীর দিকে । নেহাৎ সৌখীন জিনিস—নারীর মন ভোলান পেশা বাদে তাদেরই সাজে এ—কাজের যোগ্য নয় ঠিক । এটার মধ্যে রাওলের চিঠি আর ব্যক্তিগত কাগজপত্র রাখা আছে । সাত-আটটি দেবাজে ভাগ ভাগ ক'রে সাজান । অতগুলি দেবাজ-ওয়াল জিনিসটাকে আমেরিকার গগন-চুখী সৌধের মত দেখায় । আনেৎ ঝুঁকে প'ড়ে সব চেয়ে নীচু দেবাজটি টানে । ভালো ক'রে দেখবার সুবিধার জন্তু দেবাজটা একেবারে বের ক'রে নিয়ে আগুনের পাশে নিজের জায়গায় ফিরে আসে এবং ঝুঁকে প'ড়ে দেখতে আরম্ভ করে । এতটুকু শব্দ নাই বাড়ীতে । মানুষট বা কে আছে ! এক ও নিজে, আর বুড়ী পিসী । গৃহস্থালী আর সংসার দেখা শোনা করেন তিনি—আমলেই আনে না তাকে কেউ । এতদিন চাপা প'ড়ে ছিলেন ভাইয়ের আড়ালে । ভাই যতদিন ছিল—সেবা করেছেন তার, আজ সেবা করেন ভাইবির । পোষা বুড়ো বেড়ালটার মতই অস্তিম বয়সে বাড়ীর আসবাবের সামিল তিনি—বাধা পড়ে আছেন এই গৃহের আর প্রতিটি গৃহবাসীর সঙ্গে—দেহে-মনে জড়িয়ে । সন্ধ্য হ'তে না হ'তেই নিজের ঘরে



গিরে ঢোকেন। ওপরের তলায় ঘর। সেখানকার সুদূর অস্তিত্বটুকু, তার ফেণ্ট-ছাওয়া শুকতলী-ওয়ালা ছুতোর নিঃশব্দ লক্ষ্য-সংকার, আনেৎ-এর চিন্তা-স্রোতে কোন বাধা ঘটায় না।

অস্বস্তি আর কৌতূহল মিশিয়ে আনেৎ পড়তে আরম্ভ করে। কিন্তু ওর শাস্তি-পিয়াসী মন আর শৃঙ্খলাধর্মী মানসিকতা ওর পরিবেশের সব কিছু বেশ সাজিয়ে গুছিয়ে, ছিম-ছাম ক'রে রাখতে চায়। এবং সেই অভ্যাসেই চিঠিগুলো খুলতে গিরে হাত চলে ধীরে ধীরে। আর কেমন একটা ওঁদাম্পের শীতলতা খানিকক্ষণের জন্ত মনকে বিভ্রান্ত ক'রে দিয়ে যায়।

প্রথম চিঠিগুলো ওর মায়ের লেখা। লেখার ভঙ্গী এবং গুরুর উন্নয় ওর মনে পড়ে যায় প্রথমাবস্থায় মায়ের উপর ওর মনোভাব। প্রায়ই মায়ের অক্ষুণ্ণ হয়নি সে-মনোভাব। মাঝে মাঝেই মনটা বিগড়ে গেছে—যদিও করুণাও রয়েছে। যুক্তির সু-উচ্চ চূড়ায় বসে মায়ের ব্যবহারকে দেখেছে ও মনের দাহ্যহীনতা বলে এবং করুণায় দীর্ঘখাসও পড়েছে—‘আহা বেচারী মা!...’ কিন্তু এক এক ক'রে চিঠিগুলো পড়তে পড়তে ওর দৃষ্টির সামনে থেকে কুয়াশার আবরণটা খসে পড়ে গেল। আজ প্রথম বুঝল মায়ের মনের অসুস্থতা নেহাৎই অকারণ নয়। বিবাহিত জীবনের মর্খাদা বাবা রাখেন নি তার উল্লেখ পাওয়া গেল কোথাও কোথাও। আনেৎ-এর মনটা বিকল হ'য়ে গেল। বাবার প্রতি পক্ষপাতিশয্যে: ও তাঁর বিপক্ষে রায়ও দিতে পারছে না, কাজেই যেন বোঝেনি কিছু ভালো ক'রে এমনি ভাবে তাড়াতাড়ি চিঠিগুলো প'ড়ে যেতে লাগল। বাবার প্রতি অক্ষয় ও চোখ ফিরিয়েই রইল এবং থাকার স্বপক্ষে চমৎকার অসংখ্য অকাটা বুক্তিও দিল। কিন্তু চিঠির পাতায় পাতায় মায়ের পরম ব্যগ্রতা আর ব্যাকুলতা, তাঁর বেদনা-বিক্ষত কোমল হৃদয়খানি নিঃশেষে উন্মোচিত হ'য়ে পড়ে। ওর অস্তুর তীব্র গ্নানিতে ভ'রে যায়—বেচারীকে ভুল বুঝেছে বলে। ভুল বুঝেই এই শহীদ-বীরের বেদনার বোঝা আরো ভারী ক'রে তুলেছিল আনেৎ। হ্যাঁ শহীদ, ওর মা শহীদ। দুঃখ-দেবতার বেদীতে নির্ভয়ে নীরবে এই সাহসিকা আপনাকে উৎসর্গ ক'রে গেছেন।

ঐ দেবাজেই তাড়ায় তাড়ায় আরো কতগুলি চিঠি ছিল—( কতগুলি আবার আলা হ'য়ে ওর মায়ের চিঠির সঙ্গেই মিশে ছিল )—অবহেলায় এলোমেলো ক'রে রাখা—যেমন ছিল এইসব পত্রের লেখিকারা বারা বহু-প্রেম-বিলাসী রাণেলের অসংখ্য সংসারের অধিবাসী ছিল ।

আনেং সংকল্প করেছিল, মনের শান্তি-ভঙ্গ হ'তে দেবে না । কিন্তু সেই সংকল্পের সামনে আজ একী পরীক্ষা ! নূতন তাড়াটার প্রতিটি চিঠি হ'তে অস্তুরঙ্গ কণ্ঠ সব কথা ক'বে ওঠে—অধিকার-বোধের দৃঢ়তা সেই কণ্ঠে । এবং এই বোধের বলিষ্ঠতায় মাদাম রিভিষেকে বহু পেছনে ফেলে গেছে । রাণেলের ওপর তাদের ষোলআনা মালিকানা স্বত্ব স্পষ্টাক্ষরে ঘোষিত হয়েছে প্রতি ছত্রে । আনেং-এর অস্তুর বিদ্রোহী হ'য়ে ওঠে । চিঠিগুলোকে দুমড়ে মুচড়ে আগুনে ফেলে দেয়—পরক্ষণেই আবার টেনে বের ক'রে নিয়ে আসে ।

কতগুলো চিঠি একেবারে পুড়ে গেছে । কেমন একটা কুণ্ডায় ও তাকিয়ে থাকে সেগুলোর দিকে । একটু আগেও ওর বাবা মার কলচের ব্যাপারে প্রবেশ করবার প্রবৃত্তি ছিল না । এবং এই না হবার পক্ষে যে সুদৃঢ় কারণ তখন ছিল—তার চেয়ে বড় কারণেই বাবার চরিত্রের এই অবাস্তব উচ্ছ্বলতা নিয়ে নাড়াচাড়া করার অনিচ্ছা হওয়াই ছিল স্বাভাবিক । কিন্তু সব যুক্তি কারণ ভেসে গেল । ওর মনে হ'ল ও ব্যক্তিগতভাবে লাহিত হয়েছিল । অপমানটা ওরই, আর কারো নয়, কিন্তু কেন কেমন ক'রে হ'লো, এ প্রশ্নের অবশ্য কোন জবাব নেই । সামনের দিকে ঝুঁকে পড়ে স্থির হ'য়ে রইল ও । নাকের ডগাটা কুঞ্চিত হ'লো, বিরক্তিতে মুখটা গেল বেকে ; হাতের মঠের মধ্যে চিঠিগুলো রয়েছে ধরা—স্পর্ধিত অনিয়মের স্বাক্ষর—ওগুলোকে আবার আগুনের মধ্যে ফেলে দিতে ইচ্ছা হয় ওর—। প্রবল উত্তেজনায় ও কাঁপতে থাকে ধরধর ক'রে ক্রুদ্ধা মার্জারীর মত । কিন্তু মঠো আলা হ'তেই লোভ হয়—দেখতে হবে কি আছে ওদের মধ্যে । এবং মুহূর্তে সংকল্প স্থির ক'রে দোমড়ান চিঠি খুলে হাত দিয়ে কোঁচকান ডাঁড়গুলো সমান করতে করতে পড়তে আরম্ভ করে । এবং এক এক ক'রে সবগুলোই পুড়ে ফেলে ।

'একের পর এক চলেছে কেবল প্রেম কাহিনী,—কিছু জানতে পারেনি আনেৎ। প্রবল ঘুণার সাথে (কৌতূহল যেন হচ্ছে তা নয়) ও পড়ে চলে। এইসব নানা রংএর নানা ছাঁদের কাহিনীতে মিলে এক বিচিত্র ইতিহাস। খেরালী রাওল শিল্পের মত প্রেমের ব্যাপারেও সময়োপযোগী রং নিয়ে কারবার করেন।

পত্র লেখিকাদের মধ্যে আনেৎ-এর স্ব-সমাজের এবং সম-শ্রেণীর অনেককেই ও চেনে। অনেকের কাছে আদর আপ্যায়নও পেয়েছে বহু। আজ সেসব কথা মনে হ'তেও কেমন স্তম্ভিত আসে। এছাড়া আর যারা, তারা সমাজের অনেকটা নীচু ধাপের। লেখার মধ্যে যেমন তাদের বানান তেমনি তাদের ভাব-প্রকাশের দুল ও অসংযত ভঙ্গি। আনেৎ-এর মুখ ক্রমেই ঘুণায় কুঞ্চিত হ'য়ে ওঠে। চোখের সামনে এই সব লেখিকাদের ছবি ভেসে ওঠে...কাগজের ওপর উপুড় হ'য়ে পড়েছে মেয়েগুলো...চোখের ওপর এসে পড়েছে এক গোছা চুল...জিতের ডগাটা পড়েছে বেরিয়ে...আর চিঠির ওপর কলমের ঘোড় দৌড় চলেছে...ভারী মজার, হাসি পায়। বাবারই মত তীক্ষ্ণ আর ব্যঙ্গ-ভরা মানস-দৃষ্টি দিয়ে এ ছবি দেখে আনেৎ। এই সব প্রেমাত্তিষাক্তা আর অভিসারের কাহিনী সংখ্যায় যতই হোক, আয়ু আর প্রসার কোনটারই বেশী নেই। দুদিন আগে আর পরে। একটার পর একটা, তার পর আর একটা...যেন প্লেটের পর লেখা মুছে আবার লেখা। এও ভালো...একটা মুছে আর একটা...কিন্তু এর হৃদয় ক্ষত-বিক্ষত হ'য়ে ওঠে...বিকপতার কুকড়ে এতটুকু হ'য়ে যায়।

এই-ই সব নয়। আরেকটা দেবরাজও আছে। বেশ বস্ত্র করে রাখা [ মায়ের চিঠির চাইতেও বেশী ] একটা নূতন তাড়া—আর এক নূতন কাহিনী। অকস্মাৎ অধ'পথে বিলুপ্তির ছেদ টানা নাই এ কাহিনীর। লেখা থেকে তারিখ ঠিক বোঝা গেল না। তবু বা বোঝা গেল চিঠির কাহিনীর এ অধ্যায় বেশ সুদীর্ঘ

কালের ধারা বেয়ে চলেছে। ছ'রকম হাতের লেখা—একটায় অশুদ্ধ ভাষায় আকা-বাকা শ্রীহীন হস্তাক্ষর; তাড়াটার আধখানা ভরা এমনি চিঠিতে। বাকীগুলোর প্রথম ক'থানার প্রথমটার লেখা কাঁচা। তারপর ক্রমেই সে-লেখা স্থির পরিণতির দিকে এগিয়ে গেছে...বাবার মৃত্যু পর্যন্ত বরাবর চলেছে এ চিঠি। আনেৎ-এর বুকটা মোচড় দিয়ে ওঠে এই আবিষ্কারে। কে এই লেখিকা? একটা পবিত্র নিভৃত জগতের একমাত্র অধিকারিণী ছিল আনেৎ। কে এই মানুষ যে সেই অধিকারের একটা বড় অংশ ওর কাছ থেকে ছিনিয়ে নিল? সেই পবিত্র ভূমিতে প্রবেশ ক'রে ওর বাবাকে বাবা ব'লে সম্বোধন করছে!

অসহ্য যাতনার একটা জলন্ত পীড়া ওর অনুভূতিকে আচ্ছন্ন করে। রাগে বাবার ড্রেসিং-গাউনটা খুলে ছুঁড়ে ফেলে দেয়। হাত থেকে চিঠিগুলো পড়ে যায় নাটতে। অবশ দেহে চেয়ারে এলিয়ে পড়ে। চোখ যেন শুকিয়ে মরুভূমি; গাল দুটো জ্বালা করছে। এই মনোবৈকল্যকে ও বিশ্লেষণ করল না। পারল না করতে। মনটা একেবারে ওলট্ পালট্ হ'য়ে গেছে। এই ঘূর্ণিপাকের ওপর দিয়ে ডাবনার খেঁটাকে ও খুঁজে পেল না। বঞ্চনা? হ্যাঁ, বঞ্চনা, বঞ্চনা—ওর সারা মন চিন্তার করে জলন্ত স্বরে : বঞ্চনা—রাঙল থেকে বঞ্চনা করেছে।

আবার সেই ঘৃণিত চিঠিগুলো তুলে নিল। এবারে প্রতিটি চিঠির প্রতিটি অক্ষর নিঃশেষে পড়ে চলল! ঠোঁট কঠিনভাবে দাঁতে চাপা—নিঃশব্দ ক্রম জ্ঞার দীর্ঘ—বুকে আগুন...হিংসার আগুন...আরো কি যেন...এখনও অস্পষ্ট, বুঝতে পারছেন না আনেৎ...কি যেন একটা অনুভূতি জেগে উঠে মাথা তুলেছে... তবু চিনতে পারছেন না ও। ওর একবারও মনে হ'ল না—বাবার গোপন অন্তঃপুরে এমনি ক'রে পা দেওয়ার কোন অপরাধ হয়েছে বা কোন নীতি-বিরোধী কাজ হয়েছে। না, করেনি কোন অপরাধ। অধিকারের বাইরে ও পা দেয়নি। এ ওর অধিকার...। মুহূর্তের তরেও এ অধিকারে ওর সংশয় জাগল না [ অধিকার? কোথায় গেল তোমার যুক্তি আর বিচার আনেৎ...! এ কোন স্বৈর-তন্ত্রী, বিক্রোহী কঠোর ডায়া! ]...বরঞ্চ ওর মনে হ'ল ওর দাবী উপেক্ষিত হয়েছে, আর সে-উপেক্ষা করেছেন বাবা নিজে।

শান্ত হয় মন। বুঝতে পারে, বড় আত্ম-বঞ্চনা করেছে আনেৎ। কি অধিকার 'ছিল' ওর বাবার ওপর? ওর কাছেই বা তাঁর স্বপ্ন কি ছিল? স্বাধিকার-দৃষ্ট ওর মন দৃঢ় কর্তে ব'লে ওঠে : 'ছিল, ছিল, পুরো অধিকার ছিল।' কিন্তু বৃথা তর্ক। নৃষ্টি-হীন বিষম একটা ক্রোধের ঝাপ্টায় পাক ধায় আনেৎ। বুকের' ক্ষতটা টনটন করে ওঠে। বেদনায় কাতর হ'য়ে পড়ে,—আবার সেই সাথে একটা তীব্র, তিক্ত উল্লাসে জ্বলে ওঠে মন...কতগুলি শানিত ছোঁরা যেন নিধছে কাঁচা মাংসের মধ্যে নির্মমভাবে...এক বিচিত্র বেদনা—এ বেদনা আজ প্রথম জানল আনেৎ...উল্লাসে ব্যথায় মিলিয়ে এক বিচিত্র অনুভূতি।

চিঠি পড়তে পড়তে রাতের অনেকটা কেটে গেল। তারপর শুতে গেল যদি,—স্বপ্ন এল না। বন্ধ চোখের সামনে চিঠিগুলো ভাসে। চোখ বুজে বুজেই ও প'ড়ে চলে বারে বারে। চমকে ওঠে থেকে থেকে। তারপর কখন ঘুম এনে যায়। তরুণ জীবনের বলিষ্ঠতায় ঘুমও বলিষ্ঠ। গভীর নিশ্বাস—এলিয়ে-পড়া দেহ—নিখর নিস্পন্দ আনেৎ-এর ঘুমন্ত দেহ। একটা নিটোল শাস্তি ছেবে আছে সেই দেহের সারাদিনের অবসাদ ঘিরে। ঝড় ব'য়ে গেছে ওর ওপর দিয়ে—ভেঙ্গে চূড়ে দিয়ে গেছে একে সেই ঝড়ে।

পরের দিনও আবার পড়ল চিঠি। তার পরও ক'দিন লাগল। অনেক বার ক'রে পড়ল। কেমন চিন্তার সাথে একেবারে জড়িয়ে থাকে কাগজগুলি। ওরই জীবনের সাথে সমান্তরাল শ্রোতে আডাল দিয়ে ব'য়ে চলে আরও ছুটি জীবনের মিলিত একটি ধারা। আনেৎ ভাবে তাদের কথা—মা আর মেয়ে। মা ফুল বেচে...রাশুলের টাকায় পরে একটি ফুলের দোকান দিয়েছিল। মেয়ে—ঠিক বোঝা গেল না, বোধহয় কোন পোমাকের কারখানায় সেলাই-এর কাজ করে। মা—মেয়ে...ডেলফিন—সিল্ভী...মা আর মেয়ে...। আনেৎ ভাবে সমান্তরাল ঐ প্রবাহটার কথা...যবনিকার একধারে ও, আর একধারে ঐ আরেক ধারা—মা-মেয়ের, ডেলফিন-সিল্ভীর জীবনধারা...ওই ধারাটার মোড় ঘুরিয়ে এনে আনেৎ মিলিয়ে দেবে আপনার জীবন-ধারার সাথে! রচনা করবে নূতন বৃহত্তর শ্রোতধিনী! অঙ্কত ঐ যেমন তেমন ক'রে লেখা চিঠিগুলো...অঙ্কত লেখার ধরন...আর অঙ্কত প্রকাশ-ভঙ্গী। হেলান কেলায় লেখা, কিন্তু তবু কেমন

একটা বড় রকম মন-ছোয়া গোছের ভাব আছে। দুজনের লেখার ধাঁচ প্রায় একরকম। লেখা থেকে ডেলফিনকে মনে হয় হাসি-খুশি সহজ মানুষটি; অবিভ্রি চিঠির পাতায় মাঝে মাঝে যে গরম না আছে তা নয়; তবে বোঝা যায় দাবী-দাওয়ার ঝড়ে উদ্ভাস্ত করে তোলেনি রাওলকে সে। মা-মেয়ে কেউই জীবনটাকে ট্রাজেডী বলে নেরনি—নিয়েছে সহজ ভাবেই। তা' ছাড়া আরেকটা জিনিস বেশ স্পষ্ট—রাওলের ভালোবাসার ওপর দুজনেরই অসংশয় বিশ্বাস। হয়তো এই লোকটির কেবলি-পিছলে-যাওয়া ভালোবাসাকে ধরে রাখার এ ছাড়া উপায়ও ছিল না আর। আনেৎ ভাবে—এ উদ্ধত স্পধ। এই একান্ত বিশ্বাস; স্পধ। এই মা-মেয়ের চিঠির একান্ত অন্তরঙ্গ সুর। আনেৎ-এর মন আবার আলোড়িত হ'য়ে ওঠে...স্পধ।...স্পধ।...

বেশী হিংসা হয় সিল্ভীর ওপর। তবু সিল্ভীই আবার মন টানে। ডেলফিন্ নাই—সে ওপারে। কিন্তু তবু বাবার সাথে তার একান্ত ঘনিষ্ঠতা, এই একান্ত-কাছে-আসা আনেৎ-এর গর্বে আঘাত করে...মন ঘুণায় ভরে ওঠে। বাবার এমনি কত গোপন ইতিহাস ওর সামনে এই কদিন আগেই খুলে গেছে...আর ঘুণায় ও অপমানে ও পাগল হ'য়ে উঠেছে। কিন্তু আজ সে-জালা মিলিয়ে যাচ্ছে। কারণ আজ অধিকতর শক্তিশর, নূতনতর প্রতিদ্বন্দ্বী ক্ষেত্রে অবতীর্ণ। অতএব আজ তুচ্ছ আর সবাই, তুচ্ছ আর সব। ডেলফিন্ ...ডেলফিন্...বিজয়িনী ডেলফিন্। কল্পনায় আঁকতে চেষ্টা করে এই অপরিচিতার ছবি। কিন্তু অপরিচিতা কি? ঘুণা আর ক্রোধের ঝাঁকে তাকিয়ে দেখে আনেৎ—একেবারে অপরিচিতা মনে হচ্ছে না তো। যেন চিনেছে ...চিনেছে ও এই মেয়েকে, অন্ততঃ ধানিক চিনেছে। বিশেষ করে সিল্ভীকে। কিন্তু চিঠির বৃকে সিল্ভীর এই হাসি-তরল সহজ-সুর, অন্তরঙ্গতার শাস্ত, স্বচ্ছন্দ প্রকাশ; বাবার ওপর অধিকারের নিঃসংশয় নিশ্চয়তা—যেন বাবা ওরই অর্জিত বিত্ত, ওই একমাত্র অধিকারিণী তার। আনেৎ-এর মন আবার জ্বলে ওঠে: স্পধ।! স্পধ।! দৃষ্টির আগুনে ও দাহ করবে আজ এই অপরিচিতা মেয়েকে। কিন্তু বিচিত্র! ভয় পেলেনা মেয়েটা—বে বল-প্রকাশ করে ওর স্বাধিকারের ক্ষেত্রে অনধিকার প্রবেশ করেছে। অপরাধিনী বালিকা

মাথা মত করলে না তো ওর দৃষ্টির সামনে। তার ওপর আবার মাথা তুলে স্পষ্ট নির্ভীক কণ্ঠে বলছে : 'আমারও অধিকার আছে, তোমার বাবা আজ আমারও বাবা !'

সত্য, সত্য, সত্য এ-দাবী। আনেৎ ভালো ক'রে মনের তলাটা খুঁজে দেখে—এই তো রয়েছে এ-সত্যের স্বীকৃতি—দেখে, বোঝে আর জলে। যতই দেখে আরো বেশী ক'রে জলে। না, ভাববে না। মনের ত্রিসীমা থেকে সরিয়ে দেবে এ সত্যের সঙ্গে ওর স্বীকৃতির লড়াই। নইলে ধীরে ধীরে হয়তো মেনেই নেবে সত্যটাকে আর এ-সত্যের অধিকারিণীকে, ওর বৈরীকে। কিন্তু আনেৎ পারলে না স্বন্দ মেটাতে। ভোরে প্রথম চোখ মেলেই দেখলে—সিল্ভী এসে জুড়ে বসে আছে ওর মন—সিল্ভী, ওর প্রতিদ্বন্দ্বী সিল্ভী। প্রভাতের আকাশে ভেসে বেড়াচ্ছে তার সংশয়হীন কণ্ঠ—'আমি তোমারি আত্মীয়া আনেৎ। তোমার আমার দেহে একই রক্তের ধারা।' স্পষ্ট, ঋদ্ধ, বলিষ্ঠ, দুগ্ধ রুগ্ন যেন শোনে আনেৎ।

আনেৎ স্বপ্ন দেখে ওকে—এমনি জীবন্ত সে-স্বপ্ন যে আধো ঘুমে তাকে আলিঙ্গন করতে হাত বাড়িয়ে দেয় সে।

সিল্ভীকে চাই, চাই—অধীর আকাজক্ষায় চঞ্চল হ'য়ে ওঠে সে। মন প্রতিবাদ ক'রে চোখ রাক্ষয়, এমন অসঙ্গত চাপুয়া কেন তোমার আনেৎ। হার মানেন না তবু মন। আনেৎ বেরিয়ে পড়ে, সে খুঁজে আনবে সিল্ভীকে।

[ চার ]

ঠিকানা ছিল চিঠিতেই। সিল্ভীর আস্তানার দিকে চলল আনেৎ। বেলা প'ড়ে এসেছে। সিল্ভী তখনও দোকানেই। সেখানে গিয়ে পরিচয় করার সাহস হ'লোনা। ফিরে এল ও। কয়েক দিন বাদে সেদিন ডিনারের পর সন্ধ্যার সময় গেল আবার। সিল্ভী ফেরেনি তখনও, বা এসে আবার বেরিয়ে গেছে। আনেৎ আজও ফিরে এল একটা বিরাট নৈরাশ্র

আর উত্তেজনা নিয়ে। প্রতিদিন অমনি করেই ফিরেছে ও। মনের কোণে কেমন একটা ভীকতাও উঁকি মারতে চায়। কেন বুধা ঘরে মরছে! না, আনেৎ ছাড়বে না। কাজ হাতে নিয়ে ছাড়ে না, ছাড়তে জানে না যারা আনেৎ সে-দলের মেয়ে। আনেৎরা ভয় পায় না বাধাকে, পায় না পরিণামকে—এরা কেবল করে, সরে না।

অতএব আর একদিন। সন্ধ্যা হ'য়ে এসেছে প্রায়। জিজ্ঞাসা ক'রে জানা গেল বাড়ীতেই আছে সিল্ভী। সিঁড়ির পর সিঁড়ি—ছয় ধাপ। ওপর তলায় থাকে সে। আনেৎ ওপরে উঠতে লাগল প্রায় দৌড়ে দৌড়ে—কি জানি হঠাৎ কাঁক পেয়ে মন যদি ব'লে বসে—‘আনেৎ ফেরো!’ ওপরে যখন পৌঁছুল ওর হাঁপ ধ'রে গেছে। দম বন্ধ হ'য়ে আসতে চাইছে। শেষ ধাপে এসে দাঁড়াল একবার। এর পর কোন্ যবনিকা উঠবে কে জানে।

অপরিসর লম্বা একটা টালি ছাওয়া প্যাসেজ—শূণ্য মেঝে, কোন কিছুই আবরণ নাই। ডাইনে বায়ে দু'টো দরজা... দুটোই একটু খোলা। এক ঘর থেকে আরেক ঘরে ডেকে ডেকে কথা চলছে। না দিকের খোলা দরজার পথে পড়ন্ত সূর্যের এক ফালি আলো এসে পড়েছে প্যাসেজের লাল টালির ওপর। সিল্ভীরই ঘর এটা।

আনেৎ দরজায় টোকা দিল।

কে একজন আলাপের মধ্যেই ‘ভিতরে এসো’ বলে হাঁক দিল।

আনেৎ ঠেলা দিয়ে খুলে ফেলল দরজা। সোনায় রান্ধা আকাশের সোনালী আলো ঠিকরে পড়লো ওর মুখে। দেখল এক তরুণী—কেবল অধোবাস পরা। অনাবৃত কাঁধ, পায়ে মোজা নেই—কেবল এক জোড়া লাল চট, ঘবের মধ্যে এদিক ওদিক ক'রে কি যেন করছে। পিঠটাই দেখতে পাচ্ছিল আনেৎ। গুন্দর মাংসল কোমল পিঠ—হাড় নেই যেন ও-পিঠে, যেমন ঠাণ্ডে তাকে ঘুরিয়ে ফিরিয়ে থাকিয়ে ছুইয়ে দিতে পারো। কিছু যেন খুঁজছিল মেয়েটি আর পাক দিয়ে নাকের ডগায় পাউডার ঘষতে ঘষতে নিজের মনেই বকে চলছিল।

‘কি দরকার বলুনতো?’ মেয়েটি বললে। চুলের কাঁটা একটা ধরা ছিল ঠোঁটের এক কোণে, তাই স্বরটা শোনাল কতকটা অসুনারসিক।



চুঁচু নোখ পড়ে যায় মেয়েটির জলের জগে রাখা লিলাকের গোছাটার ওপর। অত্যন্ত উল্লসিত হয়ে নাক ডুবিয়ে দেয় ফুলের ভিড়ের মধ্যে। তারপর মাথা তুলতেই আয়নার দিকে পড়ে এর ঝলমলে চোখ আর সঙ্গে সঙ্গে চম্কে ওঠে—আয়নার আনেৎ-এর ছায়া পড়েছে, ছায়ায় দাঁড়িয়ে আছে সে দ্বিধায়। সোনার আলোর বেঁটনী রয়েছে একে ঘিরে। অপ্রতিভ হয় সিল্ভী। ‘ওঃ!’ বলে, অনারত বাহ চুঁচুনি তুলে কিপ্র হাতে মাথার কাঁটাটা গুঁজে চুঁচুটা একটু বিলম্বিত করে নেয়। তারপর হাত বাড়িয়ে সামনে এগিয়ে আসে। এবং পরক্ষণেই হাত গুটিয়ে নিল। রুত্তার সাথেই স্বাগত জানাল কিন্তু রাশ-টান। রুত্তা কতকটা বেন অস্বাভাবিক। আনেৎ ভেতরে এল, কিন্তু মখে কথা সরল না। সিল্ভীও নীরব। একটা চেয়ার ঠেলে দিল আনেৎ-এর দিকে। তারপর নীল ডোরা-কাটা পুরানো একটা ড্রেসিং-গাউন পরে বিছানাতে এসে বসল ওর সামনে। দুজনেই দুজনের দিকে তাকিয়ে বসে রইল প্রতীক্ষায় কে আগে কথা কইবে।

প্রতীক্ষমানা দুটি মূর্তি একেবারে আলাদা মানুষ। কড়া পরীক্ষকের তীক্ষ্ণ অকৃত্রিম দৃষ্টি দিয়ে পাতি পাতি করে পরবেক্ষণ করতে পরস্পরের চোখ : —‘কে তুমি?’—এই প্রশ্ন উচ্চারিত হয়ে আছে দুজনেই চোখের না-বলা ভাষায়। আনেৎ-এর দীর্ঘায়ত ঋজু বেক সিল্ভীর সামনে। দুখানা সরস—সরস ফোটা ফুলের মত, নাক সামান্য একটু চোপা, তাকণ্য—সরস। খেলন মত প্রশান্ত এবং কপাল—আর দুই জু ; আয়ত দুই চোখের স্বচ্ছ্রায় সংগেই নীল , ঈশৎ বেরিয়ে-আসা চোখ আবেগের তরঙ্গাঘাতে কঠিন হয়ে ওঠে ক্ষণ ক্ষণে। ঈশৎ বিস্ময়িত মুখ, নিটোল দুই ঠোঁট [ দুই প্রান্তে একটু কুরে-পড়া ] কঠিন হয়ে চেপে-বসা ঠোঁট-ফোলায় ভজিত। সে-ভজিতে দেখা ওর নাবধানী মন আর তু সংকল্পের পরিচয় আর পরিচয় একটা অস্বাভাবিক প্রয়াসের। ওঁচ দুখানি সামান্য ফাঁক হলেই সেই অবকাশটুকু একখানি দীপ্ত উজ্জ্বল, ভীকৃতায় কোমল স্নিগ্ধ-স্থিত রূপায়িত হয়, মনে হয় এক ঝলক আলো এসে পড়ল ; আর সমস্ত মুখ খানার রং কিরিয়ে দিল। গাল আর চিবুক পরিপূর্ণ, অখচ মাংসের বাহুল্য নেই—একেবারে পরিষ্কার ভাবে কেটে ছেটে

তৈরী। খাড়ু গলা কাঁধ হাতের রং গাঢ় মধুর মত। মসৃণ ত্বক নিভাঁজ  
সেঁটে বসা, কোথাও এতটুকু কুঞ্জন নেই, শিথিলতা নেই। খাঁটি, স্তম্ভ রক্ত  
বইছে ওই বর্ণ-শ্রীর তলায়, স্বকে সে-যোষণা স্পষ্ট। দেহ-গঠন লঘু নয় ; নিটোল  
প্রশস্ত বক্ষ কাণায় কাণায় ভরা—একটু বেশী ভরাই যেন। সিল্ভীর অভ্যন্তর দৃষ্টি  
আনেৎ-এর পরিচ্ছদ ভেদ করে পরিচয় করে সে-অন্তরালের জগতের। কাঁধ ছাঁড়  
ওপর সিল্ভীর দৃষ্টি হঠাৎ খেয়ে পড়ে—কি সুন্দর, কোথাও এতটুকু বাহুল্য নেই,  
একেবারে মাগ-জোক করে সারা অবয়বের সাথে মিল করে তৈরী। দুই  
কাঁধের মাঝখান দিয়ে উঠে গেছে মর্মর স্তম্ভের মত শুভ্র গ্রীবা। আনেৎ-এর  
সব খানি সৌন্দর্য যেন স্থির হ'য়ে আছে ওই কাঁধে আর গ্রীবায়। সাজবার  
আর্ট আনেৎ জানে—ভালো করেই জানে। ওর অঙ্গ-সজ্জায় সেই জানার  
পরিচয় অস্পষ্ট নয়। চুল উণ্টে টেনে আচড়ান, কোথাও এক গাছাও আঁরা  
নহে। একটা বোতাম বা হকেও সামান্ততম ক্রটি খুঁজে পাওয়া যাবে না—  
একেবারে নিখুঁত পরিচ্ছন্ন সব। সিল্ভীর মনে হয় আনেৎ-এর প্রসাধন-  
প্রয়াস একটু যেন বেশী উগ্র। 'ওর ভেতরটাও অমনি কি?' সিল্ভী  
আপন মনে প্রশ্ন করে।

আর সিল্ভী—আনেৎ-এরই মত দীর্ঘচ্ছন্দা তরুণী সে। ক্লান্ত বলতে হয়,  
তবে বলতে পারো তরুণী। দেহের তুলনায় মাথা কিছু ছোট। ড্রেসিং গাউনের  
তলায় উঁকি দেয় অনাবৃত। গলা হৃদয় আর কিছু স্থূল। হাঁটুর উপর সুগঠিত  
হাত দু'খানি বৃক্ক করে রাখা। সূত্রী কপাল, আর সুডৌল অঙ্গুল চিবুক। ছোট  
নাকটি সামান্ত উপর দিকে উণ্টোন। হাওয়া বাদামী রং-এর চুল কপালের  
দুই পাশে বিরল হ'য়ে এসেছে। তার কয়েকটা দোল পাচ্ছে গালের ওপর।  
গ্রীবা বেয়ে এলোমেলো ছুঁছে বাদামী রং-এর অলক গুচ্ছ। এঁও গ্রীবা  
নয়—যেন হট্-হাউস-পালিত বৃক্ক-শিশু।

অস্তুত ওর মুখ। হৃদকের প্রোফাইল দু'রকমের। ডান্ দিক থেকে দেখ  
মনে হবে—কেমন একটা এলিয়ে-পড়া, কিমিয়ে-পড়া উচ্চাস-প্রবণ ভাব—  
যুমন্ত বেড়ালের মুখের মত। আবার দেখো বা দিক—স্থণায় কঠিন ; সংশয়ী  
আর সাবধানী দৃষ্টি—একুণি যেন ভেড়ে এসে কামড়াবে বেড়ালটা। কথা

বলার সময় ওপরের পাটি দাঁত ঠোঁটের বাধা এড়িয়ে একটু বেড়িয়ে আসে।  
কি ভাবছে আনেৎ ? কামড়ে দেবে ও ? হ'শিয়ার থাকতে হবে ?

হুজনের মধ্যে সাদৃশ্য নাই এতটুকু। একেবারে আলাদা দুটো মানুষ—  
সিল্ভী আর আনেৎ। তবু ওরা চিনে নিল পরস্পরকে—চিনল স্বচ্ছ চোখ  
আর তাদের ভাষা ; কপাল আর ঠোঁটের প্রান্তের কুঞ্চনটুকু... ওষে রাওলের  
চোখ, রাওলের দৃষ্টি, রাওলের কপাল...সব রাওলের...ষে রাওল ওদের জনক।

সংকোচে কুণ্ঠায় আনেৎ আবার যেন নিশ্চল পাকায় হ'য়ে গেল। তবু  
সে সাহস করলে এবার ; নাম আর পরিচয় জানিয়ে দিলে ক্ষীতল ঔণ্ডাসত্তর  
স্বরে। ঔদাস্ত। চিন্তে বইছে আবেগের তুফান, কোথায় পাবে কঠে প্রাণ  
আনেৎ ! সিল্ভী তাকিয়েই রয়েছে ওর দিকে। আনেৎ-এর কথা শেষ হ'লে  
বললে : 'আমি জানি।' কুঞ্চিত ঠোঁটে এক ত্রুর বাঁকা হাসি।

আনেৎ চমকে ওঠে : 'জানো ? কি ক'রে জানলে ?'

'কতবার তো দেখেছি তোমায় বাবার সাথে—' শেষ শব্দ দুটি উচ্চারণ  
করতে কেমন থমকে যায় সিল্ভী। হৃদয়ে 'আমার বাবা'ই বলতে যাচ্ছিল—  
কিন্তু ওর চোখে পড়ল আনেৎ-এর সংকিত দৃষ্টি ওর ঠোঁটের ওপর নিবন্ধ।  
মাথা হ'ল—সামলে নিলে। আনেৎ বোঝে, চোখ ফিরিয়ে নেয়। অপমানে  
ওর মুখ লাল হ'য়ে ওঠে।

সিল্ভীর চোখে এড়ায় না কিছুই। ওর বেশ আনন্দই হয় আনেৎ-এর  
এই হৃদ শা দেখে। কিন্তু শাস্ত ভাবেই ও কথা বলে চলে—ইয়া দেখেছে  
বইকি আনেৎকে, ওর বাবার সংকার অস্থানে দেখেছে, গির্জার অলিন্দে  
দাঁড়িয়ে ও সব দেখেছে। অলস নির্বিকার কণ্ঠের সামান্ত অস্থনাসিক স্বরে  
বর্ণনা ক'রে চলে সিল্ভী...। সিল্ভী বলে আর দেখে, আনেৎ শোনে। শেষ  
হ'লে চোখ তুলে জিজ্ঞাসা ক'রে :

'খুব ভালোবাসতে বাবাকে ?'

হুজনের চোখেই একটা স্নেহের কারণ্য কথা ক'রে ওঠে। কিন্তু সে কেবল  
মুহূর্তের জন্ম। কারণ্য ছাপিয়ে মুহূর্তের মধ্যে বিষেবের কালোতে আনেৎ-এর  
মুখ ছেয়ে ওঠে।

‘তোমায় খুব ভালোবাসতেন বাবা ?’

সিল্ভীকে একটু খুশি করতে ইচ্ছেও হয়। কিন্তু নমস্ত প্রয়াস ছাপিয়ে বিরূপতাই স্পষ্ট হ’য়ে ওঠে স্বরে। সিল্ভীর মনে হয় আনেৎ-এর ভীতিতে যেন ঢাল আছে ; একটু যেন বড়পনা দেখাতে চাইছে মেয়েটা। এর,থাবা থেকে নখ বেরিয়ে আসে।

‘নিশ্চয়, ভালোবাসতেন বৈকি, খুব বেশী বাসতেন...’ ছরটা ধারাল। একটু খেমে আবার শান্তভাবে বলে :

‘তোমাকেও খুব ভালোবাসতেন, প্রায়ই বলতেন, আমায়।’

আবেগে আনেৎ-এর মস্ত বড় হাত ছ’খানা কাঁপে, আর বারে বারে পরস্পরকে জড়িয়ে ধরে। সিল্ভীর চোখ এড়াই না।

বাঁধা-গলায় জিজ্ঞাসা ক’বে বসে আনেৎ...

‘প্রায়ই বলতেন আমার কথা তোমায় ?’

‘প্রায়ই।’ নিতান্ত সরলভাবে সিল্ভী বলে।

সিল্ভীর কথায় কতটা সত্য ছিন কে জানে। ‘কিন্তু আনেৎ প্র পনাকে গোপন করার কৌশল জানে না—অপরের কথায় ও তাই সংশয় লগে না। সিল্ভীর কথা ছুরির ফলার মত ওর মর্মে দিখে বসে। সিল্ভীর কাছে বাবা বলেছেন ওর কথা! ওরা দুজনে এক সাথে আলোচনা করেছে ওর কথা! আর শেষ মুহূর্ত পর্যন্ত কিনা কিছুই জানে না আনেৎ! কিন্তু বাবার কথায় তো মনে হ’তো ওর কাছেই একমাত্র তাঁর বুকটা খোলা। তা’হলে প্রবঞ্চনা করেছেন তিনি। তাঁর দ্বারের বাটরেই ছিল তা’হলে আনেৎ! বোনের কণ্ঠ পর্যন্ত জানতে দেননি ওকে। এত অবিচার! পক্ষপাতিত্ব এতটা! আনেৎ-এর চিন্তা যেন হাহাকার করে ওঠে। পরাজয়—শরাজয়—আনেৎ, হেরে গেছে তুমি। কিন্তু না, প্রকাশ করবে না, জানতে দেবে না কাউকে। অস্বস্তিকার ভাবিত্যার খোঁজে, হাতের কাছে জুটেও যায়। বলে :

‘এ ক’বছর বাবার সাথে তোমার তেমন একটা দেখা হয়নি, না।’

‘না, তা হয়নি...’ সিল্ভীর স্বরে বিষাদ : ‘কেমন করে হবে, অসুখে প’ড়ে ছিলেন যে। বাইরে তো আসতে পেতেন না।’

একটা উজ্জ্বল নীরবতা। দুজনের মুখে একটু হাসি, একই কথা দুজনের মনে। আনেৎ-এর ভক্তি কঠিন, একটা প্রয়াসের আয়াসে পণ্ডিত। সিল্ভীর মুখ যেন জুয়ার টেবিল—সত্য নাই, সব ফাঁকি। মুখে রয়েছে আপ্যায়নের হাসি, সেও যেন ছলনা, ওপরকার পালিশ মাত্র। জুয়ার দান শুরু হবার আগে যেন হিসেব করে দুজনে ব'সে।

‘গাহ’লে শেষ ক’বছর বাবাকে দেখতে পায়নি সিল্ভী, আনেৎ সে-সুযোগ পেয়েছে। সামান্য হ’লেও এই জয়েব আভাসে ও অনেকটা আরাম বোধ করে, লজ্জিতও হয় অন্তরে আপন মনের ক্ষুদ্রতায়। ও সহজ হ’তে চেষ্টা করে। কথা-বার্তায় আন্তরিকতার সুর টেনে আনতে প্রয়াস পায়। বলে, এসেছে কেন? দেখতে উজ্জ্বল হয় না বুঝি। বাবা নেই, বোনটার মধ্যে তবু তাঁর স্মৃতি বেঁচে আছে একটুখানি—তাঁই এসেছে আনেৎ...। রুখা...রুখা...রুখা প্রয়াস, আর রুখা আয়াস...। অজ্ঞাতসারে আর অনিশ্চয় বেরিয়ে এল ‘একটুখানি’—ভাসায় ভজ্জিতও হারই মারফৎ কুটে উঠল, সমান অংশীদার হওয়া নয়, এক পিতার সম্মান হ’লে কি হবে। সাগর ব্যবধান এদের মধ্যে, তাই সিল্ভী অধিকারী ‘একটু’র। ভালো ক’রে বুঝিয়ে দিলে একথা, বুঝিয়ে দিলে ভাগ্যের দাঁড়িপাল্লার ঝোঁকা দিকটা আনেৎ এরই।

আনেৎ ব’লে যায় রাণেলের শেষ-জীবনের কাহিনী; প্রতিধাপে অহি স্পষ্ট ক’রে তোলে বাবার সাথে ওরই নিকটতর সঙ্গের উজ্জ্বল। সিল্ভীর চাইতে অনেক কাছের মানুষ ও তাঁর। সিল্ভীই কি পায়নি পিতার স্নেহ? পেয়েছে বৈকি—কম পাননি। আনেৎ-এর কথার ফাঁকে ফাঁকে ও সেই স্নেহেরই মাঝা গাঁথে। পরস্পরের ভাগ্য আর ভাগে উজ্জ্বল বিকল্পেই এদের মনে উবার আগুন জ্বলে। দুজনেই প্রাণপণ চেষ্টা করে, আপন অংশ কুলিয়ে ফাঁপিয়ে বড ক’রে ধরতে! গুনতে চায়না কেউ কারো কথা, তবু শোনে, গুনতে চব। বলে, শোনে, আর দুজনে দুজনকে পা থেকে মাথা পর্যন্ত অস্থ অস্থ ক’বে খোঁজে, বিশ্লেষণ করে। সিল্ভী হির ভাবে নিজের অঙ্গ প্রত্যঙ্গ তুলনা করে আনেৎ-এর সঙ্গে। ওর নিজের স্বেদন দীর্ঘ-ছন্দ সুড়োল পা, ছোট্ট হৃদয় গোড়াণী, স্নিগ্ধারে ঢাকা মোজা-হীন ছোট এতটুকু পায়ের পাতা। আর আনেৎ-এর পা কেমন?

মোট্য ব্যাৰুড়া—গোড়ালী ছটো বিল্লী। কিন্তু সিল্ভীৰ হাত! দেখেছে আনেং, ভালো ক'ৰে দেখেছে—বিল্লী লাল নখগুলো, তার মধ্যকার ওই সাদা অৰ্চক্সের মত দাগগুলো, কি বিল্লী! তাই আবার বন্ধ ক'ৰে পোষা।

প্রতিদ্বন্দ্বী আনেং আর সিল্ভী, কিন্তু প্রতিদ্বন্দ্বী দুটি মেয়ে, বা দুটি মানুষই কেবল নয়... যেন বিবদমান দুটো গোটা সংসার, দুটো পুরো জাত। স্তব্ধতা কথা বার্তায় সহজ সুর থাকলেও তার আড়ালে রয়েছে ওদের উত্তম ফণা, আর উত্তম নখ দস্ত। দৃষ্টিতে রয়েছে আগুন—ঈর্ষ্যার আগুন। প্রথম দেখার ক্ষণেই সেই আগুন দিয়ে পরস্পরের চিত্তের বাইরের আড়ালখানা পুড়িয়ে দিল আর টেনে হিঁচড়ে একেবারে বাইরে নিয়ে এল ভেতরটাকে। আপন মনের অলি গলি যে এত ধোঁয়া আর এত ময়লায় ভরা ছিল এতদিন তা টেরও পায়নি ওরা। আজ তাই একেবারে অনাবৃত হ'য়ে পরস্পরের সামনে ধুলোয় ঝরে পড়ল। সিল্ভী দেখলে আনেং গৰ্বিতা, অভভেদী তার গৰ্বের চূড়া আর দুৰ্ভেদ্য তার নীতির ব্যুহ; স্বৈরতা, আর জুসুম ওর স্বভাবের প্রতি অণুতে। ভাগ্য ভালো এখনও তেমন ক'ৰে প্রয়োগ আর প্রতিষ্ঠার ক্ষেত্র পায়নি তারা। আনেং-এর মনে হয়, ভারী কঠিন সিল্ভী, নিষ্ঠুর। সবখানিষ্ট ওর ছলনা, হাসির মুখোস পরিয়ে রেখেছে ওই ছলনার ওপর। পরে অবশ্য এ বেড়া ভেঙেছে, আর ওরা সরে এসেছে পরস্পরের বুকের কাছে; তখন দুজনেই ডুলতে চেষ্টা করেছে আজকের দিনের দেখা এ-ছবি। কিন্তু আজ এই ক্ষণে ওরা অণুবিক্ষণ যন্ত্র নিয়ে বসে ছিল। তারই লেসের মাধ্যমেই ওদের জুর দৃষ্টি আজ দেখছিল পরস্পরকে। ক্ষণে ক্ষণে ঘুণাও উঠছিল ফণা তুলে। আনেং-এর মনটা ভারী হ'য়ে যায়, ভাবে 'এতো ঠিক হ'লো না, অজায়, অজায়, অজায় করেছি। আমিই এগিয়ে আসি, শুধু নি আমিই...'

ঘরের চারদিকে তাকায়—সাধারণ ঘর। চাঁদ উঠছে—জ্যোৎস্নায় নাইছে সামনের বাড়ীটা। আনেং তাকিয়ে তাকিয়ে দেখে ও বাড়ীর জানালা আর তার লেসের পরদা, ছাদ, চিমনি—ঘরের কোণে ভাঙ্গা জগে রাখা লিলাকগুচ্ছ...

আনেংই এগিয়ে আসে। আত্মীয়তা নিবেদন করে সিল্ভীকে। কিন্তু স্বরে প্রাণ কোটে না। নীতল ওদিকে কঠিন হয়ে থাকে কঠ; আর তারই

ওপারে আলামুখীর জ্বালা কোটে টগ্‌বগ্‌ ক'রে । পুড়ে গেছে তাঁই প্রাণ...।  
 সিল্‌ভী শোনে হেলায়, বিক্রমের ঝাঙ্কা হাসি নিরে...জবাব দেয়না কোন ।  
 আনেৎ আহত হয় ; ওর রাগ কেটে পড়তে চায় আহত গর্বে আর বিজুহ  
 আবেগে । ও লুকোতে পারে না রাগ—হঠাৎ উঠে পড়ে, সাধারণ ভাবে সহজ  
 সন্তোষ জ্ঞানিয়ে বিদায় নেয় আনেৎ । গভীর বেদনা আর ক্রোধের জ্বালা  
 ব'য়ে বাড়ীর পথে পা বাড়ায় ।

টালি-বাধান বারান্দাটির শেষ প্রান্তে এসে সিঁড়ির গোড়ায় পা দিতেই  
 সিল্‌ভী এল ছুটে । পায়ের এক-পাটি চট ধ'সে প'ড়ে গেছে পথে । পেছন  
 থেকে দুই হাত দিয়ে গলা জড়িয়ে ধরে আনেৎ-এর । আনেৎ ফিরে দাঁড়ায় ;  
 আবেগে দুই চোখ দিয়ে জল পড়ে । দুহাতে গভীর ব্যগ্রতার সিল্‌ভীকে  
 জড়িয়ে ধরে । সিল্‌ভীরও চোখে জল আর মুখে হাসি । চিৎকার ক'রে  
 ওঠে—ওঃ, কি জোরেই না জড়িয়ে ধরেছে আনেৎ । দু'টি মুখ এক হ'য়ে যায়  
 আকুলতায় আর গভীর ভালোবাসায় । তারপর ! কত আদরের সন্তোষ,...  
 কত ভালোবাসার কথা...কত ধন্যবাদ...। কথা দিলে আনেৎ অ'বার  
 আসবে ।

আনেৎ মুখে হাসে...জানতেও পারেনি কখন সিঁড়ি শেষ হ'য়ে গেছে ।  
 ওপর থেকে একটা শিমের মত কণ্ঠ ভেসে আসে, যেন শিশু দিয়ে কুকুরকে  
 ডাকছে কেউ—

‘আনেৎ !’

আনেৎ ওপরের দিকে তাকায়, ওপর সিঁড়ির মাথায় এক ষণ্ড আলোর  
 মধ্যে একখানা হাশ্চোকুল মুখ ; ঝুঁকে আছে নীচের দিকে সিল্‌ভী ।

‘ধরো ধরো ।’

আনেৎ-এর মুখের ওপর এসে পড়ল এক গুচ্ছ লিলাক—তার তার সাথে  
 এলো হাওয়ায় ভেসে সিল্‌ভীর হুহাতে উড়িয়ে দেয়া চূষন...

আর দেখা যায় না সিল্‌ভীকে । চলে গেছে । আনেৎ চোখ তুলে অনেকখ  
 তাকিয়ে থাকে সেদিকে—তারপর ভেজা লিলাক গুচ্ছকে হুহাতে জড়িয়ে  
 ধরে চুমোর চুমোর ছেয়ে কেলে ।

দূর নেহাৎ কম নয়, রাত ও যথেষ্ট হয়েছে—এ সময় সব রাস্তা ঠিক নিরাপদ নয়। তবু আনেৎ হেঁটেই চলল। ওর যেন নাচতে ইচ্ছে করে। যখন এসে বাড়ী পৌঁছল, খুশিতে অধস্তিতে মনে ঝড় উঠেছে। ফুলগুলো একটা ফুলদানীনে করে বিছানার কাছে রেখে ভবে ভবে গেল। আবার উঠল—ফুলগুলো তুলে নিয়ে জলের জগটায় রাখল ঠিক যেমন দেখেছিল সিল্ভীর ঘরে। তারপর বিছানায় গেল আবার। আলোটা নেবাল না—যমোবেনা এ। এত তাড়া গাড়ি এই সূতের দিনটাকে বিদায় দিতে পারবে না। কিন্তু ঘুমিয়ে পড়ল কখন। ঘটা তিনেক পরে হঠাৎ ঘুম ভেঙ্গে যায় মাঝ রাত্রে। আছে, ফুলগুলো ঠিক আছে, যেমনি রেখেছিল তেমনই আছে। স্বপ্ন নয় তাহলে, সত্য সিল্ভী। সত্য সিল্ভীকে ও আজ সত্যি চোখে দেখে এসেছে। স্বপ্ন নয়, একেবারে সত্য। প্রিয়-মৃত্তির ধ্যান বুকে নিয়ে আবার ঘুমিয়ে পড়ে।

তার পরের দিনগুলো কেমন যেন একটা খুশির গুণগুণ হতে গথর হয়ে রইল। মৌমাছির দল যেন মধুচক্র রচনা করছে—নূতন মধুচক্র—নূতন মক্ষী-রাণী—মৌমাছির দল ভিড় করে তার চর পাশে... সিল্ভীকে ঘিবে তেমনি আনেৎ-এর আগামী দিনের মধুচক্র গড়ে ওঠে। পুরানো মধুচক্রখানি ছেড়ে গেছে মৌমাছির দল... তার রাণীও চোখ বুঁজছে। নূতন চক্র চাই, চাই নূতন রাণী। পুরানো এই জনহীন প্রসাদের হাওয়া তাই চঞ্চল... গুঞ্জন জেগেছে তার চিয়াদ... নূতন চক্র... নূতন সৃষ্টি চাই...। আনেৎ-এর আবেগোদ্বেল চিন্তা চাপা দিতে চায় সত্যটাকে। চোখ ঠার দেয় আপনাকে... বাবা নেই, তোমার ভালোবাসার একমাত্র পাত্র ভেঙেছে—তাইতো তোমার ভালোবাসা সিল্ভীকে খুঁজছে আনেৎ... ওর মধ্যেই সেই হারানো মানুষকে খুঁজে পাবে বলে। ...কিন্তু আনেৎ জানে মিথ্যা এ। এই নূতন খোজার আর নূতন চাওয়ার সেই হারানো-প্রিয়ের বিদায়ের পালা-গান বাজছে।



নূতন প্রেম...ভাঙে আর গড়ে, গড়ে আর ভাঙে...। ওই তার ধর্ম।  
 আনেৎ-এর নূতন প্রেমের বলিষ্ঠ বাণী আপনাকে ব্যাপ্ত করে ওর সর্ব সত্যায়।  
 নির্মম ঝটকায় পিতার স্মৃতি ছিটকে পড়ে দূরে, দৃষ্টির আড়ালে। ঘনিষ্ঠ  
 অন্তরঙ্গ, পুরানো পরিচয়ের সাক্ষ্য যা কিছু ছিল, আনেৎ অন্ধাভরে সযত্নে  
 সারিয়ে রাখল যে-সমস্ত ঘর ব্যবহার হয় না তাদেরই নিড়ন্ত নিরবচ্ছিন্ন  
 একান্ত ভাব—অর্থাৎ এমন স্থানে যেখানে তাদের কেউ নাড়বে না, শাস্তির  
 ব্যাঘাত কেউ ঘটাবে না; যেখানে অন্ধার পূজার আধারে পবিত্র সুদূরতায়,  
 নির্ভয়ে, নরবচ্ছিন্ন শাস্তিতে বেশ থাকবে তারা। বাবার প্রভারকোটটা  
 ফেলল পুরানো সিন্দুকটার তলায়। আবার বের করল। টোর মধ্যে মুখ  
 গুঁজে পড়ে রইল খানিকক্ষণ, তারপর হঠাৎ ছুঁড়ে ধেগে দিল দূরে।  
 আবেগের এমন এলোমেলো খামখেয়ালী পথ—তার না আছে দুলি, না  
 আছে হাথ। কিন্তু এটই যে দুইটি বিভিন্ন-ধর্মী উদ্ভঙ্গ উঠেছে আজ, এর  
 মধ্যে কে নতী সত্য?

আনেৎ আজ ওর বোনকে আবিষ্কার করেছে—এই সুখে ওর মন টলমল।  
 সম্পর্কটা অত্যন্ত ঘনিষ্ঠ, একই রক্ত বইছে ওদের দেহে। কিন্তু আনেৎ ভো  
 এখনও স্নেহে ডানে না, চেনে না এই নূতন-পাওয়া মানুষকে। নাই বা চিনল।  
 ভাগ্যবশত রোমাকই ভো হ'ল, যেমন ভাগ্যবাসলে অর্মন জানার আর  
 না-জানার রহস্যে মিলে এক হয়ে যার। ওই রহস্যই প্রেমের আসল অঙ্গ-  
 সজ্জা, তার আয়া। যে সিল্ভীকে আজ ও দেখে এল তার মধ্যে যা কিছু  
 ভালো লেগেছে তাই নিয়ে ও স্মৃতির মালা গাঁথতে বসে। কিন্তু দুকলে মনের  
 মধ্যকার ছবি খুব স্পষ্ট নেই। আভাস যা আছে তাকেই ধ্যানের মধ্যে  
 রূপ নিতে চেষ্টা করে। কানে আসে শব্দ...ছোট ছোট চাটর শব্দ আসছে  
 হলের মধ্য দিয়ে...তারই পরবর্ত্তে ওর গ্রীবা ঘিরে সিল্ভীর অনাবৃত  
 বাহুছাটর কোমল স্পর্শ...

আসছে সিল্ভী। কাল বলেছে ও আসবে। অতিথিকে স্বাগত করবে  
 বলে কত আয়োজন আনেৎ-এর। আচ্ছা, কোন্ ঘরে নিয়ে যাবে ওকে আগে।  
 ওদের নিজের ঘরেই। সিল্ভী বসবে জানালার ধারে, ওর প্রিয় আসনটিতে।

কল্প বে' কথা'র মালা গেঁথেছিল—পূরান হ'লো না সে-মালা অতিথির গলায়...  
ত্রির আঁসনটিতেও নিরে বসান হ'লো না...। জানালার দিকে পিঠ দিয়ে হুঁজনে  
কল্প পাশাপাশি—তাকিয়ে রইল পরস্পরের দিকে...

'এলে বা হোক—' আনেৎ বলে ।

'এলামই তো—' সিল্ভী উত্তর দেয় । তারপর আনেৎকে ভালো' করে  
দেখে বলে : 'বাইরে যাচ্ছিলে ?'

আনেৎ মাথা নাড়ে । ও জানতে দেবে না সিল্ভীকে । কিন্তু সিল্ভী  
বোঝে—ঝুঁকে প'ড়ে কানে কানে বলে : 'বুঝেছি, আমার কাছে যাচ্ছিলে,  
তাই না ?'

আনেৎ চমকে উঠে । বোনের কাঁধে মুখ লুকিয়ে বলে : 'ভারী ছুঁই তুমি—'

'কেন ?' ওঠের প্রাস্ত দিয়ে আনেৎ-এর স্ত্রী জর ওপর চুমু খেয়ে বলে সিল্ভী ।

আনেৎ জবাব দেয় না । সিল্ভী জানে ওর জবাব । আনেৎ-এর দিকে একটা  
ব্যঙ্গ-ভরা দৃষ্টি ফেলে হাসে ও । আনেৎ দেখতে পায়নি, চোখ ফেরান ছিল ।  
সেই জ্বরদন্ত মেয়ে ! কোথায় গেল তার তেজ ! অকস্মাৎ একটা কুণ্ডা এসে  
আচ্ছন্ন করে দেয় আনেৎকে । কারো মুখে কথা নেই । হুঁজনে প্রতিমার মত  
নিশ্চল হ'য়ে বসে থাকে । আনেৎ হেলান দিয়ে আছে সিল্ভীর গায়ে ।  
সিল্ভী খুশি, ওর জয় হয়েছে—হেরে গেছে আনেৎ...

ধীরে ধীরে প্রথম আবেগ শান্ত হ'য়ে আসে হুঁজনেরই । আনেৎ মাথা  
তোলে—তারপর হয় কথা শুরু, যেন কত কালের বন্ধু ওরা ।

আজ আর ওরা শত্রু নয়, প্রতিদ্বন্দ্বী নয় । বরঞ্চ আজ পরস্পরের কাছে ধরা  
দেবার, হার মানবার জন্ত ওরা বসে আছে উন্মুখ হ'য়ে...। তবে ইঁ্যা, একেবারে  
উজাড় করে সব দেয়া চলবে না...। গোপন পুরীর গোপন কথা থাক—বাইরের  
আলোর বের করার বোধ্য নয় তা ; প্রেমাস্পদের কাছেও না । না হয়  
ধাকলো । আর সব ? সব উন্মুক্ত, অব্যাহত করে দিতে পারো সিল্ভী ?  
পারো আনেৎ ? পারে না, পারে না সিল্ভী, পারে না আনেৎ । যনের  
ছুরা ওরা খুলল বটে—কিন্তু আগে বুঝে নিল ভালোবাসার টান সইবে  
কতটা । বলতে বলতে কখনও আধপথে থেমে যায় সিল্ভী । হুঁজর লাজানো

বিধে দিয়ে পানপূরণ করে আবার চল কথার যোত, তেমনি সহজ  
 সপ্রতিভ ভক্তিতে, তেমনি হাসি দিয়ে, তেমনি কণ্ঠ অন্তরঙ্গতার।  
 পরম্পরের কাছে এখনও ওরা অজানা ; বিভিন্ন গুণের প্রকৃতি, আলাদা  
 গুণের জগৎ, আলাদা সব। আজকের গুণের এই যে সাক্ষাৎ, এই যে  
 মিলন, সিন্ধুভীই কি কম আয়োজন করেছিল বসে বসে ! অবশ্য সে  
 স্বীকার করবে না—। সাজ আর প্রসাধনই কি বসে বসে কম করেছে ?  
 ঘমে মেজে চেহারার জসুম বাড়িয়েছে বতটা পারে, কৃষ্ণী হয়ে বাগুয়া  
 চলবে না আজকের এই অভিসারে। আনেৎ মুগ্ধ হয় সিন্ধুভীর লাবন্যে।  
 কিন্তু বড় বিব্রত হয়, বড় হাল্কা সিন্ধুভী। সিন্ধুভী বোঝে কিন্তু শোধরাবার  
 কোন চেষ্টা নেই। মুগ্ধ করে ওকে আনেৎ-এর অনাড়ম্বর সারল্য আর সহজ  
 ভক্তি, ওর ব্যাকুল ঐকান্তিকতা আর তার সঙ্গের ওই স্থির গান্ধীর্ষ ;  
 কিন্তু সঙ্গ সঙ্গ ত্রস্ত সংকুচিত হয়ে ওঠে ও—অনুলি ভুলে তিরসার  
 করছে যেন আনেৎ ওকে। [ কিন্তু যেমন করে কথা বলছে সিন্ধুভী,  
 কে বুঝবে ওর ভেতরে কোথাও কুণ্ডা জেগেছে ! ] ছ'জনেরই দৃষ্টি অতি তীক্ষ্ণ—  
 পরম্পরের এতটুকু ভাব ভক্তি, চোখের পলক অবধি ধরা পড়ে যায় সে-দৃষ্টির  
 সামনে। তবু অনেক থাকী, অনেক পরিচয় নিতে হবে এখনও। এখনও সংশয়  
 আছে, আছে সন্দেহ, তবু ধরা দিতে চায়, তবু আপনাকে দিতে চায় সঁপে। কিন্তু  
 শুধুই দেবে ? বিনা প্রতিদানে ? না, অত বেহিসেবী হওয়া চলবে না। গুণের  
 আছে ছ'জনেরই—আনেৎ-এর একটু বেশী মাত্রায়ই আছে। ওর মধ্যে ভালো-  
 বাসার শক্তিও প্রচণ্ড ; তা আজ অভিমানের স্তর ডিকিয়ে ছায়া-মানার কোঠায়  
 এসে পৌঁছেছে। তাই আজ বিশ্বাসঘাতকতা করল ওর হৃদয়। একেবারে  
 ধরা দিয়ে বসল। এতটা দিয়ে বসবে তা এক মুহূর্ত আগেও জানেনি। উল্লসিত  
 হয় সিন্ধুভী প্রতিপক্ষের এই পরাজয়ে। এগিয়ে চলে ছ'জনেরই, জানতে হবে,  
 চিনতে হবে, বুঝতে হবে—পরস্পরকে ওরা আজ চিনে নেবে। গুণের অন্তর  
 আজ জলছে এই জানার পিপাসায়। তাই এগিয়ে চলে। কিন্তু পা পা করে,  
 সাবধানে—শাকা সংসারীর সংশয়ী মন নিয়ে ; পরম্পরের প্রতিটি নড়াচড়া তাব-  
 ভক্তি পরখ করে, যাচাই করে।

কিন্তু অসম বন্ধ। আনেৎ-এর বৃহৎ ভালোবাসার রূপকে সিল্ভীর চিনে নিতে দেবী হয়না—হার-মানা আর হার-মানানো ছুই রূপ। আনেৎ চেনেনি আপনাকে, চিনল সিল্ভী। তাই ভালো করে যাচাই করতে বসল; খাষা গুটিয়ে খেলায় নামল ওর ভালোবাসা নিয়ে। কিন্তু বুঝতে দিল না এতটুকু। আনেৎ বুঝল ওর হার হ'য়েছে—পুরো হার। লজ্জার সাথে আনন্দ মিশে এক হ'য়ে গেল।

সিল্ভীর ইচ্ছায় সারা বাড়ীটা ওকে ঘুরে ঘুরে দেখায় আনেৎ। নিজে থেকে হয়ত এগুত না—ভয় ছিল, কি জানি যদি ঐশ্বর্য দেখিয়ে বোনের মনে আঘাত দিয়ে ফেলে। কিন্তু সিল্ভীর মনে কোন বিকার দেখা গেল না। পরিষ্কার সহজ মানুষ, যেন বাড়ীরই মানুষ সে; এ ঘরে যায়, ও ঘরে যায়—ছুঁয়ে দেখে, ধ'রে দেখে এটা ওটা সব কিছু। ওর এই সপ্রতিভ সহজ ব্যবহারে আনেৎ বরঞ্চ বিব্রত, অস্থিত্তি বোধ করে। কিন্তু ভারী ভালো লাগে, দুই চোখে ওর স্নেহ উথলে ওঠে। আনেৎ-এর বিছানার পাশ দিয়ে যেতে যেতে সিল্ভী আদর করে ওর বালিশটাতে হাত বুলিয়ে দিয়ে যায়—প্রসাধনের টেবিলটির কাছে দাঁড়ায়—প্রতিটি শিশি আর কৌটো এক দৃষ্টিতে পর্যবেক্ষণ করে নেয়; অচ্যমনয় ভাবে লাইব্রেরীতে গিয়ে ঢোকে; কোন দরজার পরদা দেখে লাকিয়ে ওঠে খুশিতে; আরাম-চেয়ারটার সমালোচনা করে, আবার আর একটার গিয়ে ব'সে পড়ে; আধখোলা আলমারীটা খুলে আনেৎ-এর একটা সিন্ধের জামা ভালো করে হাত বুলিয়ে অনুভব করে। তারপর সব দেখা শোনা হ'য়ে গেলে আনেৎ-এর শোবার ঘরে এসে বিছানার পাশের নীচু আরাম চেয়ারটার এলিয়ে পড়ে। চা খাবে কিনা জিজ্ঞেস করে আনেৎ। না, চা নয়, তবে সরবৎ হ'লে মন্দ হয় না। জিভের ডগা দিয়ে বিস্কীটটা চাটতে চাটতে আনেৎ-এর দিকে তাকায়—কি যেন বলতে চায় আনেৎ। সিল্ভীর চোখ বলে—বলে কেলোনা আনেৎ!

অবশেষে সাহস করে বলেই ফেলে। রুদ্ধ আবেগের আগল ভেঙ্গে বেরিয়ে আসে ওর মুখ দিয়ে কথাটা—আমুক সিল্ভী এখানে, থাকবে দুই বোনে এক সঙ্গে। সিল্ভী হাসে আর হাসে আনুল মুক্ক বিস্কীটটা গ্লাসে ডুবিয়ে হাসে, মিষ্টি

ক'রে হাসে চোখে খলবাদ ফুটিয়ে । হাসে আর মাথা নাড়ে যেন ছেলে-বাল্যের  
মাথে কথা কইছে । ডাকে : 'দিদি—'

ঐ পর্যন্ত । না, সিলভী আসবে না ।

আনেৎ জোর করে, জেদ : করে । প্রায় জ্বলুম করে—হুম ক'রে ও গুর  
সম্মতি আদায় করতে চেষ্টা করে । সিলভী কথা কয় না । সামান্য দু একটা  
টুকুরো কথায় মিষ্টি ক'রে স্নেহ মাখিয়ে বলে : 'না—না' ; একটু বিব্রত যেন,  
ব্যঙ্গও দেখা যায় যেন চোখে... [ তাই বলে দিদিকে ভালোবাসেনা তা নয়,  
বেশ মেয়ে দিদিটা—ভারী সরল, কোনো কিছু মনে হ'লেই হ'লো—]

'তা হরনা,' সিলভী বলে ।

'কেন ?' আনেৎ জিজ্ঞাসা করে ।

'আমার বন্ধু আছে একজন ।'

ঠাৎ আনেৎ বুঝে উঠতে পারে না । তারপর বোঝে কিন্তু অবাক হর ।  
চোখের দিকে ঠাকিয়ে ভালো ক'রে দেখে সিলভী উঠে পড়ে হাসি মুখে ।  
বিদান-সস্তাঙ্গ জানিয়ে চুমু খেয়ে বেরিয়ে পড়ে ।

[ ছয় ]

আনেৎ-এর স্বপ্ন-সৌধ ভেঙ্গে গেছে । সেই কথাই সে ভাবছে বসে ।  
টন্ টন্ করছে ভেতরটা । নানারকম ভাব আর আবেগে মিশে গুর মনের  
মধ্যে রহস্য-লোক সৃষ্ট হয়েছে । কি একটা তীব্র বেদনার অসংখ্য ছায়া-মূর্তি  
সেই রহস্য-লোকে গুরে বেড়ায় । তাদের এড়িয়ে যেতে চায় ও, চেনে না  
বলে পেছন ধরে থাকতে চায় । কিন্তু ছাড়ে না হারাও, দুই হাতে গুর টুটি  
টিপে ধরে...

আনেৎ ভেবেছিল গুর মধ্যে সংস্কার নেই; অস্বতঃ নিজের সম্বন্ধে গুর সে-  
ধারণাই ছিল এতদিন । কিন্তু আজ গুরই বোন...এই সৌন্দর্যের প্রতিমা...  
না, ভাবতে পারে না আনেৎ । অসহ্য ! অসহ্য ! বুক ভেঙ্গে কারা আসে...

কিছু কেন? বসত ছেলেমানুষী। এ হিংসে, হিংসে...নিছক হিংসে। ...না  
 না, কখনও নয়, একেবারেই নয়।...গা ঝাড়া দিয়ে উঠে পড়ে। আর  
 ভাববে না একথা। মনটার বোড় ঘোরাবার জন্ত লড়া পা ফেলে এ-ধর এ-  
 ধর করে। হঠাৎ খেরাল হয়, তাইতো সিল্ভীর কথাই তো ভাবছে দেখি।  
 ভাবতে পারছেও না অল্প কিছু। সিল্ভী...আর সিল্ভীর সেই বন্ধু...নিশ্চয়  
 হিংসে হচ্ছে, আনেৎ।...না...না...না। রাগে মাটিতে পা আছড়ায়। কখনও  
 না। আনেৎ, স্বীকার করো সত্য। না...না...না...না। কখনও না।  
 স্বীকার করুক আর নাই করুক—ওর ভেতরটা কুরে কুরে খেয়ে যেতে লাগল।  
 আঙ্গ-সমর্থনের জন্ত নীতি-শাস্ত্রের বিধান খোঁজে আনেৎ। মিলেও যায়  
 হাতের কাছে। মা, হিংসে নয়—আঘাত লেগেছে ওর আদর্শ-বিলাসী মনে—  
 যা আজও রয়েছে শুচিতার বর্ম দিয়ে ঘেরা। আনেৎ-এর মনের গঠন বড়  
 জটিল। নানা রকম :স্ববিরোধী ভাব আর সংস্কার সেখানে একসাথে ঘর বেঁধে  
 আছে। অথচ আজও সংঘর্ষ বাধেনি। অত্যন্ত রক্ষণশীল পরিবারে ওর  
 জন্ম এবং এতকাল তার মধ্যেই কেটেছে। তবে ধর্মের গোড়ামি নেই ওর। ও  
 নিয়ে ও মাথা ঘামায়নি। ওর বাবা সংসারকে দেখেছিলেন সংশয় আর অবিশ্বাস  
 নিয়ে। আর মা দেখেছিলেন একেবারে খোলা স্বাধীন মন দিয়ে। ধর্মের  
 বালাই ছিল না কারোই। এই দুই বিপরীত শ্রোতের মধ্যেই বড় হয়েছে  
 আনেৎ। সব কিছু আলোচনা করে ও অসংকোচে। সামাজিক অন্ধ-বিশ্বাস  
 আর সংস্কারকে পরীক্ষার সামনে এনে স্বাক্ষর করে অবলীলায়, চুল চিরে  
 বিশ্লেষণ করে। এতে ওর ভয় নেই। স্বাধীন ভালোবাসা ও স্বীকার করে—  
 অবশ্য এ শুধু মতবাদ। এবং সে-দিক থেকে এ স্বীকৃতি ওর খাঁটি। বাবার  
 এক সহপাঠীদের সাথে আলোচনার প্রেম-স্বাতন্ত্র্যকে জ্বোরের সঙ্গে সর্বদা সমর্থন  
 করেছে। অবশ্যি এর মধ্যে ওর তরুণ মনের গর্ব-বোধও ছিল। প্রগতির পথে  
 পিছিয়ে যেই ও কারো থেকে একখাটা প্রমাণ করার ইচ্ছে ও চেষ্টা বানিকটা  
 না থাকত তা নয়। তবে সে খুব সামান্য। আসলে ও মনে প্রাণে বিশ্বাসই করে  
 স্বাধীন-ভালোবাসা রীতিমত আইন ও নীতি মন্ত্রত। যথেষ্ট জীবন-বাজার জন্ত

প্যারী-হুন্দরীদের ও দোষারোপ করেনি কখনও। যরক এদের জন্ত দরদ আছে।

তবে বাধছে আর কিধছে কোথায়, আনেৎ ? সিল্ভী তো কই, কোন অজ্ঞায়, কিছু করেনি। যা করেছে এতে ওর অধিকার আছে বৈকি। মানো তো এই অধিকার ?...অধিকার ? না, না, তা হয় না। হোক অধিকার। অল্পে করুক বা খুশি, কিন্তু তাই ব'লে সিল্ভী ! না, না, না সিল্ভীর নেই এ অধিকার। সে আছে যারা নিতান্ত সাধারণ, তাদের—অর্থাৎ সমাজে যাদের আমরা বুঝ একটা উঁচু ঠাই দিইনি। তাদের জন্ত অনেক গ্রহি শিখিল করা যায়, রাশ টিল দেয়া যায় অনেকটা...তাই ব'লে সর্বত্র তা পারা যায় না ; বিশেষ করে সিল্ভী যে ওর আপন বোন এবং এ ক্ষেত্রে আনেৎ-এর বাধন—লৌহ-বাধন, সে জায় হোক আর অজায় হোক। এক বিন্দু এদিক ওদিক হ'লে চলবে না, মতবাদ ওর যতই উদার হোক। ওর মতে একজনকে ভালোবাসাই হচ্ছে হৃদয়ের আভিজাত্য। সে হিসেবে সিল্ভী নেমে গেছে। তাই আনেৎ-এর মন জ্বলছে। সইতে পারছে না। সিল্ভী সিল্ভী—সে ভালোবাসবে একজনকে—একজনকে, কেবল একজনকে। তোমাকেই কেবল, না আনেৎ ? ...হিংস্রটে মেয়ে মিছে ভোলাছিলে এতক্ষণ ?...হিংসের সঙ্গে সঙ্গে সিল্ভীর প্রতি আকর্ষণও আরও বেড়ে যায়। এবং যতই রাগ হয় ততই যেন সিল্ভী কাছে সরে আসে। ভালো থাকে বাসা যায়, রাগও তার ওপর করা যায়।

মিছে রাগ—মিছে ভাবা...সিল্ভী এমনি না হ'য়ে অল্প রকম হলোনা কেন ! সিল্ভী ওকে যেন যাহু করে। এবারে ধীরে ধীরে আনেৎ-এর মনের কোণে রাগের বদলে উঁকি যারে কোঁতুহল। করনায় সিল্ভীর ব্যক্তিগত জীবন-ধারণার ছবি আঁকে। জানে এ অজ্ঞায় কোঁতুহল। ঠেকাতেও চায়। তবু মন বসে বসে প্রাণপণে তুলি চালিয়ে চলে...ডুবে যায় আনেৎ ওই এক চিন্তায়। ভাবে আর ভাবে, কেবলি ভাবে। নিজকে সিল্ভীর জাহ্নগায় বেধে বুঝতে চেষ্টা করে। কই কোথায় অজ্ঞায় ! ও যেন বোকা বনে যায়। ওর মাথা গুলিয়ে ওঠে। রাগ হয় নিজের ওপর। কেবল রাগ নয়—মন বিদ্রোহে জলে ওঠে সিল্ভীর বিরুদ্ধে। আর কখনও যাবেনা ও সিল্ভীর কাছে।

সিল্ভীৰ কোন মনোবিকার নেই। আনেৎ যে এলনা এন্তে ওর মনের কোণে এতটুকু আচড়ও পড়ল না। ও ঠিক জানে, আনেৎ আসবে। অস্তুতঃ দিদিৰে এটুকু বুঝেছে ও। প্রতীক্ষা করেনি তা নয়। তবে তেমন একটা কিছু নয়। আনেৎ-এর পথ চেয়ে চেয়ে ওর চোখ ফুৰে যাবার অবকাশ হয়নি। আছে ওর প্রেমাস্পদ—অবশ্য মনের ছোট একটা ঝাঁকই রয়েছে মাত্র তার জন্ত—আর সেও চিরস্থায়ী বন্দোবস্ত হিসেবে নয়। তা ছাড়া আরো হাজার জিনিস আছে ওর ভাবার আর করার। আনেৎকে ও ভালোবাসে বৈকি! কিন্তু এই কুড়িটা বছর তাকে ছাড়াই ওর কেটে গেছে। এখন ক’টা দিনের মাত্র কথা, সে বেশ কেটে যাবে। ও বেশ পারবে অপেক্ষা করতে। জাছা আনেৎ-এর মনের মধ্যে কি হচ্ছে সিল্ভী কল্পনা করতে চেষ্টা করে। ভাবী মজা লাগে ওর। নখ-দন্ত বের করতে চায় মনটা। জাত-বৈৰী ওরা। দুটো মাস্তুলই নয়—যেন দুটো গোটা জাতি, দুটো আলাদা শ্রেণী—চির-বৈৰী ওরা। আনেৎ-এর ওখানে যেদিন গিয়েছিল সিল্ভী, সেদিন নিজেদের মধ্যে তুলনা ক’রে দেখেছে গোপনে।

আজ সিল্ভী ভাবছিল :

‘তুমি পেয়েছ বটে আনেৎ? কিন্তু ঠিকিনি আমিও। আমার বা আছে তোমার তা নেই...। ভেবেছ তুমি আমায় হাতের মুঠোয় পুরে রাখবে। তা হবে না। কাঁদো, ঠোট ফোলাও। কেমন দিবেছি ভেঙ্গে তোমার নীতির গুমর একঘায়ে। কেমন আনেৎ! কেমন ঘা খানা!’

সিল্ভী কল্পনা করে আনেৎ-এর নুখটা কালো হ’লে চুপ্-সে গেল। উল্লাসে হেসে ওঠে ও। হাসতে হাসতে ঠোটে আঙ্গুল ছুঁইয়ে আনেৎ-এর দিকে একটা চুমু ছুঁড়ে দেয়। সিল্ভী বুঝছিল আনেৎ-এর কষ্ট হচ্ছে। এত বড় তেঁতো বড়িটা গিলতে পারছে না সে যেন। তবু ওর মনে এতটুকু দরদ নেই। আনেৎ যেন ছোট মেয়ে—, তেঁতো ওষুধ খেতে গিয়ে কাঁদতে বসেছে। কিন্তু খেতে তো হবেই। মনে মনে মিহি গলায় আদর করে : ‘লক্ষী মেয়ে, হাঁ করতো দেখি। ঢক ক’রে গিলে ফেলো।’

কিন্তু কেবলি কি আহত নীতি-বোধের কথা, আর আহত সংস্কারের কথা?



সিল্ভী খুব ভালো করে জানে, তা নয়। এ আঘাত আর এক জ্বরগায়  
 গিয়ে পৌঁছেছে। সহজে পারবে না সে-কথা স্বীকার করতে আনেৎ। কিন্তু  
 সিল্ভীর আনন্দ হয়। ও বুঝে নিল দিদি ওর হাতের মৃঠোয় এসেছে...এ  
 স্বেযোগ ও ছাড়বে না...। দেখে নেবে কতটা ওর ক্ষমতা! বেচারী আনেৎ!  
 পারো নিজের সাথে লড়াই করতে তুমি? পারো আনেৎ? সিল্ভী ঠিক  
 জানে সে আনেৎকে আয়ত্ব করবেই। আসতে হবেই তাকে ওর হাতে। ব্যঙ্গ  
 আর দরদে মিশিয়ে আনেৎকে ও বলে করুনায় :

‘না না, তুমি নিশ্চিত থাকো, আমি চাইনে কিছু করতে।’

সেকি সিল্ভী...? অন্তের দুর্বলতা নিবে খেলা করতে ভালোই লাগে তো  
 তোমার! আর জীবনটাই তো লড়াই। লুটের মাল—যে জেতে সেই পায়।  
 অপর পক্ষকে তা মেনে নিতে হয়। এবং লাভ হবে জেনেই তা মেনে নেয়।

‘হোক...হোক...দেখাই যাক...।’

[ সাত ]

সেদিন সোমবার। সকাল বেলা সিল্ভী বেরিয়েছিল কি কাজে। চোখ  
 পড়ল আনেৎ-ও চলেছে ওদিকেই। সিল্ভী খানিকটা পেছনে ছিল। ভাবল  
 মজাই করা যাক না। চলল ঠিক তার পেছন পেছন। আনেৎ অত্যাস যত  
 লড়া লড়া পা ফেলে হাঁটছে। সিল্ভী পা ফেলে ছোট ছোট। দ্রুত, লঘু  
 নাচের ছন্দ তাত্ত। ওর হাসি পেল আনেৎ-এর খেলোয়াড়ী চালের পুরুষালি  
 হাঁটা দেখে। কিন্তু তবু ওই বলিষ্ঠ প্রাণ-স্পন্দিত দেহের সুসমঞ্জস রূপ ওকে  
 মুগ্ধও করে। মাথাটা একেবারে সোজা, না তাকায় ডাইনে না বায়ে; আনেৎ  
 সোজা চলেছে—মন ডুবে আছে কিসে কে জানে? সিল্ভী ওর নাগাল ধরে  
 পাশে পাশে হাঁটতে লাগল; আনেৎ টের পেল না। ওর হাঁটা নকল করতে  
 করতে আড় চোখে তাকিয়ে তাকিয়ে দেখতে লাগল আনেৎকে সিল্ভী। মুখটা  
 কেমন শুকিয়ে গেছে দিদির—একটা বিষাদের ছায়াও ঘন। মাথা না ঘুরিয়ে

বুঝ নীচু করে ডাকে সিল্ভী : 'আনেৎ !' রাত্তির গোলমালে শোনা বাস্তবিক কথার কথা নয়—সিল্ভী নিজেরই প্রায় স্তন্যে পেল না। আনেৎ-এর কানে ঠিক পৌঁছোল ডাক। অথবা কি আগে থেকেই টের পেয়েছিল যে ছু-মুখো মেয়েটা ওর পেছন পেছন আসছে। ডাড়াডাড়া পাশের দিকে তাকিয়ে দেখল সেট কৌতুককৌতুক চেনা প্রোফাইল, কিছু বলছেন অথচ ঠোট ছুটি নড়ছে একটা পরম কৌতুকে। ছোট ছোট চোখের ঝাঁক দৃষ্টিতে হাসি উছলান। খেমে পড়ে আনেৎ। এক বিপুল আনন্দের আকস্মিক প্রাবনে ও যেন স্তম্ভিত। সিল্ভী দেখেছে ওর এই আনন্দের বিরাট রূপ—দেখেছে, বিস্মিত হয়েছে, মুগ্ধ হয়েছে। হাত বাড়িয়ে দিলে আনেৎ। ওর সারা দেহ কাঁপছে। সিল্ভী ভাবে নাচতে আরম্ভ করবে নাকি মেয়েটা।

আনেৎ সামলে নিলে নিজেকে। শুধু বললে : 'সুপ্রভাত, সিল্ভী।' কঠোর শীতল ঔদাস্য। কিন্তু মুখ ওর উদ্ভাসিত হ'য়ে উঠেছে আলোর। ওদিকে সিল্ভীও ওর ছলনা বুঝতে পেরে হাসছে। আনেৎ-এর মুখোসটাও খসে পড়ে গেল। হেসে উঠল : 'ওঃ, ভারী ছুঁই মেয়েতো। হারিয়ে দিলে।'

সিল্ভী নিজের বাহু জড়িয়ে নিল বোনের বাহুতে। দুজনে হাঁটতে লাগল পাশাপাশি যতদূর সম্ভব গতি মিলিয়ে।

'অনেকক্ষণ আসছে ?' আনেৎ জিজ্ঞেস করে।

'তা আধঘণ্টাখানেক হ'লো বৈকি।' জবাব দেয় সিল্ভী।

'বাঃ, কখনও না।' বিশ্বাস করে না আনেৎ।

'আমি তোমার পেছন পেছন আসছিলাম তোমার হাঁটা নকল ক'রে ক'রে আর দেখছিলাম সব। সব দেখছি, জানো ? কি সব বলছিলে হাঁটতে হাঁটতে ?'

'বল সব বাজে কথা, মিথ্যেবাদী কোথাকার !' আনেৎ বলে।

শুনের হাত আরো দৃঢ় ভাবে জড়িয়ে যায়। কথার জোয়ার ছোট্টে—কোথায় গিয়েছিল এখন, কি করল—সেসব কথা। ভরা যন। কথা বলতে বলতে বাস্তব পার হ'য়। সাংঘাতিক ভিড়—পার্বীর মেয়েদের আত্মবিক্রমিত হুটো গাড়ীর মধ্য দিয়ে প'লে প'লে হ'তে হ'তে যেন প'ড়ে যায় সিল্ভীর : 'ওঃ, চুমু খাওয়াতো, দিদিতাই।'

ভীষণ জাড়া জাড়া চলেছে আনেৎ । সিন্ভী প্রায় পিঠে বাঁধে ওর হাতের চাপে । ফুটপাথে উঠে হাঁটতে হাঁটতেই ওরা হুঁ হুঁ খেল, তারপর আরো শক্ত করে পরস্পরকে জড়িয়ে নিয়ে চলতে লাগল এবারে একটা অপেক্ষাকৃত জনবিরল রাস্তায় । কি রাস্তা এটা ? কোন্ দিকে গেছে...?

‘কোথায় বাচ্ছি আমরা ?’ হঠাৎ খেমে পড়ে ওরা । তাইতো কথার মস্ত হ’য়ে রাস্তাই যে ভুল হ’য়ে গেল । কিন্তু ভারী মজা । হেসে ওঠে হুঁজনে । সিন্ভী আনেৎকে জড়িয়ে ধ’রে বলে : ‘চলোনা ভাই, আজ এক সাথে লাঞ্চ খাবো ।’

একটু ইতস্ততঃ করে আনেৎ, [আকস্মিকের রোমাঞ্চে মুগ্ধ ও হর, আবার বিরত ও হর ও—নিরসে বাধা জীবন ওর] বলে, পিসীমা অপেক্ষা ক’রে থাকবেন, হুস্তোর ছাই পিসীমা ! যত সব বাজে । সিন্ভী ঘাড় নাড়ে । আজ আনেৎকে পেয়েছে হাতে, ছাড়বে না সহজে । নিয়ে গেল ওকে একটা পার্লিক টেলিফোনে, ‘করো টেলিফোন পিসীকে ।’

তারপর এল একটা জানা ক্রীমের দোকানে । ভারী ভালো লাগছে হুঁজনেরই, বিশেষ ক’রে আনেৎ-এর—এই বাইরে এসে লাঞ্চ খাওয়া, আরো সিন্ভীর দেয়া লাঞ্চ । জেদ ধরেছে সিন্ভী ভাগ্যের ফলাঙ্গী দিকিকে ঐ খাওয়াবে আজ । বড় আনন্দ, বড় আনন্দ । সব কিছুতে উচ্ছ্বসিত হ’য়ে উঠছে আনেৎ । চমৎকার রুটি তো ! কাট্লেট্—! চমৎকার রান্না হয়েছে... ট্বেবেরী আসে, আসে ক্রীম...ক্ষু তি ক’রে খায় হুঁজনে ।

কিন্তু খাওয়ার চাইতে কথার ওদের মুখ ব্যস্ত রইল বেশী । কাজের কথা নয়—এ-কথা সে-কথা, অর্থহীন, ভাবহীন কথা । পরস্পরকে যেন ওরা পান করছে—পান করছে চোখের দৃষ্টি, কথা, কণ্ঠস্বর ; পরস্পরের নখ থেকে আলো বরছে, আর সেই আলোর ধারাতে করছে ওরা অবগাহন । মানুষের সহজাত বুদ্ধি আপন পথ চিনে চলে । ওদেরও মন বুঝল আসল কথার সময় আসেনি এখনও । আসল কথার আশ পাশ দিয়েই ঘুরতে থাকে হুঁজনে হেসে আর খুশি হ’য়ে ।

‘আমার কাজে থাকার সময় হ’লো ।’ সিন্ভী উঠে পড়ে ।

‘বারে, এখনই ! কিন্তু চমৎকার লাগছিল । আমার এখনও আশ যেটেনি যে...’

আনেৎ-এর, মুখে একটা আশা-ভয়ের ছায়া পড়ে—ছোট ছেলের হাত থেকে হঠাৎ খাবার কেড়ে নিলে যেমন হয়।

‘আমারই বুঝি মিটেছে!’ সিল্ভী হাসতে হাসতে বলে : ‘আবার আর একদিন ! কবে বলো !’

‘যত শিগ্গির হয়। আজ যে ফুস্ করে ফুরিয়ে গেল।

‘বেশ তো আজ বিকলেই। আমার দোকানে এসো—ছ’টা আন্ডাজ।’

আনেৎ ঘাবড়ে যায়। বলে : ‘আর কেউ থাকবে না তো?’ আর কেউ যানে ওর ভয় সিল্ভীর সেই বন্ধুকে।

সিল্ভী বোঝে : ‘না গো, না। আর কেউ থাকবে না। হ’লো?’ একটু প্রশ্নের সুর ওর সুরে। একটু ব্যঙ্গ ও ফুটে ওঠে বলার ভঙ্গিতে। তারপর বলে বন্ধু নেই এখানে। গেছে বাড়ী, সেখানে থাকবে দিন দুই তিন। সিল্ভী বুঝতে পেরেছে দেখে আনেৎ লজ্জায় লাল হ’য়ে ওঠে। ওর মনেই ছিল না দিন রাত জপে জপে ও সংকল্প ক’রেছে সিল্ভীকে ভালো ক’রে বুঝিয়ে দেবে যে তার চরিত্রের প্রতি কোন নৈতিক সমর্থন নেই ওর। যাই হোক মন্দের ভালো আঙ্ক সে লোকটা থাকবে না। স্মৃতরাং পরস্পরকে একান্ত ক’রে কাছে পেয়ে সন্ধ্যাটা নিবিড় হ’য়ে উঠবে।

আনন্দের হাত তালি দেয় আনেৎ। মনের কথাটা বলেই ফেলে। সিল্ভী নাচের ভঙ্গিতে এক পায়ে দাঁড়িয়ে উচ্ছ্বসিত হ’য়ে হেসে ওঠে। বলে : ‘আজ সবাই খুশি।’ কে আরেকজন এসে দোকানে ঢোকে—সিল্ভী একটু সংযত ক’রে নেয় নিজেকে। তারপর বিদায় নিয়ে ছুটে বেরিয়ে যায়।

কয়েক ঘণ্টা পরের কথা। আনেৎ এসেছে সিল্ভীর দোকানে। বেরুবার সময় হয়েছে। মেয়ে শ্রমিকদের কথা, হাসি, গল্প, পায়ের শব্দে মুগ্ধ হ’য়ে উঠছে ঘর। কেউ ছোট পকেট থেকে আয়না বের ক’রে চুল ঠিক ক’রে নিচ্ছে। কেউ বা অন্য কারুটা দেখে বা দোকানের আয়নাতেই সে কাজ সারছে। সবই পাশ দিয়ে যাবার সময় ঘুরে তীক্ষ্ণ কুতূহলী দৃষ্টি দিয়ে দেখে নিল আনেৎকে—চোখে তাদের সারাদিনের অবসাদ। খানিক দূর গিয়ে আর একবার ফিরে তাকাল—সিল্ভী তখন আনেৎকে জড়িয়ে ধ’রে চুমু খাচ্ছে।

সিল্ভীকে আনেৎ বুলঁতে নিয়ে গেল—ও আসতে চেয়েছিল। পিসী আসল পরিচয় জানতে পারলে কি-না-কি ব'লে বসবেন—সেই ভয়ে রাস্তাতেই ঠিক হ'লো সিল্ভীকে বুড়ীর কাছে বন্ধু ব'লে পরিচয় দেবে। বুড়ীর বড় ভালো লাগে সিল্ভীকে। খাবার পর শুভে যাবার আগেই সিল্ভী তাকে পিসী পিসী ব'লে সম্পর্কটা একেবারে কায়েম ক'রে নিল।

শ্রীশ্রীর সন্ধ্যা—স্বচ্ছ, সুন্দর। সিল্ভী আর আনেৎ বেড়াচ্ছে বাগানে। পরম অন্তরঙ্গতায় হাতে হাত ধরা। দিন শেষের মুছিত ফুল আপনার শেষ দান ঢেলে দিয়েছে বাতাসে। সে-সৌরভ বাতাস ছড়িয়ে দিলে দুই বোনের বুকে মুখে আর মর্মে। তার চোঁরায় ওদের চিত্তের রহস্য-পুরীর দ্বার গেল বুলে। আজ আনেৎ-এর প্রশ্নে সিল্ভী চূপ ক'রে থাকে না। অকপটে ব'লে যায় সব—প্রথম থেকে জীবনের যত কাহিনী। বিশেষ ক'রে বাবার কথা। আজ ওরা প্রাণ খুলে এট পরম আত্মীয়ের কথা আলাপ করে। বাধে না কোথাও। আজ কোনখানে এতটুকু জ্বালা নেই। বাবা আজ ওদের দুজনের যৌথ অধিকার। সহজ ভাবে প্রশ্ন যথেষ্ট সমালোচনা করে মানুষটাকে। বেশ লোক—চমৎকার! মজার মানুষ, না! তবে স্বভাবটি যা একটু...[তা পুরুষগুলো সবাই তো অমনি]...আর রাওলের ওপর রাগ নেই ওদের।

‘আচ্ছা দিদি—’ সিল্ভী বলে : ‘বাবা যদি লক্ষী ছেলেটি হ'তেন আমি আসতুম কোথেকে—’

আনেৎ ওর হাতে একটা মৃদু চাপ দেয়।

‘উঃ ছাড়ো, হাতটা ভেঙে দিলে যে।’ সিল্ভী ব'লে চলে :

...দোকান, মায়ের কুলের দোকান। ছোট সিল্ভী ব'সে থাকে টেবিলের তলায় ফেলে-দেয়। ফুলের গাদার মধ্যে...সেখানে বসে গাঁথে ওর প্রথম স্বপ্নের মালা। মায়ের কথা আর খন্ডেরদের আলাপ ব'সে ব'সে শোনে—ওই টেবিলের তলায় ব'সে ওর প্রথম প্যারীর জীবন-ধারার অভিজ্ঞতা। ডেলফী যখন মারা যায়, ওর বয়স সবে তের। মায়ের বন্ধু এক, পোষাকের দোকান তাঁর। সেই নিলে ওকে কাজ শিখতে। এক বছরের মধ্যে সেও চোখ বুজল। মরার বয়স তার হয়নি; খেটে খেটে দেহটা কয়ে গিয়েছিল। প্যারীর মানুষরা অমনি

করেই করে করে অকালে ফুরিয়ে যায়। তারপর...ওখুই কঠিন বাস্তব। আলসে অবিলীলায় দেখা অগৎ থেকে কুড়ান কত রকমের কত ভিত্তি অভিজ্ঞতা। কিন্তু সিল্ভী হেলার বলে যায় হাছা স্বপ্নের ছাওয়ার বাস্তবের তার উড়িয়ে দিলে। অদ্ভুত মেয়ে। মানুষের চরিত্র চিত্রনের পদ্ধতি তার অদ্ভুত। কথায় কাকে কাকে হঠাৎ আলাগা ভাবে বসিয়ে-দেয়া একটা টুকরো হাসি, একটা টুকরো কথা বা একখানা মুখ শুধু—বাস্ এর বেশী নয়। যেন কাপড়ে এলো মেলো ছুঁচের কোড় দিয়ে গেল, আর হুঁয়ে গেল একটা গোটা ছবি।

অবশ্য সব কথাই কিছু আর খুলে বলেনা ও। বড়টুকু বললে তার চেয়ে ওর অভিজ্ঞতার পরিসর অনেক বেশী...এত বেশী যে মনে রাখা কঠিন। হয়ত স্বপ্নের কটো দিয়ে কত বস্তুর ঝরে পড়ে গেছে। ধরে রাখা দরকার মনে হয়নি ওর। ওর বন্ধু—অর্থাৎ সর্বশেষ যিনি মানে বর্তমান যিনি বন্ধু পদবাচ্য, [ আরো অধ্যায় থাকলে সে অপ্রকাশিত রইল ] তার প্রসঙ্গ আসে কথায় কথায়। রূপণের মত সংক্ষিপ্ত বিবরণ দেয় সিল্ভী। ডাক্তারী পড়ে সে। দেখা হয়েছিল এক বল-নাচের আসরে [ ওঃ, ভারী নাচ ভালোবাসে সিল্ভী। নাচের জগৎ মদ খাওয়াও ছাড়তে পারে ও ] চেহারা তেমন কিছু নয়, তবে মন ও নয়। বেশ লম্বা চওড়া। গায়ের রং পাকা বাদামী। চোখ দুটো ঝলমলে, কিন্তু কোণের দিকে রেখা পড়েছে হুঁচারটে। বনেদী কুকুরের মত নাকের ছিট উপরের দিকে উঠোন। স্নেহপ্রবণ নরম-স্বভাবের মানুষ। হাসতে পারে, হাসাতেও পারে। সিল্ভীর বর্ণনার উচ্চাস ছিল না। সাধারণ-ভাবে বলে যায়, ভাল যা তাকে ভালও বলে, ঠিকনীও কাটে মাঝে মাঝে। তবে নিজের নির্বাচনে ও বেশ আত্মপ্রসন্ন তা বোঝা গেল। পুরনো কোন হাসির কথা মনে করে মাঝে মাঝে উচ্ছ্বসিত হুঁয়ে হাসে ও। আনেৎ উদগ্রীব হুঁয়ে শোনে। উদগ্র কৌতুহল নিয়ে ওর মনটা ব্যথায় যেন ভরে আছে। হুঁ একটা সামান্য কথা ছাড়া ও চুপ করেই থাকে। সিল্ভীর এক হাতে ওর হাত ধরা। আর এক হাত দিয়ে সে ওর আঙ্গুলের ডগাগুলিকে পরম স্নেহে নাড়াচাড়া করছে—যেন জগমালা। সিল্ভী বুঝে অত্যন্ত বিব্রত তার অপ্রতিভ হুঁয়েছে আনেৎ। আর এর জগৎ আনেৎকে ভাল লাগছে আরো বেশী।

গাছের তলায় একটা বেকিতে বসে আছে ওয়া। অন্ধকার হয়ে গেছে। কিছু দেখা যাচ্ছেনা—পাশের লোকওনা। অন্ধকারে ছুঁই সিল্ভীর সুবিধাই হয়েছে। যত রাজ্যের যত অত্যাগ্রে প্রেমের অশ্লীল লীলা সবিস্তারে বলে যায় ও—শুনতে ভয় কচিতে বাধে। আজ ও আনেৎ-এর ওপরে এক হাত নেবে। সেদিনের দিদিপনা দোখানোর শোধ তুলবে আজ। আনেৎ ওর অভিসন্ধি বোঝে। কিন্তু বুঝতে পারেনা এ ক্ষেত্রে সায় দেবে, না, ধমক দেবে সিল্ভীকে। গাল দেয়াই উচিত। কিন্তু কি সুন্দর মিষ্টি মুখ মেয়েটার, কথার আর গলার স্বরে কি ক্ষুণ্ণির স্বাকার—মনে তো হয়না ওর ভেতরকার স্বতোৎসার এট আনন্দের মধ্যে পাক মেশনো আছে। এসব কাহিনী শুনে আনেৎ-এর ভেতরে যেন ঝড় ওঠে। ঝড়ের ঝাপটা চাপা থাকে না। ওর হাতের স্পর্শেই আলোড়িত চিত্ত উদ্ঘাটিত হয়ে যায় সিল্ভীর কাছে। উৎফুল্ল হয়ে ওঠে সিল্ভী, বানিয়ে বানিয়ে আরো হাজার খানা ক'রে বলে। হঠাৎ এক সময় কানের কাছে মুখ এনে জিজ্ঞাসাই ক'রে ফেলে, কাউকে ভালবাসে আনেৎ? আনেৎ চমকে ওঠে—লাল হয়ে ওঠে। এ অতর্কিত আক্রমণের জন্ম ও প্রস্তুত ছিল না। সিল্ভীর তীক্ষ্ণ দৃষ্টি অন্ধকারের আড়াল থেকে আনেৎ-এর মুখ দেখতে চেষ্টা করে। কিন্তু দেখা যায় না কিছু। অতএব হাতখানা বুলিয়ে দেয় ওর মুখের ওপর।

‘উঃ, আগুন বেরুচ্ছে যে মুখ দিয়ে, আনেৎ! ব্যাপার কি?’ হাসে সিল্ভী।

অপ্রতিভ ভাবে হাসতে থাকে আনেৎ এবং আরো লাল হয়ে ওঠে। সিল্ভী ওর গায়ে এলিয়ে পড়ে।

‘কি বোকা আর ছেলেমানুষ দিদিভাই তুমি! না না, কে বলে বোকা। তোমার যত অমন মেয়ে শ'য়ে একটা মেলে না। রাগ করো না। আমার কিন্তু হাসি পেয়ে যাবে। আমায় আবার রাগ ক'রে সন্নিয়ে দিও না যেন। তোমার যত ভালো মেয়ে আমি নই বটে—কিন্তু বাই হই, বোন তো তোমার। আনেৎ, আনেৎ, আমার দিদিভাই...দাও দেখি মুখটা—’

ব্যাকুল ভাবে আনেৎ জড়িয়ে ধরে সিল্ভীকে—চাপে ওর দম বন্ধ হয়ে যায়। সিল্ভী ছাড়িয়ে নিয়ে বলে :

‘বেশ জো চুপ দিতে জানো দেখছি ! কে শেখালে বলো না !’ ও নিজেকে  
যেন জানে এমনি তর্কি কথার ।

তাড়াতাড়ি ওর মুখ চেপে ধরে আনেৎ । ‘কেবলি বাজে বকিস্ না ।’

সিল্ভী ওর হাতে চুমো খায় ।

‘আচ্ছা, আচ্ছা এবার মাপ কর, আর করব না ।’

গালটা আনেৎ-এর বাহর ওপর রেখে ও চুপ ক’রে পড়ে থাকে, শোনে  
আনেৎ-এর কথা । আনেৎ ওর মুখের ওপর ঝুঁকে কথা ব’লে চলে নীচু স্বরে ।  
গাছের ডালের কাঁকে আবছা এক ফালি আকাশ তরল অন্ধকারের ভেতর থেকে  
আপনাকে আড়াল ক’রে রেখেছে । তারই পটভূমিতে আনেৎ-এর মাথা ।  
মুখখানা পড়তে চেষ্টা করে সিল্ভী ।

আনেৎ নিজের কথা বলে—অপূর্ণ, অজস্র বৈভাবে ভরা ওর নিরালা যৌবন  
—সুম-ভাঙ্গা-ডায়েরনার প্রথম আলো-দেখা-যৌবন—প্রাণময়, জীবন্ত, দীপ্ত ।  
কিন্তু আজও তার বুকে হাওয়া লাগেনি, এতটুকু টেউ জাগেনি সেই প্রাণ-সমুদ্রে ।  
যা কিছু ওর আছে, আর যা আছে ওর কামনায় ভরা মনে, আনন্দ দিয়ে  
অভিষেক ক’রে রেখেছে তা । কারণ, যা ও চায় আর যা পেয়েছে তার মধ্যে  
ব্যবধান শুধু রাত আর প্রভাতের । ও জানে রাতের শেষে প্রভাত আসবেই ।  
অতএব থাক, ফুল বোটারই । সেখান থেকেই ঢালুক সুবাস । ভুলে আনার  
তাড়া নেই ওর ।

ঘটনাহীন, একটানা সেই আত্ম-কেন্দ্রিক দিনগুলি আর তার নিরুদ্বেগ  
প্রশান্তি ; বৈচিত্র-হীন অথচ স্বপ্নের রাগে রাঙ্গা । বাবাকে ভালোবেসেছে  
নিজকে একেবারে ঢেলে দিয়ে, ভুলে গিয়ে । ওর জীবন সবখানি জুড়ে  
ছিলেন তিনি ।

আজ নিজের কথা বলতে গিয়ে নিজেকে আবিষ্কার করে আনেৎ । তার  
আগে অতীতকে যেঁ চেষ্টে দেখার অবকাশ আর হয়নি । মূর্ত্তের জন্ম শংকিত  
হয়ে ওঠে ও । খেমে যায় কথা । বলতে বাধে, প্রকাশের ভাষা জোটে  
না...আবার অকস্মাৎ উঠলে ওঠে চঞ্চল আবেগের জোয়ার ; ব্যঞ্জনার স্নংএর  
খেলা জাগে ।



সিল্ভী বোঝে না সব । তবু কৌতুক বোধ করে । ও কেবল আনেৎ-এর মুখ দেখে ; নিরীক্ষার দৃষ্টিতে দেখে ওর গলা, দেহ সর্ব অবয়ব । কি যে বলছে আনেৎ, ওর কানে বড় একটা যায় না ।

বলে গেল আনেৎ সেদিনের কথা যেদিন আবিষ্কার করলে আড়ালে বাবার আরও এক সংসার আছে—আছে তাঁরই এক আত্মজা ওরই আপন বোন, ওর প্রতিশ্রুতী, ওর অংশীদার । সেদিন দেখে ও জ্বলেছে, পীড়িত হয়েছে । ওঃ কি কষ্ট পেয়েছে আনেৎ—আজ অকপটে বলে গেল সব । কিছু লুকোল না, সংকোচ রইল না এতটুকু কোন । চিন্তের প্রতি কোম ওর বাহ্য উদ্দীপ্ত হ'য়ে ওঠে...বলে যায়...হ্যাঁ, বলো আনেৎ, ঘৃণা করেছিলে তুমি সিল্ভীকে—ঘৃণা...। ‘ঘৃণাও করেছি তোমায় জানো !’ বলে আনেৎ তীব্র স্বরে ! নিজের স্বরের উগ্রতার চমকে থেমে যায় । সিল্ভীর কিছু বিকার নেই । ও ব্যগ্র কৌতুহলে শুনে যায় । আনেৎ-এর হাতের ওপর ওর গাল—ও টের পায় হাতখানা কাঁপছে থর্ থর্ করে । ‘আগুন জ্বলেছে ওর মধ্যে—’ ভাবে সিল্ভী ।

ছিন্ন সূত্রের খেঁচ টেনে বলে যায় আনেৎ । নিভৃত লোকের আধারের বস্ত, তাকেই আজ বাটরে টেনে আনলে ও বহু আয়াসে । সিল্ভী ভাবে—অদ্ভুত মেয়ে, আমাকে কেন বলছে এসব কথা ? কিন্তু এই অদ্ভুত বোনটার ওপর শ্রদ্ধা হয় সিল্ভীর । শ্রদ্ধার সঙ্গে একটু ব্যঙ্গ মেশান বটে—কিন্তু স্নেহে সরস । সিল্ভী আদরে গলে গিয়ে ওর হাতে গাল ঘষে । আনেৎ বলে চলেছে : ...দেখনি সিল্ভীকে, কিন্তু দুবার টানে সে টানলে ওকে । ভেসে গিয়েছিল আনেৎ । ডুবে গিয়েছিল । তারপর সেই প্রথম দেখা...। কিন্তু এবারে আর পারে না । আবেগে ওর কথা ডুবে যায়...নুখে ভাষা জোঁগায়না—শেষে হাল ছেড়ে বলে ওঠে : ‘না, আর পারবনা...।’

মৌন পরিবেশ...সিল্ভী হাসছে শুধু । মাথা তুলে আনেৎ-এর মুখের কাছে মুখ নিয়ে ওর চিবুকে একটা চিম্টি কেটে বললে : ‘তুমি যে প্রেমের সাগর গো !

‘আমি ?’ আনেৎ অপ্রতিভ হ'য়ে প্রতিবাদ করে...।

সিল্ভী উঠে দাঁড়িয়েছে । আনেৎ-এর হাতটা নিজের বুকে চেপে বলে : ‘বেচারি !’

হু' বোনের এখন দেখা হয় প্রায়ই। সপ্তাহে একবার অন্ততঃ ধরা আছেই। সিল্ভী প্রায়ই সন্ধ্যা বেলায় এসে শুকে চমকে দেয়। আনেৎ আজকাল গুর শুখানে কম যায়, এবং গেলেও সিল্ভীর বন্ধুর সঙ্গে দেখা হয়না,—ইবেনা এমনি বন্দোবস্ত হু'বোনে করে নিয়েছে। একটা দিন ঠিক করা আছে যখন গুরা সেই ক্রীমের দোকানে গিয়ে লাঞ্চ খায় তারপর গুরে বেড়ায়। সন্ধ্যাটাই গুরের আসল আনন্দ—প্রয়োজনও। যেদিন দেখা না হয় সেদিনটার দৈর্ঘ্য হু'জনের কাছেই হুঃসহ। এমনিতে আনেৎ-এর মুখে কথা নেই; বড়ী পিসী চেঁচা করেও গুর মুখ খুলতে পারে না; আর সিল্ভীর মেঘাচ্ছন্ন মুখও তার কাছে হু'য়ে শুঠে অকারণ রহিত। হু'হাতে কথা জমিষে মনের ডালি ভরে গুরা প্রতীকার কাক ভরায়, আর দেখা হলে সেই ডালি ঢেলে দেয় গুরা হু'জনের সামনে। তবু কাক ভরেনা পুরো।

সেদিন রাত দশটার পরে ঘণ্টা বেজে শুঠে। দম্কা হাওয়ার মত সিল্ভী এসে ঢোকে ঘরে : 'ও আনেৎ, একটা চুমু না খেয়ে আর কিছুতেই থাকতে পারলাম না, সকাল পর্যন্তও না। তাই এসেছি।'

এত আনন্দ আনেৎ একদিনও আর পায়নি। শুকে থাকবার জন্ত পীড়াপীড়ি করে। 'বাপু'র পাঁচ মিনিটের বেশী এতটুকুও না। সময় নেই। কেবল একটা চুমু খাবার জন্ত সব ফেলে ছুটে এসেছি, দিদি ভাই।' থাকলে না কিছুতে অথচ কথায় কথায় একটা ঘণ্টা কাটয়ে গেল।

আনেৎ চায় সিল্ভী এসে গুর সব সৌভাগ্যের অংশী হু'য়ে থাক এখানে। কিন্তু কিছুতেই ধরা দেয় না যেমটা। কোনো লোভ শুকে টানতে পারে না। গুর খেয়ালী মন পণ করেছে দিদির কাছ থেকে টাকা নেয়া চলবে না। ঋণ হিসেবেও না। অথচ ছোট খাটো এটা সেটা, এসাখনের জিনিস হু'একটা নিতে গুর বিন্দুমাত্র আপত্তি নেই। অবশ্য নেয় 'ধার' বলে। [ শোর দিতে

যদিও মনে থাকে না কেনোদিন ]। হু' এক সময় বলেও কেলেছে—ও আর এমন কি, ভারী তো একটা জিনিস...! কিন্তু টাকা সত্যি কোনদিন নেয়নি। ও পবিত্র বস্তু কি চোয়া যায়! কিন্তু ছোট খাটো সাধারণ গয়নাটা আসটার লোভ ও সংবরণ করতে পারে না। আনেৎ ওর এট ছল লক্ষ্য ক'রে অপ্রতিভ আর বিব্রত হয়—কেন সিল্ভী চায় না? আনেৎ-এর যে কত আনন্দ হয় দিতে। কিন্তু উপায় কি? অগত্যা ও না দেখার ভান করে। মানে মাঝে ৫রা জামাটা এটা সেটা বদল করে। আনেৎ-এর এতেই আনন্দ ধরে না। ওর ভালোবাসা এটুকুর মধ্যেও অনেকটা স্বার্থকতা খুঁজে পায়। আনেৎ-এর জামা কাপড় সিল্ভী নিজের উপযোগী ক'রে নেয় কুশল হাতে। আবার শুদিকে ওর সংখ্যে-রুচিবোধের উপর সিল্ভীর ছাপ পড়ে অজ্ঞাতসারে। অফুরণটা উৎসাহ-প্রাবল্যে প্রায়ই একটু বেশী দূরে চলে যায় অনেক সময়। ফলে ওর নিজস্ব ষ্টাইল যেটা, আর একমাত্র যা ওকে মানায়, সেটা ধার করা ক' চ' মেখে কুমোরের সস্তা দানের পুছল হ'রে ওঠে। সিল্ভী হেসে কুটিপাট হয়। ওকেই আবার উঠে প'ড়ে লাগতে হয় দিদির উৎসাহের মাত্রা খাটো করতে। সিল্ভী হুসিয়ার মেয়ে, আনেৎ-এর ভদ্র রুচি-জ্ঞান ও বেমালাম আস্থানায় ক'রে নেয় কোনো ঋণের স্বীকৃতি না রেখে। কিন্তু এমনি ওর পরিকার হাত যে কে যে আসল আর কে নকল তা ঠাহর করতে পারে না বাইরের লোকে।

এ ও কাছাকাছি থেকেও আনেৎ সিল্ভীর জীবনের একটা অধ্যায়েরই পরিচয় পেল শুধু। সিল্ভী তার স্বাধীন ছনিয়েয় পরিতৃপ্ত। আনেৎকে সে একথা বুঝিয়ে দিতে চায়। কিন্তু মনের তলায় শ্রেণী বিচ্ছেদ ওর জমাট বাঁধা। আনেৎকে ও বুঝাবে দিতে চায় ওর স্বাধীন এলাকায় কারো হস্তক্ষেপ বা কত্ব চলবে না। ও নিজে যাকে পাসপোর্ট দেবে সে ছাড়া কারো কোনো সময় সেখানে প্রবেশাধিকার নেই। আঙ্গ-বিলাসী সিল্ভী বুঝেছিল অনেক কিছুই আনেৎ সমর্থন করে না। বিশেষ করে ওর প্রেম-ঘটিত ব্যাপার যেনে নিতে চেঁটা সে করে বাটে। কিন্তু ভেতরকার প্রতিবাদ চাপা থাকে না। এ সব প্রসঙ্গ ও এড়িয়ে যেতে চেঁটা করে। কিন্তু এক এক সময় বাধ্য হ'য়ে আলোচনার যোগ

দিতে হয়। তখন সিল্ভী আঘাত না পায় এই থাকে ওর লক্ষ্য, সুতরাং ওর কথায় জোর থাকে না। সিল্ভীর চোখ এড়ায় না। চতুর সে, যুহুর্থে কথার মোড় ফুরিয়ে নেয়। আনেৎ-এর মন এতেও ব্যথা পায়। ও সারা বুক দিয়ে চায় সিল্ভী সুখী হোক—যা নিয়ে হোক, যেমন করে হোক, কেবল সুখী হোক। কিন্তু ও একে জানতে দেবে না ওর মনের সত্য, জানতে দেবে না, সিল্ভী যে-পথে চলেছে সে-পথকে মেনে দিতে ও পারছে না।

কিন্তু বত সংকল্পই থাক, সত্য বেরিয়ে পড়ে। আবেগের মুখে তীক্ষ্ণ অনুভূতি বাধা মানে না। সিল্ভী এতে আবার হুঃখ পায় এবং চুপ করে থেকে শোষ নেয়। এমনি করেই দিন চলে। কিন্তু একদিন সিল্ভীর জীবনের এক বিশেষ অধ্যায় আনেৎ-এর চোখের সামনে খুলে গেল।

বিশেষ অধ্যায়—কিন্তু সিল্ভী তার এতটুকু গুরুত্ব দেয়নি। হয়তো ওর বেগ আর ব্যাপ্তিধর্মী মন সব কিছুকে ঝেড়ে ফেলে অতি সহজে। নয়তো বা বাস্তবের গুরুত্ব মেনে নিতে ওর গর্বে বেধেছে। এবং সেই কারণেই ও হেসে লাঘব করতে চায় যা লঘু নয় তাকে। এটা ওর আত্মছলনা। এবং এই কারণেই ও ব্যাপারটা আনেৎকে এতদিন জানতে দেয়নি। ঘটনা চক্রে সেদিন লক্ষ্য করল আনেৎ যে বেশ ‘কিছুদিন হলো’ [ ঠিক কতদিন তা বলা শক্ত—প্রায় ‘প্রাচীন ইতিহাসে’ দাঁড়িয়ে গেছে ] সেই ভদ্রলোক অর্থাৎ সিল্ভীর বন্ধুটি আর আসছেন না। ওদের সম্পর্ক ছিন্ন হয়েছে। এত বড় ঘটনায়ও সিল্ভীর কোন বিকার হয়নি। কিন্তু আনেৎ-এর হ’লো। একটু অপ্রতিভ ভাবেই ও ব্যাপারটা জানতে চেষ্টা করল। সিল্ভী কাঁধটা একটু নেড়ে হেসে জবাব দিল : ‘কি আবার হবে। ফুরিয়ে গেছে, বাস্!’ আনেৎ-এর উল্লসিত হওয়া উচিত ছিল, কিন্তু হ’তে পারল না। সিল্ভীর শেষের কথাগুলোয় ও মনে আঘাত পেল...। কি অদ্ভুত মেয়ে! কি অদ্ভুত মন! কিন্তু কি অন্ডায়... ভাবে আনেৎ। ‘ফুরিয়ে গেছে!’ অন্তরের জগতে ফুরোয় নাকি আবার কিছু... আর অত সহজে!...অমন করে হাসতে পারলে কি করে ও!

এই মন্ত বড় [ আনেৎ-এর কাছে বড় বৈকি। ] সংবাদটার অল্প পরেই আরেকটা নতুন খবরও গুণ্ডা গেল...। প্রায় আবিষ্কারই হলো। সেদিন

আনেৎ দোকানে এসে সিল্ভীকে বলল ছুটির পর সে আসবে সিল্ভীর  
ওখানে ।

সিল্ভী শান্তভাবে বলল : ‘ওখানে যাবে কি, আমি ওখানে থাকি  
না এখন আর ।’

‘অর্থাৎ ? কবে থেকে ?’ আনেৎ অবাক হ’য়ে যায় ।

‘তা কিছুদিন হ’ল বৈকি ।’ [ ঠিক সময়টা কিছুতেই বললে না । কালও  
হ’তে পারে, অথবা গ ছবছর, না সিল্ভী ? ]

‘কেন, কি হয়েছিল ?’

‘নতুন কিছু নয় । যা প্রতিবার হব । গ্র্যাণ্ড প্রিন্স রেসের পর । আমাদের  
মালিকরা হল মোড়া ধবেন আর রেনে হেরে তলপী ফোঁকেন আর আমরা  
ছাটাই হই ।’

‘কোথায় আছিস তাহলে ?’

‘এই এখানে সেখানে ! থাকলেই হ’লো । ঘুর কিরি, এটা সেটা করি ।’

আনেৎ হতভয় হ’য়ে গেল ।

‘তাহলে কাজ এ নেই । আর আমাকে বলিসনি !’

একটু ভারি কী চলে সিল্ভী জানায়, ( মনে মনে খুশি হয় যে এর জন্য  
আনেৎ এতটা ব্যস্ত হয়েছে ) কিছু করে না তা নয়—করে এদিক ওদিক  
ছোট ছোট কাজ—এই কিছু বাচ্চাদের জামা—নিজে সেলাই করে,  
টেকে টেকে দেবার অর্ডারও নেয়, প্যাকট ইত্যাদিও সেলাই করে  
হ’চারটে । খুব হাসতে হাসতে নেহাৎ হেলায় কথাগুলো বললে, যেন  
খুব হাসির কথা, নেহাৎ বাজে হাস্য কথা । আনেৎ হাসে না । হাসতে  
পারে না । নানা প্রশ্ন ক’রে এটুকু বের ক’রে নিলে যে সিল্ভী কাজের  
জন্য খুব চেষ্টা করছে এবং আর না থাকতে খুব অসুবিধায় পড়েছে ।  
এবং মাঝে মাঝে তাকে এমন কাজও করতে হয় যা করতে এর রুচিতে বাধে ,  
ভালোও লাগে না এবং খাটুনিও অমানুষিক ।

আনেৎ বুঝতে পারে কেন সিল্ভীর চেহারা অমন এবং কেন কিছুদিন হ’লো  
ওর ওখানে আসেওনি । জিজ্ঞাসা করলে নানান ওজর দেখিয়েছে । আসলে রাত

জেনে ও সেলাই করেছে, বুঝে আনে? যেন কিছুই হয়নি এমনি করে সিল্ভী নিতান্ত লঘুভাবে ওর চাকুরী খোঁজার ছুচারটে ব্যর্থ কাহিনী বলে যায়, আর হেসে গড়িয়ে পড়ে। কিন্তু ওর চোখ এড়ায় না, আনেৎ-এর ঠোট কাঁপছে রাগে। ‘অন্ডায়, অন্ডায়, নিতান্ত অন্ডায়,’ আনেৎ হঠাৎ ফেটে পড়ে : ‘আমি কিছুতেই সহ্য করব না। এদিকে বলো আমায় ভালোবাস ? নিজেই এগিয়ে এলে আত্মীয়তা করতে—আর কি করে আমার কাছ থেকে এত বড় ব্যাপারটা লুকিয়ে রাখতে পারলে...’

‘ছোঃ ভারী তো ব্যাপার !’ ঠোট ফুলিয়ে জবাব দেয় সিল্ভী। আনেৎ ওর মুখ চেপে ধরে, ওর চোখে বস্তু নেমে এসেছে ততক্ষণে...।

‘আমি বিশ্বাস করেছিলাম তোকে। ভেবেছিলাম আমি যেমন আমার মুখ দুঃখের সব কথা তোকে খুলে বলি, তুইও বলবি। বিপদে পড়লে অন্ততঃ লুকোবিনা। আমি জানি, যা হয় আমরা দু’জনে ভাগ করে নেব—মুখ দুঃখ সব। আর তুই কিনা নেহাৎ পরের মত আমায় এক পাশে ঠেলে রাখলি। কিছুই জানতে দিলিনে আমায়। আজ কথায় কথায় হঠাৎ না বেরিয়ে পড়লে তো কিছুই জানতে পারতাম না যে এত কষ্টে পড়েছিস আর চাকুরির জন্তু এমনি করে হস্তে হ’য়ে ঘুরে ঘুরে শরীরটার মাথা খাচ্ছিস। এমনি করতে করতে হস্ত হাতের কাছে যা পাওয়া যায় তাই নিয়ে বসতিস্ যা তা একটা। আমি জানতেই পারতাম না কিছু। তুই জানিস না, তোর এতটুকু করতে গেলে আমার কত আনন্দ হয় ! না, এ তোর বড় অন্ডায়, অবিচার...জানিসনা সিল্ভী, কত বড় আঘাত আমায় দিলি আজ...। এই তোর আমাকে আপন মনে করা। আমাকে ভালোবাসা ! সব তোর বাজে কথা। এ আমি বরদাস্ত করব না কিছুতে...। যাক, যা হয়েছে। এখন প্রথম কথা হ’লো—তুই আসছিস আমার সঙ্গে, এবং থাকছিস আমার কাছে যতদিন না মন্দার এসময়টা উৎরে যায়...।

সিল্ভী মাথা নাড়ে।

‘খবরদার, মাথা নাড়াটাড়া নয় বলছি, সিল্ভী। ভালো চাসতো কথা শোন। নইলে বুঝি। কথা না যদি শুনিস, একদমে, খবরদার, মাথা নড়া

টুটা নয় বলছি। ভালচাসতো কথা শোন। নইলে বুঝবি। কথা না যদি শুনিস এজন্মে আর তোর মুখ দেখব না।’

‘না গো না, তা হয় না!’ কেন হয়না সিল্ভী তা বলে না, কেবল ঘাড় নাড়ে আর জোরে জোরে হাসে। আনেৎ-এর ভাবনা দেখে ওর খুব ভালো লাগছে। ওঃ দিদিটা কেমন একেবারে পাগল হ’য়ে গেছে। কেঁদে কেঁদে দেখছি—যেই বুঝি বসে! উত্তেজিত হ’লে বেশ দেখায় দিদিকে—সিল্ভী ভাবে।

রাগে আনেতের মুখ লাল হ’য়ে উঠেছে...কখনও অস্থানয় বিনয় করে, কখনও শাসায়।

‘বল্ সিল্ভী, তুই আসবি। বল্ থাকবি...বল্...আমি যে বলছি যে... থাকবি কেমন? ঠিকতো? না না...থাকবি বল্না...হ্যাঁ বল্...’

ঠিক তেমনি হেসে দুই মেয়েটা জবাব দেয় :

‘হ্যাঁ নয়? না,না-গো, না—’

হাসি দেখে গায়ে জ্বালা ধরে। আনেৎ এক ঝটকায় মুখ ফিরিয়ে নেয়।

‘বেশ, তাহলে এখানেই শেষ।’

পেছন ফিরে ও জানালায় গিয়ে দাঁডায় এমন ভাবে যেন সিল্ভী যে ওখানে আছে সে কথা ওর মনেই নেই। সিল্ভী খানিক ক্ষণ চুপ ক’রে থাকে তারপর ভোমামোদের সুরে বলে :

‘আসি দিদি ভাই তাহলে।’

আনেৎ ফিরল না। বলল : ‘এসো।’

ওর হাত দুটো শক্ত মুঠো হ’য়ে ওঠে। ফেরেনি ভালই, নইলে কি হতো কে জানে। হয়তো সুপিয়ে কেঁদেই উঠতো। কিন্তু ও ফিরলনা, নড়লনা, চুপ ক’রে শক্ত হ’য়ে দাঁড়িয়ে রইল রং দেখি ভক্তিতে। সিল্ভী কেমন বিব্রত বোধ করে, অস্বস্তি লাগে বড়। আবার মজাও লাগে ভারী। চলে গেল ও।

কেমন চমৎকার ভক্তিতে ও মাথা উঁচু ক’রে দিদিকে ঠেকিয়ে চলে এল। বেশ একটু আশ্চর্য্য বোধ হয় সিল্ভীর। আনেৎ-এর নিজের উপর রাগ হয়। নাঃ, ঠিক হয়নি এমন ভাবে রাগ করা! এখন করা যায় কি। ও পথ পায় না—

জলে নেমে নৌকোটা পুড়িয়ে দিয়েছে—এখন ডাক্তার আসায় উপায় কি। একটু  
 ধৈর্য ধরে থাকলেই কলকৌশল করে জেদী মেয়েটাকে কেমন যেত। তা  
 না করে তাড়িয়ে দিলে ওকে। আর কি আসবে কিরে? কখনও না—যে  
 মেয়ে বাপ! আনেৎ হিত করতে বিপরীত করে বসল। এখন ওকে কেমন যায়  
 কি বলে! এখন কি বলে আর তার পেছনে ছুটবে। গর্বে যা লাগবে যে!  
 মনও বলছে ঠিক হয়েছে—যেমন কুকুর তেমনি মুগুর।

না না কখনও না, যাবেনা আনেৎ।

কিন্তু তক্ষুনি টুপীটা পরে সোজা সিল্ভীর আস্তানার দিকে ছুটল।

বাড়ীতেই এসেছে সিল্ভী। বসে ভাবছে একটু আগের বিশ্রী কাজটার  
 কথা—তলিয়ে বুঝে দেখতে চেষ্টা করছে। অনর্থক এমন একটা ব্যাপার ঘটে  
 গেল যার কোন মানে হয় না। এখন কি করা যার? মাথা সে নোয়াতে পারবে না  
 আনেৎ-এর কাছে। আর আনেৎই কি মাথা নোয়াবে? উঁহ। কখনও না। ও  
 ভেবে দেখল, অন্ডায় হয়নি। কিন্তু তবু ও পারবে না মাথা নীচু করতে।  
 সম্পদের মাহাত্ম্য সিল্ভী বোঝেনা তা নয়। আর ওর অজ্ঞাতসারে আনেৎ-এর  
 সৌভাগ্য ওর মনকে নাড়াও দিয়েছে—হিংসে হয় সৌভাগ্যের ওই বরপুত্রীর  
 ওপর—মনকে টানেও ওই ভরা ঐশ্বর্য। (এতো হবেই, লাভ না হলেও হিংসে  
 এক আধটু হবেই)। বিশেষ করে জীবনের খর মধ্যাহ্নে, ছোট বড় কামনা, স্বপ্নের  
 আলো ছায়া ছলছে ওই মধ্যাহ্নের বুকে। মন ঘোড়া ছুটয়ে দিগ্বিদিকে অভিযানে  
 ছোটে—সে ছহাতে ঐশ্বর্য ছড়াবে আর আর ঐশ্বর্য আহরণ করে আনবে। কিন্তু  
 তুমি সর্বহারা, দীন, রিক্ত। তোমার সামনে ওই রয়েছে পরগাছার দল যারা  
 বিনা আয়াসে পায়, অখচ আয়েস করে ভোগ করতে জানে না। হয়ত ভাবছ ওই  
 ঐশ্বর্যবতী মূঢ়ের ঐশ্বৰ্যের সদ্ব্যহার হতে পারতো তোমার হাতে। কিন্তু কথাটা  
 নিজের কাছে কবুল করতেও ওর লজ্জা করে। তবু একটু খোঁচা মনে না  
 লাগে তা নয়। আনেৎ-এর ওপর একটু হিংসে হয়। কিন্তু আনেৎ-এর দোষ কি?  
 বদ্বিই বা থেকে থাকে সে-দোষ খালন করার চেষ্টা তো সে করছেই।

তবু যে ঐশ্বর্য থেকে ও বঞ্চিত হয়েছে তার প্রতি একটা অবজ্ঞা আর ঘৃণার  
 ভাব ফুটিয়ে রাখতে ওর ভালো লাগে। এ ওর একটা বিলাস, এবং এই পরম



বিলাসকে ও উপভোগ করতে চায়। কিন্তু এ বিলাসে জন্মও নাই, নিজের স্বার্থেরও বিরোধী। এ কথাটা অত্যন্ত স্পষ্ট হয়ে উঠল সিল্ভীর কাছে। তা ছাড়া একটা আপাতঃ জয় হয়েছে বটে। কিন্তু তাতে কি। লাভই বা এমন কি হলো! জয় যদি হ'য়েই থাকে তার দায়ও ওকে দিতে হ'য়েছে। ওর নিজের বর্তমান অবস্থার পরিপ্রেক্ষিতে এ কথা 'ওর আরো বেশী মনে হয় এবং আরো বেশী পীড়া দেয়। এ সংকট থেকে উদ্ধার পাবার পথ কোথায়? প্রাণ বেরিয়ে যাচ্ছে, তবু কিছু জোগাড় হ'ল না। অসংখ্য মেয়ে বেকার হ'য়ে আছে, আর মালিকেরা এ সুযোগ নেবেই, নিচ্ছেও। স্বাস্থ্যও ওর তেমন নয়। আর জ্বলাইএর এই দুধ ব' গরম! তার ওপর হাড়-ভাঙ্গা খাটুনি রাত পর্বস্তু। পুটিকর খাবার অভাব, ভালো পানীয়ের অভাব—সবে মিলে ওর পেটের যন্ত্রগুলোকে একেবারে বিকল করে দিয়েছে। ঐ থাকায়ই এন্টারাইটস্-এ ভুগে উঠল। এখনও তার থাকার সামলাতে পারেনি ও। শরীরটা ভারী দুর্বল হ'য়ে গেছে। চালের লোহার কাঠামো গরম উত্তপ্ত হ'য়ে উঠেছে—তাপ বেকছে তা থেকে... জানালা দরজা বন্ধ...সিল্ভীর মাংস যেন জলছে। জামা খুলে চারধারে ছাতড়াচ্ছে—একটা ঠাণ্ডা জিনিসও যদি হাতে ঠেকে যাতে হাতটা অন্ততঃ রাখা যায় একবার। আর ভাবছে আনেং-এর বুল প্রাসাদের কথা,—আঃ, কি ঠাণ্ডা সেখানে এখন! আর নিজের বোকামীর জন্তু নিজকে কঠিন অভিশাপ দেয়। আর কিছু পাবুক আর না পাবুক দুধ ত্যাগচাতে জানে সিল্ভী। চমৎকার সিল্ভী, বেশ করেছ, ভালো করেছ...। আনেং-এর সঙ্গে দুধ দেখা অবধি বন্ধ হ'লো। কিন্তু কই এমন তো ছিল না, হ'জনের প্রাণে মনে বিরোধ তো কোথাও ছিল না। কি মূর্খ, মূর্খ—হ'জনেই নিরেট মূর্খ। কেউ এতটুকু মাথা নীচু করবে না...

না, না, না—সিল্ভীও নোয়াবে না মাথা, নোয়াতে পারে না, এ ও ঠিক জানে। বোকামী? হ্যাঁ তাই করবে ও শেষ পর্যন্ত। ওর বর্ণহীন শুকন ঠোঁটের কোনে ঝাকা হাসি ফোটে—। ঠিক এমনি সময় এল অতি পরিচিত গায়ের শব্দ। আনেং নইলে কার পা অমন করে পড়বে মাটিতে একেবারে জানান দিয়ে। লাফিয়ে ওঠে সিল্ভী...আনেং আসছে...ফিরে এসেছে সে...।

অন্তর্কণে ঘরের মধ্যে এসে পড়েছে আনেৎ । রাস্তার গরম হাঁটার ক্রান্তি আর মনের উত্তেজনার এত ব্যতিব্যস্ত আনেৎ যে এতক্ষণ ভাবেইনি কেনই বা ও আসছে, আর এসে কি করবে । কিন্তু ঘরে পা দিয়েই ওর সব সংলয় কেটে গেল । ঠিক হ'য়ে গেল পথ । আধা অন্ধকার ঘর, ভেতরটা যেন অগ্নিকুণ্ড—ওর দম বন্ধ হ'য়ে আসতে চায় । রাগে সর্বাঙ্গ কাঁপে । সিল্ভী চিত হ'য়ে শুয়ে ছিল । ছুটে গিয়ে ওর ঘামে ভেজা কাঁধ ধ'রে ঝাঁকানি দিয়ে উত্তেজিত স্বরে চিৎকার ক'রে উঠল :

‘শিগ্গির ওঠ ? ওঠ বলছি ? কাপড় পরে নে একুনি । আমি তোকে নিয়ে তবে যাব । না, কোন কথা শুনব না, একটিও না ।’

অভ্যাস মত প্রতিবাদ করে সিল্ভী । একটু জেদেরও ভান করে । শেষটার হাল ছেড়ে দিলে । আনেৎ জোর ক'রে ওকে কাপড় পরিয়ে দিলে । জামার বোতাম লাগিয়ে দিলে । টুপীটাও মাথায় তুলে দিলে—এক কথায় বলতে গেলে পার্শ্বলের মত প্যাক ক'রে নিয়ে চলল ।

সিল্ভী নেহাৎ মান রক্ষার জন্ত কেবলি না না করে । রাগও দেখায় খানিকটা ; দুর্বল ভাবে চিৎকার ও খানিকটা ক্ষীণ প্রতিবাদও করে । কিন্তু আজ ওর উপরে এই জুসুমে ও খুশি হ'ব । আনেৎ-এর হ'য়ে গেলে ওকে দু'হাতে জড়িয়ে সিল্ভী চুমো খেল আনন্দের আতিশয্যে । তারপর ভরা হাসির ঢেউ তুলে বলল :

‘হয়েছে বাবা হয়েছে ! এই নিন, চরণে হাজির দাসী তব, নিয়ে চলো মোরে যথা ইচ্ছা তব হে দেবী !’

আনেৎ একরকম ওকে তুলেই নিয়ে গেল । কুমতি যেমন মাসুকে কঠিন পাকে জড়িয়ে ধরে, ঠিক তেমনি শক্ত ক'রে দুইহাতে ওকে জড়িয়ে ধরে নিয়ে এল টানতে টানতে রাস্তায় । তারপর একটা ট্যান্ডী ক'রে বাড়ী এল ।

বাড়ী পৌঁছে সিল্ভী বলল : ‘বাপ্‌স্ বাচালে, এখন বলছি, দিদি তাই, আসার জন্ত আমি ধরে মাহিলায় ।’

‘তবে এমন জের করছিলি, কেন দুই মেয়ে ?’ এসব মনে আনেৎ বলে ।

সিল্ভী আনেৎ-এর হাতটা টেনে নিয়ে তার মধ্যমা দিয়ে নিজের কপালে  
আস্তে আস্তে ঠুকে ঠুকে দেখাল...

‘হ্যা ঠিক ওখানে পোকাকার বাসা আছে !’

আরনায় দু’ইজনেরই ছায়া পড়েছে। সেখানে দু’জনের কপালের দিকে  
দেখিয়ে সিল্ভী বলে : ‘ঠিক তোমার মত, না ভাই !’ দু’জনের চোখেই কোমল  
হাসির ছাতি। পোকাগুলো কোথেকে এসেছে জানোতো ! সিল্ভী আবার  
বলে হাসতে হাসতে।

[ নয় ]

ঘরখানা যেন সিল্ভীর প্রতীকার বসে ছিল এতদিন। সিল্ভীর কথা  
জানার আগে থেকেই তার জন্ম আসন ছিল পাতা কিন্তু আসেনি সেই মানুষ...  
হাত বারে বারে তার ছায়া খানি কেবল ছুঁয়ে ছুঁয়ে গেছে। আনেৎ-এর  
ব্যক্তির, বিশেষ করে ওর স্ব-প্রধান বলিষ্ঠ ব্যক্তির, কখনও ওঁদাস্যে কঠিন,  
কখনও ব্যগ্রতায় উবেল। নিগড়-বাঁধা আত্ম-সংস্থিত চিত্তের এই ধামধেরালি  
চেহারাতে ভয় পায় ওর সঙ্গিনীরা ; ভয় পায় তারা কেমন। ভয় পায় ওর অদ্ভুত  
প্রকৃতিকে, তার প্রভুত্বের প্রবল ব্যঙ্গনাকে—কড়া মনিব যেন আনেৎ—ওর  
হিসাব না চুকিয়ে উপায় নেই তোমার। অদ্ভুত ওর স্বভাবের এদিকটা।  
চেনেনা নিজের এ-রূপকে, জানেনা ক্ষণে ক্ষণে মুখোস খুলে বেরিয়ে পড়ে ওর  
ভেতরের এই অদ্ভুত মানুষটা—এমন কি আপনাকে একেবারে নিঃশেষে দিয়ে  
দেবার উন্মুখ মুহূর্তেও। ভয় পায় ওর সহপাঠিনীরা। তবু তারা কাছে আসে।  
ওকে তারা ভক্তি করে, সন্ম করে। ওর ভেতরে চুঙ্ক আছে। তার টান  
এড়াতে পারে না ওরা। তবু দূরের মানুষ আনেৎ, ভক্তের পূজা পায় দূর থেকে।  
ভালো বেসে কাছে এসে বসবে যে সে-মানুষের পায়ে চিহ্ন এখনও ওর ঘাটে  
পড়েনি। সিল্ভী প্রথম এল সেখানে। অবশি সিল্ভীর মনে বিশেষ কোন  
চিহ্ন পড়লো না। ও জানে যেদিন খুশি হবে আবার খেয়ালের হাওয়ায় ভর

ক'রে এ নীড় কোলে উড়ে বাবে ও ; ব্যথা বাজবে না এতটুকুও । আনেৎকে ওর তাই ভয় নেই । এই বিশেষ ঘরখানা—যেখানে পরম আদরে আনেৎ ওকে প্রতিষ্ঠা করেছে, তা দেখে ও অবাক হয়নি । কারণ, যেদিন প্রথম ও এ-বাড়ীতে এসেছিল, সেইদিনই ওর মন বলেছিল, এ ঘর ওর । আনেৎ-এর হাবে ভাবে, ও বুঝতে পেরেছিল । বিশেষ ক'রে এ ঘরটা দেখাবার সময় আনেৎ কেমন যেন বিব্রত হ'য়ে পড়ছিল । সেদিনই ও জেনেছে এই কক্ষ একদিন ওরই হবে ।

সিল্ভী হার যখন মেনেছেই তখন আর বিদ্রোহ করল না । সেই অশুখের পর শরীরটা ওর ভারী দুর্বল । সারেনি এখনও । সুতরাং ও ছেড়ে দেয় আপনাকে দিদির হাতে । আনেৎ ওকে আদরে, আপ্যায়নে, প্রশ্নে ঘিরে রাখে । ডাক্তার বলে গেছে, শরীরে রক্ত নেই ; হাওয়া পরিবর্তন প্রয়োজন কোনও পাহাড়ী জায়গায় । তেমন ব্যগ্রতা দেখা গেল না দু'জনের কারো—দু'জনের যুক্ত জীবন-ধারার এ সংক্রম-তীর্থ ছেড়ে যেতে ওদের মন সরে না । দু'জনেই আকার ক'রে মিষ্টি কথা বলে কাজ হাসিল করতে ওস্তাদ—সুতরাং ডাক্তারকে একদিন বলতেই হবে যে বুল'র হাওয়াও বেশ ভালো, এমন কি সিল্ভীর পক্ষেও তা বিশেষ ভাবে উপযোগী । আর পাহাড়ে যাবার আগে বিশ্রাম ক'রে একটু শক্তি সঞ্চয় ক'রে নেয়া ভারী দরকার । ডাক্তার বলবে মানে ডাক্তারকে বলিয়ে ছাড়বে ওরা—সে-কৌশল ওদের জানা আছে বেশ ।

সুতরাং এখন নিশ্চিন্ত মনে শয্যা-বিজাসী হ'তে পারে সিল্ভী । ওঃ, কত দিন হলো 'ও প্রাণ ভ'রে শুতে পায়নি, ছপুরো ঘুমোয়নি কত কাল ! এখন প্রাণ মন ভরে ঘুমোনের সময় এসেছে ওর । এতদিনকার ঘুমের ঘাট্টি বাজেট ও পূরন ক'রে ছাড়বে । না ঘুমিয়ে বিছানায় এলিয়ে প'ড়ে থাকার ভারী চমৎকার ! খব্দবে সাদা নরম চাদর—হাত পা ছড়িয়ে দিয়ে ও প'ড়ে থাকে—আর পা দিয়ে বিছানার ঠাণ্ডা জায়গা খোঁজে—তন্দ্রার আবেশের মত একটা সুখ, ঝালি আরাম নয়—সুখ, ছেয়ে থাকে ওর সর্বাঙ্গে, ভেসে যায় ও স্বপ্নের তরঙ্গে—মন পবনের নায়ে পাল তুলে...কিন্তু বেশী দূর যায় না তো ওর নাও ! ছাদে বসেছে ওই বে মাছিটা—ওরই মত কেবল একই জায়গায় ঘোরে আর ঘোরে । সে-ঘোরার আর যেন শেষ নাই...ওই দোকান...টুপী...ওর প্রেমিক

বন্ধু...তারই মধ্যে এক একবার লাফিয়ে উঠে ওর মন ঝাঁপ দেয় সৃষ্টির পারাবারে...

‘শুনছ সিল্ভী...শোন...’ [ যুয়ের ঘোরেই প্রতিবাদ জানায় ও ]...  
‘শোন...এই কি জীবন ?...বেরিয়ে এস তোমার ওই খাঁচা ভেঙ্গে...’ আখখানা চোখ খুলে দেখে—আনেৎ ঝুঁকে আছে ওর ওপর। বলতে চেষ্টা করে [ মুখ দিয়ে কথা বেরুতে চায় না ] : ‘দিদি জাগিয়ে দাও আমার, ভাঙ্কিয়ে দাও আমার যুম—’ আশ্বে আশ্বে নাড়া দিয়ে আনেৎ বলে : ‘ওঠ খুক্ মুখ ধোও...’ সিল্ভীও যেন খুকুই হ’য়ে পড়ে।

‘ওঃ মা এত যুম পায় কেন কেবলি !’

আনেৎ-এর স্নেহের পারাবারে বাৎসল্যের তরঙ্গ খেলে। বিছানায় উঠে ব’সে সিল্ভীর তন্দ্রাচ্ছন্ন মাথাটা বুকে চেপে ধরে। ওর মনে হয় সিল্ভী যেন ওর মেয়ে...ছোট্ট এতটুকু মেয়ে। সিল্ভী অমনি ক’রে সর্বাঙ্গ এলিয়ে দিয়ে মাঝে মাঝে ক্ষীণ প্রতিবাদ করে...

‘এমনি করলে আমি গিরে কাজ কর্ম করব কি ক’রে আবার ?’

‘কাজ আর করতে হবে না, সে আমি দেব না।’

‘হঁ, তাই বৈ কি ! মাথা ধারাপ তোমার।’ সিল্ভী বিদ্রোহ ক’রে ওঠে। চোখ খুলে যায়। ওর যুম টুটে গেছে। আনেৎ-এর কাছ থেকে নিজকে ছাড়িয়ে নিয়ে সোজা হ’য়ে উঠে বসে এবং জঙ্গল বিদ্রোহী চোখে তাকিয়ে থাকে-ওর দিকে।

‘কি জালা, সবাই কেবল জুগুমঠ করে। তোকে এখানে বেঁধে রাখা হচ্ছে, নারে সিল্ভী ? তাই ভাবছি, না ? দুই কোথাকার !’ আনেৎ হাসতে হাসতে বলে : ‘যা না চ’লে তোর খুশি হয় তো—কার দার পড়েছে তোকে বেঁধে রাখতে ?’

‘তাহ’লে আমার এখান থেকে নড়ায় হেন সাধ্য কার ?’ সিল্ভী আবার ফোস ক’রে ওঠে। প্রতিবাদ তো ওকে করতেই হবে। সামান্য একটুকু অমেই ও অবসর হ’য়ে এলিয়ে পড়ে আবার বিছানায়।

ওর এই অবসর ভাবটা কেটে গেল ক’দিনের মধ্যেই। প্রাণ ভরে, দেহ

'জরে ও খুঁটিয়ে' নিয়েছে। এখন ওকে গোথে কার সাধ্য। এক মুহূর্ত স্থির হ'য়ে  
 ওকে বন্দান যায় না। সারাদিন ও লাফাঝাঁপি ক'রে বেড়ায় অর্ধাবৃত্ত  
 দেকে, ঠিক ক'রে জামা কাপড় পরার কথাও ওর মনে থাকে না; খালি  
 পায়ে দিদির মস্ত বড় চাটটা পরে দিদির গায়ের চাদরটাকে আলখাল্লার মত  
 ক'রে গায়ের কুলিয়ে খোলা হাত আর খোলা পায়ে তিনি ঘুর ঘুর করেন  
 এ-ঘর আর ও-ঘর। আর ঘরের জিনিসপত্র নেড়ে বেড়ায়, যেন কিছু  
 আবিষ্কারের আশায়। আত্ম-পরের বিশেষ বিভেদ নেই ওর কাছে। বিশেষ  
 ক'রে আনেৎ যখন ব'লেই দিয়েছে : 'তোমার নিজেরই বাড়ী, সিল্ভী—'  
 তখন তো আর কথা নেই। দিদির কথা ও গুরু-বাক্য ব'লে শিরোধার্য  
 করেছে! অতএব সর্বত্র ওর অভিযান, সর্বত্র ওর আনাগোনা, জলের টবে  
 জল নিয়ে খেলা ঘণ্টার পর ঘণ্টা। এমন একটা কোন্ বাদ রইল না যেখানে  
 সিল্ভীর হাত না পড়েছে। আনেৎ-এর বই কাগজ পত্রও বাদ গেল না,  
 তবে ভাগ্য ভালো বেশীক্ষণ ওর মন টিকল না। অবাক হয় বুড়ী পিসী—  
 ধারী মেয়েটা আধখোলা গায়ের ঘরের মধ্যে ছটোপাটি ক'রে বেড়াচ্ছে সাবা দিন,  
 আসবাব গুলোকে নাড়ছে, গুঁটাচ্ছে, সরুচ্ছে [টিক্‌টিক্‌ করছে সারাদিন বুর্ডী  
 ওর পেছনে]...ক্যাল্ ক্যাল্ ক'রে হাকিয়ে থাকে ওর ডাণ্ডের দিকে সে।  
 কখনও বা সিল্ভী খানিকটা মিঠে কথা, খানিকটা হাসি ছুঁড়ে দেয় বুর্ডীর  
 দিকে...পরক্ষণেই মুহূর্তে প্রলয় জাগিয়ে বেঁধে পড়ে। বুর্ডীর রাগও হয়,  
 আবার ভালোও লাগে।

সারাদিন কেবলি বকে চলে হুঁজনে...মাথা নাই মুণ্ড নাই, আদি নাই অস্ত  
 নাই...কেবল কথা—কথা—কথা...হান কাল পাত্রে জক্ষেপ নাই, চেয়ারের  
 হাতলে ব'সে কথা, চুল আঁচড়াতে আঁচড়াতে, আসতে আসতে হঠাৎ সিঁড়ির  
 মাথায় দাঁড়িয়ে কথা, নেয়ে ভিজ্জে-কাপড়েই কথা...কেবলি কথা। একবার  
 আরক্ত হ'লে আর শেষ নেই...চলে ঘণ্টার পর ঘণ্টা...দিনের পর দিনও বা।  
 শুতে বেতে কুল হয়—ওপর থেকে পিসী মেয়ের ওপর লাঠি ঠক্ ঠক্ ক'রে,  
 কেশে নোটিশ সেন ওদের। চোখ কুঁচকে একবার মাত্র ঘরটা একটু নামিয়ে  
 নেয় হুঁজনে। ছাদের ওপর আরো জোরে শব্দ হয়...না এবার বাতি নেমাতেই

হচ্ছে...না, থাক আর একটু, কাপড়টা ছাড়তে হবে তো—পাশা-পাশি ঘর  
 ছ'জনের...মাঝের দরজা খোলা। অনবরত ওরা আসছে যাচ্ছে...কাপড়  
 ছাড়তে ছাড়তে কথা চলছে, চলছে ছাড়ার পরে...বিছানার গিরে হাঁকাহাঁকি  
 করে চলেছে কথা। সারা রাতই বুঝি চলেবে এমনি খারায়। কিন্তু গভীর সুপ্তি এসে  
 জে।ঘরের মধ্যে বাধ বাধে। তখন বয়সের গিজা, অমনি আসে অতর্কিতে, বলিষ্ঠ  
 ডানায় ঝাপটা মেরে পড়ে ছুড়ি খেয়ে এদের ওপর। ঢলে পড়ে বালিশে; ঈশৎ  
 কাক হ'য়ে যায় ঠোঁট ছুটি...মুখের কথা মুখেই থাকে, নিঃসাড়ে ধুমোয় আনেৎ, ওর  
 সমস্ত দেহ পাথরের মত পড়ে থাকে—কি যেন স্বপ্ন দেখে চমকে ওঠে ক্ষণে ক্ষণে, এ  
 পাশ ও পাশ করে, বিছানার চাদরটা ছুড়িয়ে হুচ ডে যায় ওর ভারী দেহের নড়া  
 চড়ায়। কথাও বলে স্বপ্নের ঘোরে, কিন্তু জাগেনা। সিল্ভীর হাঙ্কা ধুম,  
 সামান্য নাক ডাকে [ বলে একে দে-কথা, সাপের মত ফোস করে উঠবে ]।  
 নান্নে মাঝে জেগে উঠে পরম কোতুকে আনেৎ-এর প্রকাশ শোনে। কখনও  
 চলে যায় আনেৎ-এব বিছানায়। আনেৎ এখানে পড়ে আছে : চাদরে ঢাকা  
 ভাঁজ করা খাজা হাঁটু ছুটো পাগড় রচনা করে আছে। ছোট্ট স্তিমিত রাতের  
 বাণিতা [ আনেৎ বাণিত ছাড়া ধুমোতে পারে না ] ভুলে থাকিয়ে থাকে সমস্ত  
 মুখ খানার দিকে...বিচিত্র মুখ আর বিচিত্র রূপ...নিশ্চয়, চেতনাহীন কিন্তু  
 অদ্ভুত অঃবেগ-ব্যঞ্জিত মুখ—ক্ষণে ক্ষণে কি যেন বিসাদের ছায়া ঘন হ'য়ে ওঠে,  
 গভীর...গভীর... গভীর স্বপ্ন-সায়রে ডুব দিয়েছে ওই ধুমন্ত আত্মা। বিভোর  
 হ'য়ে, আত্মহা বা হ'য়ে দেখে সিল্ভী ..এ যেন প্রত্যাহের সেই চেনা মানুষ নয়...  
 সিল্ভী চেনেনা ওকে...ভাবে, ওই কি আনেৎ! ওরই বোন আনেৎ!...

ইচ্ছা হয় আচম্কা জেগে উঠুক আনেৎ। ছ'হাতে গলা জড়িয়ে ধরে  
 সিল্ভী। চমকে ওঠে আনেৎ। 'লক্ষী ছাড়ি, তুই ?'

জানে আনেৎ, সিল্ভী কেন এসেছে। পরখ করবে। ওর ওই  
 সাংঘাতিক দিদির মত অত শুচিবাই-গ্রস্ত নয় ও, ও স্বাভাবিক রক্ত মাংসের  
 মানুষ। সিল্ভী আশ্বিন নিয়ে খেলা করে কিন্তু হাত পোড়ে না ওর।

কাপড় পরা ও ছাড়ার সময় ছ'জনেরই সন্ধানী দৃষ্টি ঘুরে বেড়ায় পরস্পরের  
 নিয়ন্ত্রণ অঙ্ক-প্রত্যঙ্কে। আনেৎ-এর সেকলে লজ্জা যায়নি এখনও। মাঝে

মাঝে তা আবার সাড়বরে আত্ম-প্রকাশ করে। সিল্ভী হেসে কুটি পাটি হয়।  
 ওর ভারী মজা লাগে। ওর নিজের অত লজ্জার বালাই নেই। আনেৎ মাঝে  
 মাঝে কেমন জানি হ'য়ে ওঠে, পাথরের মত হিম-শীতল, বিজ্রোহে কঠিন।  
 কখনও মুখে চাপা যেঘের ভার, কখনও অকারণে কেঁদে ভাসায়। ওর লাবন-  
 দেশীয় মার্জিত ভঙ্গি, এক কালে বা ওর গর্বের বস্তু ছিল, আজ আর খুঁজে  
 পাওয়া যায় না। কিন্তু এ-কতির জন্ম আজ আর দুঃখ হয় না ওর।

ওদের সব দুরহ ঘুচে যায়। পূর্ণ বিশ্বাসে অন্তরের দ্বার ওরা পরস্পরের কাছে  
 খুলে দেয়। ওদের হৃদয়-ঢালা আলাপনের পূর্ণ বিবরণ দেওয়া সম্ভব নয়।  
 ওদের অন্তরক আলাপের মধ্যেই বোঝা যায় কত আলাদা ওরা মানসিক গঠনের  
 দিক থেকে। একজন শিশুর মত সরল, হাসি-খুশি-চঞ্চল-উচ্ছল, নীতি  
 ছর্নাতির হিসেব সম্পর্কে সম্পূর্ণ নিশ্চিত সে। আর একজন আবেগ-গভীর,  
 গম্ভীর; তার গাম্ভীর্য বিদ্যুত-শক্তি সম্পৃক্ত। বড় অশাস্ত ওর মনের ভেতরটা।  
 অতএব বিরোধও বাধে। প্রেম-ঘটিত বিষয় সম্বন্ধে সিল্ভীর ছাংলাপনা, তার  
 অসংযত উলঙ্গ ভাষা—ক্রান্ত হ'য়ে ওঠে আনেৎ। আত্মার গভীরে ভয়-শূন্য ও।  
 বাইরে সংযত-বাক। দেখে মনে হয় ও যেন ভয়ে ভয়ে থাকে, পাছে ওর বুকের  
 ভাষা ওর কানে পৌঁছায়। প্রায়ই ভয়ংকর একটা দুর্ভেদ্য নীরবতায় কঠিন হ'য়ে  
 ওঠে ও, তখন ওর ইচ্ছে হয় লোকালয় থেকে দূরে সাত-প্রস্থ পাঁচিলে ঘেরা কোন  
 দুর্গে গিয়ে আগলু এঁটে বসে থাকে। ও নিজে বোঝে না কি এ। সিল্ভী  
 বোঝে।

অঞ্চ মানসিক গঠনে পারস্পরিক সাধারণ খেটে-খাওয়া মেয়েদের পর্যায়েই পড়ে  
 ও। তা ছাড়া সাধারণত ও চলে খেবালে। তবে ব্যবহারিক-বুদ্ধি ওর অত্যন্ত  
 প্রখর। এবং এই বুদ্ধির দৌলতেই ওর বা প্রতিষ্ঠা। নইলে গণ্ডী থেকে  
 কখনও ও বাইরে আসতে পারত না। সব কিছুই ওর কাছে কৌতুকের, অঞ্চ  
 কৌতুহল নেই কিছুতে, এক ক্যাশন ছাড়া। ছবি, বই, গান কিছুতেই সূক্ষ্ম  
 বিচার ক্ষমতা নেই। কখনও কখনও নেহাৎ মামুলী দৃষ্টিটুকুরও অভাব হয়।  
 ওর অসংযত কুচি দেখে আনেৎ ব্যথা পায়। সিল্ভী বোঝে, সন্ধির চেষ্টা করে।

আবার কখনও ঘাড় ঝাঁকিয়ে ওঠে। ধবরের কাগজের পাতায় ধারাবাহিক



কোনও বাজে উপস্থাসের নাগকের পক্ষ সমর্থন ক'রে তর্ক বাধায় । এই সব সত্তা  
 রোম্যান্টিক সিল্ভীর কাছে সব চেয়ে বড় আর্টের নিদর্শন । সিনেমার নির্বিচার  
 পূজারী ও । আনেৎ-এর কোনও অভিজ্ঞতা নেই এ বিষয়ে । না জেনেই ও  
 সিনেমা-বিরোধী । সিল্ভীর জেদ আর কৌশলে বাধ্য হ'য়ে সিনেমা-শিল্পের  
 মূল্য ও শিল্প-সত্তাবনা আনেৎকে স্বীকার করতে হয় ।

এক সাথে বই পড়তে বসে অনেক সময় । কালির আখরে রূপের নৈবেদ্য  
 সাজান রয়েছে, স্বাদ পাখনা তার ভাড়াটে ঘরের মেয়ে সিল্ভী ; কিন্তু যে  
 জীবন-সত্যের পরিচয় রয়েছে সেখানে তাকে চিনে নিয়েছে ওই জনতার মেয়ে ।  
 প্রাসাদের মেয়ে আনেৎ বিস্মিত অপরিচয়ের দৃষ্টিতে চেয়ে থাকে । চেনেনা ও  
 দেখেনি এই সত্যকে আর তার এই দৃষ্টি, বলিষ্ঠ রূপকে । চিনেছে সিল্ভী  
 আপন জীবন দিয়ে, পড়েছে বাস্তবের পুঁথির পাতায় । ওই তো আসল পুঁথি,  
 পুঁথির সেরা পুঁথি । সবাই চেনেনা ওর হরফ, বোঝেনা ওর ভাষা । অঞ্চ  
 ও পুঁথি রয়েছে তোমার আমার বুকের তলায়, রয়েছে দিন আর রাত । প্রথম  
 থেকে শেষ পাতা কেবলি লেখা, ফাঁক নেই কোথাও । পড়তে পারো আর না  
 পারো, ও পুঁথি তোমাকে ব'য়ে বেড়াতেই হবে অনন্তকাল । পাঠ নিতে হবে  
 গুণের কাছে । সেরা মাষ্টার 'অভিজ্ঞতা' বেত হাতে তোমায় শেখাবে, তবেই  
 ওই পুঁথির ভাষা পড়তে পারবে তুমি । আশ্চর্য ওই পাঠ পেয়েছে সিল্ভী,  
 তাই আজ আর ও ঠেকেনা, পড়ে যায় গড় গড় ক'রে । আনেৎ আরম্ভ করেছে  
 দেহিতে, পাঠ শিখতে তাই সময় লাগছে । কিন্তু লেখা পাঠ একেবারে গোঁথে  
 বাছে ওর অন্তরের গভীরতম গভীরে ।

[ দশ ]

বড় গরম পড়ল এ বছর । অগাঠের মাঝামাঝিই বাগানের সুন্দর গাছগুলো  
 ঝলসে গেল । রাস্তিরগুলো গুমট, সিল্ভী যেন এক ফোটা বাতাসের জন্ত  
 আঁকু পাঁকু করে । অনেকটা সেরে উঠেছে ; কিন্তু এখনও দুর্বল । খেতে

পারে না, কিংবা হয় না। এমনিতেও খাওয়া ওর কম। আর এখন তো আরো। পারলে ও কল আর বরফ খেয়েই থাকে। কিন্তু আনেৎ সারাদিন ওর পেছনে লেগে থাকে। এখন ঐ ওর কাজ। অনেক দিন থেকেই পাহাড়ে যাবার কথা হ'য়ে আছে। কিন্তু আনেৎ চাইছিল, সারা গরমটা বোনকে একেবারে নিজের কাছে রাখতে। তাই সপ্তাহের পর সপ্তাহ বাওয়ার কথাটা ও পিছিয়ে দিয়েছে; যদি শেষ পর্যন্ত না গিয়ে পারা যায়। কিন্তু এখন দেখল আর চলে না; সুতরাং যাওয়া স্থির ক'রে ফেলল।...

অনেক দিন আগে এখানে এসেছিল আনেৎ। তখন ভারী সুন্দর, ভাল অধচ আড়ম্বরহীন হোটেল ছিল একটা—পুরানো সুইজারল্যান্ডের শান্ত পরিবেশ সবুজ প্রকৃতির সহজ সুরটিকে বুক ভ'রে পাওয়া যেত। কিন্তু এক বছরে সব বদলে গেছে। হোটেলটি গিস্গিস করছে মানুষে। কোথায় গেল সেই শান্ত প্রকৃতি। মস্ত শহর এখন, প্রাসাদের মত বড় বড় বাড়ীগুলি উন্নত ভাবে মাথা উঁচিয়ে আছে। মাঠের বুক চিরে পাকা রাস্তা চলে গেছে; বড় বড় গাছের মেলার মধ্যে দিয়ে গর্জন ক'রে ছুটছে ইলেক্ট্রিক ট্রাম। ছুটে পালিয়ে যেতে ইচ্ছে করে আনেৎ-এর। চল্লিশ ঘণ্টার পথের ক্লান্তি—ইচ্ছে করছে একটানা বিছানার প'ড়ে থাকতে নড়া চড়া না ক'রে। আর যাবেই বা কোথায়! সব বদলালেও আগের দিনের স্কাটক-স্বচ্ছ হাওয়াটি আছে। সিল্ভী বুক ভ'রে নিশ্বাস ধীর, আরাম ক'রে একটু একটু ক'রে জিভ দিয়ে রসিয়ে রসিয়ে কাঁচের পাত্রে ক'রে বরফ খাওয়ার মত ক'রে। ক'দিন থেকেই তারপর না হয় বাওয়া যাবে আর একটু ঠাণ্ডা পড়লে। ধীরে ধীরে জায়গাটা খানিকটা অভ্যাসও হ'য়ে গেল এবং থাকতে থাকতে ভালও লেগে গেল।

ভারী সুন্দর সময়। টেনিসের খুঁ পড়ে এই সময়। নানা দেশের নানা জাতির তরুণ তরুণীরা দল এসে জোটে টেনিসের মাঠে। তা ছাড়া নাচগান, অভিনয়েরও আসর বসে। কিছুই না ক'রে যুরে বেড়ানোর দল, স্কাটক-করা আর চাল-যাবার দলেরও আসর সরগরম। এসব আড্ডা আনেৎ-এর বেশী ভালো লাগে না। সিল্ভীর বুক ভালো লাগে। ওর চোখ মুখ দেখে বেশ

বোঝা যায় তা। আনেৎ বোঝে। তাজা জীবন-রসে ভরপুর মন হুঁজনেরই।  
তরুণ যুগ। তারুণ্যের ধর্মে নিজকে ছড়িয়ে দিতে আর আনন্দ লুকতে  
ওড়াও চার।

ওদের ঘিরে মধুচক্র গড়ে ওঠে দুদিন না যেতে। উঠবে না-ই বা কেন,  
উদ্দীপ্ত যৌবনে বলমলু করছে হুঁজনেই—, হাসিতে খুশিতে টগবগ করছে  
—চোখে লাগার মত। আনেৎ যেন বিকশিত হয়ে উঠছে দল মেলে।  
খেলার মাঠে আর ঘরের বাইরে প্রকৃতির উন্মুক্ত আকাশের তলে ওর আসল  
পরিচয়। বলিষ্ঠ, ঋজু, সুগঠিত দেহ—ও তাঁটতে ভালোবাসে, খেলতে  
ভালোবাসে। চমৎকার টেনিস খেলে—দ্বি-অব্যর্থ দৃষ্টি, সহজ-নমনীয় হাতের  
কব্জি—হাত চলে বিদ্যুতের মত—বল মাটিতে পড়তে পায়না! স্বভাবতঃই  
সংঘত ওর ভঙ্গি, বেগের মধ্যেও চমৎকার একটা শাসন আছে। কিন্তু প্রয়োজন  
হলে ও অসাধারণ শক্তি আর গতির পরিচয় দেয়। সিল্ভী অবাক হয়ে  
দেখে ওর খেলা। চমৎকার লব্ ভঙ্গিতে, শ্রীংএর মত স্বহৃদে লাফান দেখে  
হাত তালি দিয়ে ওঠে; দিদির এই অসাধারণত্ব গর্বে আর গৌরবে ওর  
বুক ভরে ওঠে। ও নিজে পারে না, তাই দিদির ওপর ওর বেশী শ্রদ্ধা।  
খেলাধূলো ছটোপাটি ও পারেও না আর রসও খুঁজে পায়না এর মধ্যে কোন।  
ওর দুর্বল শরীরে সয়ও না। দূরে বসে দেখাও ওর বয় ভালো লাগে। আর  
দর্শক হয়ে থাকাকাটা ওর পক্ষে সুবুদ্ধির কাজও। কিন্তু কেবল খেলার দর্শক  
হয়েই ওর সময় কাটে তা নয়...

ওর চারদিকে গড়ে উঠল মধুচক্র। ও তার মৌ-রাণী। ওকে দেখলে  
মনে হয় ও যেন চিরকালের মৌ-রাণী। আশ-পাশের বিলাসিনীদের দেখে ও  
ফ্যাসান-জগতের কলা-কৌশল নকল করে করে রপ্ত করে নেয়। চতুর ঘেয়ে।  
অনুকরণে ওর সহজ দক্ষতা আছে।

কিন্তু দেখলে মনে হয় সাদা-সিঁথে আপন-ভোলা মানুষ; কোন দিকে  
খেরাল নেই। ওর চোখ ছটোয় যেন গেরুরা রং লাগা। আসলে ওটা ওর  
বাইরের খোলস। ওর সব কটা ইন্দ্রিয় সর্বদা শুধু সজাগ থাকে না, প্রহরায়  
থাকে; নেবার মত বস্তু সামনে এলেই ও গ্রহণ করে। ওর বর্তমানের আদর্শ

আনেৎ । কিন্তু আনেৎকে অক্ষরগণ করলেও সর্বতোভাবে আনেৎ হ'য়ে ওঠে না সিল্ভী । সামান্য একটু বোগ, সামান্য একটু বিরোগে নকলটাকে আপনার ক'রে নিতে জানে ও । ওর কুশল হাতের আটে নকল মৌলিকের মর্গাদা পায় । তার জৌলুনে সিল্ভী আরো ঝলমল ক'রে ওঠে ; বিশিষ্ট হ'য়ে ওঠে তারওপরে ঔদাস্তের পালিশ লেগে ।

এই ধারের মূলধনেই সিল্ভীর কারবার কেঁপে ওঠে । আনেৎ-এর বেশ লাগে । ওর কাছে আগের দিনের শোনা কথা, পরের দিন পরম বিজ্ঞতা দিয়ে তোতা-পাখীর মত দরবারী আসরে আওড়ায় সিল্ভী । আনেৎ প্রায় হেসে লুটিয়ে পড়ে । সিল্ভীর চোখ মিনতি করে ।

কিন্তু কথা বার্তা আর একটু এগোলেই মুগ্ধি বাধে । সিল্ভীর বুদ্ধি ধর, প্রথরা ধী হ'লেও যেখানে শুধু ফাঁকির কারবার সেখানে সামান্য হিসেবের ভুল হ'লেই বিপদ । কিন্তু অত ভুল সিল্ভীর হয় না । চোরা বাসিতে ওর পা পড়ে না কখনও । তা ছাড়া সঙ্গী নির্বাচন ও হিসেব করেই করে । এদিকেও ওর অসীম দক্ষতা । বিদেশী তরুণ খেলোয়াড়দের দিকেই ওর টান । খেলার ভুল ক্রটির দিকেই নজর বেশী । কথার ভুলকে এরা গ্রাহ্য করে না ।

বর্তমানে এক ইতালীয় তরুণকে নিয়ে এখানকার নারী-মহল মেতে উঠেছে । নাম তুল্লীও ; গাল-ভরা পদবীটা কোনও প্রাচীন লর্ডার পরিবারের পরিচয় বহন করে [ বংশটি নেই কয়েক শতাব্দী হ'ল, নামটা অমর হ'য়ে আছে । ] চেহারাটা সুদর্শন । লম্বা, ঋজু, সুগঠিত দেহ, গোল মাথা, ফৌর-মসৃণ মুখ, গভীর বাদামী রং, অতি দীপ্ত চোখ, উদ্ধত নাক, আর তার ঈশ্বরীল রক্ত । চোয়াল দু'খানা ভারী । নমনীয় কটির ওপর চওড়া বুকখানা উঁচিয়ে হাঁটে তুল্লীও অত্যন্ত সহজ ভঙ্গিতে । ঔদ্ধত্য, হিংস্রতা আর মাথা-লোটান বিনয় মিশিয়ে ওর ব্যবহার । দুর্গার ওর আকর্ষণ । আপনাকে ডালি দেবার জন্য উন্মুখী হৃদয় ওর চারপাশে ভিড় ক'রে থাকে । ওর শুধু একটু হাত বাড়ানোর অপেক্ষা । কিন্তু হাত বাড়ায় না তুল্লীও । জানে, তারা আপনি এসে ধরা দেবে ।

নিজে এসে ধরা দেয়নি আনেৎ। বোধহয় এই কারণেই তাকে ভালো লাগল ওর। ভালো টেনিস খেলোয়াড় তুল্লীও। আনেৎ এর বলিষ্ঠ দেহের বলিষ্ঠ ভঙ্গিমা ওর মনকে চোয়। নানা খেলার বিষয় আলোচনা করে ও আনেৎ-এর সঙ্গে। দু'জনেরই ভালো লাগে এমনি খেলার আয়োজন করে। বিশেষ করে ঘোড়ায় চড়া আর নৌকো-বাওয়া পেলে আনেৎ চায়ও না আর কিছু। ও মেয়ের কুমারী দেহের অঙ্গ প্রত্যঙ্গে শিরায় উপশিরায় প্রাণ-প্রবাহ উপচে পড়ে—প্রথম ঈশ্রিয় দিয়ে অনুভব করে তা তুল্লীও, কামনাও করে ওই দেহকে। আনেৎ বোঝে, অপমানে বিক্ষুব্ধ হয় কিন্তু প্রতিপক্ষের ওই দুর্বীর সম্মোহনী শক্তিকে ঠেকাতে পারে না। আনেৎ-এর প্রথম জৈবিক-জীবন সুদীর্ঘ বছর শুচিতার নিগড়-বাঁধা হ'য়ে প'ড়ে ছিল; আজ এতকালের সেই ঘমস্ত প্রাণের যেন ঘম ভাঙছে মন্দির বসন্তের ছোঁওয়ান, ক্ষতি-পাগল, প্রাণোচ্ছল এই তরুণদলের মধ্যে, আর শ্রম-সাধ্য খেলার উদ্ভাসনায় ওর ঘুম টুটে যাব। ক' সপ্তাহ ধ'রে সিল্ভীর সাহচর্য, তার সাথে ওর অব্যবহিত আলাপ, এবং ও ছাড়া সিল্ভীর ওপর ওর গভীর ভালোবাসার ও বেন ডুবে আছে। এইসব মিলে একেবারে তচ নচ ক'রে দিয়ে গেল ওর প্রকৃষ্টিকে। অবিধি নিজের প্রকৃষ্টিকে চেনেনি ও, বোঝে নি তার গভীরতা কতখানি। ঈশ্রিদের এই অতর্কিত অভিযানের বিকক্ষে সুরক্ষিত ছিল না ওর দুর্গ। আজ প্রথম আনেৎ-এর যৌনসত্তা আপন পরিচয় জানিয়ে দিয়ে গেল। আনেৎ-এর মনে হ'ল যেন চড় খেল ও মুখের ওপর। রাগে দুঃখে লজ্জায় ও মরে গেল, কিন্তু মরল না ওর নব-জাগ্রত পিপাসা। পালাল না ও, পৃষ্ঠভঙ্গ দিল না। উদ্ধত গর্বে, কঠিন ঔদাস্তে ও শত্রুর সম্মুখীন হ'লো কম্পিত বক্ষে। অসংযত কামনার মুখে শ্রদ্ধার মুখোস পড়িয়ে রাখে তুল্লীও। ও বুঝল আনেৎ বুঝেছে এবং ক্রমে দাঁড়িয়েছে। আরও মুগ্ধ হ'ল ও। বাইরে দেখা বা বোঝা গেল না কিছু, নিঃশব্দ লড়াই চলল। পুরুষের সুমার্জিত সৌজনে নত হ'য়ে তুল্লীও ওর হাতে চূষন করে, আনেৎ স্মিত হাসে, বিচিত্র উদ্ধত সৌন্দর্য ফুটে ওঠে ওর হাসিতে। পড়ে নেয় তুল্লীওর চোখের ভাষায় :

‘তোমায় জয় করব আমি, আনেৎ।’

আনেৎ-এর দৃঢ় ওঠে নীরবে গর্জিত হয় : 'অসম্ভব !'

সিল্ভী'র তীক্ষ্ণ সন্ধানী দৃষ্টি ওদের পেছনে করে । ও ভাবে, কেবল দর্শক হয়েই থাকবে কি এই রণ-শীলার ? আসরে নামলে মন্দ হয় না । কিন্তু কি ভূমিকা নেবে তুমি সিল্ভী ! তাই তো...সে-কথা তো ভাবিনি । এই একটা কিছু...ঘাতে বেশ হেসে নেয়া যায়...অবশ্য আনেৎ-এর পক্ষেই ও থাকবে—তা বলাই বাহুল্য ! ছেলোট বশ ভালোই দেখতে । আনেৎও তো মন্দ নয়...ওর ভেতরকার আবেগ ওর সৌন্দর্যে আরো মাধুরী ঢেলে দিয়েছে...তাঁই দেয় । একখানি গৌরবোক্ত মহিমা, রণোক্ত ঋষভের ললাটের মত উচ্চত স্পর্ষিত ললাট, সাদার লালে ঢেউ খেলে যাচ্ছে একখানি ওজ দেহ...সিল্ভী যেন দেখতে পায়...স্পষ্ট চোখের সামনে দেখতে পায়...

বর্ষ পরে দাঁড়িয়েছে ঐ লোকটাও...

আশা নাই, কোনও আশা নাই, ওনহ । আনেৎকে পারবেনা তুমি আয়ত্ত করতে, যেচ্ছার যদি না সে হার মানে । আচ্ছা, সে চায় কি ? চায় না ? আনেৎ মন ঠিক করে নাও, দেখছ জালে পড়েছে লোকটা—বাস্ শেষ করে দাও, ফাঁস দাও কয়ে...আচ্ছা বোকা মেয়েতো !...কিচ্ছ, জানেনা...আচ্ছা দাঁড়াও আনেৎ, আমি আসছি...

আনেৎকে অবলম্বন করেই ওদের পরিচয়ের শুরু । হু'জনের আলোচনার বিষয় আনেৎ । হু'জনেই ভালোবাসে, হু'জনেই প্রশংসায় মুগ্ধ হয় । লোকটা একেবারে ডুবেছে আনেৎ-এর প্রেমে । চোখে আলো তুলিয়ে তুল্লীওর সুরে সুরে মেলার ; উচ্ছসিত হয়ে আনেৎ-এর কথা বলে ও, আর একদিকে ছলা, কলা, লীলা দিয়ে সুসজ্জিত হয়ে দাঁড়ায় । কোম হ'তে এসব অস্ত্র বেকলে আর বন্ধা নাই আর কেরান চলবে না—চলবে না । বল : 'হুসিয়ার—আর না, অনেক দূর গেছ...'

কিন্তু বাধন-হার্য রিপূর দল অস্বীকার করে ওর শাসন । এখন আর উপায় নাই... । কিন্তু মজাই বা মন্দ কি ! নির্বোধ লোকটা বাস্ অমনি জালে ফাঁসল ! পুরুষ ওলো কি বোকা । ও ডেরেছে কিনা, ওরই জন্ত যত মেয়ে রূপের রাঁপি সাজায়...রূপ ওর আছে তা বলতেই হবে... । তাতো হলো—

হুট্টো বঁড়শী, মাহ বাহাখন কোন্ টোপ গিলবেন । হুট্টোই একসঙ্গে ? ...না  
...আচ্ছা, কোনটা তা'হলে ।...বেছে নাও বহু বেছে নাও...

সিল্ভী পথ ছেড়ে দাঁড়ালে তুল্লীওরও স্থবিধা হ'ত । কিন্তু সে গেল না ।  
আনেৎও গেল না । বরঞ্চ নিজের অজ্ঞাতসারেই আরো উঠে পড়ে লাগল  
সিল্ভীকে প্রতিযোগিতায় হারাবার জন্ত ।

অথচ হু'বোনের ভালোবাসায় কোন খাদ নেই । অত্যন্ত গভীর অন্তরঙ্গ  
খাঁটি ভালোবাসা । পরস্পরের প্রশংসা পরস্পরকে আনন্দ দেয় । একসঙ্গে  
পরামর্শ ক'রে ছাড়া ওরা কোন কাজ করে না । পরস্পরের সাজ সজ্জা প্রসাধনে  
পরস্পরকে সাহায্য করে । অথচ পরস্পরকে পেছনে ফেলে এগিয়ে যাবার আকাঙ্ক্ষা  
লুকিয়ে থাকে মনের গোপনে । সন্ধ্যার আসরে সকলের দৃষ্টি ওদের দুজনের  
ওপরে, যদিও প্রতিযোগিতার কোন প্রয়াস, কোন আভাস ওদের বাইরের  
ব্যবহারে নেই । তবু সকলে জানে ওরা প্রতিদ্বন্দ্বী । নাচের সময় পরস্পরের নৃত্য-  
কুশলতায় ওদের চোখে মুখে অভিনন্দন ফুটে ওঠে তীব্র অনিচ্ছা সত্ত্বেও ।  
তুল্লীওর সাথে নাচার বেলাও ব্যতিক্রম হয় না । অথচ ও লোকটাকেই নিয়ে  
কাড়াকাড়ি চলেছে হু'বোনের মনে । বডু বেশী জুড়ে আছে সে ওদের মন ।  
এতটা হবে ভাবেনি ওরা । আরো বেশী হচ্ছে যখন নির্বাচনের প্রশ্ন এসে  
দাঁড়িয়েছে এবং তুল্লীওর মন এখনও রায় দেয়নি । নাচের সময় সিল্ভীর  
প্রতি তুল্লীওর ব্যগ্রতা দেখে নিজের অজ্ঞাতসারেই আনেৎ-এর মন ভারী হ'য়ে  
ওঠে । নাচে হু'জনেই ভাল আপন আপন ধারায় । তবু আনেৎ যে সিল্ভীর  
চেয়ে ভাল নাচে তা প্রতিপন্ন করতে প্রাণপনে চেষ্টা করে ও । নৃত্যবিদের  
চোখে আনেৎই বেশী নম্বর পায় । সিল্ভীর নাচে ভাল ভঙ্গ হয় বটে, কিন্তু  
অত্যন্ত সহজ সাবলীল তার ভঙ্গি । যে মুহূর্তে ও টের পায় আনেৎ এগিয়ে  
যেতে চাইছে, সিল্ভী দুর্বল হ'য়ে ওঠে । তুল্লীও বাধা দেয় না । সিল্ভীর  
সঙ্গে খানিকক্ষণ নেচে হাসতে হাসতে একে সঙ্গে নিয়ে তুল্লীও বেরিয়ে  
পড়ে বসন্ত-রাত্রির জোয়ার-জাগা বাইরে । আনেৎ তাকিয়ে দেখে—  
সে একা একা । সইতে পারবেনা ও—পারবেনা আপনাকে সংবত  
করতে । ঘর ছেড়ে চ'লে যেতে হয় ওকেও । ওদের অঙ্গসংগণ করতে

সারস হয় না। বাগানে ষাবার কাঁচে-ঘেরা বাস্তাটার গিরে দাঁড়ায়...সেখান থেকে দেখা যায় ওদের...ওই তো ওরা বেড়াচ্ছে হাঁটতে হাঁটতে...ওইতো তুল্লীওর মাথা নত হয়ে এল সিল্ভীর মুখের ওপর...মিলে গেল দুই জোড়া অধর।

কিন্তু এখানেই শেষ নয়? আরো আঘাত বাকী ছিল আনেৎ-এর জন্যে। ওপরে নিজের ঘরে গিয়ে অন্ধকারে বসে থাকে আনেৎ। সিল্ভী ফিরে আসে আনন্দে টগবগ করতে করতে। আনেৎকে অমনভাবে বসে থাকতে দেখে ওর স্বভাব মত ছুটে গিয়ে জড়িয়ে ধরে চুমো খায়, আদর করে ওকে ব্যতিব্যস্ত করে তোলে সহজ ভাবে। আনেৎ ওজর দেয়, মাথা ধরেছে হঠাৎ—তাই যায়নি। 'কি করলিবে সারা সন্ধ্যটা? বেড়াতে গিয়েছিলি? কার সঙ্গে গেলি? তুল্লীওর সঙ্গে?' জিজ্ঞাসা করে ও সিল্ভীকে। দূর, বেড়াতেই যায়নি সিল্ভী। কে জানে তুল্লীও কোথায়! বিশ্রী লোকটা, মোটেই ভালো লাগে না এখন। আর পুরুষ মানুষের অত চোখ-ধাঁধান রূপ তো ওর আরোই ভালো লাগে না। তা ছাড়া বেজায় গুমর লোকটার, রংটাও কালো...

একটা ওয়াল্ট্‌স্ নাচের সুর ভাঁজতে ভাঁজতে সিল্ভী শুতে যায়।

আনেৎ-এর ঘুম আসে না। সিল্ভীর চেতনা নাই, অঘোরে গুমায়। জানে না ও, ভাবেনি ও স্বপ্নেও—কি এক সর্বনেশে বড়ের তাওব এনে ছেড়ে দিয়েছে ও এই ঘরের মধ্যে। সেই তাওবের দাপটে ওলট্ পালট্ হচ্ছে আনেৎ... ভাকছে, গুড়োচ্ছে। সর্বনেশে অঘটন ঘটে গেল—একেবারে সর্বনেশে, বিগুণ সর্বনেশে। সিল্ভী আজ ওর প্রতিদ্বন্দ্বী। মিথ্যে বলে গেল সিল্ভী। সিল্ভী! যে সিল্ভীকে ও ভালোবাসে! যে সিল্ভী ওর আনন্দ, সুখ বিশ্বাস...গেল, গেল, ভেঙ্গে গেল সব, ধ্বংসে পড়ল...না, না আর নয়...হাওয়ার মত, বাষ্পের মত উবে যায় প্রেম...। না...সিল্ভীর প্রতি ভালোবাসা ওর শুকিয়ে গেছে। কিন্তু কি করে থাকবে তাকে না ভালোবেসে ও? মর্মের গভীরতম গভীরে চলে গেছে এ স্নেহের শিকড়—এত গভীরে তা কি জানা ছিল? কিন্তু যুগা যাকে কল্পা যায় ভালো কি বাসা যায় তাকে? সিল্ভীর প্রবন্ধনা, বিশ্বাসঘাতকতা এমন কিছু নয়।...তা নয়...তা নয়...অন্ত



কিছু...। বলো, বলো, ধেমোনা, বলে যাও...খামলে কেন...বলে যাও...  
ই্যা...তা নয়...ওই লোকটা...না ? ওই লোকটা বাকি আগে আনেৎ শ্রদ্ধা  
করতে পারে নি আর এখন বাকি ভালোবাসে, না !...ভালোবাসা ?...না ।  
ভালোবাসা নয় । আনেৎ ওকে চায়, শুধু চায় ।

উদ্ধত, গর্বিত, ঈর্ষায় উত্তপ্ত বাষ্প আনেৎকে ঠেলে দেয় সামনে...চাই ও-  
লোকটাকে ওর...তাকে পেতেই হবে , কেড়ে আনবে ছিনিয়ে আনবে তাকে...  
আনতেই হবে ঐ ওর হাত থেকে...কখনই দেবে না তাকে ওর মুখের গ্রাস  
কেড়ে নিতে...। [ সিল্ভীর নামও আর উচ্চারণ করতে পারে না আনেৎ,  
অনামা সর্বনাম স্থান নেয় নামের ] ।

সারা রাত এক ফোঁটা ঘুম এলো না আনেৎ-এর চোখের পাতায় । জ্বলছে  
দেহ, জ্বলছে মন । বিছানার চাদরটা অবধি যেন তেঁতে উঠেছে । পাশের  
বিছানা থেকে অনাবিল শান্ত গভীর সুস্বপ্নের লঘু কোমল শ্বাস-প্রশ্বাসের শব্দ  
ভেসে আসছে ।

ভোর বেলা দু'জনের চোখাচোখি হঠেই সিল্ভী বুঝে নেয়—পুরানো  
পৃথিবী ওলট্ পালট্ হ'য়ে গেছে, কিন্তু বোঝেনা, কেন—বোঝেনা এই এতটুকু  
একটা ঘাতের মধ্যে এমন কি প্রলয় ঘটে গেল । আনেৎ-এর চোখের চার ধারে  
কালি, বর্ণে পাণ্ডুরতা...আর মুখে এক বিচিত্র কাঠিন্য, চোখে বিদ্রোহ...আরো  
সুন্দর দেখাচ্ছে ওকে—অদ্ভুত সুন্দর...[একটু সজে বেশী সুন্দর আর বেশী  
সাধারণ । যেন ওর আছ্বানে আজ ওর সমস্ত গোপন শক্তির সমাবেশ  
হয়েছে ] ।

...সিল্ভী অন্তদিনের মত কথা বলে চলেছে । অনর্গল রোজকার মত...  
আনেৎ শুনেছে...দেখেছে সিল্ভীকে...দৃষ্টি হিম-কঠিন...উদ্ধত গর্বে মাথা উন্নত,  
স্থির, সর্বান্তে বিশ্বাস আর বিদ্রোহ...চারদিকে ওর দুর্ভেদ্য প্রাচীর ঘেরা...  
তারপর হঠাৎ ধাপ্ ছাড়া ভাবে সুপ্রভাত জানিয়ে বেরিয়ে যায় । সিল্ভী ধমকে  
গেল...মুখের কথা ওর মুখেই থেকে গেল । ও-ও আনেৎ-এর পেছন পেছন  
বেরিয়ে এল—অবাক হ'য়ে ওর দিকে তাকিয়ে দাঁড়িয়ে রইল । আনেৎ সিঁড়ি  
দিয়ে নেমে গেল... ।

বুঝতে পারি রইল না আর। তুমিও এসে হলে বসেছে, আনেৎ দেখতে পেয়েছে। ও সোজা দরজা পেয়িয়ে চলে গেল ওর কাছে। তুমিওর চোখ এড়াল না, হাওয়া অন্য দিকে বইছে। আনেৎ গিরে ওর পাশে বসে। নিতান্ত সাধারণ একথা সেকথা হয়। আনেৎ-এর মাথা সোজা, চোখে কৃপা-মেশাম বিদ্রোহ। ও সোজা সামনের দিকে তাকিয়ে আছে, তুমিওর দিকে ওর চোখ নেই। কিন্তু তুমিও বোঝে যে ওকেই আনেৎ লক্ষ্য করছে। গোপন করতে চায় বটে আনেৎ। এমনভাবে দেখায় যেন আলো লাগছে চোখে। কিন্তু ওর ঈষৎ নীলাভ চোখের পাতা ভেদ করে ওর দৃষ্টি বলছে :

‘চাও তুমি আমাকে, তুমিও ?’

আর তুমিও ! একটা বাজে কাহিনী ব’লে যায় সে অলস, পরিতৃপ্ত ভঙ্গিতে আর দেখে মনোযোগ দিয়ে নিজের নখগুলো। কিন্তু বেড়ালের মত অপাক্ষ দৃষ্টি ওর বিধে আছে আনেৎ-এর দেখে, তার দৃঢ় উন্নত বক্ষে। ‘তাহ’লে রাজী তুমি ?’ দৃষ্টি বলে : ‘আমি চাই তোমার কামনা আমাকে ঘিরেই জ্বলবে।’

সিল্ভী বিন্দুমাত্র ইতঃস্তুত না করে হলটা করে একটা চেয়ার এনে ওদের ক’জনের মাঝখানে বসে পড়ে। আনেৎ ভয়ানক বিরক্ত হয়। মনের বিষ ওর ঝরে পড়ে। সিল্ভীর সারা মুখে তার কাঁধ লাগে। যেন কিছু দেখেনি এমনি ভাবে বসে রইল ও, কিন্তু ভেতরে ভেতরে বিদ্রোহের ধাক্কা খাওয়া বেড়ালের মত ফুলতে লাগল। মুখে যত হাসি এবং কাষডাবার জন্য একেবারে প্রস্তুত বেড়ালটা। এবারে আর বন্দ নয়, বুদ্ধ—হাতিয়ারের লড়াই নয়—মিঠে মাজা-ঘষা, পালিশ করা কথার লড়াই। আনেৎ সিল্ভীর ওপর দিয়ে গলা বাড়িয়ে তুমিওর সঙ্গে কথা ব’লে চলে—সিল্ভীর অস্তিত্বকে একেবারে উপেক্ষা করে ও। তুমিও বিরক্ত হয়। এদিকে সিল্ভী কথা ব’লেই চলে এবং মাঝে মাঝে উপেক্ষা ভেঙ্গে ওর কথা বাধ্য হ’য়ে শুনতে হয় আনেৎকে। উত্তরে সে যত হেসে বীকা খোঁচা-দেওয়া ভাবায় ওর ব্যাকরণের ভুলগুলোকে কটাক্ষ করে। [ বেচারী সিল্ভী, অত মাজা ঘষা সবেও ভুল থেকে যায় ওর ] আহত সিল্ভীর চোখের সামনে থেকে ওর দিদি বাস্প হ’য়ে উড়ে যায়—যে থাকে সে ওর শত্রু। ‘তোমার পালাও আসবে গো আসবে—’ ভাবে সিল্ভী। অমনি ছাড়বে ? কুঞ্জে আসলে

শোধ তুলে ছাড়ব...দাঁতের বদলে দাঁত, চোখের বদলে চোখ...না এক চোখের বদলে দুই চোখ...দাঁতে দাঁতে ঘষে বেন বলে ও ।

কোমর বেঁধে লড়াইয়ে নামে । হায় নির্বোধ আনেৎ ! আজ আর সিল্ভীর গর্বে আঘাত লাগে না । হাতের কাছে যে হাতিনার পায়, তুলে নেয় । লড়তে হবে এবং জিততে হবে—এই হলো একমাত্র লক্ষ্য । তুল্লীও ওর মনের কথা জানবে, জানবে—ও চায় তাকে, ভাবতেও অপমানে মাথা বুয়ে যায় আনেৎ-এর । কিন্তু সিল্ভীর ও-সব বালাই নেই । ও লোকটাকে ওর জয় করতেই হবে । সুতরাং যে-খেলায় সে ডুলবে সে-খেলাই খেলবে ও ।

কি চাও সিল্ভী ? কি নেবে ? বেশ চমৎকার পালিশ-করা, চিক্ণ অভিজাত একটুখানি ঘুণা ? না পূজা ? কোনটা চাও ?

সিল্ভী পুরুষ চেনে । জানে ওরা কত বড় ফাঁপা । তুল্লীও-ও প্রশংসা ভালোবাসে । দেহ মনে সজ্জায় যেখানে যেটুকু সুন্দর আছে, খোলা হাতে তার প্রশংসা করে । চালাক মেয়ে । বিশেষ করে ওর পোষাকের । ঠিকই বুঝেছে সিল্ভী তুল্লীওর-ও সব থেকে বড় গর্বের বস্তু ওর পোষাক । প্রশংসা মাত্রই অবশ্য ওর ভালো লাগে । কিন্তু চেহারার তারিফ ও বহু শুনেছে । আর মন, সে তো বংশগুণে । একমাত্র সজ্জাই ওর নিজস্ব । ওখানেই ওর আসল কৃতিত্ব । সুতরাং একজন প্যারী-তরুণীর প্রশংসা কি কম কথা ওর পক্ষে ! সিল্ভী পাকা বিশেষজ্ঞের ভিত্তিতে ওর পা থেকে মাথা পর্যন্ত প্রত্যেকটি খুঁটিনাটির শতমুখে প্রশংসা করে । আনেৎ রাগে কোলে । ওর মনে হয় বড় স্কুল সিল্ভীর রুচি । ভাবে, তুল্লীও বরদাস্ত করে কি করে এমেয়েকে ? শুধু বরদাস্ত করে না তুল্লীও—মনে হয়, সে ছুথের পেয়ালায় চুমুক দিয়েছে । প্রশংসা করতে করতে কমলা রংএর গলাবন্ধটা থেকে আসে লিলাক রংএর বেণ্টএ ; সেখান থেকে সোনালী সবুজে যেখান জুতোয় এসে হঠাৎ খেমে যায় সিল্ভী—একটা মৎলব আসে মাথায় । তুল্লীওর পা ছুখানি বাস্তবিকই ভারী সুন্দর ; এ তুল্লীও জানতো এক গুমরও আছে এ সবক্কে । সিল্ভী উচ্ছ্বসিত হয়ে ওর পায়ের বর্ণনা করতে করতে নিজের সুন্দর পা ছুখানাও খুলে ধরে এবং খানিকটা ন্যাকামির ভান করে ইচ্ছে করে তুল্লীওর পায়ের পাশে রাখে । তারপর হাঁটু পর্যন্ত ফাঁটটা তুলে পায়ের ডুলনা

করে ওর সঙ্গে । আনেৎ তার দোলনা-চেয়ারে হেলান দিয়ে বসে জগছিল  
রাগে আর ক্ষেপে । সিলভী ওর দিকে ফিরে ভারী মিষ্টি হেসে বলে : ‘দিদি  
ভাই, দেখানা তোরা পাটা—’

এবং উত্তরের অপেক্ষা না করে ধ। ক’রে ওর ঝাটটা সরিয়ে দেয় । আনেৎ-  
এর মোটা মোটা খামের মত পা আর ভারী গোড়ালি বেরিয়ে পড়ে । তক্ষুণি  
খপ ক’রে ওর হাতটা ধরতে যায় আনেৎ, কিন্তু হাত সরিয়ে নেয় সিলভী ।  
ওর কাজ হাসিল । তুল্লীও দেখতে পেয়েছে...

ওখানেই খামল না ছুঁয়ে মেয়ে । সারা সকাল এমনি ক’রে ও এটা সেটা তুলনা  
ক’রে বেড়াল যেন নিছক খেয়ালেই । ব্লাউস, কলার, স্কার্ফ—তুল্লীওর অভিমত  
চায় । সূক্ষ্ম রুচি তার । কৌশল ক’রে আনেৎ-এর ভালো আর নিজের খারাপ  
দিকগুলো এড়িয়ে যায় । আনেৎ বেচারী ভারী অসুবিধায় পড়ে । ভেতরে  
ভেতরে ও রাগে ফোলে । ইচ্ছে হয় গলা টিপে মেয়ে ফেলে শয়তান মেয়েটাকে ।  
অনেক কষ্টে নিজেকে সংযত করে । এমনি ভাব দেখায় যেন কিছু বোঝেনি ।  
ছুঁয়ে সিলভী একটা অনর্থ ক’রে তক্ষুণি সহজ সারল্যের হাসি মুখে মেখে ঠোঁটের  
উপর আঙ্গুল ছুঁইয়ে আনেৎকে চুমু ছুঁড়ে মারে । কিন্তু কখনও কখনও দুই জোড়া  
চোখে আগুন জলে ওঠে । ‘আমি ঘৃণা করি তোমাকে...’ আনেৎ-এর চোখ বলে ।

‘বয়ে গেল । কিন্তু তুল্লীও ভালোবাসে আমায় । বুঝেছ !’

‘কখনও না, মিথ্যে কথা...’ আনেৎ-এর চোখ যেন চিৎকার করতে চায় ।

‘মিথ্যে নয় গো মিথ্যে নয়, একেবারে তিন সত্যি ।’ প্লের সিলভীর চোখে ।

‘বুঝে দেহি ।’ গর্জে ওঠে চার চোখ ।

আনেৎ হাসি দিয়ে মনের আগুন ঢাকতে জানে না, পারেও না, অত শক্ত  
নয় ও । সিলভী পারে । ও তো মানুষ নয়, ও যেন ফুল-ঢাকা সাপ । আর  
খানিকক্ষণ ওখানে থাকলে আনেৎ হয় তো কেঁদেই ফেলত । সূতরাং  
সিলভীকে একেখরী ক’রে দিয়ে ও হঠাৎ ঘর ছেড়ে চলে যায় মাথা উঁচু  
ক’রে, উজ্জ্বল গর্বিত দৃষ্টি শত্রুর দিকে হেনে । ‘শেখের হাসিই আসল হাসি ।’  
জবাব দেয় সিলভীর ব্যঙ্গভঙ্গী চোখে ।

লড়াই চলে পরের দিনও, তার পরের দিন এবং তার পরেও আরো অনেক দিন। হোটেল ভরা মানুষগুলোর কৌতুকের খোরাক জোটে। বিশ জোড়া অলস সন্ধানী চোখ ওদের পেছন পেছন ফেরে। তারা দেখেছে এবং বুঝেছে সব ; বাজিও ধরেছে নানা সম্ভাবনার ওপর। সিল্ভী আর আনেৎ নিজেদের খেলায় এত ব্যস্ত ছিল যে এসব কিছুই ওরা লক্ষ্য করেনি।

আসলে, শুরুতে যা খেলা ছিল আজ আর তা খেলা নেই। শয়তান ভর করেছে ওদের কাঁধে। বিজয়ী তুল্লীও আরও আগুন জ্বালে। রূপ আর বুদ্ধি ওর দুটোই আছে প্রচুর। বাসনার যে আগুন ও নিজে জ্বলেছে তাতে ও অহরহ জ্বলেছে। যোগ্য বলেই জয় হয়েছে ওর। এ কথা ওর মত এত ভাল করে কেউ জানে না।

সন্ধ্যাবেলায় দুবোনের ঘরে দেখা হবেই। অসহ্য এ সান্নিধ্য। না বোঝার ভান করে আপনাকে ওরা চোখ ঠার দিয়ে রাখে। নইলে রাত্তির বেলা পাশাপাশি ঘরে শোয়াটুকু চলত না। তা ছাড়া লোক জানা জানি হওয়াও অনভিপ্রেত। সুতরাং আলাদা সময়ে ওরা ঘরে ঢোকে, কথা কইতে হয় না—সাক্ষাৎটাও এড়ান যায়। কিন্তু সব সময়ে তা সম্ভব হয় না, রাত ভোরে দেখা হবেই। যেন কিছুই হয়নি এমনি ভাবে শীতল কণ্ঠে সুপ্রভাত বা শুভরাত্রি জানিয়ে পাশ কাটিয়ে যায়। খোলাখুলি কথা বলে একটা বোঝা-পড়া হলে ভালো হ'ত। কিন্তু ওরা চায়ওনি, চাইলেও পারত না। মেয়েদের রাগ হলে তারা কাণ্ড-জ্ঞান হারায়, খোলাখুলি কথা বলবে কে ?

আনেৎ-এর আবেগ বিসের কাজ করল। তুল্লীও সেদিন জোর করেই পথের বাঁকে একা পেয়ে অঙ্কারী মেয়েটার ওঠে একটি চুষন এঁকে দিলে। ওর শিরায় শিরায় কাষনার জোয়ার উথলে উঠল। রাগে অপমানে আনেৎ রুখে দাঁড়াল। কিন্তু পারল না ঠেকাতে ওর কুমারী জীবনের এই প্রথম বর্ষার ঢল।

বন্ধ যদের নিরাপত্তার আগলে রাখা মনগুলোর এই দশাই হয়। প্রকৃতির মুখে শুষ্ক-সব-ব্রহ্মচারীর দল সব থেকে বেশী অসহায়।

রক্তের আঙন ওর রাতের ঘুমকে শুষ্ক পুড়িয়ে ছাই ক'রে দিয়ে গেল। সেদিন অনেকক্ষণ ছট ফট ক'রে ধীরে ধীরে ঘুমিয়ে পড়ল আনেৎ। কিন্তু ওর মনে হ'ল ও ঘুমোয়নি। চোখ খুলেই শুয়ে আছে, অর্ধচ হাত পা নাড়তে পারছেননা—কে যেন বেঁধে রেখেছে। সিলভী ওর পাশে শুয়ে...ঘুমোয়নি, ঘুমের ভান ক'রে আছে, ভুল্লীও আসবে। হঠাৎ বারান্দায় মচ মচ শব্দ। কে যেন সাবধানে পা টিপে টিপে আসছে। সিলভী মাথা তুলে সম্বরণে চাদরের ভেতর থেকে পা বের ক'রে খাট থেকে ঝুলিয়ে দেয়, তারপর উঠে চুপি চুপি দরজার দিকে যায়। দরজাটা অর্ধেক খোলা রয়েছে। আনেৎও উঠতে চেষ্টা করল, কিন্তু পারল না। সিলভী চমকে ওঠে, আনেৎ বুঝি টের পেল। কিরে আসে খাটের কাছে, ওর দিকে তাকিয়ে ঠাড়িয়ে থাকে, তারপর আরো ভালো ক'রে দেখবার জন্ত ওর মুখের ওপর বুকে পড়ে।...কিন্তু একে ? সিলভীর মত তো দেখতে নয়, একটুও নয়। এতটুকু সাদৃশ্য নেই। তবু সিলভীই তো। দাঁত বের ক'রে শয়তানীর হাসি হাসছে সিলভী। ওর কাঠির মত শক্ত কালো কালো লম্বা চুলগুলি আনেৎ-এর চোখ মুখ ঝেঁটিয়ে যাচ্ছে, মুখের মধ্যে একেবারে জিভের ওপরে থস্ থসে শক্ত রোঁয়ার মত কিসের খোঁচা লাগে যেন—বিশ্রী একটা ভঁগাপ্‌সা গন্ধও আসছে চুলের। সিলভীর মুখ এগিয়ে আসছে, কাছে আরো কাছে। চাদর তুলে ও বিছানায় এসে চুকল। একটা শক্ত হাঁটুর চাপ লাগল ওর কোমরে। নিখাস যেন বন্ধ হ'য়ে আসছে আনেৎ-এর। ওকি সিলভীর হাতে ছেরা বে—ঐ তো ঠাণ্ডা ফলাটা এসে বসল ওর গলায়। আনেৎ ঝাপটা ঝাপটি ক'রতে লাগল—চিৎকার ক'রে উঠল...। বিছানার ওপর উঠে বসেছে আনেৎ। শান্ত নীরব ঘর, কোনো সাড়া শব্দ নাই। বিছানার চাদরটা এলোমেলো। সিলভী নিঃসাড়ে ঘুমোচ্ছে ওঘরে। বুকের কাঁপুনি একটু কমলে কান পাতে—সিলভী ঘুমোচ্ছে—তার শান্ত নিখাস প্রবাসের শব্দ আসছে...ঘাম দিয়ে যেন ওর গায়ের জ্বর ছাড়ল। তবে ঘুণায় ওর দেহ ঝুঁ ঝুঁ ক'রে কাঁপতে থাকে...।

ঘৃণা ? কিন্তু কাকে ঘৃণা করো আনেৎ ? কাকে ভালোবাসো তুমি ?  
 তুমিওকে একটু ভালো লাগে এই মাত্র—ওকে তো শ্রদ্ধা করে না  
 আনেৎ—বিশ্বাস করে না। বিশ্বাস—এতটুকু না। মাত্র সপ্তাহ ছুই-এর  
 চেনা। কেউ না ওর, মিতান্ত পর, আর তারই জন্ত কিনা ও আজ দূরে  
 ঠেলেদিতে বসেছে অতি আদরের একমাত্র বোনকে, যাকে ও ভালোবেসেছে  
 প্রাণের চাইতে বেশী, এবং এখনও বাসে...[না না, এখন বাস না,  
 আনেৎ !...নিশ্চয়...নিশ্চয় বাসে, এখনও বাসে] অসতর্ক যুহুর্ভে এই  
 লোকটার হাতেই ও ডালি দিয়ে বসল ওর বাকী জীবনটা !...না...না...কি  
 করে তা সম্ভব ? শিউরে ওঠে আনেৎ। একি মারাত্মক পাগলামো ! মাঝে  
 মাঝে শুভ বুদ্ধি জাগে। মনটা মোড় দূরতে চায়। সিল্ভীর প্রতি পুরানো  
 স্নেহ সব ছাপিয়ে জেগে ওঠে। কিন্তু সিল্ভীর চোখে যদি এতটুকু বিরূপতা  
 পড়ল, যদি কখনও দেখল তুমিও তার সঙ্গে নীচু ঘরে কথা কইছে—সব  
 গোলমাল হ'য়ে যায় আবার।

হেরে যাচ্ছে আনেৎ। ও পিছু হ'টে যাচ্ছে। এই জন্তই ও আরো  
 পাগল হ'য়ে, বেসামাল হ'য়ে ওঠে। ব্যবহার হ'য়ে ওঠে খুল। বুঝতে পারে না  
 এই অপমান ও কেমন ক'রে ঢাকবে। তুমিও ছ'জনের মধ্যে একজনকে কিছুতেই  
 বেছে নেবে না। হাতের রুমাল খানা ছ'জনের মাঝখানে ছুঁড়ে দেয়, ভাগ্য  
 পরীক্ষা হোক। সিল্ভী চোখের নিম্নে রুমাল খানা তুলে নেয় নিঃসংকোচে।

তারপর তুমিওকে নাচাবে ও নাকে দড়ি দিয়ে। স্মরণাৎ, সে যদি আনেৎকে  
 ছ'একটা চুমু ছুঁড়ে দেয়ই দিক না। ও নিরে মাথা ঘামায় না সিল্ভী। আর  
 যদিই বা একটু আধটু লাগেই, তা থাকবে ওর মনে। বাইরের মানুষ তার  
 এতটুকু আঁচ পাবে না। কেনই বা পাবে ?...কিন্তু আনেৎ পারে না তা।  
 ভালোবাসার ক্ষেত্রে ভাগাভাগি ও সহঁতে পারে না। পায়েরা সহঁতে তুমিওর  
 এই ছ'নৌকায় পা দিয়ে চলা—ওর মন বিসিয়ে ওঠে। ওর ব্যবহারে ভাবে  
 ভক্তিতে ব্যক্ত হ'য়ে পড়ে তা। লুকোবার চেষ্টাও করে না সে।

ওর প্রতি আগ্রহ কমেই হুড়িয়ে আসে তুমিওর। বড় বেশী সত্যি ক'রে  
 নিয়েছে সব আনেৎ। বড় বেশী গুরুত্ব দিচ্ছে। কি রকম ঘাবড়ে যায় ও

মনটা বিরক্ত হ'য়ে ওঠে। ভালোবাসলেই তাকে সত্যি ভেবে নিতে হবে না কি! একটু আধটু মন্দ নয়, কিন্তু এত বাড়াবাড়ি ওর ভালো লাগে না। ওর কাছে প্রেম হ'ল অপেরার প্রধান গায়িকার মত। গান গেয়ে হাত বাড়িয়ে দেয় শ্রোতার দলকে অভিবাদন করতে। কিন্তু আনেৎ-এর দর্শনে প্রেমের মধ্যে ভিড়ের স্থান নেই।

ওর এই ভালোবাসার মধ্যে একটুকু 'মিথ্যে' নেই। এত গভীরতা দিয়ে ভালোবেসেছে ও যে আঘাতের দাগগুলো মন থেকে কিছুতেই মুছে ফেলতে পারছে না। শুধু আঘাতই বা কেন, সাধারণ ছোট খাটো ব্যাপারগুলোও ডুলতে পারছে না। কোন হুসিয়ার মেয়ে ওসব নিয়ে অমন ছিচকাহুনে-পনা করে না। কাজেই ওকে নিয়ে তেমন ছুত হয় না। তা ছাড়া হার মেনে একেবারে সাধারণ ঘরোয়া মেয়ের পর্যায়ে পড়ে গেছে আনেৎ।

সিল্ভীর আর কোন সংশয় নেই। ওই জিতে গেছে। এখন নিকপায় আনেৎ-এর সম্বন্ধে ওর মনে ঘেঁষা মিশ্রিত বিচিত্র এক পরিস্থিতি। হৃদয় অনুকম্পাও আছে... 'কেমন, হ'লো এখন! এই চেয়েছিলে না কি! বাঃ বেশ দেখায় তো... আহা-রে বেচারী! মার-খাওয়া কুকুর...!'

সিল্ভীর ইচ্ছে করে ছুটে গিয়ে ওকে জড়িয়ে ধ'রে আদর ক'রে আসে। কিন্তু কাছে এলেই আনেৎ এমন ভেঁড়ে আসে যে ও বিরক্ত হ'য়ে ফিরে যায়...

'ওঃ আমার আদর চাই না তোমার! আচ্ছা!' বলে মনে মনে. 'আচ্ছা আচ্ছা, বেশ যা ভালো লাগে কর বাপু, আমার কোন মাথা স্বাধা... কথায় বলে, চাচা আপন বাচা...!' যাই হোক। ও যদি সেধে কষ্ট পায়—তবে আর কার দোষ! ছুনিয়ায় সবই যেন সত্যি! হাসে যে লোকে ওর বোকামী দেখে! [ সবাই ওকে এই ভাবছে আজকাল ] আনেৎ সরে আসে একেবারে।

সিল্ভী আর তুল্লীও একটা মুক অভিনয়ের আয়োজন করছিল যার মধ্যে নিজের রূপ গুণ এবং আরও অনেক কিছু দেখাবার সুযোগ হবে সিল্ভীর। [ যাদুকরী সিল্ভী, বহরপী। সামান্য একটু হাতের ছোঁয়ায় ও বহরবার ভোল বদলাতে পারে। একবারের চাইতে আর একবার ওর চেহারার জলু বাদে। ]



এ বিষয়ে সিলভীর সঙ্গে লড়তে গেলে আরো খারাপ হবে—এ আনেৎ বেশ জানে। আর আগে থেকেই তো ধরে আছে—সুতরাং লাভ তো কিছু নেই। সেটাজুটই যখন অভিনয়ে অংশ গ্রহণ করার জন্য ওকে অনুরোধ করা হ'ল, ও স্বাস্থ্যের অজুহাত দেখিয়ে সরে এল। চেহারাটা ওর শুকন। হয়তো সঠিক শরীর ভালো নেই। তুল্লীও জোর করল না। কিন্তু অস্বীকার ক'রে পরমুহূর্তেই অস্থির হ'য়ে উঠল আনেৎ। কেন ও লড়ল না, কেন রণক্ষেত্র থেকে পৃষ্ঠ ভঙ্গ দিল। তৈরীই তো ছিল ও! কেন ছাড়ল সংগ্রাম! না হয় আশা নেই কিন্তু আশা ফুরিয়ে গেলে সংগ্রামই তো নূতন ক'রে বৃকে আশার দীপ জ্বালে। এখন সিলভী আর তুল্লীও দিনের অনেকটা সময়ই একা থাকবে। না, তা হ'তে পারে না। অন্ততঃ রিহার্শেলের সময় ও উপস্থিত থাকে। একটু বিব্রতও তো হবে ওরা। কিন্তু বিব্রত তো ওরা হয়ই না বরঞ্চ পরমোৎসাহে সিলভী বার বার একটি বিশেষ দৃশ্য রিহার্শেল করতে থাকে...সাক্ষাৎ যমের যত চেহারা এক জলদস্যু অসহায়া এক মেবেকে হরণ ক'রে নিয়ে চলেছে...মুর্ছিতা হ'য়ে পড়েছে বালিকা...। তুল্লীও দস্যুর ভূমিকায়...।

অভিনয়ের দিন এসে গেল। আনেৎ একেবারে শেষের দিকের আসনে গিয়ে বসল সকলের চোখের আড়াল হ'য়ে। এই উদ্দম মাতনের মধ্যে আনেৎ-এর কথা মনে নেই কারো। হয়ত ভালোই হয়েছিল। শেষ পর্যন্ত থাকতে পারলেনা। ওর ভেতরটা যেন কালি ফালি হ'য়ে ছিড়ে যেতে লাগল। মাথাটা আগুন হ'য়ে উঠল—সারা মুখে কেমন একটা তেতো স্বাদ...চলতে লাগল বেদনার রোমছন। প্রত্যাখ্যাত প্রেমের পীড়া ওর মর্ম-মূলকে কুরে কুরে খেতে লাগল।

ও চলে গেল হোটেলের বাইরে উন্মুক্ত প্রান্তরে। কিন্তু বেশী দূর যাওয়া হ'ল না। ওই আলোকোদ্ভাসিত মূখর হলের চারধারেই ও ঘুরতে লাগল।

সূর্য অস্ত গেছে, অন্ধকার হ'য়ে আসে। হলের এক পাশ দিয়ে ছোট একটা দরজা, ঐ পথেই অভিনেতার মঞ্চের বিপরীত পাশে অবস্থিত সজ্জা-কক্ষে যায় দর্শকের চোখ ঝাচিয়ে। একটা আদিম চেতনা দিয়ে বোঝে আনেৎ ওরা দু'জন এদিক দিয়েই আসবে। ভুল হয়নি ওর।

খানিক দূর দিয়ে—মাঠের এক প্রান্তে অন্ধকারে গা ঢেকে দাঁড়িয়ে ওরা  
কথা বলে। ঝোপের আড়ালে দাঁড়িয়ে আছে আনেৎ। হেসে হেসে  
বলছে সিল্ভী :

‘না না, আজ রাতে নয়—’

‘কেন নয়, বলো—’ তুল্লীও জেদ করে।

‘প্রথম কথা মশাই আমি যুমোব।’

‘ওঃ ভারী তো ঘুম, যুমের মেলা সময় আছে।’

‘কই আর প্রাণ ভ’রে যুমোতে পারি বলো—’

‘আচ্ছা, তাহ’লে কাল রাতে কিন্তু—’

‘রাতে! সে তো এক কথাই হ’লো। তাছাড়া রাতে আমি একা থাকিনা ;  
আমার পেছনে টিকটিকি আছে জানো !’

‘তাহ’লে উপায় নেই আর ?’

হুই মেরেটা হেসে গড়িয়ে পড়ে।

‘কেন, তোমার বুঝি দিনে ভয়! আমার অত ভয় টয় নেই—’

আর শুনেতে পারেনা আনেৎ। একটা অতিকায় ঘুণা আর রাগে এর  
সমস্ত সজ্জা মথিত, বিপর্যস্ত হ’তে থাকে।

ও আর থাকতে পারে না...উন্মত্তের মত ও মাঠ ভেঙ্গে ছুটে চলে অন্ধকারে  
প্রাণের ভয়ে পালানো জঁস্তুর মত। কোন দিকে দৃষ্টি নাই—পায়ের নীচে শুকন  
ডাল ভাঙে—শব্দ হচ্ছে মড় মড়। হয়তো শুনেছে ওরা। কিন্তু আনেৎ-এর  
ভ্রক্ষেপ নাই। শুশুক। বয়ে গেছে। ছুটছে ছুটছে আনেৎ, নিশায় পাওয়ার  
মত কেবলি ছুটছে সামনে। পলায়ন? কোথায় পালাবে আনেৎ? জানেনা  
আনেৎ জানেনা...। কোথায় স্থান...? ও ছুটছে...ছুটছে...মর্মভাঙ্গা ক্রন্দনে  
রাতের আধারকে জাগিয়ে দিয়ে ও চলেছে সামনে...কোনোদিকে দৃষ্টি নাই...  
সময়ের হিসাব নাই...চেতনাও নাই...পাঁচ মিনিট...পোনের মিনিট...একটা  
পুরো ঘণ্টাই হয়ত লাগল। হঠাৎ একটা গাছের শিকড়ে পা বেধে প’ড়ে  
যায় আনেৎ...মাথা ঠুকে যায় গাছের গুড়িতে...ও চিৎকার ক’রে ওঠে...আহত  
পশুর মত মুখ খুবড়ে প’ড়ে গোকায়...

চারদিকে রাত্রি ধমধম করে ।

চাঁদ তারা-হীন এক কালো, নিকম কালো আকাশ । মুক মুহিত পৃথিবী... কোথাও একটি নিখাসের স্পন্দনও নাই...কীট পতঙ্গের শব্দ পর্বস্ত নাই...। পৃথিবী কি মরে গেল ? খেমে গেল তার হৃৎস্পন্দন ! কেবল ঝড়ু দীর্ঘকার গাছটার—[ ঘর পায়ে মাথা ঠুকেছে ওর—] শুড়ির কাছে টিপ্ টিপ্ করে ঝরছে একটি ক্ষীণ জল-ধারা, ঝির্ ঝির্ করে বয়ে চলেছে পাথরের ওপর দিয়ে । সামনে খাড়া পাহাড়...এত খাড়া, মনে হয় মাটি থেকে হঠাৎ ছিটকে উঠে গেছে যেন আকাশে...তারি বুক চিরে চ'লে-যাওয়া গভীর কাটল থেকে আসছে পার্বত্য-ধারার অশ্রাস্ত গভীর গর্জন । এ তো জলধারার গর্জন নয়—এ যেন পৃথিবীর শাস্তী কন্দসী...আজ ওর মর্মের হাহাকারের সাথে সুর মিলিয়েছে...

কেঁদে চলেছে আনেৎ...চিন্তা করার শক্তি নাই...কারায় ওর সারা দেহ মথিত, উবেলিত...এ কয়দিনের সঙ্কিত বেদনার ভার আজ গ'লে গ'লে ঝরে পড়ছে অশ্রু-ধারা হয়ে । ধীরে ধীরে কারায় আবেগ শাস্ত হয়ে আসে । শ্রাস্ত দেহ আসে ঝিমিয়ে । সঙ্কিত ঝিরে আসে...একা...একা...আনেৎ একা...এই বিশাল বিশ্ব-প্রাক্রমে ও একা...পথের ধারে ধুলোর বুকে ছুঁড়ে ফেলেছে ওকে বিশ্বাসঘাতক মানুষ । কিন্তু এর বেশী আর ভাবতে পারে না ও । ছিঁড়ে ছিঁড়িয়ে গেছে ওর সমস্ত ভাবনা...এক সাথে করে গুটিয়ে নেয়ার শক্তি ওর নেই । ওঠার শক্তিও নেই । অবশ দেহে এলিয়ে প'ড়ে থাকে মাটিতে...আঃ মাটি...মাটি...গ্রহণ করো মাটি...গ্রহণ করো...গ্রহণ করো...

পাহাড়ী জলধারা কল্লোলের সুরে কথা কয়...বেদনায় গ'লে গিয়ে ঝরে পড়ে পাহাড়ের গা বেয়ে...। আনেৎ-এর মর্মের ক্ষত খুঁটয়ে দেয় স্নিগ্ধ ধারায় । অনেকক্ষণ পর...কে জানে কতক্ষণ, আনেৎ ওঠে । দেহ তখনও শ্রাস্ত, মন অবসন্ন । মাথার আঘাতটা টন্ টন্ করে ওঠে । দৈহিক বেদনার চিত্তের বেদনা অনেকটা ঢাকা প'ড়ে যায় । হাত ছুঁড়ে গেছে, মাথা জ্বলছে । পাশের জল-ধারায় ক্ষত বিক্ষত হাত ডুবিয়ে জল নিয়ে কপালের ক্ষতে মাথায় ছিটিয়ে দেয় । ভেজা হাতের মধ্যে মাথা গুঁজে, চোখ বন্ধ করে বসে থাকে...শীতল

জলের স্পর্শ অনুভব করে চিত্ত ভ'রে...। ধীরে ধীরে বেদনা মিলিয়ে যায়।  
একি ওরই বুকের কারণ ছিল? অর্থহীন মনে হয় এতদিনের যত পাগলামো,  
এত দুঃখ পেলাম কেন? কি লাভ হ'ল? সত্যি কি হেতু ছিল? জল-ধারা  
কল্লোলের ভাষায় কয় :

‘তাতো ছিল না বোকা মেয়ে। নেহাৎ বোকা তুমি তাই, সব বৃথা...  
নিরর্থক...’

‘কিন্তু কি চেয়েছিলাম বলো তো?’ সক্রমণ একটি তীক্ষ্ণ হাসি হেসে বলে  
আনেৎ : ‘কি জানি কি চেয়েছিলাম...জানি না...জানি না। সুখ কি? বডো  
রকমের একটা সুখ চেয়েছিলাম বোধ হয়। কিন্তু আর লোভ নেই আমার।  
নিয়ে যাও যে নেবে, কিছু বলব না।’

অকস্মাৎ দমকা হাওয়ায়, ঢেউয়ে ঢেউয়ে ভেসে আসে যে-সুখ ও চেয়েছিল  
তারি স্মৃতি...ঐ কামনার অগ্নিবর্ষী ঝড়ের দাপটে ওর সমস্ত দেহ ঝন্ ঝন্ করে  
বেজে উঠেছিল। সে ঝংকার আজও খামেনি, খামবে না কোনও দিন।  
জানে অন্টার, তবু বেজে উঠেছিল। কামনা তো একা আসে না, সঙ্গে নিয়ে  
আসে হিংসা আর ঘেব...মাটিতে মুখ খুঁবে পড়ে তারি। যার খায় আনেৎ  
নীবে। তারপর মাথা তুলে উচ্চঃস্বরে বলে ওঠে :

‘অন্টার...অন্টার করেছি আমি...সিল্ভীকে ভালোবাসে সে...আমায় নয়।  
তাই হোক, তাই হবে...। ভালোবাসবার যত মেয়েই তো সিল্ভী...। আমার  
চাইতে অনেক সুন্দর ও, আমি কি জানিনে তা?...তাইতো আমি ও ভালোবাসি  
ওকে। ওর সুখেই আমার সুখ। আমার বড অহমিকা। কিন্তু কেন ও আমার  
কাছে মিথ্যে কথা বললে...কেন...। আর যা খুশি করুক। মিথ্যে কথা কেন  
বলল...কেন লুকোল? আমার এমন করে প্রবঞ্চনা করলে কেন...কেন এমন  
করলে সিল্ভী? কেন আমার কাছে এসে মন খুলে সব বললনা...? আমায়  
কেন ও ঠেলে দিলে দূরে? কেন মনে করলে আমি ওর শত্রু। তারপর ওর চলা  
কেরা কথা বার্তা...আমি ঠিক যা পছন্দ করিনা তাই কেন করলে—অমন বিক্রী  
ভাবে; কিন্তু দোষই বা কি ওর। আশৈশব কাটল ওর কোন্ জগতে।  
আমার কি অধিকার আছে ওর দোষ ধরার? আর আমি, আমিই কি সরল

অকপট ব্যবহার করেছি...আমি পরিণি মুখোস ? আমার মন ওর চাইতে কোন অংশে ভদ্র ছিল ? ছিল ? ছিল ? বলো আনেৎ...স্বীকার করো সত্য...ছিল বলছো কেন ? বলো আছে, এখনও আছে...আমি তো জানি আমার মনের স্থলিগলিতে সাপ লুকিয়ে আছে । এখনও আছে...।

অবস...শ্রান্ত দেহ...ভাঙ্গা মন...দীর্ঘশ্বাস বেরিয়ে আসে ।

না...না...এর শেকড় স্বপ্ন উপড়ে ফেলতে হবে...আজ এই মুহূর্তে, আর দেব্রি নয় । আমি বড়...ছোট বোন সিল্ভী আমার । অপরাধ তো আমারই বেশী । সিল্ভী সুখী হোক...সুখী হোক...হোক সুখী । তবু ব'সে থাকে আনেৎ...নিশ্চল প্রাণ আমার মত । ছ'ড়ে যাওয়া হাতের ক্ষত গুলি চোখে...আর মৌনভার বাণী শোনে...শোনে আর স্বপ্ন দেখে...। তারপর আর একটা দীর্ঘশ্বাস ফেলে নিঃশব্দে উঠে প'ড়ে সামনের দিকে এগোয় ।

[ বার ]

রাত্রির বুক চিরে চলেছে আনেৎ ! চাঁদ ওঠার এখনও দেব্রি আছে । কিন্তু দিক্চক্রবালের ওপায়ে গাব উদগের আভাস । অন্ধকারের মহাসাগর থেকে উঠছে চাঁদ । মালভূমি-শীর্ষের বলয়িত সীমা-রেখা এক মুহূর্তে আলোয় আলো হ'য়ে উঠেছে । এক জ্যোতিরবলয়ের পটভূমিতে মাল-ভূমির কালো প্রোফাইল কৃষ্ণতর হ'য়ে উঠছে প্রতি-মুহূর্তে । আনেৎ ধীরে ধীরে হেঁটে চলেছে । স্বাভাবিক নিশ্বাস প্রশ্বাসে শান্ত ভেতবটার ধবন পাওয়া যায় । প্রশান্ত চিত্তের অঞ্জলি ড'রে ও মাটির আর সন্ত-গোটা ঘাসের সুরভ পান করে ।

অনেকটা দূরে অন্ধকার রাস্তায় কার যেন দ্রুত পায়ের শব্দ শোনা যায় । ওর বুক কেঁপে ওঠে । পা খেঁচে যায় । চেনা পায়েরই শব্দ—তাড়াতাড়ি এগিয়ে যায় । ও পক্ষও যেন গুনতে পেয়েছে ওর পায়ের শব্দ । একটি উৎকণ্ঠিত ব্যগ্র স্বর ভেসে আসে : 'আনেৎ !'

আনেৎ সাড়া দেয় না, দিতে পারে না । ওর ডাঙ্গা হারিয়ে গেছে, বাক-শক্তি লুপ্ত হয়েছে । হঠাৎ আনন্দের একটা বিপুল স্রোত ওকে ভাসিয়ে নিয়ে

যায়...ভাসিয়ে নিয়ে যায় ওর সর্ব বেদনা, ধোঁত করে, নিশ্চিহ্ন করে দেয়  
বেদনার যন্ত চিহ্ন আর স্মৃতি। কথা কইতে পারে না আনেৎ। কিন্তু পারের  
বেগে প্রাণের আবেগ ভাষা পায়। ওদিকে যে আছে সেও ছুটছে যেন।  
আরেকবার ভেসে আসে...‘আনেৎ!’ ধরে একটা গভীর বেদনা স্রু-উচ্চার।

পাহাড়ের আড়ালে চাঁদ উঠেছে। অস্বচ্ছ আলোর আধার ফিকে হ’য়ে  
আসে...শুভ্রায়মান কালোর মাঝে ভেসে ওঠে একটি অস্পষ্ট মূর্তি। আনেৎ  
চিৎকার করে ওঠে : ‘বোন্...’ তারপর হু’হাত বাড়িয়ে অন্ধের মত সম্মুখে চলে...

মিলনের ব্যগ্রতায় হু’দিক থেকে দুটি দেহ পরস্পরের ওপর এসে ঝাঁপিয়ে  
পড়ে। হু’জোড়া বাহ পরস্পরকে আবেগে জড়িয়ে ধরে। হু’জোড়া ওষ্ঠ ব্যাকুল  
ভাবে একান্ত হ’য়ে যায়...।

‘আনেৎ, আনেৎ, আমার আনেৎ!’

‘আমার সিল্ভী, আমার সিল্ভী!’

‘দিদি, দিদিভাই!’

‘কি দিদি!’

হারানো আনন্দ ফিরে আসে, ফিরে আসে গুঁথে হারানো আপন জন।  
অন্ধকারে হু’জনের হাত ফেরে হু’জনের চুলে, যথেষ্ট, সর্বক্ষে ; স্পর্শে স্পর্শে  
স্নেহোন্মত্ত অস্তুর গলে গলে ঝরে পড়ে। আনেৎ-এর গায়ে গরম কাপড়  
নেই—হাতে ঠেকে সিল্ভীর। ‘ছিঃ ছিঃ কি করেছ দিদি, গায়ে দাওনি  
কিছু!’ উষ্ণ স্বরে বলে ওঠে ও। আনেৎ-এর মনে পড়ে যায়—তাইতো,  
সাক্ষ্য-পোষাকই তো পরা রয়েছে। হঠাৎ শীত লাগে ; সারা শরীর খর্ খর্  
ক’রে কেঁপে ওঠে।

‘পাগল! পাগল! দিদিটা বন্ধ পাগল—’ সিল্ভী নিজের কোটটা ওর  
গায়ে জড়িয়ে দিতে দিতে বলে। ওর হাত এখনও সন্ধান ফিরছে...

‘একি দিদি, তোর জামা কাপড় যে চিড়ে একাকার হ’য়ে গেছে। কি  
করছিলি বলতো! কি হয়েছে দিদিভাই। চুলগুলো সব এলোমেলো—  
মুখের ওপর এসে পড়েছে! আর ঝঁগা-ঝঁগা একী? কপালে কি হয়েছে! পড়ে  
গিয়েছিল বুঝি?’

আনেৎ নীরব। সিল্ভী'র কাঁধে মুখ শুঁজে শুঁধু কাঁদে। রাস্তার ধারে একটি পুলের ওপর গিয়ে ওরা বসে। সিল্ভী ওকে ধরে পাশে বসায়। পাহাড়ের বাধা ঠেলে চাঁদ বেরিয়ে এসেছে। আনেৎ-এর কপালের ক্ষত স্পষ্ট দেখা যায়। সিল্ভী চুমোয় চুমোয় সে-ক্ষতের বেদনা শোষণ ক'রে নেয়।

‘বলো, বলতেই হবে কি হয়েছে—’ সিল্ভী বলে : ‘কি হয়েছে তাই ! ওঃ ঘরে গিয়ে যখন তোকে দেখলাম না, আমার যে কি অবস্থা হ'লো ! এখানে সেখানে, কোথায় যে খুঁজিনি। পুরো একটি ঘন্টা খুঁজেছি। আমার বুক ভেঙে যাচ্ছিল...ভয় করছিল, জানিস্...আমি ভাবছিলাম...জানি না, জানি না...কেন আমার বুক অমন ক'রে কাঁপছিল...থাকগে, কেন বেরিয়ে এসেছিলি বলতো...’

কি বলবে আনেৎ ?

‘আমি জানি না,’ ও বলে : ‘শরীরটা ভালো লাগছিল না। একটু হাঁটতে ইচ্ছে করছিল বাইরে...ভেতরে কেমন দম বন্ধ হ'য়ে আসছিল...।’

‘মিথ্যে কথা ! সত্যি কথা বল, দিদি।’

তারপর আনেৎ-এর মুখের কাছে মুখ এনে কোমল স্বরে বলে সিল্ভী :

‘আচ্ছা দিদি, সত্যি ক'রে বল, ‘সেজন্ম’ নয়তো...’

‘আনেৎ ওর মুখ চেপে ধরে : ‘না, না...’

‘মিথ্যে কথা বলিসনে, আনেৎ,’ সিল্ভী তবু ছাড়ে না : ‘সত্যি বল বলছি। আমি বোন না ! লুকোসনে, দোহাই তোর। ঠিক বলেছি না, তুল্লীও—।’

আনেৎ-এর চোখ ভিজ্জে ওঠে। চোখ মুছতে মুছতে হাসতে চেষ্টা করে : ‘না রে না। বিশ্বাস কর। অবশি একটু না লেগেছিল তা নয়। তবে সে তো আমার বোকামী। সে যাক। এখন আমার মনে আর কিছু নেই। সে যে তোকে ভালোবাসে তাতেই আমি সুখী। সত্যি বলছি।’

‘তাই বল। ঠিক ধনেছি আমি,’ লাফ দিয়ে ওঠে সিল্ভী : ‘কিন্তু কে বললে আমি ও লোকটাকে ভালোবাসি।’ রাগে হ'হাত মোচড়ায় সিল্ভী। ‘এক কোঁটাও নয়, এতটুকুও নয়। ওটা জানোয়ার, জানোয়ার, জানোয়ার...’

‘নিশ্চয় ভালোবাসিস্...’

‘না, না, না— ‘সিল্ভী পা আছড়ায় রাস্তার ওপর ।

‘একটু নাচিয়েছি লোকটাকে । বেশ লাগত নাচাতে । তুই ভেবেছিস্  
প্রেম ! ছোঃ শেক সাদা কাগজ, দিদিভাই, কোন আচড় পড়েনি । তা’ছাড়া  
তোব কাছে কে লাগে রে ! তোব এক ফোটা চোখের জলের দাম যে পুকসের  
হাজারটা চুমোর কুলোয়নারে দিদি !’

আনন্দের আনন্দ-এর বুক ভরে ওঠে ।

‘সত্যি বলছিস্ ! সত্যি ! বল্ সত্যি !’ অধীর ভাবে ও সিল্ভীর  
বুকের ওপর ঝাপিয়ে পড়ে ।

হু’জনে একটু স্থির হ’লে সিল্ভী বলে : ‘আচ্ছা এবারে সত্যি কথা  
বলতো দিদি, তুইও ভালোবেসে ফেলেছিলি ওকে, না !’

‘তুইও মানে ? তাহ’লে বাছাধনও প্রেমে পড়েছিলেন !’

‘দেখ দিদি, ভালো হবে না বলছি । ও আর নয় । ও সব শেষ হ’য়  
গেছে ।’

‘হ্যাঁ তাই, চুকেই গেছে ।’ আনন্দ বলে ।

জ্যোৎস্না উছলে উঠেছে । হারানো সম্পদ ফিরে পেয়ে আনন্দ-সিল্ভীর  
প্রাণেও জ্যোৎস্না ছলছে । হঠাৎ সিল্ভী খেমে যায় । তাঁদের দিকে বন্ধ মৃষ্টি  
আনন্দান ক’রে বলে : ‘ওঃ, কি সাংঘাতিক জানোয়ার, আশু জানোয়ার !...  
শোধ ভুলে ছাড়ব ।’

তারুণ্যের ধর্ম, গার্ল দিয়ে তখনই থল্ থল্ ক’রে হেসে ওঠে সিল্ভী ।

‘কি করব জানিস এখন !’ ও একটু ঝাঁঝের সঙ্গেই বলে : ‘গিয়েই বাস  
প্যাটারি বাধা । কালই সকালে ডেরা গোটান এবং প্রথম গার্ডীয়েই । জানো-  
য়ারটা যখন লাঞ্চ খেতে খাবার ঘরে আসবে, দেখবে চিড়িয়া ভাগ গিয়া ! কি  
মজারটাই না হবে, নারে দিদি !’ হেসে গড়িয়ে পড়ে সিল্ভী : ‘জানিস,  
ঐখানে ঐ বাগানটায় কাল দশটার সময় ওর সঙ্গে আমার দেখা করার কথা...।  
সারা সকাল ঘোড়-দৌড় ক’রে বেড়াবেন বাছাধন...’ আবার হাসতে হাসতে  
গড়িয়ে পড়ে । আনন্দও হাসে । সিল্ভীর খোঁজে ছুটে বেড়াবে লোকটা,



না পেয়ে হতাশ হ'য়ে রাগে টগ্‌বগ্‌ করবে...বতই ভাবে ততই খিলখিল  
ক'রে হাসে ছ'জনে। পাগল, পাগল, বন্ধ পাগল মেয়ে দুটো। ওদের  
মনের ঝড়-বাদল কেটে গিয়ে একেবারে ক'র্স। নীল আকাশ দেখা দিয়েছে।

‘কিন্তু ষাই হোক,’ আনেৎ বলে : ‘ওরকম ভাবে তো'র কিন্তু নোংরা'মির  
মধ্যে যাওয়া ঠিক হয়নি।’

‘হুঁ, ভারী হো,’ সিল্‌ভী বলে : ‘আমি ! আমার ওসবে কিছু হয়না।...  
তবে হ্যাঁ, এখন অন্য কথা। এখন আর তো খালি আমি নই, আমি যে তো'মার  
বোন সে আর আর ভুলব না, দেখে নিও...।’ আনেৎ-এর হাতে চুমো খেয়ে  
বলে : ‘কথা দিচ্ছি ভাই। কিন্তু দিদি, তু'মিও তো নিজের রাশ টেনে রাখতে  
পারোনি।’

‘না, তা পারিনি,’ অত্যন্ত ব্যথিত অহুতাপের স্বরে আনেৎ বলে : ‘আমার  
তো ভয় হ'ছিল একেবারে ভেসে যাউ ব'ঝি।’ সিল্‌ভীকে প্রবল ক'রে বুকে  
জড়িয়ে ধরে ; তারপর আবার বলে : ‘আচ্ছা বলতো কি অদ্ভুত মানুষের মন !  
সে যে কখন হঠাৎ চেউ তুলে নিমেষে তো'মায় ভাসিয়ে নিয়ে যাবে, কোন্  
বালুচরে নিয়ে ঠেকাবে, কেউ জানে না।’

‘ঠিক বলেছ,’ দি'দিকে জড়িয়ে ধ'রে বলে সিল্‌ভী : ‘আর সেই জন্মই তো  
তো'মাকে অত ভালোবাসি, তো'মার বুকের মধ্যে একটা আন্তো ঝড় পোরা আছে!’

হোটেল। জ্যোৎস্নায় বাড়ীটা যেন ঝলমল করছে। সিল্‌ভী এক হাত  
দিয়ে দি'দির গলা জড়িয়ে ধ'রে কানের কাছে ম'থ এনে বলে :

‘বড় কষ্ট পেয়েছ, না ! ভুলব না দি'দি কোনদিন এ স্কোটার কথা—ভুলতে  
পারবনা...পারবনা। মনের মধ্যে একেবারে রক্তের রেখায় খোদাই হ'য়ে গেছে  
দিনটা—। শেষটায় কিনা আমিই তো'মার কষ্টের কারণ হ'লাম! না, না, অস্বীকার  
ক'বো না দি'দি। তো'মাকে খুঁজতে পাগলের মত ছুটেছি, আর আজ বাজে  
ক'ত সব ভেবেছি—ভেবেছি আর ভয়ে খরখর ক'রে কেঁপেছি, কি জানি...  
যদি কিছু...আচ্ছা যদিই বা হ'য়ে যেত কিছু...ওঃ দি'দি—কি'বে করতাম  
আমি—আর ঘরে কি'রতাম না।’

আনেৎ খেন গ'লে যায়। ভরা কঠে ডাকে :

'লক্ষী বোন আমার! তোর দোষ কি ভাই, তুই তো ইচ্ছে ক'রে আমার কষ্ট দিস্নি। তুই কি ক'রে জানবি যে আমি কষ্ট পাব।'

'কেন জানব না, একশ' বার জানতাম। জেনে শুনে কষ্ট দিয়েছি। কষ্ট পাচ্ছ দেখে কৃতি করেছি রীতিমত!'

আনেৎ-এর মনটা কুঁচকে এতটুকু হ'য়ে যায়। একটু আগে ও নিজেই চেয়েছে, সিল্ভীকে একবার মজা দেখাবে, আচ্ছা ক'রে বুঝিয়ে দেবে। সিল্ভী এমন ক'রে কষ্ট পাক, ওর বুক ভাসুক—ভেঙ্গে ঝর ঝর ক'রে রক্ত পড়ুক—তাই চাইছিল ও। বললে এখন সে-কথা হৃদয় খুলে। দুজনে আবার পরস্পরকে বুকে চেপে ধরে।

'কিন্তু কি হয়েছে আমাদের বলতো!' একই প্রশ্ন দুজনে দুজনকে শুধায়। ওদের চোখে মুখে লজ্জা আর ব্যথা। কিন্তু আজ আর ওদের মধ্যে কিছু নিয়ে কাড়াকাড়ি নেই, প্রতিদ্বন্দ্বিতা নেই, ষন্দ নেই। বুকটা হাল্কা হ'য়ে গেছে।

সিল্ভী বলে . 'প্রেম দিদি, একে বলে প্রেম।'

'প্রেম!' নিশ্চয় জবাব দেয় আনেৎ। তারপর যেন চমকে ওঠে। বলে : 'প্রেমের এই চেহারা?'

'সবে তো স্নুক, দিদি। এখনই হয়েছে কি!'

আনেৎ প্রবল ভাবে প্রতিবাদ করে : 'বাপ্‌স্‌ এই যদি প্রেম হয়, সাত জন্ম আর ওর পাশ মাড়াচ্ছিনে।'

সিল্ভী হাসে। ওকে ক্ষ্যাপায়। কিন্তু আনেৎ গম্ভীর হ'য়ে ওই একই কথা বলে, আর নয় ঘাট হয়েছে। প্রেম ট্রেম ওর পোষাবে না।

'বেশ বেশ, ভালো,' হাসতে হাসতে বলে সিল্ভী : 'কিন্তু দিদি, প্রেম বাদ দিলে যে জীবনটাষ্ট বাদ চ'লে যাবে।'

## দ্বিতীয় খণ্ড

[ এক ]

অক্টোবর মাস। মধুর ধূসর হিম-লগ্না : প্রথম দিবসাঃ। উষ্ণ সৃষ্টিয় ঋতু ধারা  
ঝরছে অলস ছন্দে। ভিজ়ে মাটির সৌন্দা গন্ধ...ভাগুর তরা পাকা কলের  
রাশ আর সুরা।

বারগাণ্ডিতে নিজেদেরই বাড়ী রিভিয়েদের। এখানেই এসেছে দু'বোন।  
খোলা জানালার পাশে বসে মাথা হেঁট করে সেলাই করছে ওরা। নিটোল  
দু'খানি কপাল যেন পরস্পরের দিকে তাকিয়ে আছে। সিল্ভীর কপাল খানি  
আনেৎ-এর চেয়ে সুন্দর। কিন্তু আনেৎ-এর কপালে আছে দৃঢ়তার পরিচয়, তার  
জেদী স্বভাবের পরিচয়। আর খেয়ালী সিল্ভীর কপাল খানিও যেন জেমনি  
খেয়ালী। যেন ছাগল ছানা আর গুদে সাঁড়—। মাথা তুললে চোখা চোখি  
হয়। চোখা চোখিতে লেখা থাকে বোঝা বুঝি। এ কয়দিন অনর্গল ওদের  
জিভ চলেছে। আজ জিভ বিশ্রাম নিয়েছে। তাই মনের মধ্যে রোষহন চলেছে  
গত কটা দিনের স্মৃতির। কত কথাই করেছে; আর কি বিপুল উত্তেজনা  
আর আনন্দে ভরে ছিল দিন কটা। পরস্পরের কাছ থেকে কত শিখল কত  
পেল। সব দেয়া আর সব পাওয়ার জন্ম ওরা পরস্পরের হাতে নিজেকে  
একেবারে কিছু বাকী না রেখে তুলে দিয়েছিল।

কিন্তু বুখাই চেষ্টা করেছিল। শেষ পর্যন্ত প্রহেলিকাই রয়ে গেল পরস্পরের  
কাছে। মানুষের কাছে মানুষ মস্ত বড় রহস্য। পারস্পরিক আকর্ষণের উৎস  
ওখানেই। ভাবে মানুষ; না হয় বোঝাই গেল এমন কি লাভটা হয়! বোঝা  
মানে বোঝান। মানে ব্যাখ্যা করা। ভালোবাসার মধ্যে ব্যাখ্যা নেই...

ভবুও ভকাত হয় । পুরোপুরি বোঝাবুঝি না থাকলে সম্পূর্ণ করে পাওয়াও যায় না । কিন্তু ওরা ছ'জনে ভালোবাসলে কি করে ? একেবারে তো আলাদা মানুষ ছ'জন । অফুরন্ত শক্তির অধিকারী হয়েছিল রাওল রিভিমের ছ'মেয়েই । কিন্তু এক জনের মধ্যে তা দানা বেঁধে সংহত হ'ল ; কিন্তু আরেক জনের মধ্যে তা হ'ল না । ভালোবাসার ক্ষেত্রে ওদের পার্থক্য সব থেকে স্পষ্ট । সিল্ভীর ভালোবাসার মধ্যে কোথাও রাশ-টানা নেই ; অবাধ, উদাম, বেহিসেবী ; হাসি দিয়ে তার সুর বাঁধা । অথচ পরোক্ষে বিচার-বুদ্ধিটি জাগ্রত আছে । কেবলি চলে সিল্ভী—ও থামতে জানে না, কিন্তু পথের ভুল হয় না ওর । সব সময় ও ডানা ঝটপটায় , কিন্তু যখন উডতে পায়, নীড়ের চৌহদ্দি ছেড়ে বাইরে যায় না ।

মাস ছয় মাত্র আগে আনেং জানতে পারল কত বড় বুদ্ধি প্রেম দাপাদাপি করছে ওর বুদ্ধির মধ্যে ; ওর সহজ বুদ্ধিই ওকে বলে দিলে অন্তরা ভুল বুঝবে । ভয় হ'ল । প্রাণপণ শক্তিতে ও চেপে রাখতে, নুকিয়ে রাখতে চাইলে সেই ছুধারী দানবকে । কিন্তু আগে-ওঠা বন্দী উপোসী দানব নীরবে সংসার নিগড়ে মাথা কুটে মরে আর যে হৃদয়ে সে বন্দী হ'য়ে আছে চোখে ঠুলি বেঁধে, তাকে ধীরে ধীরে কুরে কুরে খায় । এই নিরন্তর নিঃশব্দ দহনে আনেং-এর ভার-সাম্য হারিয়ে যায় ; কেমন একটা অহত অবসাদে মন অজান্তে তলিয়ে যায় । মন্দ লাগে না অবস্থাটা, কি জানি কেন যাতে ব্যথা লাগে তাই যেন ওর ভালো লাগছে বেশী যেমন লাগে খুব ধস্ধসে কোন জিনিস ঝাঁট ক'বে গায়ে জড়ালে , অথবা কোন আসবাবের ধস্ধসে দিকটায় অথবা ঠাণ্ডার সময় কোন এব্‌ডো খেবড়ো আন্তর-ওঠা দেয়ালের গায়ে হাত ঘস্‌টে গেলে ।

একটা কচি ডালের তেঁতো কচি বাকলাটা বসে চিবোয় কখনও কখনও আর কোথায় যেন হারিয়ে যায় । আনেং নিজেকে ভোলে, সময়ের হিসেব ভোলে । বাহুজ্ঞান লুপ্ত হ'য়ে যায় কখনও ।

হঠাৎ চমক ভাঙে । গা-ঝাড়া দিয়ে ওঠে লজ্জায় ভয়ে, সিল্ভী নিশ্চয় দেখে ফেলেছে । ও জানে সিল্ভী কাজ করছে না ছাঁই । ও মেয়ের ঝাঁকা চোখটা ওর খবরদারী করছে । সব ভালো ক'রে বোঝে না সিল্ভী । কিন্তু

ওর তীক্ষ্ণ বুদ্ধির দৌলতে এটুকু বোঝে আনেৎ-এর ভেতরের মানুষটা রোদ-পোয়ান সাপের মত বিড়ে পাকিয়ে পাতার শুপে আরামে ঝিমুছে। কিন্তু ওটা শুধু খোলস। ভারী অদ্ভুত দিদি...সিল্ভী ভাবে। মাথার ক্রুপ ওর টিলে। একেবারে ছনিয়া ছাড়া মেয়ে। স্বভাবটা ভয়ানক আবেগ-প্রবণ ; যখন যা মনে লাগল প্রাণ-মন টেলে দিলে। কাঁকির কারবার নেই। এ সবে অবাক হয় না সিল্ভী। তারপর দিদির গাশ্ঠীর্ষের ওজনে তার অশাস্ত মনের যতটুকু ধবর পেয়েছে, তাতেও অবাক হয়নি ও। বাপ্‌রে কি মুখ দিদির, যেন হৃদয়-বিদারক ঘটনা ঘটেছে। আচ্ছা অমন করে কেন দিদিটা ? যে জিনিস যা। তাই নিয়ে তো চলতে হবে আমাদের। তোমার আগার মাপে ছনিয়া তৈরী হয়নি। মাথায় তো হাজার জিনিস আসে। আসুক ! বয়ে গেল। আসে আবার যার। সংসারে ভালো জিনিস আছে, মন্দও আছে, কত জিনিস আমাদের ভালো লাগে আবার কত লাগেও না, সবই সমান সহজ ও স্বাভাবিক। ভালো যঃখানি স্বাভাবিক, মন্দও ঠিক ততখানি। তা ভালো হোক আর না হোক আমি তো বাপু ঢুক করে গিলে ফেলি। বাস ! তলিয়ে গেল। এ নিয়ে আবার অত হৈ চৈ করার কি আছে ? বেচারী আনেৎ ! ভারী গেরোয় পড়েছে। ঠাণ্ডা গরম যত রাজ্যের ভাবনার ঠডপো হয়েছে ওর মনটা। কত ভব, কত সংশয়, কত ঈচ্ছা, আবেগ, রুচি, অরুচি। সব মিলে জট পাকিয়ে গেছে। কে খুলবে ওই জট ? বড্ড বাডাবাড়ি দিদিটার। কেমন যেন অস্বাভাবিক, হেথানী মানুষটা। বিশেষ করে একজুই দিদিকে আরো ভালো লাগে সিল্ভীর, এ জুই তার টান ও এড়াতে পারে না।

চুপ করেই আছে ওরা। অস্বস্তিকর গোপন ভাৱ নীরবতা ভারী হয়ে ওঠে। হঠাৎ কথা কয়ে ওঠে সিল্ভী...আজ্ঞে বাজে অর্থহীন অসংলগ্ন কথা...মেলাই ঝোকা মাথাটা প্রায় ঠেকেছে এসে সেলাইএর ওপর—যেন কত মন দিয়ে দেখছে ; অতি নীচু স্বরে একেবারে রেলগাড়ী চালিয়ে কি যে ব'লে চলে, কিছুই বোঝা যায় না। খালি কতগুলি ই-র মত শব্দ শোনা যায়, মনে হয় যেন কত গুলি তিত্তির পাখী কিচির মিচির করে মনের আনন্দে নাচছে। পরক্ষণেই

মুখটা গভীর হ'য়ে ওঠে। যেন অস্বাভাবিক হ'য়ে বলে : 'কে ? আমি ? আমি কিছু কবিনি...' অথবা দাঁতে সূতো কাটতে কাটতে মিহি অস্বাভাবিক গলার একটা বাজে গানের কলি ভাঁজতে শুরু করে ; অথবা কোন অল্পীল গানের সব থেকে ধারাপ অংশটা বেছে বেছে গাইতে আরম্ভ করে এঁচড়ে-পাকা ছেলের মত মুখ করে। আনেৎ চমকে ওঠে। খানিক হেসে খানিক বিরক্ত হ'য়ে চিৎকার করে ওঠে : 'আবার ! খামালি ও-গান !'

শুভট্ কেটে যায়। হাতের মত কঠোর স্বরে স্বরে মিলনের রাধী বাধা হয়। কথার অপেক্ষা থাকে না। কোথায় চলে গিয়েছিলাম আমরা...? সাবধান ! সাবধান ! আর চূপ ক'রে থাক। নর—কথা, কথা—কথা কও। জানো সিল্ভী ! জানো আনেৎ—। একটি ক্ষণিকের সাযান্ত ভুলে ওই নীরবতা কোথায় নিষে যেতে পারে তোমাদের ! অতএব কথা কও। কথা...কথা...কথা কও...। আমি তোমার সঙ্গে এই যে কথা কইছি, তুমিও আমার সঙ্গে কও...ধরো আমার এই হাত, শক্ত ক'রে ধরো...

হাত ওরা ধ'রেই আছে...ধরাই থাকবে ও-হাত...শিথিল হবে না, কোনো-দিন না, যাই ঘটুক, যাই আসুক—মূলে আঘাত পড়বে না—। আমি যা তাই, আমি আমিই। তুমিও তুমিই। এই তো হ'লো গোড়ার কথা, পরম সত্য। এই আমাদের একমাত্র পরিচয়, এই পরিচয়েই তো পরস্পরকে আমরা গ্রহণ করেছি। কি বলো, রাজী ? সিল্ভী—আনেৎ ! এ স্বীকৃতি নড়বে না, কেমন ? যাই ঘটুক ভিত্তে যা পড়বে না, কেমন ?

এই ওদের পরস্পরকে দেবার ধন, রাধী-বন্ধনের মন্ত্র। এ যেন আত্মায় আত্মায় উন্নয়ন—সর্ব বহির্বন্ধন, লিখিত দলিল, ধর্ম, আইন, নিদান-বিধান, সকল বন্ধনের শক্তিকে পেছনে ফেলে স্বমহিমায় উন্নয়ন লোকে উঠে গেছে—এই আত্মার পরিণয়ের বাণী। অতএব নাই বা হ'লো সিল্ভী-আনেৎ এক ছাঁচে গড়া ; হলোইবা ওরা একেবারে আলাদা, নাই বা হ'লো রূপং রূপং প্রতিরূপম্। কি এলো গেলো। লোকে বলে সত্য মিলন ঘটে সহজে ; বৈপরীত্যের ক্ষেত্রেও তা সম্ভব। ওকথা ভুল, একেবারে ভুল।

মিলনের ভিত্তি বাইরে মেই, রয়েছে হৃদয়ে।

‘হাতখানি ওই বাড়িয়ে দাও গো,  
 দাও গো আমার হাতে,  
 ধরব. তারে ভরব তারে  
 রাখব তারে সাথে...’

হুঁজনের কণ্ঠ এক ক’রে মিলিয়ে দিয়ে বলো কঠিন অঙ্গীকারে, বলিষ্ঠ  
 নিষ্ঠায়। যেমন বলেছে সিল্ভী আনেৎ। এই হ’লো মিলনের মন্ত্র। ‘তোমার  
 আমি গ্রহণ করি আমার অন্তরের একান্ত চাওয়া দিয়ে, সত্য দিয়ে। না  
 তোমায় ফিরিয়ে দেব, না নিজেকে ফিরিয়ে নেব।...কোন দায় নেই তোমার  
 বন্ধু। যাকে খুশি ভালোবাসতে পারো, স্নায় অন্সায় যা খুশি করার পথ  
 তোমার ধোলা রঙল [ জানি অন্সায় করতে তুমি পারবে না, তবু ]...। যাই  
 তুমি করো, ওই শপথকে কিছুতে স্পর্শ করবে না।—’

উপলক্ষি করতে পারো কত বড় কথা। আনেৎ-এর বিচার-শীল মন  
 আপনাকে ককক দেখি বিশ্লেষণ, স্বীকার তাকে করতেই হবে যে আনেৎ-এর  
 নৈতিক মূল্য কতখানি, আর ভবিষ্যতে সত্যের মর্গদা কতখানি রাখবে সে-বিষয়ে  
 তার সন্দেহ আছে। বুদ্ধিমত্তী সিল্ভীও যে আনেৎ সহজে খুব নিশ্চিত হ’তে  
 পারছে তা নয়। কিন্তু অপবের ক্ষেত্রে যাই হোক এ ওদের হুঁজনকে স্পর্শ  
 করেনি। পরস্পরের ওপরে ওদের পরিপূর্ণ বিশ্বাস রয়েছে। ছনিয়া যেমনি  
 ইচ্ছে গড়িয়ে চলুক, যে পথেই যাক, সিল্ভী আনেৎ—ওরা জানে ওদের হৃদয়ের  
 উরাহ-বন্ধন শিথিল হবে না। ওদের প্রেমকে স্পর্শ করবে না। তাই আগামী  
 দিনের যত অশুচি ও ওদের অগ্রিম ক্ষমার নির্ভয় হ’য়ে আছে।

হয়ত নীতি-শাস্ত্র-সঙ্গত হয়নি এ ব্যবস্থা। নাই হ’লো, পরে না হয় নীতি-  
 শাস্ত্রের বিধান মত চলা যাবে।

আনেৎ-এর কিছু কিছু সংস্কার রয়েছে। কারণ ও জীবনকে দেখেছে বইয়ের  
 পাতায়। আসল জীবন-সত্যকে ও আবিষ্কার করেছে পরে [ অর্থাৎ, বইয়ের  
 পাতার বাইরের জীবন একটু অন্য সুরে বাজে। ]

কবি শিলারের চমৎকার একটি কবিতা মনে প’ড়ে যায় : ও গো মানুষ, এ  
 পৃথিবী মিথ্যায় ভরা, এর অগুতে অগুতে হিংসা, আর অসূয়া। আত্ম-কেত্রিক

মানুষ শুধু নিজেকে ভালোবাসে। অলীক সুখের আশায় যে বন্ধন সে আশার মতই অলীক ভঙ্গুর...খেয়ালের বাধন খেয়ালেই খোলে। একমাত্র সত্য প্রকৃতি, তার মধ্যে ফাঁক নেই, ফাঁকি নেই। যে নোঙ্করে প্রকৃতি বাধা, তার বিকার নেই, ক্ষয় নেই। ঝড় উঠলে তরঙ্গ সব কিছুকে ভাসিয়ে নিয়ে যায়। নড়ে না ওঠে নোঙ্কর।...মন দোসর চায়। সেই চাওয়ার পথে আসবে মিত্র। ব্যক্তিগত প্রভাবে সাথী পাবে; কিন্তু ভাগ্যবান সেই যে-পেয়েছে সহোদর। এই সংগ্রাম-সংকুল, প্রবঞ্চনা-ভরা সংসারে সেই তোমার পাশে দাঁড়িয়ে থাকবে।...

সিল্ভী কি এসব কবিতা পড়েছে? নিশ্চয়ই না। ও এসবের ধার ধারে না। হয়ত ভাবে: সোজা মনের সহজ মিথ্যে কতগুলো কথার জাল বোনা কেন? আনেৎ-এর হাত ~~ক'রে~~ না। ওর নীচু মাথা, দৃঢ় স্তনের মত ঐীবা, মাথা-ভরা একরাশ কোঁকিলের দিকে তাকিয়ে সিল্ভী ভাবে: এখনও স্বপ্নে ডুব দিয়ে আছে দিদিটি। আবার বোকামী করছে। কি আছে, ওর বোকামীর ঝুলিতে? কি ভাগ্যিস এসে পড়েছি, দেখতে পাব কি আছে ওই ঝুলিতে...।

নিজের বুদ্ধি আর অভিজ্ঞতার গুণের আছে সিল্ভীর। মনে মনে ভাবে দিদির খবরদারী করতে হবে। হয়তো ওর নিজেরই খবরদারীর বেশী দরকার, কারণ বোকামী ও নিজেও কম করে না। তবে একা থাকলে তো কত কি করা যায়। এক জনের দায়িত্ব থাকলে কি আর খুশি মত চলা যায়।

ওদিকে মাথা নীচু করে ভাবছে আনেৎ! সিল্ভী যা ভাবছে, তাই। ভাবছে পাগ্‌লীটা! একেবারে ঠিক সময়ে এসে পড়েছি। একটু দেখাশোনা দরকার। সিল্ভীকে না জিজ্ঞাসাবাদ ক'রে ভবিষ্যৎ নিয়ে ও সুন্দর একটা পরিকল্পনা ছকে ফেলে, সিল্ভীকে কোন কথা জিজ্ঞাসা করার প্রয়োজন হয় না।

পরস্পরের সুখের কথাই ভাবছে ওরা [ অবশ্য নিজেরটাও ভাবছে না তা নয়, ওটা তো হাতের পাঁচ আছেই ]...।

'যাঃ, সূচ ভেঙে গেল...দেখাও যাচ্ছে না আর...' কাজ ছুড়ে ফেলে বাইরে



আসে ওরা ।। হাত পা ছড়িয়ে বাঁচে । একটা ওভারকোট ছুঁনে গায়ে জড়িয়ে  
 বৃষ্টির মধ্যে-বাগানে বেরিয়ে পড়ে । মাথার ওপর গাছের পাতা থেকে জল  
 ঝরছে ; জ্বাক্কাবুজ থেকে এক খোকা আঙ্গুর ছুঁলে নিলে—বৃষ্টিতে ভিজ্জে  
 চমৎকার হয়েছে আঙ্গুরগুলো...বৃষ্টির ধারার মতই ঝরছে ওদের কথার ধারা...।  
 হঠাৎ চূপ হ'য়ে যায়...[ গণ্ডুষ ভরে পান করে নীরবতা ] হেমস্তের ভিজ্জে বাতাস  
 ...খসে-পড়া পাকাফল আর ঝরা পাতার সবুজে মাতাল...বেলা না যেতেই  
 ঝিমিয়ে পড়েছে শ্রান্ত আলো...অক্টোবরের পরিণত স্নান আলো...। গন্ধে  
 মাতাল বাতাস আর ঐ মূর্ধু আলো...সুপ্ত বনানী আর মুছিত প্রান্তরের  
 মৌন-শ্রী , জল-ধারা-পতন-ছন্দ আর পিয়াসী ধরার সেই অঝোর ধারাকে  
 নিঃশেষে শুনে নেবার ব্যাকুলতা, নেমে-আসা রাত্রির কালো রূপ...ওরা  
 পান করে সর্ব সত্ত্বা দিয়ে...দেহ দিয়ে...চিত্ত দিয়ে...থব্ থব্ ক'রে শিহরায়  
 প্রকৃতি...অনাগত বসন্তের স্বপ্নে বিভোরা প্রকৃতির বুকে রোমাঞ্চ ঘনায়...জলে  
 ওঠে ভয়ঙ্কর সুন্দর দীপ্ত আশার শিখা...। রোমাঙ্কিত প্রকৃতির সঙ্গে সিল্ভী-  
 আনেৎও দেখে অনাগত দিনের স্বপ্ন...রহস্যঘন অনাগত দিন ।

[ দুই ]

অক্টোবর মাস । ভারী সুন্দর কুহেলী ছাওয়া হেমস্তের দিন । মাকড়সার জালের  
 মত কুয়াশা বায়ুমণ্ডল বিছিয়ে থাকে । আনেৎ সিল্ভী কেউ কাউকে চোখের  
 আড়াল করতে পারে না । এখন ভেবেই পায় না, এত দিন ওরা ছিল কি ক'রে ।

কিন্তু ছিল তো । সিল্ভী আনেৎকে ছাড়াই ছিল । আনেৎ-এর দিনও  
 সিল্ভীকে ছাড়াই কেটেছে । এবং ভবিষ্যতেও কাটবে । একজনকে যতই  
 গভীর ক'রে, প্রাণ মন সঁপে ভালোবাসুক, বিশ বছরের ছরস্তু বৌবনে  
 জীবন ঘরের কোণে বাধা থাকতে চায় না । বিশেষ ক'রে আনেৎ-সিল্ভী  
 যে ডানা-মেলা পার্থী । ওদের যে খোলা আকাশ চাই । সুতরাং হৃদয় বাধা  
 থাকলেও ডানার আকৃতি তা ছাপিয়ে ওঠে ।

পরস্পরকে ওরা একান্ত ক'রে চায় । কিন্তু এই চাওয়ার বাড়া ভাগিদও

আছে—স্বাতন্ত্র্যের তাগিদ যা ওদের সত্তার মর্ম-মূলের তাগিদ। সব রকমে অমিল থাকলেও এইখানে ওদের দু'জনের স্বভাবের ভারী মিল, [ এটা বিচ্ছিন্ন ঘটনা নয় ] দু'জনেই ওরা স্বাধীন থাকতে চায়। মুখে কিছু না বললেও পারস্পরিক আকর্ষণের এও একটা হেতু। এরই মধ্যে ওরা আপনাকে দেখতে পায়। কিন্তু তাহলে তোমরা যে মিলে মিশে একাত্ম হয়ে যাবে ভেবেছিলে তার কি হ'লো? আনেৎ স্বপ্ন দেখেছিল বুক দিয়ে ঘিরে রাখবে সিল্ভীকে। সিল্ভীও দেখেছিল। দু'জনেই জানে এ ব্যবস্থা ভালো লাগবে না দু'জনের কারো। এ নিছক একটা স্বপ্ন; নেড়ে চেড়ে খেলা করার জিনিস। যতক্ষণ চলে খেলা চলুক না।

ও খেলা চলে না বেশী দিন। শুধু স্বাতন্ত্র্যের প্রশ্ন হ'লে আর গোলমাল হওয়ার কথা নয়। কিন্তু অত্যাৎসাহে ওরা ক্ষুদ্রে রিপাবলিক রাষ্ট্রগুলির মত জুলুম করতে আরম্ভ করল পরস্পরের ওপর। দু'জনেই ভাবে ভাব কথাই বেশী ঠিক এবং সেটা অপর পক্ষের ওপর চাপাবাব চেষ্টা চলে। আয়-সমালোচনা করতে পাবে আনেৎ। বোনকে আয়ত্রে আনতে না পাবলে সে নিজেকে তিরস্কার করে, এবং আবার গোড়া থেকে শুরু করে তার কাজ। আনেৎ জেদী আবেগ-প্রবণ। এবং ঠিক ঠিচ্ছে করে না হলেও কিছুটা কর্তৃত্ব-প্রিয়। তবু স্বীকার করতেই হবে সিল্ভীর সঙ্গে খাপ খাইয়ে চলতে ও চেষ্টা কবে, কিন্তু ও মেয়ে কঠিন। আনেৎ পথ পায় না। অসম্ভব খাম খেয়ালী সিল্ভী; যা মনে আসে করে। চব্বিশ ঘণ্টার মধ্যে চব্বিশ রকম খেয়াল ওঠে মাথায়। ওর সঙ্গে পা কেলে চলা কারো পক্ষে সম্ভব নয়। আনেৎ গোছান মেয়ে; তার সব কাজের মধ্যে একটা স্মৃষ্টি শৃঙ্খলা আছে। সিল্ভীর পাগলামোতে প্রথমে ও হাসে। কিন্তু শেষ পর্যন্ত ধৈর্য থাকে না। আনেৎ ওকে নাম দিয়েছে 'তুফানী', শ্রীমতী 'কি চাই'; এমনি আরো অনেক। পাণ্টা সিল্ভী ওকে ডাকে : 'গোমড়া-মুখী' ব'লে।

দু'জনে দু'জনকে গভীর ভালোবাসলেও একই ধারার জীবন যাত্রার দিনের দিনের পর দিন খাপ খাইয়ে চলা ভারী কঠিন হয়ে উঠল। ওদের রুচি এক নয়, অভ্যাস এক নয়। নেহাৎ স্নেহের খাতিরেই আনেৎ সিল্ভীর অমার্জিত

ভাষা প্রশ্রয়ের চোখে দেখে। আনেৎ-এর রসের ভাণ্ডার। সিল্ভীর সঙ্গে সেই রস ভাগ করে নিতে চায়। কিন্তু পড়া শুনেলেই আংকে ওঠে সিল্ভী। আনেৎ পড়তে পড়তে গদগদ হয়ে ওঠে : ‘কি চমৎকার, দেখ সিল্ভী !’ বই দেখলেই ওর গায়ে কাঁটা দেয়, তবু মুখখানা আগ্রহে চক্ চকে করে রাখতে হয়। জীবন, মৃত্যু, সমাজ এমনি যত রাজ্যের বাজে জিনিস নিয়ে বকে যায় আনেৎ। সিল্ভী মনে মনে বলে : ‘বাবারে বাবা ! জালিয়ে খেলে...টুট্ ল টু... উ...উ...। মেলাই সময় আছে কিনা হাতে তাই দুহাতে চটকাতে পারেন।’ কখনও একে জিজ্ঞাসা করে আনেৎ . ‘তুই কি ভাবছিস এ বিষয়ে বলতো !’

মনে মনে ওর মৃগুপাত করে সে কিন্তু ভালোবাসে তাই বলতে হয় ‘আমি একমত তোমার সঙ্গে।’

এমনি দিন চলে। এতে ওদের সম্পর্কে কোন বাধা আসে না। কিন্তু মন গুলে কথা আর জমে না।

নিরালা বনের প্রান্তে মস্ত বড় নিরালা বাড়ী। সামনে বতদূর দৃষ্টি চলে ফালি ফালি মার্চ ছড়িয়ে আছে। কুয়ে-পড়া হেমন্তের ধূসর আকাশ কুহেলির মত্রে মাটির সঙ্গে এক হয়ে মিশে আছে। এই শূন্যতার মধ্যে দিন গুলো যেন ঝুলে থাকে। গ্রাম ভালোবাসে বলেই এতদিন সিল্ভী বিশ্বাস করে এসেছে। কিন্তু কয়েক দিনের মধ্যে দ্রষ্টব্য যা কিছু দেখা হয়ে গেল, বেড়াবার জায়গা-গুলোর বেড়ান হয়ে গেল। আর কোন কাজ নেই। হাঁপিয়ে ওঠে সিল্ভী। কেমন যেন বেখাপ্পা লাগে। ও যেন নিজকে খুঁজে পায় না।...প্রকৃতি... প্রকৃতি... শুধু জংলী প্রকৃতি...। শোন তাহলে সত্যি কথা বলি...অসহ লাগে সিল্ভীর এই প্রকৃতির রাজ্য। গেঁষো ভূতের আজড়া...। বিশ্রী এখানকার আবহাওয়া। সারাদিন খালি বৃষ্টি আর বাতাস আর কাদা [পারীর কাদা]...

শীতের নোটস্ এসেছে। মাকড়সার দল ঘরের মধ্যে আস্তানা পেতেছে। আর মশা ! কি বিচ্ছিরি জীব, যা গোঃ। ওর হাত আর পায়ের গোড়ালীর ওপর তারা ‘মোছবের’ ভোজ বসিয়েছে। এত বিশ্রী লাগে সিল্ভীর। কান্না পায়। কিন্তু আদরের বোনকে পাশে নিয়ে প্রকৃতির এই বিপুল উন্মুক্তির মধ্যে অবগাহন করতে ভারী ভালো লাগছে আনেৎ-এর। ওর কোন কিছুতেই

বিরক্ত লাগে না ; কিছুতেই ক্লান্তি আসে না । যশা কামড়ালেও খিল খিল ক'রে হাসে । কর্দমাক্ত রাস্তায় ও সিল্ভীকে জোর ক'রে টেনে নিয়ে ছুটোছুটি করে । বেগে যাচ্ছে সিল্ভী ? ওঃ বয়ে গেল । ও তাকিয়েও দেখে না । বাতাস উঠলে আর বৃষ্টি পড়লে পাগল হ'য়ে ওঠে আনেৎ । তখন ক্রোধায় থাকে সিল্ভী ! লম্বা লম্বা পা ফেলে ছুট'ল চষা মাঠের ওপর দিয়ে আর বন বাদাড় ভেঙে । ভেজা গাছের ডাল গুলো নড়ে ওঠে গুর ধাক্কা খেয়ে । অনেক ক্ষণ পরে হয় তো মনে প'ড়ে যায় : ওঃ সিল্ভী তো পেছনে পড়ে আছে ! সিল্ভী ততক্ষণ রাগে গজ'রাতে গজ'রাতে ভাবছে : 'কবে যে ফিরে যাব !' কোলা মুখটা সক্রম হ'য়ে ওঠে ওর ।

নিজের পেশাটা ভারী ভালো লাগে সিল্ভীর । সত্যি ভালো লাগে । আরো অনেক জিনিস ওর ভালো লাগে, আরো অনেক জিনিস ও চায় । আজ এটা চায়, কাল ওটা চায় । কিন্তু ঐ এক জায়গায় ওর কোনও বদল হয়নি । নিজের কাজটা ওর বরাবর ভালো লেগে এসেছে । এবং এই গ্রামের হাওয়ায় সেই ভালো লাগা আরো উজ্জ্বল হ'য়ে উঠল ।

পারীর খেটে-খাওয়া ঘরের রক্ত আছে ওর দেহে । কাজ না হ'লে ও থাকতে পারবে কেন ? কাজ ওর ভয়ানক দরকার । হুঁচ হুতো ওর আঙ্গুলকেও ব্যস্ত রাখে, ওর চিন্তাকেও ঘিরে রাখে । সেলাই-শ্রীতি ওর মজাগত । ঘণ্টার পর ঘণ্টা ও কাটিয়ে দিতে পারে সেলাই ক'রে, এক টুকরো সিঁদ বা মসলিনকে ভাজ ক'রে, কুঁচি দিয়ে, রিবনের ফুলটাকে আরেকটু ঠিকঠাক করতে রীতিমত দৈহিক আনন্দ অনুভব করে ও । আনেৎ-এর প্রকাণ্ড মাথাটায় বড় বড় সব আইডিয়া আছে জানে সিল্ভী । কিন্তু এও জানে ওর নিজস্ব এলাকায় অর্থাৎ শিকন-সিঁদ-ক্রেপের রাজ্যে ওর নিজের ছোট মাথাও কম খেলে না । এ গুমর নয় সিল্ভীর ; ও কি ছেড়ে দেবে এই সৃষ্টির ক্ষেত্র ? লোকে বলে ভালো পোষাক পরে মেয়েদের সব চেয়ে বড় আনন্দ, কিন্তু যে মেয়ের এদিকে প্রতিভা আছে নতুন নতুন রূপ দিয়ে পোষাক পরিচ্ছদ তৈরী ক'রে সে যে আনন্দ পায় তার তুলনা নেই । এ আনন্দের স্বাদ যে একবার পেয়েছে চিরকাল সে এর পেছনে ছুটবেই । কিছু করতে না দিয়ে

গভীর আলস্যের মধ্যে ডুবিয়ে রেখেছে দিদি সিল্ভীকে। আনেৎ-এর চকল অঙ্গুলি পিয়ানোর চাবির ওপর নেচে ফেরে... সিল্ভীর প্রবাসী মন ব্যাকুল হয়ে ওঠে পেছনে-ফেলে-আসা বড় বড় কাঁচির আর সেলাইএর কলের অশ্রান্ত কলরব শোনার জন্ত। মস্তক-হীন কাঠের সেই 'ডামি'টা—সামনে মাটিতে উবু হয়ে ব'সে যেমন খুশি তাকে সাজাও পরাও, ঘোরাও আর ফেরাও, ইচ্ছেমত চড়-চাপড় মারো, আছ ডে ফেলো মাটিতে, আবার মালিক সামনে না থাকলে ওটাকে কোলে নিয়ে নেচেও নাও খানিক। প্রাণহীন কাঠের পুতুল... কিন্তু কি রোমাঞ্চ ওই নিস্প্রাণ আধারে। পৃথিবীর শ্রেষ্ঠ শিল্প সস্তার হাতে পেলেও এ আনন্দ মিলবে না। এ স্নেহের তুলনা নেই। দু'চারটি কথাই ধরা প'ড়ে যায় সিল্ভীর চিন্তার স্রোত কোন ধারায় বইছে। ওর জলে-ওঠা চোখের দিকে চেয়ে, অর্ধীর আনেৎ বোঝে, আবার দোকানে ফিরে যাওয়ার স্বপ্ন দেখছে সিল্ভী। স্তবরাং পারীতে ফিরে সিল্ভী ব'লে বসল যে সে তার পুরানো বাড়ীতে পুরানো কাজে ফিরে যাবে আবার। আনেৎ-এর বুক ভেঙ্গে কেবল একটা দীর্ঘশ্বাস বেরিয়ে এল, কিন্তু অবাক হলোনা ও। সিল্ভী আশঙ্কা করেছিল দু'হাত তুলে আনেৎ পথ আগলে দাঁড়াবে—কিন্তু তার বদলে একটি মাত্র নীরব দীর্ঘশ্বাস ওর বুকটা ছলে উঠল। আনেৎ ব'সে ছিল। ছুটে গিয়ে সিল্ভী হাঁটু গেড়ে ওর সামনে বসল। দুই হাতে ওকে জড়িয়ে ধরে মুখটা তুলে ধরল ওর দিকে 'আনেৎ রাগ করিসনে ভাই।'

'বোনটি তুই সুখী হলেই আমার হ'লো, তুই তো জানিস।' কিন্তু বুকের মধ্যে ওর কেবলই মোচড় দেয়। সিল্ভীর বুকও ঝড় বয়।

'আমার কি দোষ,' সিল্ভী মাথা তুলিয়ে প্রতিবাদের সুরে বলে 'আমি সত্যি বলছি দিদি, আমি তোকে খুব ভালোবাসি।'

'আমি জানিয়ে জানি—' আনেৎ বলে। ওর মুখে হাসি, কিন্তু আবার দীর্ঘশ্বাস বেরিয়ে আসে। সিল্ভী তখনও অমনি ক'রে ব'সে, আনেৎ-এর মুখটা ওর দুই হাতের মধ্যে নিয়ে কাছে টেনে এনে বলে

'ধবরদার বলছি দিদি, অমন ক'রে দীর্ঘশ্বাস ফেলবিনে...। দুটু মেঘে কোথাকার। অমন করলে আমি যাবো কি করে! মায়া-দয়ালীন জানোয়ার বুঝি আমি একটা।'

‘না রে না, জানোয়ার কেন হ’তে যাবি তুই!...আমারি অন্সায়। আচ্ছা যা আর করব না। কিন্তু তোর দোষ তো দিইনি আমি। এতদিন পরে তবে ছাড়াছাড়ি, কষ্ট হয় না বুঝি!’

‘ছাড়াছাড়ি...। আচ্ছা মানুষ তো তুই! দেখ দিকিন্। কে, বল্লে ছাড়াছাড়ি, দুষ্ট মেয়ে! রোজ আমাদের দেখা হবে। তুই যাবি, আমি আসব। ইঁ্যা, আমার ঘর খানি যেন থাকে মশায়! ভাবছিলে তো এই বেলা ওটাতে হাত বুলাবে, তাই না! সেটি হচ্ছে না। ঘরটি আমার, আমি ছাড়ছিনে বুঝেছ। যখন ভারী ক্লান্ত লাগবে, মনটা ছুটি চাইবে, চ’লে আসব এখানে তোর আদর খেতে। আমার কাছে চাবি আছে জানিস তো। বিনা এত্তালায় হঠাৎ অসময়ে এসে হাজির হব এক একদিন, চমকে দেব তোকে...। সাবধান বাপু চালাকি টালাকি করোনা, তাহলে মজা টের পাবে। না রে না, ছাড়াছাড়ি হবে না...দেখিস্ কখন আরো কষবে। আমি যে তোকে ছেড়ে যেতে চাইব দিদি, তোকে ছেড়ে আমার চলবে কি ক’রে!’

‘শয়তান,’ হাসতে হাসতে আনেৎ বলে : ‘আমায় ছেলে ভোলাছেন। কি সাংঘাতিক মিথ্যেবাদী রে তুই!’

‘আনেৎ,’ সিল্ভী চেঁচিয়ে ওঠে : ‘গাল দিবনে বলে দিচ্ছি।’

‘আচ্ছা, আচ্ছা বাবা, সাংঘাতিক নয়, শুধু মিথ্যেবাদী, হলো!’

‘মঞ্জুর।’ সিল্ভী ভারিঙ্কী চালে বলে। তারপর জড়িয়ে ধ’রে চুমোর চুমোর অস্থির ক’রে দেয় ওকে। ‘মিথ্যে কথা বলছি! তোর কাছে! আজ খেয়েই ফেলব তোকে।’

দুষ্ট মেয়েটা ক্রমা কাড়বার বহু পথ জানে। স্বাধীন ভাবে নিজস্ব দোকান খুলতে চায় সিল্ভী। আনেৎ যেন সাহায্য করে একটু। বিশ বছরের এষ্ট শিশুটি আর আঁচল ধরে থাকবে না; নিজের পায়ে দাঁড়াবে—অন্তের হুকুম বরদারী আর করবে না, এবারে ও নিজে হুকুম করবে। হয়ত ওষ্ট ‘ডামিটা’ পর্যন্তই দৌড়। এতদিন পরে বোনকে একটু টাকা দেবার পথ পেয়ে আনেৎ-এর আনন্দ আর ধরে না। তারপর দুইজনে বসে পরিকল্পনা করতে। আলোচনা, জল্পনা-কল্পনা আর শেষ হয় না। পরের দিন গেল জায়গা ধোঁজা, আসবাব পত্র

এবং অন্যান্য জিনিস কেনা কাটায় তারপর কর্তৃপক্ষের সঙ্গে বন্দোবস্ত করায়। সন্ধ্যার সময় ব'সে খদ্দেরের তালিকা করে, হাজার রকম প্র্যান করে। শেষ পর্যন্ত ওর মনে হয় দোকানটা আনেংট করছে, সিল্ভী অংশীদার মাত্র। মনে থাকে না ওদের জীবন আবার ভিন্ন খাতে বইবে, তার পরোয়ানা এসে গেছে।

### [ তিন ]

সিল্ভীর দোকানে খদ্দের ধরে না। আনেং আজকাল ওর দৈতরী পোষাক ছাড়া পরে না। সকলের কাছে সিল্ভীর সেলাই-এর শত মুখে প্রশংসা করে। ওর পরিচিত বন্ধু বান্ধব প্রায় সকলেই আজ কাল সিল্ভীর দোকানের গ্রাহক। ও নিজেও ওর পুর্বানো মালিকের খদ্দের ভাঙ্গিয়ে আনছে ডাইনে বায়ে। অনেকের ঠিকানা ও জানতো। পসার বেড়ে চলছে সিল্ভীর, কিন্তু বুদ্ধিমতী মেয়ে হিসেব ক'রে পা ফেলে। রয়ে সরেই চলুক না কাজ। জীবনটা অনেক লম্বা—বেশ সময় পাওয়া যাবে। দুনিয়ায় এক জাত মানুষ আছে—সারাক্ষণ তাদের কাজ। মানুষ না ব'লে পিপড়ে বলা যায় ওদের। সিল্ভী কাজ ভালোবাসে কিন্তু এদের মত কাজ পাগল নয়। কত দেখেছে ও, বিশেষ ক'রে মেয়েগুলো কাজ করতে করতে জোয়াল কাঁধে ক'রে মরে। কাজ না হ'লে চলে না ঠিকই, কিন্তু স্মৃতি করার সময় ও চাই। সবই চাই একটু একটু। ওর পেটুকের ক্ষুধা নয়, ওর মিহি ক্ষুধায় রসাল জিনিসের জোগান চাই, চাই চমক-লাগানো জিনিসের জোগান।

অল্প দিনের মধ্যে এত কাজ বেড়ে গেল যে আনেং-এর জন্মও এতটুকু ফুরসুৎ মেলে না সিল্ভীর। কোনো রকমে সে দিদির ভাগটুকু বন্ধের মত আগলে রাখে। কিন্তু আনেং-এর 'নাগ্নে সুখম', অংশ নিয়ে তার তৃপ্তি নেই। ও গোটার কারবারী। আধখানা দিতেও জানে না, নিতেও জানে না। ভালোবাসার কেন্দ্রেও যে মানুষ ছোট ব্যবসায়ীর মত খুচরোর কারবারী, এ সত্যটা ওর জানতে দেবী হ'ল। মেনে নিতে দেবী হ'ল আরো। প্রথম পার্ঠের পড়া ওর তখনও শেষ হয়নি।

সিল্ভীর জীবন থেকে আনেৎ ক্রমশঃ ঝরে পড়ছে। ব্যথায় ওর বুক টনটন করে। বিনা নাশিশে, নিঃশব্দে ও বহন করে ব্যথা। বাড়ীতে দোকানে কোথাও একটি মুহূর্তের জন্ত সিল্ভীকে একা পাওয়া যায় না। ওর আবার একজন বন্ধু জুটেছে। আনেৎ অসহায়। বাস্তবকে মাথা পেতে গ্রহণ করে। আগে হ'লে হিংসে হ'ত, রাগ হ'ত। কিন্তু আজ আর রাগ হিংসে কিছুই হয় না। আজ আছে শুধু স্নেহ। বর্ম হয়ে তাকে ঘিরে আছে স্নেহ। কিন্তু তবু ব্যথা বাজে। এ ব্যথা থেকে রক্ষা করবে ওকে কোন রক্ষা কবচ? সিল্ভী হাওয়ায় গা ভাসিয়ে বেডায়, কিন্তু দিদিকে সে সত্যি ভালোবাসে। ভালো-বাসা দিয়েই বুঝতে পারে, আনেৎ কতখানি কষ্ট পাচ্ছে। কাজ আর স্মৃতির ঘূর্ণী-স্রোতে ভেসে যেতে যেতে মাঝে মাঝে নিজেকে ছিনিয়ে আনে। কাজ প'ড়ে থাকে, কথা প'ড়ে থাকে, কখনও বা বন্ধুর সঙ্গে কথা খামিয়ে ছুটে আসে আনেৎ-এর কাছে। আদরের আপ্যায়নের ঝড় ওঠে। কি যে করবে ঠিক পায় না ওরা। উচ্ছ্বসিত স্নেহে সিল্ভীও ঘেন থৈ থৈ করে। কিন্তু উচ্ছ্বাস শান্ত হ'য়ে আসে। ও ফিরে আসে ওর কাজে খেলায় আনেৎ-ময় হ'য়ে। কিন্তু গৃহকোণে ব'সে আনেৎ। হাসি, আদর, আলিঙ্গনে, অন্তবন্দিতায় তার কয়েকটি মুহূর্ত পূর্ণ হ'য়ে উঠেছিল। কৃতজ্ঞতায় ওর দীর্ঘনিশ্বাস পড়ে। কিন্তু আগের থেকে আরো বেশী একা মনে হয় ওর।

নানাদিকে আগ্রহের অভাব ছিল না আনেৎ-এর। দিনগুলোও সিল্ভীর মতই কানায় কানায় ভরাট থাকত। কিন্তু বাবা মারা যাওয়ার পর কিছুদিন ওর স্বাভাবিক জীবন-যাত্রায় ছেদ পড়েছিল। পড়াশোনাও করেনি, সামাজিক জীবন থেকেও নিজেকে গুটিয়ে এনেছিল। কিন্তু এখন আবাব আগের ধারায় ফিরে এসেছে। এতদিন ওর হৃদয়ের দাবী অন্তরের দাবীকে আডাল ক'রে রেখেছিল। আজ সে-আডাল আর নেই। অন্তর তার পূর্ণ অধিকারে জেগে উঠেছে। সিল্ভী নেই—চব্বিশ ঘণ্টার জীবনে মস্ত বড় কঁাকা অবসর। তা ছাড়া ওর ঐশ্বর্যশালী মন আবেগ-জীবনের অভিজ্ঞতায় পরিণতি পেয়েছে। বিজ্ঞান-চর্চায় ডুব দিলে আবার। অবাক হ'য়ে গেল, দৃষ্টিতে ঘেন স্বচ্ছতর আলো লেগেছে। পড়ল বায়োলজি নিয়ে; জীবের সৌন্দর্য-বোধের



গোড়ার কথা, তার বিকাশ আর প্রকাশের ইতিহাস নিয়ে ধীসিস্ লিখবে ঠিক করল।

সামাজিক জীবনের খেইটিও আবার হাতে তুলে নিল আনেৎ। বাবার সঙ্গে যে ছনিয়ায় ও ছিল, আবার নেমে এল তার মাটিতে। এবার আর এক জলুষ তার ; নূতন আনন্দ নূতন কৌতুহলের। আগের চাইতে আরো বেশী বিচার-শীল মন নিয়ে চেনা মানুষকে ও নূতন ক'রে দেখল। তাদের চরিত্রের এমন নূতন নূতন দিক চোখের সামনে স্পষ্ট হ'য়ে উঠল যা এতদিন ওর স্বপ্নেরও অগোচর ছিল। এছাড়াও রইল খুশি হওয়া আর খুশি করার খুশি। আরো কত রকম খুশি—প্রকাশ আর গোপন। আর আছে মানুষ ; কত রকম সম্পর্ক মানুষে মানুষে—কোন এক রহস্যময় শক্তির টানে গ'ড়ে ওঠে [ আবার দূরেও ঠেলে ] মন ভোলান কথার আড়ালে ; তার সহজাত স্বর বুদ্ধির কত লীলা—যা ড্রইং-রুমের উত্তেজনাহীন বায়ু মণ্ডলেও ক্ষণে ক্ষণে ছানা দিয়ে যায় ; আবার কত ভাব তার দৃষ্টির আড়ালে শুধু বুকের তলায় কাঁপে...

চক্ষিণ ঘণ্টার একটা ছোট ভগাংশ মাত্র ও রাখলে ওর সামাজিক লেন দেনের জন্ত। বাকী সময়টা রইল সম্পূর্ণ নিজের—সেখানে ওর পড়া আর নানা কাজের ভিড়। কিন্তু চিন্তার ভিড় জমে কর্মহীন অবসরে...রাত্রির কালো-ঘেরা মহা-সমুদ্রের গভীর হ'তে জোয়ারের টানে ভেসে আসে অজস্র শুক্রি, শংখ, প্রবাল আর নানা রকম জৈব পদার্থ...হুড়ি...হুড়ি...আর উপলব্ধিও ...[ তারা ভাটার টানে ছড়িয়ে প'ড়ে থাকে বালু সৈকতে। ] সন্ধ্যার নিঃসঙ্গ আসরে আর রাত্রির সুদীর্ঘ বাসরে তন্দ্রা এসে দোল দিয়ে দিয়ে মন খানিকে ছুঁড়ে ফেলে দেয় চেতনার তটে...তখন আনেৎ তার জীবনের মহা-বিষুবের সীমায় বসে দেখে চিত্ত-সাগরের জোয়ার ভাটার লীলা আর তটের বুকে সেই জোয়ারে টানা নানা বস্তুর ভিড়।

যে ঢেউ ওর মনকে দোল দিয়ে ফিরে যায়, তারা ওর অচেনা নয়, নয় নূতন। আজ তাদের টান বেড়েছে দশগুণ—আপনাকে তারা জানান দিয়ে যায়। মনও জেগে উঠে চোখ মেলে আর কান পাতে, স্বচ্ছ দৃষ্টি দিয়ে দেখে উঠতি ঢেউয়ের নৃত্য, শোনে তাদের কল্লোল—নেয় চিনে ; ওর সারা সত্তা নিকিত

হয়। তাদের বিপরীত মুখী গতি-ধারায় আর স্ববিরোধী ছন্দে ওর হৃদয় হয়  
 মাতাল...নেশায় বেন মাথা ঘোরে। এই এলোমেলো ছন্দ-ঝড়ের তলাকার  
 সুর সঙ্গতিটুকু খুঁজে পায়না আনেৎ। যৌন-আবেগ গ্রীষ্মের আধির মত ওর  
 অন্তরলোককে একেবারে ওলট্, পালট্, তচনচ্, ক'রে চিরকালের জন্ম সেখানে  
 একটা অরাজকতা ঘটিয়ে গেছে। তুল্লিওর স্বৃতি ফিকে হ'য়ে এসেছে বটে—  
 কিন্তু সেই যে সেদিন চিত্তের ভারকেন্দ্র স্থান ভ্রষ্ট হ'য়ে গিয়েছিল...তাকে ঠিক  
 করতে বহু সময় লেগেছিল। বর্তমানের এই নিরবচ্ছিন্ন শান্তি—বৈচিত্র-হীন,  
 ঘটনা-হীন, দিনের পর দিন এক ভাবে এক লয়ে বয়ে-যাওয়া-জীবন আনেৎ-এর  
 সামনে মায়া রচনা করে। ও ভাবতে চায় কিছু হয়নি, কোথাও কোন ছন্দ-পতন  
 ঘটেনি; জীবন-কাব্যের পাতায় যে আকস্মিকের আখর পড়েছিল তা বুঝি ভুল,  
 স্বপ্ন তা। ইতালীর কোমল রজনীর পরিবেশে প্রহরীর অলস কণ্ঠের বিকার-হীন  
 'সব ঠিক ছায়'-এর মত হয়তো চিরকাল আনেৎও বলতে পারে: 'সব ঠিক  
 ছায়'। কিন্তু নিদাঘ-রাত্রির বুকের তলায় লালিত হচ্ছে নূতন নূতন ঝড়;  
 অস্থির বাতাস অশান্ত আবর্তে উঠছে কেঁপে কেঁপে; শাখত কালের বিশৃঙ্খলা  
 পেতেছে আসন। আনেৎ-এর আলোড়িত, বিপর্কস্ত আত্মার মুখোমুখী হ'য়ে 'রণৎ  
 দেহি' বলে দাঁড়িয়েছে অনন্ত কালের মত মৃত আত্মারা। তারা আজ উজ্জীবিত  
 হ'য়েছে। এদিকে পিতৃ-স্মৃতি পাওয়া মত বাসনা-কামনা-প্ররক্তির দল এতদিন  
 নিঃসাদে ঘুমিয়েছিল, আজ তারা অকস্মাৎ ফুলে কেঁপে উত্তাল তরঙ্গের মত  
 উর্ধ্বাকাশে উৎক্ষিপ্ত হ'তে লাগল। বিপরীত-ধর্মী নানা টানের গ্রথি এল  
 কবে। মন সগর্বে হেঁকে বলে—চলবে না শুচিতা হারানো তোমার, আনেৎ!  
 চমৎকার একটা নৈতিক আত্ম-প্রসাদের সুর ওঠে বেজে। কিন্তু চাই স্বাতন্ত্র্যও।  
 সিল্ভীর সাহচর্যে আনেৎ প্রত্যক্ষ করেছে এই তীব্র স্বাতন্ত্র্য-বোধের বিড়ম্বনা।  
 আনেৎ জানছে, বুঝছে, স্পষ্ট দেখছে [এবং দেখে উদ্বিগ্ন হচ্ছে] যে ওর এই স্বাতন্ত্র্য-  
 বিলাস একদিন ওর প্রেমের ক্ষেত্রে অনর্থ ঘটাবে। সেদিন দুঃখের আর পার  
 থাকবে না। সুদীর্ঘ হিম-ঋতুর প্রশস্ত অবসর এই অন্তর স্বের হিল্লোলে দোলায়িত  
 হ'য়ে রইল। ওর অন্তরাত্মা গুটি পোকায় মত একটা আব্ছা অ'লোর গুটিকার  
 মধ্যে গুয়ে গুয়ে ভাবী দিনের স্বপ্ন দেখে, আর নিজের স্বপ্নগুলি নিয়ে খেলা করে...

চঠাৎ যেন নিজের অতলে ডুবে যায় আনেৎ । সেখানে চলে ওর অসংজ্ঞান মনের খেলা । এমনি হ'ত গত বছর শরৎ কালে বারগাঙিতে যখন ছিল । মনের এ একরকম শূন্য অবস্থা যার মধ্যে মানুষ ডুবে যায়...মানুষকে ডুবিয়ে দেওয়া শূন্য ? না না শূন্য অবস্থা নয় ও । তবে কি ? মনের ঐ গভীর স্তরে তবে কি আছে ? অদ্ভুত সব ব্যাপার ঘটছে সেখানে, সেইবার গরমের সময় প্রেমে পড়তে গিয়ে যে বিড়ম্বনা হ'ল, তখন থেকে । এর আগে কখনও কিছু দেখা যায়নি ; হয়ত দশ মাস আগে ওরকম কিছু ছিলই না । তখনই আরম্ভ হয় ব্যাপারটা ; এখন আরও ঘন ঘন হয় । আনেৎ-এর কেমন যেন, রাতেও কখনও কখনও অমনি হয় গভীর ঘুমের মধ্যে—যেন অজ্ঞান মনের দ্বার পূলে যায় তখন । সংবেশনিক অবস্থার যে ঘুম অনেকটা তারি মত । ঘুম ভাঙলে আর কিছু মনে থাকে না, শুধু আব্ছা মনে হয়, অনেক দূর কোথা থেকে যেন ফিরে এল, বড় বড় গুরুত্ব পূর্ণ ঘটনার মধ্য দিয়ে বড় বড় বিচিত্র সব জগৎ পেরিয়ে ; কত কি অদ্ভুত অদ্ভুত জিনিস সেখানে যা বর্ণনা করা যায় না ; বুদ্ধি দিয়ে যুক্তি দিয়ে বোঝা যায় না ; কতকটা পশুর মত, কতকটা অতিমানবীয় সব মূর্তি— দেখলে গ্রীক দানবের কথা মনে পড়ে, গির্জার রষ্টির জলের পাইপের মুখগুলি অনেক সময় পশুর মুখের মত করে তৈরী হয়, কতকটা সে রকম । মন থেকে মেতে চায় না অনুভূতিটা । নিরাকার কাদা যেন আঙ্গুলে লেগে থাকে ! চেতনার জগতে এসেও স্বপ্নের দুনিয়ার সঙ্গে বন্ধন কিছুতেই টুটতে চায় না । অসংজ্ঞায় নূতন এই জটিলতার ভারে, লজ্জায়, দুঃখে যেন মরে যায় আনেৎ । দেহের হকে যেন একটা অস্বাস্থ্যকর দুর্গন্ধ লেগে থাকে দিনের পর দিন । কিন্তু স্বপ্ন সর্বোত্তম যেন আনেৎ...আলোড়িত চিত্তের ডেউ লাগে না ওর মস্তকপালে...স্থির শাস্ত জলের বুক ; দৃষ্টি হাত দুখানি এলিয়ে আছে কোলে ; নির্লক্ষ্য, আনমনা চোখের দৃষ্টি বাইরে কোথাও নেই...এই রকম দ্বারের আড়ালে প্রতিদিনকার অজস্র চলতি ছবির ভিড়ের মধ্যেও বুকের তলায় ঐ অনুভূতিটি অহরহ জেগে আছে গোপন কথার মত ।

ওর প্রতি মুহূর্তের সঙ্গে জড়িয়ে থাকে এষ্ট স্বপ্ন...রাজপথের জনশোতে, লাইব্রেরীর আর ক্লাশ-রুমের শাস্ত গভীর পবিবেশে, ফ্রাট আর হাসি-ছলনা

মেশান ডুইক্কয়ের মামুলী আলাপনের মধ্যেও। সাক্ষ্য আসরে অনেকেরই চোখে পড়ে আনেৎ-এর এই ভাবান্তর...চঞ্চল চাহনি...উদ্ভ্রান্তভাবে আপন মনে হাসি,...কখনও আশ-পাশের কথা দু'একটা কানে যায় কিন্তু পর মুহূর্তেই আবার ও হারিয়ে যায় দূর দিগন্তে, কে জানে চিন্তাকাশে ডানা-মেলা কোন্ পাখীর গানের টানে।

ঐ পাখীর দল গানের ঝংকারে ঝংকারে এমনি মুখর ক'রে রাখে ওকে যে ওর খেয়াল থাকে না। একদিন ধরা প'ড়ে গেল নিজের কাছেই। সিল্ভী এসেছে—স্বভাবসিদ্ধ তার অজস্র হাসি কলরব আর কথায় আনেৎ-এর কানে তাল লাগে...সিল্ভী বলছিল ওকে...হ্যাঁ, কি বলছিল!...বুঝেছে সিল্ভী দিদি কিছু শোনেনি...বুঝেছে তাই হাসছে...এবং হাসতে হাসতে ওকে ঝাঁকানি দিয়ে বলে 'ও দিদি ঘুমুচ্ছিস্ তুই!

'যাঃ বাজে বকিসনে।' প্রতিবাদ করে আনেৎ।

'নয় তো কি? আমি বুঝি আর দেখতে পাচ্ছি না!—ছ্যাকরা গাড়ীর ঘোড়ার মত দাঁড়িয়ে দাঁড়িয়ে বেশ ঘুমুচ্ছিস আর স্বপ্ন দেখচ্ছিস। বাস্তবের কি করিস্ বলত! ঘুমোস্ না বুঝি!'

'দূর লক্ষীছাড়া! নিজের চরকায় তেল দে। নিজে কি করেন শুনি তো!'

'আমি! আচ্ছা শোন। দেখিস হাঁই তুলবিনে।'

এতক্ষণে আনেৎ-এর সম্পূর্ণ সন্ধিৎ ফিরে এসেছে। টেঁচিয়ে ওঠে 'আরে না! না!' দু'হাতে সিল্ভীর মুখ চেপে ধরে।

সিল্ভী জোর ক'রে ছাড়িয়ে নেয়। তারপর ওর মাথাটা ছুই হাতের মধ্যে নিয়ে সোজা ওর চোখের দিকে চায়।

'নিশিতে পেয়েছে নাকি রে, দিদি! এয়ে নিশিতে-পাওয়া চোখ। কি আছে রে তোর সুন্দর চোখ দুটোর মধ্যে? বল দেখি আমায়। কি স্বপ্ন দেখেছিস ভাই, বল। বলতেই হবে আমায়।'

'কি বলব আবার!'

'কি ভাবছ তাই শুনতে চাই।'

আনেৎ প্রতিবাদ করে কিন্তু অগ্ৰ দিনকার মত আজও শেধ-পয়ত্তু হাল

ছেড়ে দিতে হয়। পরম্পরের কাছে মন খুলে দিয়ে ওরা পরম আনন্দ পায়। আত্মপ্রসাদও আছে। কোন কথা ওদের মধ্যে গোপন নেই। অতএব আনেৎ বসল চাবি হাতে মনের মণি-কোঠার দ্বার খুলতে; সিল্ভীর জন্য যত না হোক স্বস্তি পাবে নিজে। যত উদ্ভ্রান্ত চিন্তা...রকম বেরকমের সরল, উদার, কোমল, কঠিন, উদ্ভট, উদ্ভ্রান্ত, দুঃসাহসী...কখনও আবার একটু কুণ্ঠার সঙ্গে গম্ভীর ভাবে ব'লে চলে আনেৎ। ওর গুরু গম্ভীর ধরনে সিল্ভী হেসে ওঠে : 'থামবে দিদি, থাম্ এবার—' যেন লজ্জা পেয়েছে এমন মুখে বলে : 'একবার আরম্ভ হ'লে আর রক্ষে নেই !'

সিল্ভীর ভেতরটাও এমননিই বিচিত্র, এমনি অদ্ভুত [ আমাদের সকলের মতই, কমও নয়, বেশীও নয় ]। কিন্তু জানা ছিল না তা; খেয়ালও ছিল না ওদিকে। রীতিমত হিসেবী মেয়ে। ও স্থলের কারবারী—অর্থাৎ যা ও দেখে, ছোঁয়, নাড়ে-চাড়ে—এক কথায় যা স্থল ও অনুভব-গ্রাস্ত তাই নিয়ে ওর কারবার। অতএব যা কিছু এই কারবারের হাতে ভাঙ্গন ধরাতে পারে, অবাস্তব আর অসম্ভব ব'লে ও দুহাতে তা সরিয়ে রাখে।

বোনের কথা শুনে হেসে গড়িয়ে পড়ে ও। এতও আছে আনেৎ-এর মধ্যে? কে জানতো! ওর স্বাভাবিক সরলতায় অত্যন্ত গম্ভীর হ'য়ে সাংঘাতিক সব কাহিনী ব'লে যায়। অথচ এই মেয়েই নিতান্ত তুচ্ছ কারণে ভয়ে কাঁপে। সবাই জানে এ। কে জানে বাবা ওর মগজে কি আছে। সিল্ভী শ্রদ্ধা ক'রে আনেৎকে। কিন্তু ওর মনে হয়, কেমন যেন জটিল ও। ওর সব অদ্ভুত ভাবে জট পাকিয়ে আছে। দুনিয়াটাকে সহজ ভাবে নে! না, তাই নিয়ে ও মাথা কুটে মরে।

আনেৎ বলে : 'তাহ'লে যে এক সঙ্গে অনেক রকম সুর বেরায় রে !'

'সেই তো মজা ! যেন মেলার হাট !' সোজাসে বলে সিল্ভী।

'ওরে বাবা !' দু'হাতে কান বন্ধ করে আনেৎ।

'কেন আমার তো খুব ভালো লাগে। দিব্যি গোটা কয়েক গ্যালারী ভর্তি মানুষ হেঁড়ে গলায় আকাশ ফাটিয়ে চ্যাচাচ্ছে...ট্রামের হর্ন, বাশী, অর্গান, হুইস্‌ল, নাক-ডাকা, হাঁচি, কাশি...সব এক সঙ্গে। একটার বাড়া আর একটা।

নিজের মনের কথা নিজের কানে শুনতে পাবে না, এমনি তাল্লা ধ'রবে কানে ।  
কি মজা ভাব তো ?

‘ইতর কোথাকার ।’ আনেৎ বলে ।

‘আচ্ছা গো ভদ্রলোক, আচ্ছা । কিন্তু আমার তো মনে হয় ইতর, তুমিই বেশী । দেখতো আমার কেমন সব ছিমছাম । কোথাও ফিচ্ছু, গোলমাল নেই । যেট যখনকার সেট ঠিক সেখানে । সব খরগোস খাচায় পোরা । ভদ্রলোক হতে চাও তো আমার পথে এস বাছাধন ।’

সত্য কথাই ব'লেছে সিলভী । যত গোলমালই থাকুক, পবিত্রিত্তি যত জটিলই হোক, চোখের নিমেষে, অতি সহজে ও সামলে নেয় । দেহ মনের দাবী গুলোকে খাপ খাইয়ে সামঞ্জস্য ক'রে চলার কৌশল ও জানে । সুন্দর ক'রে ধোপে ধোপে সাজিয়ে গুছিয়ে রাখে এক একটি আলাদা আলাদা ক'রে ।

আনেৎ বলে ওর বাবার চতুর্দশ লুইয়ের আমলের নমুনার দেবাজটাকে দেখিয়ে ‘ওই ওটার মত তুই ।’

‘ঠিক বলেছিস । সত্যি মিল আছে ।’ সিলভী বলে ।

মিল বলতে, দেবাজের সঙ্গে মিলের কথা বলেনি ও ।

‘সত্যি সত্যি ঐ মিলটাই আমার আসল পরিচয়—’

আনেৎকে একটু ক্ষ্যাপাতে চায় ..কিন্তু আর ক্ষেপবে না আনেৎ । সিলভীর ওপরে ওর আর হিংসে নেই । বাবার কাছে ও ওর নিজের অংশ পুরোপুরি পেয়েছে । তার ভারই সামলায় কে ! মাঝে মাঝে উৎপাতের জ্বালায় মনে হয়—ছাড়তে পারলে যেন বাঁচে ।

[ চার ]

আনেৎ-এর সুসমঞ্জস মনখানির ভার-সাম্য গতবছর কেমন ক'রে জানি হারিয়ে গেল । বলিষ্ঠ পা দুখানি শক্ত হ'য়ে বাস্তবের ভূমিতে দাঁড়িয়ে ছিল, তাও টলে গেল । কেমন ক'রে জরানো-শক্তি ফিরে পাওয়া যায়, অবাক হ'য়ে ও তার পথ খোঁজে । ছোট্ট পারে ছোট্ট জুতো প'রে খট্, খট্, ক'রে কেমন

নির্ভয়ে, বিনা স্বিধায় নিশ্চিত কদম ফেলে মাটির বুকে চলে সিল্ভী। ওই ছুতো-জোড়া যদি পেত আনেৎ ! কেমন যেন ওর মনে হয়, প্রত্যহের পৃথিবী ও তার মানুষের সঙ্গে বাধন যেন ওর আলা হ'য়ে গেছে। সূর্যের আলো গলে গলে পড়ছে বাইরের পৃথিবীর বুকে, সেখানে থেকে স'রে এসে আপনার ভেতরকার মানুষটাকে নিয়ে ঘর বেঁধেছে আনেৎ। ঐ নিয়ে ও মশগুল হ'য়ে আছে। টের পায় না এর বিপদ ঘনিয়ে আসছে। বুঝতে পারে না ওর রক্তে নাটন লেগেছে, বুড়ু দেহটা অলক্ষ্যে ফাঁদ পেতেছে ওর সামনে। স্বপ্ন-দেখা চোখ ওর, ফাঁদে পড়তে দেবী হবে না। ঐ দশাই হয় ভাবুকদের, ওরাই বেশী সহজে ফাঁদে পড়ে এবং বেশী বেসামাল হয়।

কিন্তু ওর মত তেজী বুনো ঘোড়াকে ও-ফাঁদ কতক্ষণ বেঁধে রাখবে ?...

আনেৎ ছ' শিয়ার হ'য়ে রইল। কিন্তু অজান্তে, ফাঁদটার চারদিকেই ও দ্রুত লাগল এবং ক্রমেই ওটার কাছে এগিয়ে আসতে লাগল। অবশ্য বুঝতে পারেনি, নইলে বিদোহ করত।

এই তো সেদিনও, অন্ততঃ বাহুতঃ পুরুষের ব্যবহার ছিল শান্ত-স্থির বন্ধুত্বের, সহজ সদয়, হঠাৎ খানিকটা চটুলও কিন্তু সম্পূর্ণ নিরাগ্রহ। পুরুষকে ও ভয় কবেনি, তার কাছে চাষনি কিছু। সেই আনেৎ। আজ ওর চোখে আরেক রং লেগেছে।

কিসের অসুস্থকিৎসা আর সোধেগ প্রতীক্ষা ওর দৃষ্টিতে ! তুল্লিওর সঙ্গে সেই ব্যাপাবের পর থেকে ওর স্বাভাবিক স্মৃচিকণ, উদ্ধত স্বৈর্ঘ্যানি হারিয়ে গেছে।

আনেৎ বোঝে এখন পুরুষের সাহচর্য চায় ও ! বাল্যে বিবাহের বিকল্পে ওর জোরাল প্রতিবাদ শুনে বাবা হাসতেন, আজ বাবার সেই হাসিখানি ওর ওষ্ঠে। প্রেম ওর দেহের মাংসে যেন ছল ফুটিয়ে গেছে—ও জানে ওর সরল অথচ জীবন্ত, ওর পরিশুচি, সংস্কার-নিকঙ্ক মন কি চায়। বাসনাগুলোকে ও চিন্তের আধো-আধার সীমান্তে ঠেলে দিতে চেষ্টা করে কিন্তু বিদ্রোহী হয়ে তারা অন্তর-রাজ্যে বিপ্লব ঘটায়। বান্চাল হয় সেখানকার শাসন-যন্ত্র, বিকল হয় চিন্তা আর ক্রিয়ার শক্তি। কোন বিষয়ে মন বসাতে হ'লে

অমানুষিক সংগ্রাম করতে হয়। পরিশ্রমের ফলে পরক্ষণেই আসে অবসাদ, তিক্ততার মন হয় ভারাক্রান্ত। কিন্তু তবু মন থাকে এলোমেলো। সমস্ত ভাবনা ছায় কালো মেঘে। এতদিন আদর্শের যে স্থির, স্বচ্ছ দীপ্যমান নক্ষত্রটি জ্বলছিল ওর সুমার্জিত চিত্তের দিগন্তে, কুয়াষার জালে তা ঢাকা পড়ে। এই নক্ষত্র-জ্বলা-দিগন্তাভিমুখী ঋজু পথটিও আজ পদে পদে বিভক্ত, বিচ্ছিন্ন হ'য়ে যায়...

মুণ্ডে পড়ে আনেৎ, ভাবে : 'আর হ'লোনা...হ'লোনা... পথের শেষ আর হ'লোনা...' নারীকে এতদিন পুরুষের মত সর্ব মানস-শক্তির অধিকারিনী ভেবেছিল আনেৎ। আজ নিজের কাছেই মাথা হেঁট হয়ে যায়—জানে ভুল, ভুল, ভুল করেছে এতদিন।

ওর মনে হয় সত্যিকার বিজ্ঞান আর শিল্প-সাধনায় যে নৈর্ব্যক্তিক, নিরাসক্ত এবং বস্তু-সংস্কৃত চিন্তাধারার প্রয়োজন, বহুকাল মেয়েরা তাতে অনভ্যস্ত ব'লে তাদের মস্তিষ্ক দুর্বল হ'য়ে পড়েছে। হয়তো ঠিক তাও নয়। প্রকৃতির দক্ষিণ হস্তের অব্যাহত দানে নারী যে ঐশ্বর্যময়ী, মহতী সহজাত প্রবৃত্তির অধিকারিনী হয়েছে, নীরবে তা কেঁদে মরে সৃষ্টি বিকাশের পথ না পেয়ে। তাই হয়ত নারী তার মস্তিষ্কের শক্তি হারিয়েছে। আনেৎ মর্মে মর্মে অনুভব করে একক সে খণ্ডিত, দেহে মনে হৃদয়ে সে অসম্পূর্ণ। দেহ আর হৃদয়ের কথা তত ভাবে না আনেৎ। মনের প্রশ্নই ওর প্রধান।

জীবনের যে মহাক্ষণে আনেৎ এসেছে—সেখানে দোসর-বিহীন একক জীবন দুর্বল। পুরুষের চাইতে নারীর পক্ষে আরো—কারণ, সে তো শুধু নয় প্রিয়া—সে যে প্রেম-প্রবুদ্বা জননীও। এখনও একথা ওর হৃদয়জম হয়নি। মনের এ দুটি ধারা এক হ'য়ে মিশে আছে ওর মধ্যে। কোনটাই স্পষ্ট হ'য়ে ওঠেনি। তাই কোনও বিশিষ্ট পুরুষের হাতে আত্মনিবেদনের জন্ত ওর প্রাণ উবেল হ'য়ে উঠেছে। সে-পুরুষ হবে এক দিকে ওর চাইতে শক্তিমান, আর এক দিকে দুর্বল; যে আপন সবল বক্ষে ওকে আশ্রয় দেবে আবার ওরই বক্ষের পীষু ম-ধারা পান করবে। এ কথা ভাবতেই কি এক কোমল আবেশে আচ্ছন্ন হ'য়ে যায় ও। আঃ ওর দেহে যত শোণিত আছে—সব যদি আজ ছুধ



হ'য়ে উঠত...নিঃশেষে ধমনী শূন্য করে ও সেই পীষ, স-ধারা ঢেলে দিত  
প্রিয় করে...বলতো...লও...লও...লও আমার প্রিয়তম প্রিয়...

সব দেবে আনেৎ ! না না, সব দিতে পারবে না...কোথায় সে-  
অধিকার ! সব দেবে ! সব !...হাঁ সব...দেবে বৈকি...দেবে বন্ধের  
পীষ, স-ধারা, দেবে দেহের শোণিত, দেবে দেহ, দেবে প্রেম... । তারপর ? সব  
দেবে বললে যে ? তোমার আত্মা ? তোমার স্বাতন্ত্র্য ? তোমার সমস্ত  
জীবন ? না, কখনও তা পারবে না আনেৎ । ইচ্ছে থাকলেও পারবে না।  
যা আমার নয় তা আমি কেমন করে দেব ? আমার স্বাধীন আত্মা—সে তো  
আমার নয়...আমি তার । তার স্বাতন্ত্র্য রক্ষার অধিকার শুধু আমার । এবং  
সে-অধিকার পালন করা আমার পবিত্র কর্তব্য...আমার ধর্ম...

ওর এই মনোভাবের মধ্যে ওর মায়ের কঠিন সংস্কার অনেকখানি ছিল ।  
কিন্তু ওর মধ্যে সব কিছুরই একটু বাড়াবাড়ি হ'য়ে যায় । ওর বেগ আর  
আবেগবান্ প্রকৃতির ধর্মে নিতান্ত অবাস্তব কল্পনাও প্রাণে উজ্জীবিত হ'য়ে  
ওঠে ।...আত্মা...আত্মা...প্রোটোট্টদের ভাষা...[ ও নিজেই তো বলছে...এ  
কথাটা নিজে তো প্রায়ই ব্যবহার করে ]...রাওল রিভিয়ে-দুহিতার আত্মা  
কি মাত্র একটি ! না অনেক, অগণিত আত্মা আছে রিভিয়ে-দুহিতার । এই  
বহুর মধ্যে তিন চারটি আছে যা আকারে, প্রকারে, বিশিষ্ট কিন্তু পরস্পর থেকে  
একেবারে পৃথক, পরস্পরের ভাষা বোঝে না কেউ ।

তবু ওর এই আভ্যন্তরীণ সংগ্রাম ওর মনের এমন একটা স্তরে চলতে  
লাগল যার পরিচয় ও নিজেই ভাল করে জানে না । বিরোধী প্রবৃত্তিগুলিকে  
ঘাচাই করে দেখার অবকাশ এখনও ওর হয়নি । বিরোধিতা তারা তীব্র  
ভাবেই করে, কিন্তু এখনও তা মানসিক খেলার পর্যায়ে আছে । সেদিক  
থেকে আপাততঃ কোনও ভয় নেই । সিদ্ধান্ত গ্রহণ করার প্রশ্ন এখনও নেই ।  
সুতরাং এখন ব'সে মনে মনে সমস্তা গুলোকে নিয়ে নাড়া-চাড়া করে বিলাস  
চলতে পারে ।

হৃদয়-ঘটিত এই সব সমস্তা নিয়ে সিল্ভী আর আনেৎ হাসতে হাসতে  
আলোচনা করে । করতে ভালো লাগে বোবনের ধর্মে । অনাগতের প্রতীক্ষায়

তরুণ প্রাণ ব'সে ব'সে যখন দিন গনে তখন এমনি ক'রে অলস অবসর সরস হ'য়ে ওঠে । তারপর হঠাৎ একদিন বাস্তব এসে তার সর্ব ব্যবস্থাকে বিপর্যস্ত ক'রে ভাগ্য-নির্ণয় ক'রে দিয়ে যায় । আনেৎ-এর দুই অভাবই বোঝে সিল্ভী এবং ওর দিক থেকে এ দু'এর মধ্যে কোনও বিরোধ খুঁজে পায় না ও , ওর পথে চললেই তো সব মীমাংসা হ'বে যায় । যতক্ষণ খুশি ভালোবাসো, ভালো না লাগে ঝেড়ে ফেলে চ'লে এসো...

আনেৎ মাথা নাড়ে : 'না, তা হয় না ।'

'কেন হয় না তাই শুনি ?'

আনেৎ জবাব দেয় না ।

সিল্ভী সল্লেখে জিজ্ঞাসা করে : 'আমার বেলাও ওর ঐ বিধান নাকি, দিচ্চি ?'

'না রে, তুই তুই-ই, তা জেনে মেনেই তোকে ভালোবাসি ।'

বড় ভুল বলেনি সিল্ভী । স্নেহে আনেৎ [ দীর্ঘনিশ্বাস ফেলে অবশ্য ] সিল্ভীর বহু-প্রেমকে বিচার পর্যন্ত করে না । কিন্তু তাই ব'লে নিজের ক্ষেত্রে ও নীতি নয় । মাযের কাছে পাওয়া সংসারের বশেই যে বহু-প্রেম ওর নীতি-বিকল্প তা নয় । ওর প্রকৃতির অধুণ আকাজ্জার বিশালতায় ও আপনাকে টুকরো টুকরো করতে পারে না । বলিষ্ঠ যৌন-জীবনের অস্পষ্ট আর্কাও অনুভূতিতে জেগে থাকে স্নেহেও প্রেমের ক্ষেত্রে ও নিষ্ঠার পূজারী । সমগ্র সঙ্গ, সর্ব অনুভূতি , হৃদ-মনো-বাক্য, আত্ম-মর্ষাদা, শ্রদ্ধা এবং অচঞ্চল গভীর হৃদয়ের ঐকান্তিকী নিষ্ঠায় মিলে যে প্রেম রচিত হয়নি সে-প্রেম আনেৎ-এর গ্রাহ্য নয় । হৃদয় না দিয়ে শুধু দেহ দেওয়া ? না না, হয় না ..হ'তে পাবে না । এ বিশ্বাস-ঘাতকতা । অতএব আনেৎ... একমাত্র পথ...বিবাহ...এক-নিষ্ঠা । আনেৎ-এর মত মেয়ে পারবে এ পথ স্বীকার করতে ?

পাক্ক আর না পাক্ক, কল্পনায় দোম কি ? লোকসান নেই কোন । অতএব আপনাকে বঞ্চিত করে না আনেৎ, প্রাণ ভ'রে স্নেহ দেখে । বয়ঃ-সন্ধির বনানী-সীমায় এসে দাঁড়িয়েছে ও...অপরূপ, অপূর্ব চরম-ক্ষণ...কল্পনার ঘন-ছায়া দোলে মাথার ওপর...দৃষ্টির সম্মুখে উদ্বারিত অসংখ্য সূর্য-করোজ্জল শুভ্র, ধূস্র,

দীর্ঘ পথ, কোন্ পথে পড়বে তোমার পদচিহ্ন? তাড়া কি? দেখে শুনে নাও, তারপর বেছে নিও। অলস পুলকে মন দেখে...দেখে...দেখে...বাছবার কি আছে? সবই পথ...সব পথেই চলব। দ্বার খুলে বাইরে আসে একটা কিশোরী...ভারহীন, নির্ভাবনার আনন্দোচ্ছল জীবন, বুকে ভালোবাসা, বাছতে আশা...সম্মুখে সাজান বিশাল জীবনের বর্ণালী, তার অজ্ঞপ্ত অর্থ্য। কোন্টা চাউ আপনাকে শুধাবার আগেই হ'হাত বাড়িয়ে সবগুলোই এক সঙ্গে তুলে নেয়, নিশ্বাস ভ'রে সুবাস গ্রহণ করে। কল্পনায় এক এক ক'রে প্রতিটি পরখ ক'রে দেখে...এক একটির সঙ্গে আপনার ভবিষ্যতের গাঁটছড়া বাঁধে তারপর কেলে দেয় ছুঁড়ে উচ্ছিষ্ট। হাতে তুলে নেয় আর একটি...একটু খেয়ে চেখে দেখে, না হ'লোনা...আবার প্রথমটা তুলে নেয়, তারপর আর একটি...মনঃস্থির হব না, মীমাংসা হব না...। অনিশ্চিতেরই বসে এ, প্রথম দিনগুলো কাটে আনন্দে উল্লাসে, কিন্তু অবসাদ আসে দু'দিন না যেতে। গভীর অবসাদ। আত্মাকে মেন নিপিষ্ট ক'রে দেয়। নৈরাশ্রে সংশয়ও এসে মনকে তুলিয়ে দিয়ে যায়।

আনেৎ তার ভারী জীবনের ছবি আঁকে। অনিশ্চিত ও অনগতের। শুধু সিলভী কাছে খুলে ধরে ওর ঠাট অনিশ্চিত প্রতীকার জীবন। সিলভী জানে, কেন দাঁদ মন ঠিক করতে পারে না? এসব বোঝে না ও, কারণ নিবাচনের আগেই সিদ্ধান্ত ওর হির হ'বে যায় [আনেৎকে বিদ্যুৎ করার জন্তু গল ক'বে বলে একথা]। প্রথমে মন তো ঠিক ক'বে নাও ঝট করে, তারপর বেছে নেবার চের সময় পাওয়া যাবে। ভারীকী চালো বলে 'অন্তঃ নিজে মনটা ক'বে গাণো তেন পাবে।'

[ পাচ

নিজের সমাজে আনেৎ-এর বিশেষ প্রতিষ্ঠা আছে। তরুণের দল ওর চারদিকেই ভিড করে, একগুঁড়ির মধ্যে অনেকেরই চেহারা ওর খেলে ভালো। তারা এ ব্যাপারটাকে ভালো মনে নিতে পারলে না। আরো কারণ আছে ওদের বাগেব। আনেৎ কারো মন যোগাবার, মন ভালোবার চেষ্টা করে না,

শুধর ক'রে দূরে দূরে থাকে । অর্ধচ ছেলে গুলো ওর পেছন পেছন ধোরে । ডাইরুমের এক কোনে চূপ ক'রে বসে থাকে । স্ত্রাবকেরা আসে, ও তাদের বাধাও দেয় না, লক্ষ্যও করে না । হাসি-মুখে ওদের কথা শোনে [—শোনে কি না, ওর স্ত্রাবকদের সন্দেহ আছে । ] জবাব যখন দেয়, নেহাৎ সাধারণ ভাষা মিঠে কথায় । তবু ওরা আসে—সংসারী, বুদ্ধিমান সম্ভ্রান্ত বংশের তরুণের দল—ওর মন ভোলাবার চেষ্টা করে ।

হিংস্রটেরা ভাবে আনেৎ গভীর জলের মাছ । ঐদাসীনের চার দিবেই ও বড়শী ফেলে পাকা অভ্যাস-পটু হাতে । মাছ-খেলাবার কৌশল ওর ভালোরকম আয়ত্ত্ব করা । ওরা বলাবলি করে মেয়েটার বেশে বাসে নাকি ভোল-বদলের আঁচ পাওয়া যাচ্ছে কিছুদিন থেকে । আগে সেখানে কেবল মাত্র নিখুঁত ভাবে নিভুল হওয়া বা নিভুল ভাবে নিখুঁত হওয়াই ছিল একমাত্র লক্ষ্য, এখন সেখানে বেশ আড়ম্বড় দেখা যাচ্ছে, সযত্ন প্রসাধনের একটি বিশিষ্ট ভঙ্গিমা দেখা যাচ্ছে । চেহারার আটপৌরে ভাবটাকে, একটু ঝালিয়ে নেবার জন্যই যে ওর এ সাধনা, এ নাকি আর ব'লে দিতে হয় না । নিন্দুকেরা বলে টানটা ওর রূপের নয়, রূপের । কিন্তু সত্যকথা বলতে, রূপের টান হ'লেও, রূপ খুলবার মসলাটি সিল্ভীর পাকা হাতের আর পাকা কচির । শিকার হিসেবে আনেৎ বড় শিকার সন্দেহ নেই । কিন্তু শ্রদ্ধার শিকার । ওকে শ্রদ্ধা করে স্বারা অর্থ না থাকলেও তারা ওকে এর চাইতে কম শ্রদ্ধা করত না, বরঞ্চ মাথা উঁচিয়ে নিঃসংকোচে ক'রতে পারত ।

আসলে আকর্ষণের মূল আরো গভীরে । আনেৎ কোকেট্ নয় ; কিন্তু রয়েছে ওর ঐশ্বর্যময়ী প্রথর সহজ প্রবৃত্তিগুলি । মানুষের ইচ্ছার কোনও স্থান নেই তাদের ক্রিয়ায় । আপন ধর্মে তারা কাজ করে বিনা ইচ্ছিতে । আনেৎ ব'সে ব'সে অলস হাসি হাসে ; দেখে মনে হয় ডুব দিয়েছে ও নিজের গভীরে । কিন্তু কি একটা আবছা ভাবনার উজ্জ্বল স্রোতে চেউয়ের আগে গা এলিয়ে মুখে ভাসছে ও । এদিকের সব শুনেছে দেখেছে আনেৎ । একটা প্রবল আকর্ষণী শক্তি বিচ্ছুরিত হ'চ্ছে ওর চোখ, মুখ থেকে, তরুণ দেহের বলিষ্ঠ অঙ্গ প্রত্যঙ্গ হ'তে, কুলস্ত রাইসিন গাছের মত অনুরাগ সম্পৃক্ত ওর সর্ব-সত্তা

হ'তে। এত প্রবল সেই শক্তি যে ওর দিকে তাকিয়ে কে বলবে [ এক নারী ছাড়া ] যে ওই সাধারণী আনেৎ ! ওর মুখের তুচ্ছ একটি কথায় মনের রাজ্যে তোলপাড় হয়। ওর আস্থার সন্ধানী, আর ওর সুপ্ত দেহের [ সুপ্ত জল ] ঐশ্বর্যকে চিনেছে যে লোভীর দল সকলের কাছেই পৌঁছায় ওর আবেদন।

দেখে মনে হয় না ও কিছু দেখছে। কিন্তু কিছুই ওর দৃষ্টি এড়ায় না। মেবেদের বিশেষ ক্ষমতা এটা। এই ক্ষমতার ওপরেও ছিল আনেৎ-এর অত্যন্ত তীব্র সহজ জ্ঞান। বলিষ্ঠ প্রাণ-শক্তি-সম্পন্ন যারা তাদের মধ্যে প্রায়ই এককম প্রথম সহজ জ্ঞানের পরিচয় পাওয়া যায়..বিনা কথায়, বিনা ইশারায় যার দৌলতে একজনের হৃদয়ের ভাষা আর একজনের প্রাণে এসে পৌঁছয়। সেই ভাষা ও কান পেতে শোনে, বাইরে থেকে আনমনা আনেৎ।...হৃদয়ের গহন অরণ্যে শিকারের সন্ধানে বেরিয়েছে ওরা..আনেৎ আর তার চার পাশের স্তাবকের দল।..পথ হারিয়ে দূরে ছিটকে পড়ে ওরা পরস্পরের কাছ থেকে। তারপরে একদিন আনেৎ খুঁজে পায় তার মনের মানুষকে।

রাওল রিভিয়ে যে ধনী, বিদগ্ধ, প্রগতি-বন্দী বুর্জোয়া-সমাজের মানুষ ছিলেন, আনেৎ-এর বরণ-ভিলক তাদেরই একজনের কপালে পড়ল।

দ্রিফাস আন্দোলন নানা মতবাদের, নানা চিন্তাধারার মানুষকে টেনে এনেছিল। সামাজিক জ্বাঘের প্রতি আবহমান কাল থেকে মানুষের সহজাত সমর্থন আছে। সেই সমর্থনকে ভিত্তি করে আজ ও মানুষ তাদের যোগ-সুজ খুঁজে পায়। কিন্তু পরবর্তী কালে এটি সহজ ও প্রদায় বেসীদিন ধোপে টেকেনি। সংকীর্ণ হ'তে হ'তে সামাজিক জ্বাঘের আরোপ একটি মাত্র সামাজিক অজ্ঞানের ক্ষেত্রে এসে ঠেকেছিল। হাজারো নজিরের মধ্যে রাওল রিভিয়ে একজন। সংসারের নিত্যকার নিচুরতম অবিচারেও তার ঘরের ব্যাঘাত হয়নি কোনদিন। ইউরোপীয় শাস্তির সুযোগে ষড়যন্ত্র করে আরেমেনিয়ায় অত বড় একটা হত্যাকাণ্ড নির্বিকার চিন্তে ঘটালেন তুর্কীর সুলতান। মুনাফার লোভে বিবেককে বুদ্ধানুষ্ঠ দেখিয়ে তার সঙ্গে ব্যবসা করেছিলেন রাওল রিভিয়ে। অথচ এই মানুষই মনে প্রাণে ডুবোঁছিলেন দ্রিফাস আন্দোলনে। মানুষের কাছে বেশী প্রত্যাশা করার হেতু নেই। একবার যদি সে অজ্ঞানের

বিকল্পে প্রতিবাদ জুড়ে থাকে, যথেষ্ট। আমাদের কৃতজ্ঞ হওয়া উচিত।  
 ওরা নিজেরাও কৃতজ্ঞ রাওল রিভিয়ার সমাজের মানুষেরা ভাবেন একদিন  
 দ্রিফাস আন্দোলনে যোগ দিয়ে যে যোগ্যতা তাঁরা অর্জন করছিলেন, আজও  
 তা অক্ষয় হয়ে আছে। নূতন কাজের মধ্য দিয়ে আর তা বাডাবার কোনও  
 প্রয়োজন নেই। গতির নেতৃত্ব চিবকালের জন্য ওদের হাতে বাধা।

সুতরাং অনেকটা নিশ্চিত্তি ওয়া। নাছাড়া, স্বাস্থ্যগত ক্ষেত্রে বর্তমানে  
 আভ্যন্তরীণ কলহে জাতীয়-বিদ্বেষ চাপা পড়া, পুরানো ইংরেজ-বিদ্বেষকে  
 বুধাধ-যুদ্ধ ঋনিকটা জীইষে রেখেছে শুধু। স্বদেশ-প্রীতি আছে ওদের, কিন্তু  
 সে জড়ী স্বদেশিকতা নয়, নেহাং জোলো কিকে। ঘরে খাবার ভাবনা নেই,  
 তাই ওদের দিল দরিয়া, মেজাজ শরীক। দেও মনে হব নেহাং স্বদেশী  
 মানুষ ওরা। এদের গীতির প্রাচীন প্রশস্ত হব 'কিছু কিছু সমাজ-সং  
 করে, কিন্তু আসলে স্বযোগ্যবাসী। গাল-ভরা স্বদেশ-গানের আডহা নেই,  
 কড়া বকম সংস্কারও নেই। ওদের দলে আছে নানান ধরণের - এক -  
 উদার-নৈতিক কাথলিক, প্রোটেষ্ট্যান্ট, বিহুদী আছেন ঋনিক লবস - স্বা-  
 বিশ্বের দল দাবা ধর্ম ছেড়ে হরেক বকম লেবেল-আটা রাজনীতির চা করেন  
 অথচ ছাডেননি গণতন্ত্রের ভোল, যে গণতন্ত্র প্রশ বহু ব'কে থেকে ধরন হ'বে  
 দাঁড়িয়েছে স্বক্ষণশীল নীতির সব থেকে বড় ঋধোস। সমাজ-তাত্ত্বিকরাও বন  
 পডেননি, কিন্তু এ দলে তাদের প্রতিনিধি কবছেন শুধু জোরের শিষ্য ধর্ন,  
 বুদ্ধি-বিলাসী, তরুণ বুদ্ধোন্মাদের দল। এখনও ফরাসী গণতান্ত্রিক বাইরে  
 সঙ্গে মধু-চন্দ্রিকার পালা শেষ হ'বনি জোরের।

রাজনীতিতে তেমন আগ্রহ আনেং-এর কখনও ছিল না। সদা-ক্রিয়ামূল  
 মানস-জগৎটাকে নিরেই ও ব্যস্ত, রাজ-নীতি চর্চার সময় ছিল না। কিন্তু  
 দ্রিফাস আন্দোলনের সময় অল্পদের মত ওরও দিন কেটেছে গীর উত্তেজনার  
 মধ্যে। পিতার প্রতি ওর গাঢ় নিষ্ঠা, কাজেই মনটা হ'য়ে উঠেছে তাঁরই ছায়া।  
 কিন্তু ওর বৃকে আশ্রয়, রক্তে মুক্তির নেশা, তাই নিপীড়িত মানুষের পাশে  
 ও ঠাঁই-খুঁজেছে। সুতরাং জোলা ও পিকাট কে যেদিন শেকল-ছেঁড়া-জানোয়ার  
 রূপী জনমতের সম্মুখীন হ'তে হ'ল, ও উত্তেজিত হয়েছে, ব্যথা পেয়েছে।

এবং 'শেপে-মিদি' জেল-খানার পাশ দিয়ে যেতে যেতে তার উঁচু পাঁচিলের অন্ধকারে বন্দী হতভাগ্যের জন্য অনেক তরুণীদের মত ওরও দীর্ঘনিশ্বাস পড়েছে। কিন্তু এসব শুধু আবেগের ক্রিয়া, সৃষ্টির ফল নয়। দৃষ্টি আন্দোলনকে কখনই বিস্ময়গণ ক'রে দেখেনি ও। সে ধৈর্য ওর নেই। অনেক সময় রাজনীতি বুঝতে চেষ্টা করেছে, কিন্তু মন বসেনি। বিরক্ত হ'য়ে উঠে প'ড়েছে। রাজনীতি কেন যে ওর ভালো লাগে না তা খুঁজে দেখেনি। একটা হযোগে হবে—দক্ষিণ বাম কোন দলেই সংকীর্ণতা আর দুর্নীতির তো অস্ত নেই। কেবল সোজা দিক থেকে সাদা আলোর যে দেখবে তার চোখে তো পড়বেই এসব। মনটা বিকল হ'তে চায়। কিন্তু হৃদয় আর একটু উদার, বিশ্বাস করতে চায়, বড় বড় জায়ের বুলি কপচাচ্ছে তারা, তারা ধারণা মানুষ নিশ্চয়ই নয়। ও মানুষগুলোতে ও ভালো ক'রে দেখেনি, তাদের কাজ কর্মও নয়, বুঝবার ভুল হয়েছে নিশ্চয়ই নয়। বরঞ্চ রাগ করে নিজের উপরেই। ধৈর্য ধ'রে প্রতীক্ষা করে সহানুভূতি নিয়ে, বড় ওস্তাদের গান শুনে ওস্তাদের দল যেমন না বুঝেই তখন ও তুলে জয় জয়কার করে—মনে মনে দাবে আজ না বুঝুক, এ ১০ দিন বুঝবেই গানের গুণ।

হৃদয়ের নিষ্ঠায় আনন্দ দলের লেবেল গুলোকেই ভাবে মস্ত বড়, জানে না আর্টডিয়ার বাজারেই জুচ্চারীর কারবার সব থেকে বেশী, স্মরণে 'ইজ্‌ম' গুলোর উপরে [ যদিও সেগুলো শুধু নানা দলের মার্কা ] ওর এখনও বিশ্বাস আছে। এবং যারা আগে বাড়িয়ে 'ইজ্‌ম' নিয়ে বেশী ঠাঁক ডাক করে তাদের চটক ওর চোখে ধরে। আশাও হয় এদের মধ্যেই ওর মনের মানুষ মিলবে। আজীবন ও নিজে খোলা হাওয়ায় মানুষ। অতএব আর যারা ওই খোলা-হাওয়ায় পথ খুঁজেছে সংস্কার ছেড়ে, পুরানো কালের সংকীর্ণতা ছেড়ে, তাদের দিকে ওর মন টানে। তাই ব'লে পুরানো কালের ওপর ওর কোন রাগ নেই, কত মানুষের কত স্বপ্নকে আশ্রয় দিয়ে এসেছে বগ যুগ ধরে। কিন্তু ওর হাওয়া আছে বিধিয়ে। ওর মধ্যে কি থাকে যাব! নিশ্বাস বন্ধ ক'রে তো আর থাকে যায় না! ওর দৃষ্টি কেবলি সেই মানুষকে খুঁজে ফেরে যার হাত ধ'রে ও আলোয়, হাওয়ায়, স্বাস্থ্য-তরা নিজের দর খানি বাধবে।

যে সব ব্যক্তিগত আনন্দ সাধারণতঃ ব্যক্তিগত ড্রইংরূপে ওর যোগ্য ছেলের অভাব ছিল না। দলীয় লেবেল থাক আর না থাক, অনেকেরই তাগড়া দুঃসাহসী মন ছিল। কিন্তু দুঃখের বিষয় তাদের আর ওর পথের নিশানটা এক নয়। দার্শনিকদের ভাষায় সীমাবদ্ধ। এক সঙ্গে দশ দিকে হাত বাড়ান সম্ভব নয়। চারদিকে আলো ছড়িয়ে চলতে পারে এমন ক্ষমতা ক'জনের আছে সংসারে? যারা আলো জ্বলতে পেরেছেন [ খুব কমই সংখ্যায় ] তাঁদের বেশীর ভাগই একেবারে নাক বরাবর একটি মাত্র বিন্দুতে আলো লক্ষ্য ক'রে চলেন, আল পাশের দিকে নজর থাকে না। সেখানে কি আছে কিছুটা চোখে পড়ে না। বরঞ্চ একদিকে একটু এগিয়ে গেলে আরেক দিকে ততটা পিছিয়ে থেকে হিসেবে সমান হয়ে নেন। রাজনীতিব ক্ষেত্রে ও শিল্পের ক্ষেত্রে অনেক বিপ্লবী, রক্ষণশীল হয়ে পড়েন। এক দিকে যদি বা দু' চারটে কুসংস্কার [ যেগুলো নিজের কাছেই তুচ্ছ ] ধোয়া গেল, আর কতগুলোকে তিনি তক্ষুণি লোভীর মত আঁকড়ে ধরবেন। এই হ'লো সাধারণ নিয়ম।

নারী পুরুষের জীবনের নৈতিক বিবর্তনের ক্ষেত্রে এমনি অসমান কদম ফেলা অত্যন্ত স্পষ্ট হয়ে ওঠে। অতীতের নিগড় ভেঙ্গে নতুন-সমাজের দিকে এগিয়ে-চলা-মেয়ে তার চলতি-পথে কোথায় পায় এমন ছেলের দেখা যে নতুন ছুনিয়া গডবার জন্ত পথে বেরিবেছে! দু'জনের ভিন্ন পথ। চলতে চলা ও যদি বা পাহাড়ের ডগায় গিয়ে দুটো পথ মিলে গেল, দু'জনে থাকবে গথ ফিরিয়ে। আদর্শের এই বিভিন্নতা তৎকালীন ক্রমে অত্যন্ত প্রকট হয়ে উঠেছিল। বহুকাল পিছিয়ে থেকে মেয়েরা হঠাৎ জোর কদমে চলতে আরম্ভ করেছেন ক' বছর হ'ল। পুরুষের সমাজ একে আমল দেয়নি।

প্রথমে অতটা তলিয়ে দেখেননি নারী-সমাজ। তারপর ব্যক্তিগত জীবনে সংঘর্ষ বাধল এক দিন। চোখ কচলে দেখলেন মস্ত একটা প্রাচীর মাথা উঁচিয়ে ঘরের লোকটিকে তফাৎ ক'রে দাঁড়িয়ে আছে। সাংঘাতিক রূঢ় আদাত। সত্যটাকে চোখ বুলে দেখতে গিয়ে অনেক মূল্য দিতে হ'ল আনন্দকে।



আনেৎ-এর সুদূর চোখ দুটির সহজ দৃষ্টি কেবলি মানুষ খুঁজে ধরে একে ঘিরে-থাকা ভিড়গুলোর মধ্যে। খোঁজা শেষ হ'ল একদিন, মানুষের দেখা পাওয়া গেল। কিন্তু মন স্বীকার ক'রলে না সে-কথা। অনিশ্চিত পরিস্থিতির শেষ হয়েছে; শেষ হয়নি তার ছল। যতদিন সম্ভব মন নিজেকে চোখ ঠার দিয়ে রাখলে। সিদ্ধান্ত শেষ হ'য়ে গেলেও তার বন্ধনকে অস্বীকার ক'রে শেষ বারের মত আশার সপাট-খোলা দরজাটার দিকে তাকাতে ভারী মিঠে লাগে।

মাসেল ক্রাঁক ও রোজার ব্রিস্ট...। দীপ্ত যৌবন। আটাশ থেকে ত্রিশের মধ্যে বয়স। বেশে বাসে ব্যবহারে চলনে বলনে মাজা-ঘসা—চোখে পড়ার মত। বুদ্ধিতে সমজ্জল, প্রিয়-দর্শন। বেশ স্বচ্ছল অবস্থার নধ্যবিশ্ব ঘরের ছেলে হ'জনেই। এ পর্যন্ত এক হ'লেও প্রকৃতি আর মানসিক গঠন বিভিন্ন। আনেৎ-এর ভবিষ্যৎ তুলছিল এ দু'জনের মধ্যে। আনেৎ অবশ্য মনে মনে জানে তুলুনিটা কোন্ দিকে কোঁক নিয়ে স্থির হ'বে আছে।

ইহুদী রক্ত আছে মাসেল ক্রাঁকের দেহে—এক আধা-ইহুদী পরিবারে তার জন্ম। ভিন্ন জাতির সুনির্গাচিত নর-নারীর মিশ্রিত বিবাহজ সন্তানের মধ্যে মাঝে মাঝে যে চমৎকার টাইপ দেখা যায়, ও তারি একজন। লম্বা খুব বেশী নয়। ঋজু, দোহারি ওঠ, দেহ-গঠনে ভরা স্ত্রী, মুখের প্রাণহীন অতি-শুভ্রতার পরিবেশে যেন খোদাউ করা দুটি নীল চোখ, ছোট সুডৌল চিবুক, লম্বাটে মুখের প্রোফাইলে আলক্রাড্ দ্য মসের ছায়া। ঠিক তেমনি বুদ্ধি-দীপ্ত, আদরে-ভরা দৃষ্টি; তেমনি ক্ষণে-গলে-পড়া ক্ষণে বিদ্রোহী।

কাপড়ের ব্যবসা করতেন মাসেলের বাবা। অত্যন্ত হসিয়র ব্যবসারী। মনের বুদ্ধিগুলি জোরাল। নূতন নূতন শিল্পে গভীর অনুরাগ, ক্রসো, ত্যান-গগ্-এর ছবি কেনেন। বিবাহ করেছেন সুন্দরী তুলেঁ-বাসিনীকে যিনি কোন অভিনয় প্রতিযোগিতায় দ্বিতীয় পুরস্কার পেয়ে রজালয়গুলোর কাড়াকাড়ির বস্ত

হ'য়ে উঠেছিলেন। এমন সময় জোনাস ক্রাংকের বলিষ্ঠ বাহু সবার মাঝখান থেকে ছোঁ মেরে তাকে তুনে নিয়ে গেল। পরের পর্যায়ে বিবাহ, সাফল্যের স্বর্ষ মাঝ-আকাশে জ্বলছে, এমন সময় বক্রমঞ্চ ছেড়ে ঘরে এসে স্বামীর সাহিত্য-বাসরে জেঁকে বসলেন। অনেক শিল্পীর আনা-গোনা ছিল সেখানে। গৃহস্থালীতে এমন পরিপূর্ণ মূল বড় একটা দেখা যায় না, অথচ কেউ কারো ব্যক্তিগত জীবন নিয়ে বিশেষ মতামত বা ঘামাব না পরিপূর্ণ মানসিক সজ্জির ফলে। একটি মাত্র ছেলেকে ঊন প্রতিপালন কবেছেন, সন্তানশীল এবং গীর্ষ বুদ্ধি দিয়ে পরিশ্রুত আবহু প্রদান। সেই মাসে না শিল্পে, কাজ আব অনন্য দ্বায়ে একই সূতায় মালা গাঁথা এসে। এই মাসে না শাখার আটের ওপর নিচর করে জীবনের আট। অন্যান্য শিল্পের সঙ্গে সঙ্গে এই শিল্পে নিপুণ হ'য়ে উঠল মাসেল। জাতীয় ম্যাসিম গুলি হু যা ওয়া না সা করতে লাগল, এবং অতি অল্প বয়সেই এর নাম ছড়িয়ে পড়ল শিল্প-সমালোচক বলে। ছবিও দেখে, জীবন্ত মানস হু দেখে ও। অল্পস অথচ মম-ভেদী, উদ্ধত অথচ সপ্রশ্রয় এর চোখের দৃষ্টি। আনেৎ-এর প্রসাদ-প্রার্থীদের মধ্যে এই লোকটাই একে সব থেকে ভাল ক'বে চিনেছে, এ কথা আনেৎ-ও জানে। ডুই'নামে আনমনে স্বপ্নের স্রোতে ভেসে যেতে যেতে আনমনে কথা বলে চলেছে আনেৎ হু'য়ে জেগে উঠে দেখেছে ও, এই চোখ বিদ্ধ হ'বে ডায়ে এর ওপর, যেন বলছে 'আনেৎ গোম'ব তে হুই পর্যন্ত দেখে নিলুম।'

আশ্চর্যের বিষয়, আনেৎ—অতি ভদ্র, শালীন ও-শালীন আনেৎ—এই বিব্রত বোধ করে না। বরঞ্চ এর উচ্চৈ হু বলে

'কেমন লাগছে আমার এই রূপ ?'

বোঝানুঝির হাসি খেপে যায় প্রদের মুখে। গলত বা খুলে আনবণ, আনেৎ জানে, তবু মাসে লের স্ত ন নেত এবং জীবনে। আনেৎ-এর চোখে ন'পে মাসে লও এ সত্য পড়ে নেয়। কিন্তু ভয় পায় না—ভাবে, দেখাই হু ক না

প্রতিদ্বন্দ্বী রোজার ত্রিসট্কে ও জানে।

রোজার ত্রিসট্—ওই কলেজীয় সহপাঠী। মাসে ল জানে আনেৎ-এর কাছে রোজারই নম্বর বেশী পেয়েছে। প্রথম কথা অস্তুত ... ('এবং পরে ১০০০

৩ঃ, সে অল্প ব্যাপার' ) ত্রিসটের রূপ আছে স্বচ্ছ পরিষ্কার মুখ-ভাব, অতি সরল ভঙ্গি—কোথাও কোন অস্পষ্টতা নেই, খুশিতে উজ্জ্বল দুই বাদামী চোখ। বলিষ্ঠ প্রথর স্তম্ভগ ৫ অবয়ব, গুন্দর, ফৌর মঙ্গল মুখশ্রী, এক মাথা কালো চুল—বৃদ্ধির ঝালো-জ্বলা কপাল ঝানাকে পরিপূর্ণ মুক্তি দিয়ে পেছন দিকে উপেটে আচড়ান ... পাশ ঘেঁমে সিঁথি। এর ঝড় দাঁড় ছন্দ দেহে, সুদীর্ঘ পদবগলে, প্রশস্ত বক্ষে, পেশল বাহুতে, চম্বার সহজ ওঁড়োয় পাণাবেগ উছলে পড়ে।

স্বয়ংকার এর কথা—সঙ্গীতের মত মধুর তার স্বর, অনুরক্ত তার স্বর—নীচ কিছু গভীর পরিপূর্ণ। এর কথা ভালো লাগে শ্রোতার, ভালো লাগে নিজেরও। এর শাপিত, দীপ্ত, ফিপ্র, জাগ্রত বৃদ্ধির জোরে ও মাসে লকে ডিক্রিয়ে গেল ক্রাশে, খেলার মাঠেও। রিভিভেদের বারগাণ্ডির বাডীর গা ঘেঁমেই এদের বাস্তবতাটা, খাস্তুরক্ষেত্রে আর বাগান। সেখানেও এর হাটা, ফাঁকার আর ঘোড়ায় চড়ার ধ্যান্তি আছে আনন্দরা যখন ছিল এখানে, বড়দিন বেড়াবার সময় পথে সংক্ৰান্ত হয়েছিলে দু'জনেই। এখন আনন্দ ছিল অন্য মানুষ—তখন মন সঙ্গীর দাবী জানায়নি। মনের স্বচ্ছন্দ পথে ও এখন চলেছে। পারী থেকে পাঠিয়ে রোজাবও ঠিক এই সময় কটা মাসেই জন্ম বাবগাণ্ডির মুক্ত আকাশের ওলায়—তিপোলিটার মন—নাবী ছেড়ে কৃষ্ণ আর গোড়া নিয়ে মেতে ছিল। আনাগোনার পথে দেখা হলে হয়তো ছোট্ট একটা অভিবাদন বা সামান্য একটু দৃষ্ট বিনিময়—এই বেনী নয়। অল্প বিফলে যাননি এও। এই ক্ষুদ্র সম্ভাষণ-বিনিময়ের স্তম্ভ ধরে একটা ভালো-লাগার রং লাগল দু'জনের মনে—, তার স্তম্ভ ধরে ঘামটা টেনে গেলো আকষণ, ছোট্ট মাসের দৈনন্দিক সঙ্গতির স্বাভাবিক আমন্ত্রণে।

কথাটা ত্রিসট পরিবারের মনেও এসেছিল। রিভিভে যতদিন বেঁচে ছিলেন, খানিকটা ঠাণ্ডা রকম দূরত্ব থাকলেও, প্রতিবেশী-মূলভ সৌজন্যের অভাব ছিল না তাঁর। ক্রি-খিকার রিভিভে কারো কাছে মাথা নোমাননি কোনদিন। দ্রিফাস আন্দোলনের পূর্ব পর্যন্ত স্তম্ভ ও রিভিভেয়ের সমস্ত মক্কেল ছিল অভিজাত আর প্রতিক্রিয়াশীল সমাজের। তার বাইরে একজনও ছিল না। অত্যন্ত চলাক মানুষ তিনি, এ লোকগুলোকে মুখের কথায় তুটু রাখতে চেঁটা

করেননি। চোখে পড়বার ইচ্ছে না হলে গির্জায় গিয়ে চোখ বুজে পর্বত  
বসেছেন। এজন্যই ওঁর নিজের দেশের র্যাডিক্যালরা ওঁকে বলেছে প্রতি-  
ক্রিয়ামূল, ধর্ম-স্বামী বলে ঠাট্টা করেছে [ওঁনে অবশ্য মনে মনে ভারী  
হেসেছেন।] এখন ত্রিসট্রা র্যাডিক্যাল-দলের স্তম্ভ। ওরা শামলা-পন্নায়  
জাত—কেউ উকিল, কেউ অ্যাটর্নী... প্রায় একশ' বছরেরও বেশী দিনের 'জার্মান  
রিপাবলিক-ভক্ত ওরা, সেই প্রথম গণতন্ত্রের সময় থেকে। [কিন্তু ওদের বংশেরই  
কে একজন, বুরবুদের ফিরে আসার পর 'অর্ডার অফ দি লিলি' পেয়েছিলেন।  
কথাটা ওরা লোকের কাছে চেপে যায অবশ্য।] ওদের রিপাবলিক-ভক্তি  
ভগবদ্-ভক্তির মতই, রিপাবলিকের সঙ্গে ওরা একেবারে নিমক-স্বছে  
বাঁধা। সুতরাং রাওল-এর ওপর ওদের রাগ। ওঁকে দূরে রেখে ওদের রাগ  
দেখাবার জবরদস্তি উপায়। কিন্তু কিছু প্রাপ্তির আশা নেই ওদের কাছে থেকে,  
তাই ওদের তিনি ডুচ্ছ ক'রে চলেছেন। তারপর এল ড্রিফাস আন্দোলন।  
চোখের নিমেষে রাওল গিষে ছিট্কে পড়লেন তার মধ্যে। স্বপ্নেও ভাবেননি  
এমনটা হবে। এক লহমায় কলি ফিরে গেল, ওঁর অতীত একবারে  
বেমালুম ধূরে সাফ হয়ে গেল। লোকে এখন ওঁর মধ্যে নাগরিক সুলভ,  
রিপাবলিক সুলভ কত বড বড গুণ আবিষ্কার ক'রে ফেলল। রাওল নিজেও  
জানতেন না এত গুণ ওঁর মধ্যে লুকিয়েছিল। হঠাৎ মরণ এসে বাগড়া না  
দিলে প্রচুর লাভ হ'ত ওঁর এর থেকে।

কিন্তু তাতে ত্রিসট্রদের মৎলব-হাসিলের পক্ষে বাধা ঘটেনি। এই ঝাঙ্ক  
রিপাবলিকান গোষ্ঠিটী নীতি ও স্বার্থকে বেশ মানিয়ে বুঝিয়ে চ'লে এসেছে একশ'  
বছর ধ'রে। এরা ধনী এবং স্বভাবতঃ আবেগ ধনের সাধ রয়েছে। বিভিন্ন  
তাঁর বিপুল সম্পদ একমাত্র কল্লার হেফাজতীতে রেখে গেছেন। এ ধর  
ওরা জানে। সুতরাং রাওল পরিবারের বার্গাণ্ডির সম্পত্তি ত্রিসট্র পরিবারের  
সম্পত্তির সঙ্গে যুক্ত যদি হয়. কথাটা মন্দ নয়! ষোল-কলা পূর্ণ হবে। কিন্তু  
ত্রিসট্রদের মত মানুষদের সাংসারিক বিচারের ভাবনা প্রথমে মনে এলেও  
বিচারটি আসে পরে। বিবাহ ব্যাপারে সাধারণতঃ পাত্রী হন মুখ্য। এ ক্ষেত্রে  
পাত্রী লক্ষ্য না হ'লে হলেন লক্ষ্য পৌছুবার রাস্তা। আনেৎ-এর বতটুকু ওরা

দেখেছে ও জেনেছে তাই ওদের উদ্দেশ্য-সাধনের পক্ষে বধেট। ওর সংযত শাস্ত্র ভাষি ওরা দেখেছে, ওনেছে ওর পিতৃ-নিষ্ঠার কথা। ওর অকপট সারল্যে মুগ্ধ রয়েছে। লক্ষ্য করেছে, নিখুঁৎ ওর সামাজিক-আচরণ, শাস্ত্র-মর্বাদায় মহিমাম্বিত। পরখ করেছে ওর বুদ্ধি আর রসবোধ, এবং ওর অতুল স্বাস্থ্য। ওর কাজ, পড়াশোনা, পরীক্ষা পাশ ইত্যাদিতে ঋনিকটা কৃত্রিমতা আছে ব'লে মনে হয় তাদের। এগুলোকে ওরা বুদ্ধিমতী এই কচি মেয়েটার নিরালা জীবনের সময় কাটাবার খেলা ব'লে ধরে নিয়েছে, এবং ওরা বিশ্বাস করে সন্তান হ'লেই এ খেলাঘর আপনি ভাঙবে।

আনেৎ-এর অত বিস্তে স্মৃতরাং বাবার মত হবে না নিশ্চয়ই সে। ঐ যা ভরসা। এ ছাড়া আর ভাবনা কিসের! নূতন বাড়ীতে আসছে—উপদেশ দেবার, বুঝিয়ে দেবার লোকের অভাব হবে না। এখানে দু'দিনে ঘরের মেয়ে হ'য়ে উঠবে। মা বাপ নেই বেচারীর, খুব খুশি হবে ও—এখানে মা পাবে, বোনও পাবে—অবশ্য সামান্য বড় সে ওর থেকে। হ'জনে মিলে গুকে ঢেকে রাখবে। মা মেয়ে দু'জনেই তীক্ষ্ণ চোখে দেখে দেখে বুঝেছে আনেৎ বেশ ঠাণ্ডা প্রকৃতির মেয়ে, 'মিষ্টি, মার্জিত, সংযত ব্যবহার, ব্যক্তিত্বের মধ্যে কোলীন্য আছে, একটু যেন ভীক ভীক [ ওদের মতে এ দোষের নয় ], এবং গ'লে পড়া ভাব নেই [ এতো রীতিমত গুণ ]।

পরিবারের সঙ্গে আগে থাকতে পরামর্শ ক'রে তাদের অনুমোদন নিয়ে তবে রোজার ওর কাছে প্রেম নিবেদন করলে। কিছু লুকোয় না তাদের কাছ থেকে। বাই করুক না, বাড়ীর সমর্থন পাবেই। বুড়ো খোকাটি বাড়ীর লোকের মাথার ঠাকুর, পূজো পায়, পূজো করে। পরম্পরের পিঠ চুলকোন ত্রিসট্দের চলতি রীতি। পরিবারভুক্তদের যোগ্যতার পরিমাণ-ভেদ থাকলেও, যোগ্যতা ছিল। দেহ, মন, অর্থ সব দিক দিয়ে সকলেই কিছু কম বেশী প্রচুর সম্পদের অধিকারী। এ সবক্কে ওরা খুব সচেতন। কিন্তু ঐ সচেতনার মধ্যে খানদানী ঘরের বিনয় আর পরিমার্জনা আছে। যাদের ওরা নিজেদের চাইতে অধম ব'লে মনে করে, তাদের সামনে কোনও চাল দেখায় না। না দেখালেও ওদের সারা দেহে চোখে মুখে নিশ্চয়তার এমনি সুন্দর মিষ্টি ঠাণ্ডা আছে যে

কিছু আর চোখে আঙ্গুল দিয়ে দেখিয়ে দিতে হয় না। এ হেন পরিবারের সর্গপ্রকার নিশ্চয়তার মধ্যে রোজার নিশ্চয়তর নিশ্চিততর। রোজার ব্রিসট্ পরিবারের সার্থক গর্ভ, ব্রিসট্ রুক্ষে অমন বাড়-বাড়ন্ত ফল আব ফলেনি। বংশের সবগুলো গুণ ও পেয়েছে, দোষ যা আছে তেমন কিছু নয়, এব তারুণ্যের ঝলমলানীতে তা ফিকে হ'য়ে আছে। ওর প্রতিভা আছে, ওর সব কিছুই অমনি হয়, অবলীলাব হয়—বিশেষ ক'বে কথা। ব্রিসট্ পরিবারটাই বাকশিল্পী। জন্ম থেকেই ওরা কথা ভালবাসে। ঐ গুণে একজন মস্ত ব্যারিষ্টার হয়েছেন। আসলে ওদেব আসল প্রকাশ আর বিকাশ কথাকে ভর ক'রে। কথা বলতে না পেলো ওরা একেবারে পঙ্গু।

রোজারের বাবা সেবার নির্বাচক-মণ্ডলীর নষ্টামীতে পুনর্নির্বাচন পেলেন না। বক্তৃতা দিতে না পেরে তাঁর দম বন্ধ হবার যোগাড হ'ল। রোজারের ব্যবস তখন সবে ছয়। ও যেন বুঝল। আগুন পোষাতে বসে কেউ যদি সমনে না থাকে, ও বাবাকে বলে 'একটা বক্তৃতা দাও না আমার কাছে, বাবা'

এখন অবশ্য নজেই বক্তৃতা দেয় রোজার। বুর্ষ-প্রাসাদে সেবার আইন-জীবীদের সম্মেলন হ'ল, তাতেই রোজারের নাম ছড়িয়ে গেল। অন্যত্র ব্রিসট্দের মত ও-ও বক্তৃতাতে আপনাকে ঢেলে দিল। বাবপব এটা দিনে স আন্দোলন। স্ববর্ষ-সুযোগ জুটে গেল। চারদিকে সভা-সমিতি। ও বাপিয়ে প'ড়ল আসরে। বক্তৃতার বচনা ছুটল। স্বরূপ ঠে ওকণের আশ্রন-জালানো, বাছা বাছা কথা-সাজানো ওজস্বিনী বক্তৃতায় বহু 'দ্রফাইট' কর্তা ও তকণরা ওর দলে এসে ভিডল। প্রগতির পথে কারো পেছনে থাকার পাত্র নয় ব্রিসট্‌রা। অথচ অত্যাৎসাহে একটি বেহিসেবী কদম ও ফেলবে না, এক মুহূর্ত সময়ের ভুলও হবে না এদেব। রোজারের বাবা অ বহা ওরা পরীক্ষা ক'রে ছেলেকে সমাজতন্ত্রবাদের ছুট ঐ ঘোড়ায় চ'ড়িয়ে দিলেন বাত্রা-তিলক কপালে পরিয়ে। রোজার লাগাম কমে ধ'রে গিয়ে চলল পেছনের হা ওয়ায় নাক রেখে।

তখন জোরে-এর ভারী প্রতাপ। ভালো ভালো ছেলের দল তার বাহু মঞ্চে বশ। রোজারের ভাষণে ভাষণ ছাপ পড়ে জোরের। তার মত

ক'রে ভালো ভালো সাজান কথা দিয়ে ভবিষ্যতের মন-ভোলান ছবি আঁকে জনতার সামনে। উদাত্ত কণ্ঠে সে ঘোষণা করে, জনগণ আর বুদ্ধি-জীবীদের মধ্যে বোঝাপড়ার সময় এসেছে। তারপর বহুদিন ধরে বহুস্থানে ঐ এক বিষয় নিয়েই ও জ্বালাময়ী বক্তৃতা দিলে। এসব কথা বুঝলে না জনতার জনেরা, অবসরও নাই তাদের, তবে অবসর বুঢ়লো তরুণ বর্জোয়াদের। নিজেদের গাঁটের কডি দিয়ে, কজন বন্ধু-বান্ধব নিয়ে রোজার একটি পাঠচক্র স্থাপন করলে, খবরের কাগজ রাখলে, গডল একটি দল। বহু সময় আর টাকা ঢালতে লাগল এর পেছনে। পাকা-হিসেবী ব্রসট্দের হিসাবে দল হয না। ওরা জানে মাঝে মাঝে মুঠো খুলতে হয়। ছেলে তরুণ-সম্প্রদায়ের নেতা ত'ষে উঠেছে দেখে তারা খুশিই হ'লেন। বুঝলেন, আগামী নির্বাচনের পথ তৈরী হচ্ছে। চেম্বারে একটি আসন এবার রোজারের চাই—তারা ঠিক করলেন। রোজাবও কথাটা ওনল। আশৈশব ও দেখেছে পরিবারের সকলের ওর ওপর গভীর আস্থা, ওর নিজেরও নিজের ওপর আস্থা আছে। নিজের মতবাদের উপরও গভীর বিশ্বাস, যদিও মতবাদটা যে কী তা ও নিজের সঠিক জানে না। নিজেকে নিয়েই ও মশগুল, এখানেও ও অদ্ভুত স্নাত্তবিক। ঘাটে ও হাত দিবেছে বিকল হযনি কখনও। সাফল্য ওর এমনি অভ্যাসে দাঁড়িয়ে গেছে যে এ নিয়ে গর্ব হয না ওর। হবার কথা মনেও হ'ল না। কোনও দিন অক্লুত্কার্য হ'লে আকাশ থেকে পড়বে, চিরকালের বিশ্বাসে মরণ-আঘাত পড়বে। ভারী মজাব মানুষ, ঠিক মনে ধববার মত মানুষ। সহজ মানুষ, যদিও 'আমি'টা কিছু বড, কিন্তু তার শিকড় বেশী দূর যায়নি এখনও, আর নিজেরও সে-সম্বন্ধে বে-খেয়াল। ভালো মানুষ, ভালো চেহারা, দিতে আপত্তি নেই, কিন্তু পাওয়া চাইই, চেয়ে কখনও হাত গুটোতে হবে এ-ধারণা ওর স্বপ্নের অগীত, সরল, ভদ্র, অমায়িক, দাবী করতে পারে, পৃথিবী কখন এসে ওর পায়ে পুটোবে। ওর মধ্যে চূষক আছে।

তার টান আনেৎকেও টানে। রোজারকে ও পুথানুপুথরূপে বিচার করে। এবং যতই বিচার করে রোজারকে ও ততই ভালবাসে। তার দুর্বলতায় ও স্নিগ্ধ হাসে। ওগুলোও ওর একান্ত প্রিয়। আনেৎ-এর মনে হয় পুরুষ নয় রোজার, ওর বুকের কাছে ছোট শিশুটি। একাধারে রোজার পুরুষ আর শিশু—আনেৎ-এর হৃদয় আনন্দে দোলে। রোজার সরল—এই সারল্য ওর সব চেয়ে বড় আকর্ষণী। ও কিছু গোপন রাখে না—একেবারে উদ্ঘাটিত করে রাখে আপনাকে। নিজেকে নিয়ে ওর অকৃত্রিম তৃপ্তি, ওর ব্যক্তিত্বে ঢেকে দিয়েছে বিচিত্র স্বাভাবিকত্ব।

আনেৎ-এর প্রেমে ও মুগ্ধ—তাই ও প্রেমানন্দার কাছে আরো খুলে গেছে। ও টুকরো করে ভালবাসে না, কিন্তু টুকরো করে ছাড়া কোনো জিনিস দেখে না।

সেদিন সন্ধ্যা। এক ড্রয়িং রুমের আসর। রোজার উচ্ছ্বসিত হ'য়ে কথা বললে চলছে। আনেৎ নিবিষ্ট চিন্তে নীরবে শুনছে। [ অস্তুতঃ রোজার তো ভাবছে তাই। ] তার চোখের বুদ্ধি-দীপ্ত আলোয় রোজারের চিন্তাগুলি আরো লঘুপঙ্ক হ'য়ে ওর মানসলোকে ফিরে আসে। আনেৎ-এর প্রসন্ন হাসিতে যেন ওর বাগ্মিতার অভিনন্দন। ও খুশি হ'য়ে ওঠে। ওর যেন মনে হয় ওর আনন্দের অংশ গ্রহণ ক'রেছে আনেৎ-ও। আরো মিঠে লাগে। কি স্নন্দর মোহময়ী ঐ শ্রবণ-নিরতা প্রতিমা...ঐ ধ্যান-নিবিষ্ট বাহ্যয়ী আধিদৃষ্টিতে, সব-বোঝা হাসির অভিনন্দনে কি মহিমাময় আত্মার প্রকাশ, কি অপকল্প মানস-বৈভবের উদ্ভাস!...ঘরের মধ্যে কথা বলছে একা রোজার...কিন্তু ওর কেমন মনে হয়, একা নয় ওর কথার সাথী ঐ নারী...তারই সঙ্গে চলছে ওর বাক-বিনিময়। আজ থেকে ওর যত কথা সব ঐ নারীর জন্তু...। অস্তুর-লোকের ঐ বাকী-বিনিময়, বিচিত্র আলাপন আপনাকে অতিক্রম ক'রে কেবলি



উর্ধ্ব হতে উর্ধ্বততর লোকে নিরে যায় ওকে । আসলে শুনছিল না আনেৎ ।  
 রোজার মুখ খুলতেই তার মনের ধারা বুঝে নিতে দেবী হয় না বুদ্ধিমতী  
 মেয়ের । আনমনে তার সাজানো গোছান অলংকার পরানো কথা শুনে যায় ।  
 রোজার আত্মহারা হ'য়ে ছিল আপন বাক-বৈদগ্ধে । সুযোগ পেল আনেৎ...  
 মানুষটাকে নিরীক্ষণ ক'রে দেখতে লাগল অবয়ব হ'তে অবয়ব—চোখ, মুখ,  
 হাত, কথা বলার সময় চিবুক নড়ার ভঙ্গিটুকু ; ভাকবার সময় অস্থ-শাবকের  
 নাকের মত ওর স্নশোভন নাকটির মূহু কম্পনটুকু, ...দেখছিল মুখের মধ্যে  
 কতগুলো কথা কি সুন্দর ভাবে গড়িয়ে গড়িয়ে যায় । আর দেখছিল এই সব  
 বিশিষ্টতার মধ্য দিয়ে যে-মানুষটাকে দেখা যাচ্ছে । একেবারে ওর ভেতর পর্যন্ত  
 দেখতে পাচ্ছে আনেৎ । বাহবা পাবার লোভ আছে ওর, আছে পর-প্রসাদন-  
 রতি । রোজার সুন্দর, রোজার বুদ্ধিমান, বাগ্মী...অদ্বুত রোজার । ওর মধ্যে  
 হাস্তকর কিছু আছে, একবারও মনে হয় না আনেৎ-এর । বরঞ্চ ওর মনোহরণ  
 করে লোকটা । সুন্দর তুমি প্রিয়...সুন্দর তুমি, তুমি মনোমোহন, তুমি ধীমান  
 ষাঠীগন্ধর্ষবান, তুমি বিশ্বয়...কেবল একটু হাসি চাই ? একটুখানি ?...একটু  
 কেন ? আমার ছুই মাধুরীময় নয়ন ভ'রে খুশির নৈবেদ্য সাজিয়ে রেখেছি...লও  
 তুমি...লও...নিযেছ ? ভরেছে চিত্ত ।...রোজার আনন্দিত, গরবিত, বসন্ত-  
 বিহগের মত ওর কাকলি দ্বিগুণ উৎসারে বয়...আনেৎ দেখে মনে মনে হাসে...  
 রোজার পূজা ভালবাসে । নির্জলা সুরার মত ও স্তুতি পান করে এতটুকু  
 সংশয় না রেখে । যত পায় প্রাণ ভরে না । আরো চায় । ক্রান্তি নেই ওর ।  
 আপন গানের সুরে ও বৃন্দ । ওই গান আর তার সমব্দার ওর মাতাল দৃষ্টির  
 সামনে এক হ'য়ে যায় । ওর নিজের মধ্যে যা কিছু সুন্দর, বা উত্তম, আনেৎ  
 যেন তারি মূর্ত প্রতিমা । সেই প্রতিমার পূজা করে রোজার ।

প্রথম দর্শনেই ভালোবেসে কেলেছে আনেৎ । বধন বুঝল ও-পক্ষের  
 মুগ্ধ হৃদয়ের ধারা ওর ওপরে বর্ষিত হচ্ছে, ও বাধা দিলে না । সে ক্ষীণ সংশয়  
 আর দ্বিধা জর্জেটের হাস্য আবরণের মত ওর বক্ষ-স্পন্দনকে আড়াল ক'রে  
 রেখেছিল, তাও এবার খসে পড়ল । হৃদয় মেলে দিয়ে সাজিয়ে দিল  
 প্রেম-দেবতার অর্ঘ্য । প্রেমের স্রব্ধ ওর সারা অস্তর কুঞ্চিত হ'য়ে ছিল ;

পিপাসার বুক ছিল শুকিয়ে। যে-মানুষ এসে ওর মনোহরণ করল, তার অধরের সুখা-সাগরে ডুবে পিপাসা মেটাতে কি সুখ [ এখনও কল্পনায়ই আছে ]। ওর বুকের চাওয়াকে বাইরে থেকে প'ড়ে নিয়ে সুখার পাত্র মুখের কাছে তুলে ধরল রোজার কি আকুল আগ্রহে। আনেৎ অণুতে অণুতে বিপুল কৃতজ্ঞতায় ভ'রে উঠল।...

লকলকে শিখায় আগুন জ্বলে উঠল। পরস্পরের আকাঙ্ক্ষার আগুনে ওদের হৃদয়গুলি ঝলসে গেল। যতই জ্বলে ততই বাড়ে চাওয়া আর ততই ছ'দিক থেকে চাওয়ার কুল ছাপিয়ে দেবার মাতামাতি...। বড় ক্রান্তিকর, কিন্তু ওদেবও তরুণ প্রাণে উত্তমের অভাব নেই।

কিন্তু রোজারের হঠাৎ-আক্রমণ ঠেকাতে পারেনি আনেৎ, কণেকের জন্তু ও যেন থমকে গিয়েছিল। কি যে ঘটে গেল, ও ঠাহর করার সময় পায়নি। বিপুল উচ্ছল প্রকৃতি রোজারের—একান্ত ক'রে পূর্ণ বিশ্বাসে নিজেকে ঢেলে দিতে চায় সে—ভূত, ভবিষ্যৎ, বর্তমান সব। সুদীর্ঘ কাহিনী, হোক সুদীর্ঘ কাহিনী... রোজার শোনাবে, শুনবে...আনেৎ-এর ও সর্ব ইতিহাস শুনবে, যা আছে সব নেবে। কি ক'রে আনেৎ তার গোপন মর্মকে রক্ষা করবে ভেবে পায় না, রোজার জোর ক'রে ছ'য়ার ঠেলে আসতে চায় সেখানেও। ব্যাকুল হ'য়ে ওঠে আনেৎ। রাগ হ'তে চায়...কিন্তু ভালও যেন লাগে, খুশিতে বুকটা দোলে... এক একবার ইচ্ছে হয় বেয়াদপ লোকটাকে এই হঠাৎ-হামলার জন্তু আচ্ছা ক'রে বুঝিয়ে দেবে...কিন্তু ও শক্র যে ছাই মন-কেড়ে-নেয়া শক্র! হার মানে আনেৎ...সর্বস্ব লুটিয়ে দেবার উন্মাদনায হার মানে। দেখে ব্যাণ্ডিচারী মনের লীলা [ কি জানে রোজার ওর ? ]...তার অনুরাগে বিরাগে দোল খাওয়া...

অমন ক'রে আত্মসমর্পণ হয়ত খুব বুদ্ধি-বিবেচনার কাজ হয়নি। কারণ, পরম অন্তরঙ্গ মুহুর্তে, পরম বিশ্বাসে বলা কথা হয়ত কোনও কালে অপর পক্ষের হাতের অস্ত্র হ'য়ে উঠতে পারে। কিন্তু এখন সে-কথা ভাবার সময় নেই কারো। আজ প্রেমের রং-এ সব স্বাদ। প্রিয়জনের কোন কিছুতেই আজ রাগ হয় না, অবাক লাগে না; সব পারস্পরিক অসুচ্চার আত্মনিবেদনের অভিব্যক্তির প্রতীক। রোজারের মনের ওপর কোন প্রহর থাকে না আর, যা খুশি ব'লে

স্বয়ং নির্বিচারে। যে গভীর প্রশ্ন ও নিষ্ঠা দিয়ে শোনে আনেৎ, তার ধবংস  
সাথে না রোজার।

আজ ওদের অতীত বর্তমান যুক্ত হাতে তুলে নিয়েছে ওরা গভীর  
আনন্দে; অতীত বর্তমান ভবিষ্যতের স্বপ্নের সঙ্গে মালা-গাঁথা হ'য়ে গেছে...  
ভবিষ্যৎ, দুই সম্মিলিত জীবনের ভবিষ্যৎ...। আনেৎ কিছু বলেনি, কোনও  
অস্বীকার করেনি; কিন্তু অপর পক্ষের দাবীর জোরে ওর কোনও প্রশ্নের  
অবকাশ রইল না, ও কিছু বলার অবকাশ পেল না। ওর স্বীকৃতি একেবারে  
স্বতঃসিদ্ধ হ'য়ে উঠল। এবং শেষ পর্যন্ত আনেৎ-এরও মনে হয় ওর আর কিছু  
বাকী নেই—রোজারের দাবীর স্বাক্ষরকে ও গ্রহণ করেছে।

উচ্ছ্বসিত রোজার অনর্গল তার ভাবী জীবনের স্বপ্নের কথা [ বর্তমান  
ছেড়ে ভবিষ্যৎ নিয়ে লাকার যারা তাদের অন্ততম রোজার ] বলে চলে।  
আনেৎ সুখে চোখ বুঁজে শোনে।... ভাবী জীবন? কার? আনেৎ-এরও!  
আনেৎ তো তারই অংশ।

বিলুপ্তি!...রোজারের সস্তায় ওর সস্তার বিলুপ্তি! চমকে উঠলে না  
ওর আনেৎ। ওর অবসর কষ্ট! ওর সামনে পরম বিশ্বয়ের বস্তু ওই রোজার।  
ও শুনেছে, দেখেছে, গণ্ডুস ভরে পান করে সেই বিশ্বয়কে। রোজার বলে সমাজ-  
তন্ত্রের কথা, জায়ের কথা, প্রেমের কথা, আর বন্ধন-মুক্ত মানবতার কথা।  
বিশ্বয়...বিশ্বয়...রোজার এক টুকরো বিশ্বয়...। চমৎকার ওর কথা...প্রাচুর্যে,  
বিভবে, ছন্দে...সুরে...কোমলতায়...ঔদার্যে...চমৎকার। কথার মধ্যে ওর দরদ-  
ভরা প্রাণ গলে গলে ঝরে। আনেৎ অভিভূত হ'য়ে পড়ে। এই মানুষটির সাথে  
ও যুক্ত হবে; মানবতার মহা-যজ্ঞস্থানে ও হবে তার সহ-ধর্মিনী। ও কথা  
ভাবতে ওর যেন মন মাতাল হ'য়ে ওঠে। রোজার কোনোদিন ওর চিন্তা  
মত-বাদ বা কর্মধারা সম্বন্ধে আনেৎ-এর মতামত জিজ্ঞাসা করেনি। এতো  
জানা কথাই যে রোজার যা ভাবছে, আনেৎও তাই। তার অন্তর্থা হ'তেই  
পারে না। রোজারের কথা যেন ওরই নিজস্ব কথা। রোজার বেশী ভালো  
কথা বলতে পারে, অতএব দু'জনেরই মুখপাত্র ও। ও বলে: 'আমরা করব...  
আমাদের হবে...' আনেৎ প্রতিবাদ করে না। বরঞ্চ কৃতজ্ঞ হয়। বড় বড়

ব্যাপার ; বড় অস্পষ্ট, ওকে মোটে আকর্ষণ করে না...সুতরাং এ নিয়ে ও মাথাও ঘামায় না। রোজার যেন একটা আলো...একটা পরিপূর্ণ মুক্তি...অবশ্য আলোটা একটু যেন বিক্ষিপ্ত, একটু যেন আবছা...। হয়ত আর একটু স্পষ্ট হ'লে ভালো হ'ত। তা হবে খন ধীরে ধীরে। একবারেই কি সব হয়, না সব ঠিক ক'রে বলা যায়। আনন্দটুকুকে ধ'রে রাখা চাই আগে...। আজ শুধু আনন্দ...আনন্দ আর আনন্দ...অনন্ত আকাশের অনন্ত বিসারে শুধু ডানা মেলে ওড়া আজ।

বড় ভালো লাগে আনেৎ-এর রোজারের বর-রূপ...যৌবনের বিভবে, স্বাস্থ্যে, শক্তিতে সুন্দর, শুচি, আগুন-জ্বালা দুইটি বর-দেহের আকুল আমন্ত্রণ...ক্ষণে ক্ষণে দেহের অগুতে অগুতে তড়িৎ-এর তরঙ্গ খেলে যাওয়া...। ওদের দেহের তট ছাপিয়ে যেন সব-ভাসান জোয়ার জেগে ওঠে।

কথার স্রোত যখন থেমে যায় রোজারের, সেই থেমে যাওয়ার ব্যঞ্জনা তার সুশোভন বাগ্মিতাকে ছাড়িয়ে যায়। শেষ-হওয়া কথার কম্পিত রেশে বিশাল আনন্দ-লোকের দ্বার খুলে যায়। চোখে চোখ মিলে যায়। যেন দেহে দেহে আলিঙ্গন।...চিত্তের কোসে কোসে, রক্তের অগুতে অগুতে কামনার এমনি আগুন জ্বলে ওঠে...নিশ্বাস রুদ্ধ হ'য়ে যায়...রোজার কথা ভোলে, চাল দিয়ে চোখ ধাঁধান ভোলে ; আনেৎ ভোলে বিশ্ব-জনের ভবিষ্যৎ, ভোলে আপন ভবিষ্যৎ...। দু'জনেই ভোলে আপনাকে, ভোলে বাহির, ভোলে ডুইংক্রম—ভোলে সবকিছু। এই মহা-মুহুর্তে আগুনের মুখে মোমের মত গলে গলে মিশে ওরা একাত্ম হ'য়ে যায়। সর্বশক্তিময়ী, সর্বজয়ী প্রকৃতির ক্ষুধা ; অতুল, অদ্বিতীয়, আগুনের মত সর্বগ্রাসী, আগুনের মতই পবিত্র। আনেৎ-এর মাথা ঘোরে, দেহ থর্ থর্ ক'রে কাঁপে...গালে যেন জ্বালা করে,...মস্ত উদ্ভ্রান্ত দৃষ্টিতে মাতালের মত অকস্মাৎ আপনাকে ছিনিয়ে নিয়ে যেতে চায় এই ঘূর্ণী-ঝড়ের কবল হ'তে। কিন্তু জানে, বোঝে, পালাতে পারবে না...হার মানতেই হবে...।

## [ আট ]

আনেং-রোজারের ব্যাপারটা জানাজানি হ'য়ে গেল। ওরা লুকিয়ে রাখতে পারলে না। আনেং মুখ বন্ধ করেই ছিল, কিন্তু ওর চোখ কথা কইলে। ওদের ভাব-ভঙ্গি কথা কইলে। যেমন রোজারও ধ'রে নিয়েছে, তেমনি দশজনে ধ'রে নিলে যে আনেং বাগদত্তা হয়েছে।

শুধু ব্রিসট্রাই জানে যে তা হয়নি। বাগদান আনেং করেনি। যতই উচ্ছ্বসিত সে হোক, আসল কথাটা এলে সে হামেশাই এড়িয়ে গেছে। কৌশলে কথার মোড় ঘুরিয়ে দিয়েছে। বেচারী রোজার পেছন পেছন ঘোরে, কথা কয়েই সে খুব খুশী। করেকবার এমনি ধারা হবার পর ব্রিসট্রাই লক্ষ্য করল ব্যাপারটা, ঠিক করল হস্তক্ষেপ করতে হবে। এ ভাবে আর চলতে দেয়া ঠিক নয়। অবশি আনেং-এর মন বদলাবে এমন সন্দেহ তারা করেনি—অমন পাত্র অমন ধর, আনেং তো বর্তে গেছে। কিন্তু কে জানে অল্প বয়সের মেয়ে-গুলোর কখন কি খেয়াল হয়। সংসারকে চেনে ব্রিসট্রাই, জানে থানা-ডোবায় ভরা জায়গাটা। বিশেষ ক'রে শহুরে লোকগুলোর কথা বলা যায় না। কাজেই যখন দেখা গেল আনেং কিছুতেই ধরা দেয় না, ওরা অস্থির হ'য়ে উঠল। কারণটা কি? সূত্রাং যা মেয়ে কোমর বাঁধল।

পারীতে ব্রিসট্রাইদের পরিচিত মহলে, ব্রিসট্রাই-মার্কী হাসি বলে একটা পদার্থ প্রচলিত আছে। ভারী মিষ্টি সৌজন্নের অহংমণ্ড হাসি, নিস্ত্রিতে ওজন করা অথচ হালকা ছল্ছলানী হাসি, অত্যন্ত বিজ্ঞের মত ত্রিকালজ্ঞ, অমায়িকতার গলে-পড়া অথচ নির্বিকার ওদাণ্ডে মুখ-ফেরান সে-হাসি। যা মেয়ের ঠোঁটে ও-দেখন-হাসি লেগেই আছে। দুই হাত ভরে দেয়, অথচ হাত কখনও খালি হয় না।

মাদাম ব্রিসট্রাই-এর রূপ আছে। তবে বিরাট চেহারা। চওড়া মুখ, গোল মাংস, অতি-পুষ্ট কোলা গাল। জঁকাল চলার ভঙ্গি। এই এতখানি বুক,

কথা কইতে মাখনের মত গলে যান। আনেৎ কেমন যেন বিব্রত বোধ করে। কিন্তু [একটু লক্ষ্য করলেই দেখা যায়] শুধু আনেৎ-এর সঙ্গেই অমন ক'রে কথা বলেন না—সকলের সঙ্গেই। ওই ওদের ধরণ। সকলের জন্তই ঐ তৈলাক্ত কথার দাক্ষিণ্য।

রোজারের বোনও দৈর্ঘ্যে প্রস্তুত স্বাস্থ্যে জন্মকালো। কিন্তু বর্ণে জন্ম নেই! এমনি পাণ্ডুর ফ্যাকাশে যে মনে হয় ও মার্বেল পাথরে গড়া মূর্তি। গালে চালের গুঁড়ো ঘসে আর ঠোঁটে রং-এর প্রসাধনে ফ্যাকাশে চেহারাটা যেন আরো ফ্যাকাশে লাগে। এই বিরাট খুকুটির জন্ম মায়ের ভারী ভাবনা। নিজের দীপ্তি-হীন রংটা ভালো লাগে ত্রিসট্-নন্দিনীর, তবু মায়ের খেদ শুনে শুনে ওর ধারণা হয়েছে, ওর স্বাস্থ্যটা যেন সত্যি ভালো নয়। কিন্তু তাই ব'লে কারো কাছে আদর কাড়বার চেষ্টা নেই ওর। বরঞ্চ বেশী ক'রে নিজের এনার্জি দেখান এবং ঘ্যান্ঘেনে প্যানপেনে মেয়েদের ওপর কটাক্ষপাত করেন। কিন্তু সে যাই হোক, মহিলা অত্যন্ত সজীব, অত্যন্ত কর্মঠ, সব দিক দিয়ে বেশ ভালো লাগার মত। কিছুতে ওর ক্লান্তি নেই। তিনি সব পড়েন, সব দেখেন, সব জানেন; ছবি আঁকেন, সঙ্গীতের সমালোচনা আর সাহিত্যের আলোচনা করেন। মায়ের সঙ্গে সামাজিক শিষ্টাচার রক্ষা করেন প্রতিদিন। পালা ক'রে ক'রে শ' কয়েক লিপি তো প্রায় সর্বদাষ্ট থাকে। তাদের কাউকে আজ ডিনার দেওয়া, কাল কারুর বাড়ী যাওয়া, পরশু কেউ আসবে... তারপর আছে কনসার্ট, থিয়েটার, প্রদর্শনী, পার্লামেন্টের অধিবেশন;—শ্রান্তি, ক্লান্তি, বিরক্তি নেই; থাকলে চলে না। মাঝে মাঝে এক-আধটা দীর্ঘশ্বাস পড়ে শুধু। এ ছাড়াও আছে ষাণ্ডয়ার পর্ব। দেহটাকে যতরকমে পারে খাটিয়ে নেয়; স্ততরাং না ষাণ্ডয়ালে চলবে কেমন ক'রে। পরিবারের সকলেই বেশ খেতে পারে; ও-ও খায় আর তারপর রাত্রিতে নিঃস্বপ্ন গভীর ঘুম। নিজের দেহ মনের পুরো মালিকানা ওর নিজের। বিবাহ ঠিক হ'য়ে আছে এক চম্পিশোধ রাজনৈতিক ভঙ্গলোকের সাথে। বর্তমানে সাগরপারের কোনও এক উপনিবেশের শাসক তিনি। কিন্তু শ্রীমতী না পারী ছাড়বেন, না ছাড়বেন নিজের পদবী। ক্রমেই ওর থাকার উপযুক্ত বন্দোবস্ত ক'রে দিতে হবে। স্বামীর সঙ্গে ওই বিদেশ বিড়'ই-এ কথাচ

যাবেন না উনি । নিরমিত পরস্পরের মধ্যে চিঠিপত্রের আদান প্রদান হয় । সাদা  
সিধে আন্তরিকতা-ভরা বৈয়্যিক চিঠি । সাগরটাকে ঘাবে রেখে প্রেম-  
নিবেদনের পালা চলছে ওদের বহু কাল । তাড়া নেই—সময়ের প্রতীক। শুধু ।  
এতদিনে পাত্রে বয়স কিছুটা বাড়বে সন্দেহ নেই । কিন্তু তাতে ভালোই  
হবে আরো । যত থাকবেন ততই ভালো । রাজনীতিতে বিশেষ অনুরাগ  
কুমারী ব্রিস্ট-এর । ওর মা বলে থাকেন রাজনীতিতে ওর মেয়ের নাকি ভারী  
মাথা খেলে । মা হামেশাই মেয়ের বুদ্ধির তারিফ করে থাকেন । মেয়েও  
বলেন, মার মত অমন দরাজ মন আর সাংসারিক বুদ্ধি নাকি শ'য়ে একজনের  
খেলে না । ভারী মিহি করে পরস্পরকে শ্রদ্ধা তারিফ করে ; আনেৎ-এর  
সামনে মা মেয়েতে গলা ধরে চুমু খায় । চমৎকার লাগে ।

আনেৎ-এর মন কাড়বার জন্য তাঁরা পারস্পরিক পিঠ-চুলকানোর নীতির শরণ  
নিলেন । আনেৎ, তার বাড়ী-ঘর, পোষাক পরিচ্ছদ, পছন্দ-অপছন্দ, তার বুদ্ধি,  
চেহারা...সব কিছু ভালো, এমনি ভালো যে তুলনা হয় না । কেমন ষটকা  
লাগে আনেৎ-এর । কিন্তু তারিফে মন ভেজে না, এমন মানুষ বিরল ; বিশেষ  
ক'রে সে তারিফ যদি প্রেমাস্পদের পক্ষীয় কেউ ক'রে থাকেন বিশেষ দৌত্যে ।

এ ক্ষেত্রেও যে দৌত্যেরই ব্যাপার বুঝতে কষ্ট হয় না । কথা বলতে বলতে  
মা মেয়ের মুখে ঘন ঘন রোজারের নাম । আনেৎ তাদের ছেলেকে কতখানি  
মুগ্ধ করেছে, তাকে কখন কি বলেছে [ সব বাড়ী গিয়ে বলে রোজার । আনেৎ  
কেমন বিব্রত হয়, আবার ভাল ও লাগে ] বলতে বলতে মা মেয়ে গদগদ হ'য়ে  
ওঠেন । রোজারের ভবিষ্যৎ ভারী উজ্জ্বল, কত কি সে করবে, একজন যোগ্য  
সঙ্গিনী তার চাই । নাম অবশ্রি করেন না, কিন্তু ইচ্ছিতটা স্পষ্ট ; এ ঘেন সেই  
ঠোট নাড়া থেকে কথা আন্সাজ ক'রে নেয়ার খেলা । মাদাম হাসি মুখে  
তাকিয়ে থাকেন আনেৎ-এর মুখের দিকে—এই বুঝি না-বলা কথার ভিত্তিতে ওঠ  
জোড়া মড়ে উঠবে :

‘পরম সৌভাগ্য আবার ।’

আনেৎ হাসে, ঠোট দুটি তার ঝাঁক ও হয় কিন্তু কেবল মাদামের প্রতীক্ষিত  
কথা কটি বেরোয় না ।

ত্রিসটদের বাড়ীতে সাক্ষ্য 'আসরে আনেৎ-এর নিয়ন্ত্রণ হয়। সেখানে পরিচয় হয় রোজার-এর বাবার সঙ্গে। স্থূল, দীর্ঘ দেহ, ঘন রোমশ জ্বর তলার জুল্ জুল্ করা ধূর্ত চোখ ; কদম-ছাঁট সাদা দাড়ি, ভাব-ভঙ্গি ধরণ-ধারণ কুশলী উকিলের মত—কিন্তু একটা স্নেহ-মাখা কোমলতা জড়ান। আদর-সমাদরের আতিশয্যে আর সাধারণ স্থূল রসিকতায় আনেৎকে তিনি 'অস্থির' ক'রে তুললেন। পরিবারের অন্তদের সঙ্গে ইশারার খেলায় তিনিও ভিড়তে চেষ্টা করলেন কিন্তু তাঁর আডে কথার মোটা ঠারে আনেৎ ভয় পেয়ে গেল। মাদাম ত্রিসট্ তাঁকে ধামবার জন্ত চোখ টেপেন। খেমে যান ভদ্রলোক। বাঁকা চোখের বাঁকা হাসি দিয়ে দূরে বসে খেলা দেখেন। মানেন এ সব কাজ পুরুষের নয়, এ সব মেয়েলী খেলা মেয়েরাই পারে ভালো।

প্রথম প্রথম তিন চারজন অতি ঘনিষ্ঠ পর্যায়ে বন্ধু বান্ধবও নিয়ন্ত্রিত হ'ত আনেৎ-এর সঙ্গে। ক্রমে সংখ্যা কমেতে থাকে এবং অবশেষে শুণ্ডে এসে দাঁড়ায়। আসরে অতিথির আসনে শুধু আনেৎ। মাদাম নিতান্ত মাতৃস্নেহের সহজ সুরে বলেন : 'তুমি ঘরের মেয়ে। আর এ তো আমাদের ঘরোয়া ব্যাপার।' আনেৎ টের পায়—কাদ। কিন্তু বুঝেও স'রে যায় না। রোজারের সঙ্ক-সুখ ছাড়বে কি ক'রে! রোজারের প্রতি ভালোবাসায় তার পরিবারকেও ও প্রশ্রয়েব চোখে দেখে ; যদিও এদের অনেক কিছুই গোপনে ওর মনকে পীড়া দেয় তবু। চোখ বন্ধ ক'রে থাকে আনেৎ। কিন্তু নারীর সহজাত প্রথর বুদ্ধি দিয়ে দিয়ে ত্রিসট্ মহিলারা বোঝেন ওর মন, স্পষ্ট দেখতে পান। নিজেদের অত্যন্ত ভালোবাসে ত্রিসট্‌রা, তাই স্বার্থঘাতী কিছু করা তাদের স্বভাব নয়। সুতরাং এখন অবস্থা বুঝে মা মেয়ে প্রকাশ্যে আসর থেকে কিছু আড়ালে আসেন ; কথা কম বলেন এবং প্রেমিকদের একলা থাকার অবাধ সুযোগ দেন। কিন্তু আনেৎ-এর মুখ খোলে না। আসল কথার ধার দিয়েও যায় না ও। রোজার অস্থির হ'য়ে ওঠে। মা মেয়ে আরো স্পষ্ট ক'রে ওর চোখে আগুল দিয়ে দেখিয়ে দেয়। ওর আত্ম-বিশ্বাস ন'ড়ে ওঠে, কিন্তু আনেৎকে যেন আরো ভাল লাগে। আর বক্তৃতা দেয় না রোজার ; ওর কথার স্রোতে তাটা পড়ে। আজ জীবনে এই প্রথম ও অন্তের মনের দিকে চোখ ফেরায়, পড়তে চেষ্টা করে তার ভাষা। আনেৎ-এর



পাশে বসে বসে ও মিনতি-ভরা ব্যগ্র চোখ দিয়ে ওই ছোট রহস্যটুকুর অতল তল খোঁজে। পায় না, অশান্ত হয়ে ওঠে। ভারী কৌতুক লাগে আনেৎ-এর মানুষটার এই অস্থিরতা, এই ভীক ভীক ভাব, আর ওর প্রতিটি নড়া-চড়ার দিকে তাকিয়ে থাকার এই মর্মান্তিকতা দেখে। এমন অবস্থা রোজারের আর কোন দিন দেখেনি আনেৎ। ওর মনটা নাড়া খায়। ভাবে, আর ঝুলিয়ে রাখা নয় বেচারীকে। একটা জীবন-মরণ সমস্যার সমাধান করতে পারে যে কথাটা, তা ওর জিভের ডগায় প্রায় বেরিয়ে আসে। কিন্তু কি করে যেন শেষ মুহুর্তে পিছিয়ে যায়। চরম-সংকটটির পাশ কাটিয়ে ও যেন যাহুর জোরে বেরিয়ে আসে...

তারপর। তারপর ফাঁদের মুখ বন্ধ হয়ে যায়। পাশের ঘরে যা মেরে কখনও নিঃশব্দে বসে তাদের নিষ্ফল দৌত্য সম্বন্ধে ভেবে অস্থির হন; কখনও বা ছল করে ড্রইং-রুমের ভেতর দিয়ে হেঁটে যান। যাবার সময় অমায়িক হেসে দু' একটা সৌজন্যের কথা বলে যান। আসল মানুষ দু'টির বিশ্বস্তালাপে ছেদ পড়ে না।

সে-দিন সন্ধ্যাবেলা একটা ছবির র্যালিবামকে সাক্ষী-গোপাল সামনে রেখে হার ওপর আঙ্গুল চালাতে চালাতে নিচু-স্বরে কথা বলছিল ওরা দু'জন মশগুল হয়ে। হঠাৎ কথা বন্ধ হয়ে যায়। আনেৎ যেন বিপদের গন্ধ পায়। ও উঠতে চায়, কিন্তু চোখের পলকে রোজার একে বাহু-পাশে বন্ধ করে তার কম্পিত উক ঠোঁট দু'টি ওর ঈমস্তির ওষ্ঠের ফাঁকে চেপে ধরে। আনেৎ আত্মরক্ষা করতে চেষ্টা করে। কিন্তু কাকে রক্ষা করবে? ও নিজেই যে নিজের শত্রু! সরে যেতে চায়, কিন্তু বিশ্বাসঘাতকতা করে বসে ওর ওষ্ঠ; চুষনে চুষন মিলে যায়।

হঠাৎ ড্রইং-রুমের প্রান্ত থেকে শোনা যায় :

‘বৈচে থাক লক্ষ্মী মা আমার, আশীর্বাদ করি।’ ডাক শোনা যায় :

‘ও আদেল...ও কর্তা, কোথায় গেলে সব!’

আনেৎ স্তম্ভিত বিমূঢ়। নিমেষের মধ্যে গোটা ব্রিসট্ পরিবার ওকে ঘিরে ফেলেছে। সকলের চোখে গদগদ ভাব। যা আনেৎকে জড়িয়ে ধরে কেবলি চুমু খান আর ঘন ঘন কুমাল দিয়ে চোখ মুছতে মুছতে বলেন :

‘রোজারকে ছেড়ে দিসনে মা, একটু ভালোটালো বাসিস্।’

আদেল ডাকে : ‘বৌদি।’

আর কৰ্তা—অনৰ্থ বাধাইতেই আছেন। বলে বসেন : ‘বাপ্‌স্! এতদিন লাগল।’

রোজার নতজানু হয়ে বসে উদ্ভ্রান্তের মত আনেৎ-এর হাতে চুমু খায়, আর সলজ্জ ভীক করে কাকুতি করে : ‘আর না বলোনা আনেৎ...বলোনা...’

আনেৎ পাথরের মত শক্ত হ’য়ে বসে আছে। রোজারকে বাধা দেবার শক্তি নেই। প্রিয় আঁধি-ছটির কাতর দৃষ্টি ওর শেষ বাধটুকুও ভেঙ্গে দিতে চায়। তবু একবার শেষ চেষ্টা...শেষ প্রতিবাদ...[ কি বলছ তোমরা? আমি তো বলিনি কিছু? আমি— ]

কিন্তু রোজারের দৃষ্টিতে ঘন হ’য়ে উঠেছে যে বেদনা, তাতে তো মিথ্যে নেই, ছলনা নেই,—এ যে তার মর্ম-মূলের। সতীতে পারল না আনেৎ। সুখে রোজারের মুখ আলো হ’য়ে ওঠে। সেই আলোর আলোকময়ী হলো আনেৎ। রোজারের মাথাট তার দুই হাতের আলিঙ্গনে তুলে নিল। সুখাঙ্গ-ধারায় অস্তরের ভার হালকা হ’য়ে গেল রোজারের। চুষনের অক্ষরে, স্বজনদের দৃষ্টির সাক্ষ্য স্বাক্ষরিত হ’লে তাদের বাগ্‌দান।

[ নয় ]

রাত্রিবেলা নিজের ঘরে নিজেকে একা পেয়ে স্তম্ভিত হ’য়ে গেল আনেৎ। একি হ’য়ে গেল? ও আর নিজের নয়? ও দস্তা! দান ক’রে দিয়েছে নিজেকে? স্ব স্ব ত্যাগ ক’রে? একেবারে নিঃশেষে?...বেদনায় ওর অস্তর কঁকড়ে যায়।

এই একটু আগের স্বীকার-করা বন্ধনটাকে ওর বড় কঠিন মনে হয় এখনই। বিবাহ বিচ্ছেদের চাবি হাতের মুঠোর বেধে প্রেম নিয়ে খেলা করবার বেয়ে ও নয়। ও এক হাতে দিয়ে অন্য হাতে মিতে জানে না। ও জানে নিজের

ওপর মালিকানা হারিয়েছে ও। ও আজ ব্রিসট্‌দের সম্পত্তি। হঠাৎ ঐ লোকগুলোয় উপর ওর মন বিধিয়ে ওঠে। এক সপ্তাহ ধরে ওদের ব্যাপারে যা দেখল, এই মুহূর্তে শত গুণ বেড়ে তা ওর মনকে ছেয়ে ফেলল। ওকে হাতের মুঠোয় পাবার জন্য এক জোট হ'য়ে কি বিক্রী কাণ্ডই না ক'রে ছাড়ল ওরা, ওর স্বাধীনতা হরণ করবার জন্য ষড়যন্ত্র করেছিল ওরা। আর শেষ পর্বস্তু কাদে ফেলে ওর সম্পত্তি আদায় ক'রে নিয়েছে। [রোজার...রোজারও কি ছিল সেই ষড়যন্ত্রে ? ]...

শিকারীর তাড়া-খাওয়া জন্তুর মত কোণ-ঠাসা হ'য়ে দাঁড়িয়ে দেখে আনেৎ শক্র ব্যুহ ক্রমশঃ ছোট হ'য়ে ঘিরে আসছে ; আর আশা নেই। মাথা নিচু ক'রে অন্ধ বেগে শক্রর ওপর ঝাঁপিয়ে প'ড়তে চায় মরণ না-হয় মারন পণ ক'রে। ব্রিসট্‌দের যা কিছু ওর এত দিন খারাপ লেগেছে, যে সব কথা ও এড়িয়ে গেছে, কানে তোলেনি—সব আজ সহস্র গুণ বড় আর কুৎসিৎ হ'য়ে ভেসে ওঠে। স্মরণ, চুঃখে ওর অসহ্য লাগে। রোজারও আছে এদের মধ্যে ? আছে সে ? ঐ লোকটা, তার পরিবার, তাদের আশা-আকাঙ্ক্ষা যা ওর নয়, হবে না কোন কালে, ওর সাথে কোথাও যার মিল নেই, তার মধ্যে নিজেকে বিসর্জন দিয়ে ও বাচবে কি ক'রে ? না, তা পারবে না। বাধন ছিড়বে আনেৎ।

কিন্তু সবে বাগ্‌দান হ'য়েছে—এরই মধ্যে ? রাজী হবে রোজার ? হতেই হবে। সাধ্য কি তার ওকে ধরে রাখে।...বাধা দিতেও বা পারে সে...কথাটা মনে হ'তেই কেমন স্মৃণা হয় ওর রোজারের ওপর। এই মুহূর্তে ও অবলীলায় তার বুক ভেঙ্গে দিতে পারে নিজের মুক্তির জন্য, কারো ক্ষতি-বৃদ্ধি দুঃখ-ব্যথার কথা ভাবতে পারছে না ও...মনে প'ড়ে যায় রোজারের মিনতি-ভরা দৃষ্টি... চম্কে ওঠে ও...হোক। তাকাবে না ও ওদিকে...নিমঞ্জমান মানুষের বাচার তাগিদ, তার সহজাত আত্ম-সংরক্ষণ প্রবৃত্তি আজ দয়া মায়া কোমলতা সব কিছুকে ছাড়িয়ে ওপরে উঠল। বাচাতেই হবে ওকে। বাধা যে দেবে তার ভালো হবে না।

সারা রাত ঘুম হ'লো না। অস্থির ভাবে এ পাশ ও পাশ ক'রে বিনিদ্র গ্রহণ কাটে। বাধন-ছেড়ার পালার রোজারের সঙ্গে কোন দৃষ্টের অবতারণা

হবে, অন্ধকারের পটে তার ছবি আঁকে শুয়ে শুয়ে। ছ'জনের মধ্যে কি কথা হবে বারে বারে আউড়ে আউড়ে দেখে। প্রথমটায় বোঝান। তারপর তর্ক; তারপর রাগ, কাকুতি মিনতি। সর্ব-শেষ মুখ কিরিয়ে নেওয়া। রাত ভোর হয়। ক্লাস্ত অবসন্ন আনেৎ, কিন্তু ওর সংকল্প স্থির হ'য়ে গেছে। ও যাবে নিজে, রোজারের বাড়ীতে গিয়ে ব'লে আসবে। না থাক, চিঠি লিখে দেবে। বলতে গেলে বেধে যায়। কলমের মুখে ধস্ ধস্ ক'রে বক্তব্য অবলীলায় লিখে ফেলা যায়। বাধন ওকে ছিঁড়তেই হবে। চিঠি পেয়েই ত্রিসট'রা ছুটে আসবে নিশ্চয়। তাদের সামনে থাকা চলবে না। ও চ'লে যাবে পারী ছেড়ে, শহরতলীর কোন ছোট হোটেলে ক'টা সপ্তাহ কাটিয়ে আসবে। উঠে সত্যি চিঠি খানা লিখে ফেলল—কি লিখবে তা তো মুখস্থ হ'য়েই ছিল রাতে, কাজেই দেরী হ'ল না, কলম চলল তীরের বেগে।

তারপর গোছাতে বসল। ঘর ময় সব ছড়িয়ে আছে। এমনি সময় এল রোজার। তাই তো দরজাটা বন্ধ ক'রে রাখার কথা তো মনে হয়নি। তা ছাড়া ভোর না হ'তেই লোকটা এমনি ছুটে আসবে, তাই বা কে জানতো! মনের ঝোঁকে তবু সইল না, ভৃত্য এসে খবর দেবার আগেই অতিথি এসে উঠল ঘরে। খুল নিয়ে এসেছে...আনন্দে কৃতজ্ঞতায় ভরা অন্তর টলমল করছে ওর, ঝলমল করছে সারা সত্তা। এত সুন্দর, এত মনোহর, ভালোবাসা যেম গলে গলে পড়ছে চোখ মুখ থেকে...আনেৎ-এর মুখে কথা সরে না। ...সমস্ত সংকল্প ভেসে যায়। প্রথম দৃষ্টিপাতেই আবার হৃদয়ে হৃদয়ে গাঁঠ-ছড়া পড়ে। আশ্চর্য কুহক ভালোবাসার। এতক্ষণ ধ'রে বিবাহের বিরুদ্ধে কত যুক্তিতে শান প'ড়েছিল, তারা সব পাণ্টে এল বিবাহের সপক্ষে। যুদ্ধং দেহি বলতে চাইল ও। কিন্তু বিনিদ্র উবেজিত রাত্রির তামস স্বাক্ষরের বলয়ে ওর দুই চোখ আনন্দে জলে উঠল। রোজার! আমার রোজার! মাতাল দৃষ্টি দিয়ে আনেৎ-এর রোজার পান করছে তার প্রিয়াকে। আনেৎ দেখে দেখে ভাবে: 'আমি যেন মন স্থির ক'রে কেলেছি...যানে, করতেই হবে এখন...কিন্তু, স্থির? কি স্থির?'

কেমন ক'রে জানবে আনেৎ তার দয়িতের পিয়াসী দৃষ্টির সামনে দাঁড়িয়ে কি সংকল্প ক'রেছে তার মন! ভাববে? কেমন ক'রে ভাববে? কেমন ক'রে

নিজেকে ফিরিয়ে পাবে আনেৎ !...জানে না, তাও জানে না আনেৎ । ও ডুবছে, ডুবছে, একেবারে ডুবছে...কিন্তু...ভালোবাসে ? রোজার ওকে ভালোবাসে ? আনেৎ প্রিয়া ! এত ভালো লাগছে মনে করতে ! ও আর কিছু বলতে পারবে না, একটি কথাও না । শুধু বললে রোজারকে বিয়ের জন্ত তাড়াহুড়ো যেন না করে । নিমেষে মুমড়ে পড়ে রোজার । ওর সমস্ত মুখ কালো হ'য়ে যায় । আনেৎ খেমে যায় । এ ছেলেকে আঘাত দেওয়া যায় ! ব্যস্ত হ'য়ে বারংবার ব'লে : 'ভালোবাসি, ভালোবাসি ।' বিয়ে পেছবার কথায় প্রবল কঠে প্রতিবাদ করে রোজার ; এ যেন তার জীবন-মরণের সমস্তা । ফীণ হ'য়ে আসে আনেৎ-এর আবেদন ।

শেষ পর্বন্ত মিঠে আপস—গ্রীষ্মের মাকামাঝি বিয়ে ।

রোজার চ'লে যায় । আশনার সামনে গিয়ে দাঁড়ায় আনেৎ । ভীক দৃষ্টিতে নিজের প্রতিবিম্বের দিকে তাকায় । সেই আগেকার অনবস্থিত চিত্তের ছায়া মুখে ! কি ক'রে রেভাইট পাওয়া যায় ? অসমাপ্ত বাস্তব গোছানটাই শেষ ক'রে ফেলা যাক !

'চমৎকার ! চমৎকার !' কাঁধ নাচিয়ে হাসে আনেৎ ।—কি সুন্দর দেখতে রোজার !—ট্রাঙ্কে রাখার জন্ত যে-সব জামা কাপড় আলমারী থেকে বেরিয়েছিল স্বস্থানে ফিরে যায় তারা...

'কিন্তু সে যাঁট হোক, আমি চাইনে, চাইনে ।' ও ভাবে ।

হাত কেঁপে এক প্রস্থ জামা কাপড় পড়ে যায় ।...ওদিকে ধপ ক'রে প্রসাধনের জিনিসগুলিও পড়ে ।—হুজোর ! অসহিষ্ণু ভাবে মাটিতে পড়া স্তূপটার উপর লাধি মারে ও...

নীচু হ'য়ে কুড়িয়ে নেয় জিনিসগুলি । আধপথে ওর হাত খেমে যায় । মাটির ওপর অবসন্ন ভাবে বসে পড়ে...মন কেন শক্ত ক'রে রাখতে পারে না ও !...

'দূর হোক, ছাই !' গালিচার ওপর হাত পা ছড়িয়ে লম্বা হ'য়ে শুয়ে নিজের মনেই ঝংকার দিয়ে ওঠে : 'চারটে মাস তো সামনে আছে বাপু । মন বদলাবার যথেষ্ট সময় আছে—'

উপুড় হয়ে প'ড়ে বালিশে মুখ গুঁজে ও দিন গোনো...

ব্রিস্ট্রা হিসেব ক'রে দেখলেন আনেৎ-এর বিয়ের তারিখ শিছানোর প্রস্তাবে মত দেওয়াই বিবেচনার কাজ হবে। তাড়াছড়ো করলে আসলই হয়তো বানচাল হ'য়ে বসবে। কিন্তু তাই বলে মাঝের মাস ক'টা আনেৎকে একা ছেড়ে দেয়া চলবে না। ওকে আগলে রাখতে হবে। যা অদ্বুত খামখেয়ালী মেয়ে—কখন কি ক'রে বসে।

ইষ্টারের আর দেবী নেই বেশী। আনেৎ ওদের সঙ্গে দেশের বাড়ীতে গিয়ে ছুটি কাটানোর নিমন্ত্রণ পেল। আনেৎ স্বীকার করল : কিন্তু বিধা রইল। এক দিকে লোভ, আর একদিকে ভয় ; কে জানে যদি কাস আরও শক্ত হ'য়ে গলায় বসে। যদি একেবারে বন্দী হয় ! যদি আবার সব ভেঙ্গে চূড়েই যায় ! এ ছাড়াও ভয় করে—আরো সাংঘাতিক ভয়...মনে আনতে চায়না আনেৎ। সংশয়ের এই দোলার মধ্যে আরামে দোল খায় আনেৎ। এ ছেড়ে ও পালাতে চায় না। একটু ক্রেশ হয়—কিন্তু ভারী রোমাঞ্চ আছে। যতদিন চলে চলুক না। কিন্তু বোঝে, ভালো হচ্ছে না। রোজারের সামনে দাঁড়িয়ে অনিশ্চয়তার দোল খাওয়া স্বাস্থ্যকর নয়।

শেষ পর্যন্ত ঠিক করল, সিল্ভীকে বলবে খুলে। হয়তো পথ দেখাতে পারবে ও। আজ পর্যন্ত রোজারের বিষয় একটি কথাও ও তাকে বলেনি। অথচ সব কথাই ও খুলে বলে সিল্ভীকে। তার কাছে ওর গোপন নেই কিছু। অন্তান্ত ছেলে বন্ধুদের কথাও বলেছে—কারণ তাদের তো ভালোবাসেনি আনেৎ।

ওনে সিল্ভী চিৎকার ক'রে ওঠে : 'ও দিদি, ডুবে ডুবে এত জল ঝেঞ্জিছস।'

হেসে গড়িয়ে আনেৎ ওকে বোঝাতে চেষ্টা করে ওর সমস্তা আর সংগ্রাম। সিল্ভী জিজ্ঞাসা করে : 'আচ্ছা দিদি, যে পাখীটা ধরলি, কেমন দেখতে ? খুব সুন্দর ?'

‘শিষ্টর ।’ আনেৎ জবাব দেয় ।

‘তোমাকে ভালোবাসে ?’

‘হঁ ।’

‘আর তুমি ?’

‘বাসি, বই কি ।’

‘তাহ’লে আটকাচ্ছে কোথায় ?’

‘মুন্সিল তো শুধানেই ! কি ক’রে বোঝাব তোকে ?...আমি সত্যি ভালোবাসি ওকে...ভয়ানক ভালোবাসি...এত সুন্দর ওর সব...!’ [ বর্ণনা ক’রতে বসে যায় আনেৎ । সিল্ভীর চোখে বাঁকা হাসি খেলে । তারপর হঠাৎ খেমে যায়... ]

‘আমি ভয়ানক ভালোবাসি ওকে...সত্যি ভয়ানক...আবার ভালোবাসি ওনা...ওর ভেতরে এমন কতগুলি জিনিস আছে...থাকা চলে না ওর সঙ্গে...কোনোমতে না...কিন্তু ও যে আমায় বড় বেশী ভালোবাসে । পারলে হয়তো গিলে ফেলে আমায় একেবারে...’

[ সিল্ভী আবার হো হো ক’রে হেসে ওঠে । ]

‘...সত্যি বলছি তোকে, পারলে ও খেয়েই ফেলে আমায়, একেবারে গিলে ফেলে...কেবল আমায় কেন, আমার গোটা জীবনটা—তার যত চিন্তা, যত স্বপ্ন সব মুদ্র । এমন কি আমার নিশ্বাসটুকু অবধি...সব, সব...। ভারী খাটয়ে রোজার, জানিস্ ! খাবার টেবিলে যদি দেখতিস্ ! সত্যি ভারী চমৎকার লাগে ওর খাওয়া...বেশ প্রচুর ফিদোট আছে...কিন্তু তাই বলে আমায় ও খাবে তা আমি মোটেই চাই নে ।’

আবার হাসিতে ফেটে পড়ে সিল্ভী । দিদির কাঁধে মুখ গুঁজে দমকে দমকে হাসে । আনেৎ বলে চলে : ‘জ্যাস্ত তোকে গিলে থাকছে কেউ, ভাব তো ! কিছু থাকছে না...না তুই, না তোর কিছু...চেষ্ঠা করছিস, কিন্তু রাখতে পারছিস্ না কিছু । কেমন লাগে ভাবতো !...ওর মনেই হয় না এসব কথা । ওর কি খেয়াল আছে যে সত্যি আমায় গিলে ফেলছে ও...ওখু উদ্ভাদের যত ভালোবাসে । আমার মনে হয়, ওর ভালোবাসায় ঢেকে গেছি

আমি, ও নিজেও। সে ঢাকন্য তুলে আমায় দেখবার চেষ্টা করেনা ও। করবার কথা মনেও হয় না। ও আসে...হুহাত ভ'রে নেয়...সে-নেয়ার সাথে আমায় স্কন্ধ নিয়ে যায়...'

‘বাঃ, চমৎকার!’ সিল্ভী বলে।

ওকে হু'হাতে জড়িয়ে ধরে আনেৎ বলে : ‘কেবল বাজে কথা।’

‘বেশ তো, আসল কথাটা কি, তাই বল না!’

‘বিয়ের কথা। শক্ত জিনিস। ভালো ক'রে ভাবা দরকার।’

‘শক্তটা আর কোথায়! আমার তো মনে হয় একদম জল।’

‘তুই বলছিস্ কি সিল্ভী! সহজ কথা হ'লো! তোর ব'লে কিছু থাকবে না। নিঃশেষে সব দিয়ে দিতে হবে, আর বলছিস্ কিনা জল!’

‘সব দিবি কেন? কে বলছে সব দিতে হবে? তোর মাথা খারাপ!’

‘ও যে সব চায়—!’

সিল্ভী পরম কৌতুকে মাছের মত চল্ চল ক'রে ওঠে। বলে : ‘বোকা, বোকা, আস্ত বোকা তুমি একটি। খুকুমনি, হুহু খাবে!’

[যা খুশি মানুষ চাক, তোমার যা দেবার দেবে। যা রাখবার রেখে দেবে। অত বলা কওয়ার দরকারটা কি...এই হ'লো সিল্ভীর সোজা আর সহজ হিসেব। পুরুষ এবং তাদের দাবীকে ও কেমন একটা স্নেহ প্লেথ মিশিয়ে দেখে। লোকগুলো চায় মেলাই...কিন্তু মগজে বুদ্ধি কিছু কম।]

‘মোটাই খুকু নই আমি।’ আনেৎ বলে।

‘নয় তো কি! সব জিনিস এত সত্যি ব'লে নাও কেন?...’ সিল্ভী বলে।

আনেৎকে স্বীকার করতে হয়। ‘সত্যিবে, ঠিকই বলেছিস।...তোর মত যদি হ'তে পারতাম।...তোর কপালই ভালো।...’

‘বদলাবে কপালটা, দিদি!’

বদলাবার ইচ্ছা সত্যি আনেৎ-এর নাই। সিল্ভী ওকে শাস্ত ক'রে রেখে যায়। কিন্তু আনেৎ নিজেকে তবু বোঝে না। নিজের কাছেই হেঁয়ালী।

‘কি অদ্ভুত!’ ও ভাবে : ‘আমি সব দিতেও চাই, আবার সব রাখতেও চাই...এ আবার কেমন...!’



পরের দিন। কাল যাবে, গোছগাছ করছিল আনেৎ। মনের কোণে মেঘ জমে উঠছিল আবার। ভৃত্য এসে সংবাদ দিল মাসে'ল ফ্রাংক এসেছেন।

স্বাগত সস্তাষণ হ'য়ে গেল, মাসে'ল তুলল আনেৎ-এর বিয়ের কথা। শুনেছে রোজারের কাছ থেকে। অতি সুঠু মোলায়েম ভঙ্গিতে অভিনন্দন জানাল—ওর স্বরে, চোখের দৃষ্টিতে স্বৈহৃৎ একটু প্লেবের আভাস, আবার কেমন মমতা-ভরা। কি যেন আছে ফ্রাংক-এর মধ্যে—ভারী স্বাচ্ছন্দ্য বোধ করে আনেৎ। এ যেন সেই সুহৃৎ যার সব-বোঝা, সব-দেখা, তীক্ষ্ণ-দৃষ্টি তোমার মর্মখানা পড়ে নেবে এক নিমেষে—যার কাছে বলারও প্রয়োজন নেই, গোপন করবার প্রয়োজন নেই; আখখানা কথাই যার কাছে পুরো কথা হ'য়ে ওঠে—। রোজার-এর ওপর হিংসে হয় মাসে'ল-এর। তবু হাসিমুখেই আলোচনা করলে ওর কথা। আনেৎ খুব ভালো ক'রে জানে মাসে'ল সত্যি কথা বলে, আরও জানে সে ওকে ভালোবাসে। কিন্তু তাতে বিব্রত হলোনা কেউ। রোজারকে ভালো ক'রে জানে মাসে'ল—আনেৎ তার সম্বন্ধে ওকে নানা কথা জিজ্ঞাসা করে। মাসে'ল মুখর হ'য়ে প্রশংসা করে। আনেৎ জোর করে—অমন ভদ্রতার খোলস পরিষ্ক্রে আলাপ না করলেও চলবে; ও হাসতে হাসতে বলে আনেৎ তো জানেই রোজার কেমন। ও কি আর বেশী চেনে তাকে। ব'লে এমনি স্থির, অন্তর্ভেদী দৃষ্টিতে ও আনেৎ-এর দিকে তাকিয়ে থাকে যে লজ্জায় সংকুচিত হ'য়ে ও দৃষ্টি ফিরিয়ে নেয়। তারপর আবার চোখ তুলে সোজা দৃষ্টি মেলে দেয় মাসে'ল-এর দিকে—মাসে'ল-এর মুখে একটা প্রখর ঝাঁক হাসি—সেই হাসিই বলে দিলে ছ'জনেই বুঝেছে দুজনকে। এটা সেটা নানা বাজে কথার পর হঠাৎ আনেৎ বলে একটু যেন চিস্তিত ভাবেই :

‘সত্যি ক'রে বলুন তো, আমি কি ভুল করেছি ?’

‘আপনি ভুল করেছেন এমন কথা আমি কি ক'রে ভাবি বলুন তো।’  
মাসে'ল বলে।

‘ছেড়ে দিন ভদ্রতা। আপনার কাছে থেকে আমি সত্য কথা শুনতে চাই, এবং একমাত্র আপনিই আমায় বলতে পারেন।’

‘আপনি তো বোঝেন আমার অবস্থাটা খুব সুবিধের নয়।’

‘আমি জানি তা। এবং এও জানি জাভে আপনার সত্য-বিচারে বাধবে না কোথাও।

‘ধন্যবাদ।’ মার্সেল বলে।

‘রোজার আর আমি ছ’জনেই ভুল করেছি, তাই কি আপনার মনে হয়?’

‘আমার মনের কথা গুনবেন? আমার মনে হয় আপনারা আত্ম-হুলসা করছেন।’

খানিকক্ষণ মাথা নিচু ক’রে থেকে আনেৎ বলে :

‘আমারও তাই মনে হয়।’

মার্সেল ছবাব দিলে না। আনেৎ-এর দিকে তাকিয়ে হাসতে লাগল।

‘হাসছেন যে?’ আনেৎ বলে।

‘আমি জানতাম—আপনার ওই মনে হচ্ছে।’

‘আমায় কি ভাবছেন বলুন তো?’ আনেৎ ওর দিকে তাকিয়ে বলে।

‘আপনার গুরুগিরি ক’রতে আসিনি তো এখানে।’

‘না না তা নয়। তবে ওতে আমার নিজেকে চিনবার পক্ষে একটু সুবিধে হ’তো। তাই বলছিলাম।’

‘আপনি? শুধু তা’হলে,’ মার্সেল বলে : ‘আপনাকে বিদ্রোহী প্রেমিকা বলা চলে। অর্থাৎ হামেশাই আপনি প্রেমে টলমল করছেন, আবার হামেশাই ও নিয়ে নিজেকে চোখ রাখাচ্ছেন। একদিকে মনে রয়েছে নিজেকে দেবার ক্ষুধা, আর এক দিকে রয়েছে আগলে রাখার টান।’

[ আনেৎ চমকে ওঠে, বোঝা যায় সেটা স্পষ্ট— ]

‘আপনাকে ঘাবড়ে দিচ্ছি, নিশ্চয়ই।’

‘না না মোটেই না। বরং উল্টো। অত্যন্ত সত্য কথা বলেছেন। ধান্বেন না, বলুন, বলুন, আরো বলুন...’

মার্সেল বলে চলে :

‘একদিকে চান স্বাধীন থাকবেন, আবার একাও থাকতে পারেন না। সঙ্গী চাই। এই হচ্ছে প্রকৃতির নিয়ম। আপনি অত্যন্ত বেশী জীবন্ত বলে, আপনার সঙ্গীর অভাব খুব তীব্র ভাবে মনে হয়।’

‘আপনি ঠিক বুঝেছেন আশার। রোজারও অমন করে বুঝতে পারে না। কিন্তু...’

‘কিন্তু আপনি তো তাকেই ভালোবাসেন।’

‘যে কখনও ঝাঁক নেই। অদ্ভুত মনুষ্য-প্রকৃতির কথা মনে করে দু’জনেই কৌতুক অনুভব করে; পরিপূর্ণ আন্তরিকতায় পরস্পরের দিকে তাকিয়ে থাকে।’

‘জোড়-বাধা হ’য়ে বেঁচে থাকা যায়।’ আনেৎ বলে।

‘অন্যায়সেই যেত যদি না যুগ যুগ ধ’রে সময় খরচ করে বুদ্ধি খরচ করে কৌশলে পরস্পরের মুখে লাগাম কয়ে জীবনটাকে অমন জটিল করে না তুলতো। মন্দ হতো না জীবনটা তাহ’লে। ক্রান্তির ভালো ছেলেরের মত স্বভাবতঃই রোজার ও-কথা স্বীকার করতে চায় না। ওরা ভাবে সেকলে এই সব বিধিনিষেধের কাস না থাকলেই সর্বনাশ। সব জাহারমে যাবে। “সংযম ছাড়া সুখ হয় না” এই হ’লো তাদের মত। আর সংযম মানে তো শুধু নিজের রাশ টানা নয়, আশ পাশের সকলের সুখ।’

‘তা হ’লে বিয়ে সম্বন্ধে আপনার মতটা কি?’

‘দুটি মানুষের আশা আকাঙ্ক্ষা আনন্দের সূত্র সময়ের নামই বিবাহ। আমাদের জীবন দ্রাক্ষা-ক্ষেত, বুরলেন। ওটা যৌথ সম্পত্তি, আমরা ভোগ করি যৌথ-ভাবে। এক সাথে মাটি চষি, ফসল ফলাই, ডালা ভ’রে কল তুলি। কিন্তু তাই ব’লে যে হামেশা মুখোমুখি ব’সে সেই আনন্দের সুরা পান করতে হবে এমন কোন বাধ্য-বাধকতা নেই। বাস্ পারস্পরিক সহজ সংসর্কে আমাদের হৃদয়ের দেয়া নেওয়া। আনন্দ চাই, দাবী করি। সেই আনন্দ আবার মিলিয়ে দি; আর কারো মন যদি চায় সংযত হ’য়ে অন্য ক্ষেত্রে গিয়ে তার ফসল কাটা শেষ করার স্বাধীনতা, তাও ওই আনন্দের মধ্যেই আছে।’

‘অর্থাৎ বলুন,’ আনেৎ বলে : ‘ব্যক্তিচারের স্বাধীনতা।’

‘ব্যক্তিচার। নেহাৎ পুরানো পচা সেকলে কথা হ’লো ওটা। ও-কথাটা আজকাল অচল। আমি বলতে চাই, যাকে আপনি ব্যক্তিচার বলছেন, ব্যক্তিচার তা নয়, তা হ’লো ভালোবাসার স্বাধীনতা। ভালোবাসার স্বাধীনতাই আসল স্বাধীনতা।’

‘ওসব আমি বুঝি-টুঝি না! বিয়েটাকে আমি সাধারণের পার্ক বলে মনে করি না—যে, যত লোক আসবে যাবে সকলের সংগে যেসামসি করে চলবে; সকলের কাছে নিজকে বিক্রিয়ে দেবে। দেয়া চলে একজনকে। ধরুন একদিন যাকে ভালোবেসেছিলাম আজ সে দূরের মানুষ। মন হাত বাড়ায় লক্ষ্যান্তরে। তখন তার পথ থেকে একেবারে সরে আসব সব হিসেব চুকিয়ে—বাটোয়ারা করতে পারব না নিজকে। ভাগাভাগি আমি সহিতে পারিনে।’

মার্সেল একটা বিজ্ঞপের ভঙ্গি করে, যেন বলতে চায়: ‘তাতে হ’লোটা কি?....’

আনেৎ বলে চলে:

‘সুতরাং দেখছেন, আমি এই শেষে যা বললাম সে-হিসেবে আপনার চেয়ে মোজারের সফেই আমার মিল বেশী।’

‘তাহলে আপনিও দেখছি সনাতনী, অর্থাৎ সেই যে বলেছে “আমি তোমার পারের বেড়ী, তুমি আমার গলার ফাঁস” কেমন! দু’জনেই দু’জনকে আচ্ছা করে বেঁধে রাখবেন।’ মার্সেল জোর দিয়ে বলে।

‘ওই তো সৌন্দর্য। বিবাহের আসল রসই হ’লো একনিষ্ঠতা। অর্থাৎ তুমি আমার একমাত্র, আমি তোমার অধিষ্ঠা। বিশ্বাসের সোনার স্তোত্র দু’টি হৃদয় এক করে বাঁধা। আসলই যদি নষ্ট হয়, স্তদের কি দাম বলুন!’

‘কমই বা কি?’

‘না না এতটুকুও দাম নেই; আসল যা গেল তার কতটুকু ক্ষতিপূরণ হয় ওতে?’

‘বেশ তো, তাই যদি হয়, তাহলে আর নালিশ কিসের আপনার! নিজের হাতেই তো দেখছি দোর আঁটছেন।’

‘নিজের স্বাধীনতা বিলিয়ে দিতে মোটেই রাজী নই আমি। কিন্তু তাই বলে হৃদয়ের বেলায় স্বেচ্ছাচারও চাইনে। হৃদয় নিয়ে উৎসর্গ ভালো লাগে না আমার। ওটি যাকে দিলুম তো দিলুমই। চিরকাল তার জন্ত আগলে রাখব। সে-কমতা আমার আছে।’

‘সত্যি আছে?’ শান্তভাবে জিজ্ঞাসা করে মার্সেল।

তাই তো ! কেমন যেন সংশয়ে নড়ে ওঠে মনটা । কিন্তু মাসেলের সামনে  
দুর্বলতা প্রকাশ করা চলে না । বলে :

‘নয় তো কি ! ও তো শ্রেয় ইচ্ছা অনিচ্ছার ব্যাপার ।’

‘সেকি ? হৃদয়ের ব্যাপারেও হুকুম ! তাহ’লে তো ডগডগে লম্বা আগুনকেও  
ধলা যায়—তুমি সবুজ হ’য়ে যাও ! বুঝলেন, প্রেম হ’চ্ছে একটা আলোক-সুপ্তের  
মত । পেছনের আগুন বদলায়, কিন্তু আলোটি চিরন্তনী ।’

ঘাড় ঝাকিয়ে আনেৎ বলে :

‘হ’তে পারে তা ; কিন্তু ও-বিধি আমার জন্ত নয় । আমি ও মানিনে ।’

অঞ্চ আনেৎ জানে, মানে ও বিশ্বাস করে পরিবর্তন কত দরকার একটা  
জাগ্রত, জীবন্ত, বলিষ্ঠ জীবনের পক্ষে । এবং পরিবর্তন-নীলতার সাথে সাথে  
চাই স্থিতি । এই দুই বিপরীত ধর্মের যে-কোন একটাতে গোলযোগ ঘটলেই  
বিপদ ঘটে ।

এই অহংকারী, জেদী মেয়েটিকে মাসেল চিনে নিয়েছে ভালো ক’রে ।  
তাঁই কে’ন প্রতিবাদ করলে না ওর কথায় । অতি শিষ্টভাবে মাথাটি ঝাঁকাল  
শুধু, যেন যেনে নিয়েছে আনেৎ-এর কথা ।

লজ্জা পেল আনেৎ । বলল :

‘দেখুন, আসলে আমি চাইনে...’

সত্যটাকে স্বীকার ক’রে নিতে চায় মন । বুকে যেন বল পায় । মনে হয়,  
এবারে ও নিশ্চিত ভূমিতে এসে দাঁড়িয়েছে । এবারে আর পায়ের তলা থেকে  
মাটি সরে যাবে না । কথায় বিশ্বাসের সুর লাগে । দৃঢ় কণ্ঠে বলে :

‘কি চাই জানেন ? চাই ভালোবাসায় থাকবে মুক্তি । ভালোবাসা আগল  
দেবে খুলে, বাধবে না । আপনাকে স্বরূপে স্বধর্মে প্রতিষ্ঠিত করবার, বিকশিত  
করবার, আপন সত্যকে খুঁজে নিয়ে সেই পথে চলবার অধিকার তাকে  
কখনও ধোয়ানো হ’বে না । এক কথায় নিজস্ব সত্তার সত্য পরিচয়টি  
খুঁজে নেবার পথ তার সর্বদা নিরঙ্কুশ থাকবে, কারো কাছে তাকে আশ্র-বিসর্জন  
দিতে হ’বে না । এমন কি প্রিয়তমের কাছেও না । অন্তরাশ্রকে ছোট করার  
অধিকার কারো নেই । এর বাড়া পাপ নেই ।’

‘কথাগুলো শুনতে তো বেশ ভালোই,’ মার্सेল বলে : ‘কিন্তু আমার আত্মাটি আমার নাগালের বাইরে, ক্যাসাদ তো সেখানে। রোজারের হস্ততো আমার মত ছয়বছা হয়নি। কিন্তু তবু তর হয় কোথায় জানেন? আপনাদের দৃষ্টিভঙ্গি রোজারের সাথে নাও মিলতে পারে। ব্রিসট্‌দের যতদূর জানি, আত্মা-টাওয়ার খার তারা ধারে না। রাজ-নীতি, অর্থ ও স্বার্থ নিয়ে ওদের কারবার। ওরা আর কিছু বোঝে না বড় একটা।’

‘হ্যাঁ, ভালো কথা,’ হাসি-মুখে আনেং বলে : ‘কাল আমি বারগাণ্ডি বাচ্ছি ওদের ওখানেই। সপ্তাহ দু’ তিন থেকে আসব।’

‘ভালোই হ’ল। হু’ পক্ষের মতামত, আদর্শ একেবারে যুথোমুখি পরখ হ’য়ে যাবে। ভারী আদর্শবাদী ওরা। বেশ মিলে যাবে হস্ত হু’জনের। আমারই জুল হ’য়ে থাকবে।’

‘দাঁড়ান না,’ আনেং বলে : ‘যখন কিরব, দেখবেন একেবারে একখানা! আস্ত ব্রিসট বনে গেছি।’

‘দোহাই আপনার! ওটি করবেন না। আমাদের আনেংটিকেই আঘরা কিরিয়ে চাই। ওটিকে ধোয়াবেন না।’

‘পারছি কোথায় ধোয়াতে! পারলে যে বেঁচে যেতুম।’

‘বড় দুঃখের কথা!... এবার যাঁই বলুন।’

মিদায় নেয় মার্सेল।

দুঃখের কথাই বটে, কিন্তু মার্सेল যা ভেবেছে সে দিক থেকে নয়। মার্सेল ওকে দেখেছে নিরীক্ষণ ক’রে, কিন্তু লাভ হয়নি; কারণ আনেংকে বোঝেনি ও। রোজারও বোঝেনি। ওকে বোঝা এই সব ফরাসী যুবকদের কাজ নয়—আরো ‘ধর্ম-নিষ্ঠ’ আত্মা এবং ধর্ম-নিষ্ঠ মুক্ত মন চাই। কিন্তু আসলে তা তো হয় না। যা চ’লে এসেছে ক্যাথলিক শাস্ত্রের রেওয়াজ হিসেবে—ধার্মিক হওয়া মানে ডাইনে ধাঁড়ে না ডাকিয়ে শাস্ত্রের বিধান মানতে হবে চোখ বুঁজে ইনটেলেকচুয়েল স্বাধীনতাকে সম্পূর্ণ বিসর্জন দিয়ে [ বিশেষতঃ মেয়েদের ক্ষেত্রে ]। আবার এক উল্টো দিক আছে—স্বাধীন ফরওয়ালারা আত্মাকে ছুড়িয়ে উড়িয়ে দেয়। আত্মারও একটা দাবী আছে এবং সেই দাবী যে কত গভীর, তা তাদের মনেও আসে না।

খবরের দিন এসে পৌঁছায় আনেৎ । গাড়ী নিয়ে রোজার এসেছে বারগাতি  
 ঠেপনে । ওকে দেখতেই আনেৎ-এর চিন্তা, ভাবনা, ভয় সব মুহূর্তে উড়ে গেল ।  
 ছ'জনেই আনন্দে আত্মহারা । রোজারের মা দিদিরা, ছুঁতো খুঁজে বাড়ীতেই  
 রয়ে গেছেন । ভালোই হয়েছে ।

স্বল্প বাসন্তী সন্ধ্যা । চমা-মাটি আর নূতন ত্বণের আ-তরকারিত বিস্তারকে  
 ঘিরে সোনালী দিগ্বলয় । লার্কের দল গানে গানে মাতাল । গাড়ীটা ছুটে  
 চলেছে তীব্র বেগে—বাতাস যেন চাবুক মারছে মুখে গালে । তরুণ সাধীর  
 অতি কাছে ঘনিষ্ঠ অনুরক্ততার বসে আছে আনেৎ । রোজার গাড়ী চালাতে  
 চালাতে কথা বলছে উচ্ছ্বসিত হ'য়ে । হঠাৎ খুঁকে প'ড়ে ও চুপু খায় আনেৎকে ।  
 বাধা দেয় না আনেৎ—ভালোবাসে সে রোজারকে । ভালোবাসে । একটু  
 পরেই তো বিচার ক'রতে ব'সবে—তাকেও, নিজেকেও, এ বুঝতে ওর বাকী  
 নেই । তা, ক'রবেই তো বিচার । বিচার আলাদা, ভালোবাসা আলাদা ।  
 ভালো ও সত্যি বাসে রোজারকে—যেমন ভালোবাসে এই আকাশ, বাতাস,  
 মাঠের ঘন-সুগন্ধকে ; রোজার যেন এক টুকরো বসন্ত । মনের সঙ্গে বোঝা পড়া  
 কাল—আজ ছুটি । আজকের এই অপূর্ব ক্ষণটিকে দেহ মন প্রাণ দিয়ে পরিপূর্ণ  
 ক'রে গ্রহণ করা শুধু । আর কোন দিন আসবে না এ মুহূর্তখানি ।...আনেৎ-এর  
 মনে হয় যেন কোন উষ্ম-লোকে উধাও হ'য়ে চ'লেছে ওরা ।...

শেষের বাকটা খুঁজেই চড়াই একটা, তারই ওপরে বাড়ী । জোরে রাশ টেনে  
 দিলে রোজার । কতক্ষণ কে জানে । তবু বাড়ী পৌঁছে মনে হ'ল, বসন্ত  
 শুভ্রতাড়ি এসে গেছে ।

ব্রিস্টল অতি সম্বর্ণণে পা পা ক'রে চললেন । যত্নে বাছাই করা, অতি  
 হালকা নরম নরম কথার কৌশলে ওর মনকে নাড়া দিয়ে বাবার স্মৃতিকে জাগিয়ে  
 তুললেন । ওকে নিয়ে কি যে ক'রবে ওরা ঠিক পার না । প্রথম দিন ও বাবা

দিলে না। নিজেকে ওদের হাতেই ছেড়ে দিলে। মন্দ লাগে না—বহুদিন গৃহের স্বাদ পায়নি। পায়নি কোন স্নেহ-পরিবেশের কোমল উষ্ণ স্পর্শ। আনন্দে অবশ্য জানে এ সব ভুঁয়ো। তবু ইচ্ছে ক'রেই ও কাঁকিতে গা ভাসাবে আজ। ত্রিসটদের আশুকুল্যে ওর অশ্রুবিধাও হয় না। ওর প্রতিরোধ শক্তি ঘুমিয়ে পড়ে।...

মাঝ রাত্তি ঘুম ভেঙে যায়। বহুকালের পুরানো বাড়ী। নিষ্কুম চারদিক। একটা ইঁদুর কুট্, কুট্ ক'রে কি যেন কেটে কেটে চলেছে...তার শব্দ ছাড়া আর কোন শব্দ নেই। ইঁদুর! ইঁদুর! মনে পড়ে ইঁদুরের কাঁদের কথা। ভাবে : 'আমি কাঁদে পড়েছি...', বুকটা মোচড় দিয়ে ওঠে। বোঝাতে চেষ্টা করে মনকে...না না কাঁদে পড়বে কেন? কে চায় কাঁদে পড়তে...

শরীরটা অবশ হ'য়ে আসে। কাঁধ দুটো ঘামে ভিজ়ে যায়। 'কাল রোজারের সাথে একটা বোঝা পড়া ক'রে নিতেই হবে। আমার সত্যিকারের আমিটাকে ওর বুঝতে হবে। এক সাথে থাকতেই হবে যখন, তখন ভালো ক'রে একেবারে খোলাখুলি পরস্পরকে যাচাই ক'রে নেওয়া দরকার।'

কাল আসে। রোজারকে দেখে আনন্দে ও আত্মহারা হ'য়ে যায়। রোজারের প্রেমে আচ্ছন্ন হ'য়ে যেতে ওর বড় ভালো লাগে। বড় ভালো লাগে ওর হাত ধরে গ্রাম্য উন্মুক্তির বৃকে বসন্তের মাতাল-করা রূপ মাধুরী দিয়ে বৃক ত'রে নিতে নিতে স্নেহের স্বপ্ন দেখা...[ হয় তো অসম্ভব, কিন্তু কে জানে, কে জানে? হয় তো হাতের কাছেই আছে...শুধু হাতটা বাড়িয়ে দেওয়া... ] আর বলা হয় না। কাল হবে 'খন। কাল...তারপর আবার কাল...আবার...

রাত্রি বেলা—রোজ রাত্রিতে নূতন ক'রে বেদনা জাগে। তীব্র মর্ম-ভেদী বেদনা...নূতন ক'রে বৃকে আগুন জ্বলে...

'না, না...আর দেবী নয়। বলতেই হবে...রোজারের ভালোর জন্তই বলতে হবে। ক্রমশঃই বেচারী বেশী জড়িয়ে প'ড়ছে। আমাকেও জড়াবে। এমন ক'রে চূপ ক'রে থাকার অধিকার আমার নেই...ওকে যে ঠকানো হবে তাহ'লে...'



ভগবান্! ভগবান্! এত দুর্বল আনন্স! না, দুর্বল সে নয়। এমনি  
জীবনে ও এতটুকু দুর্বল নয়। কিন্তু প্রেম যে তপ্ত হাওয়ার মত। তপ্ত হাওয়া  
বইলে জালায় অবসাদে হাড়-পাঁজর যেন চূর্ণ বিচূর্ণ আর হৃদয় অসাড়  
হ'য়ে যায়...

প্রেমও তেমনি। কি একটা সূখের আবেশে মানুষকে একেবারে ডুবিয়ে,  
আচ্ছন্ন ক'রে দেয়। নড়তে ভয় করে... ভাবতে ভয় করে...। আত্মা তার  
স্বপ্নের জালে জড়িয়ে গুটি মেরে পড়ে থাকে—জাগতে ভয় করে। আনন্স  
ভালো ক'রেই জানে একবার একটুখানি নড়লেই এ-স্বপ্ন ভেঙ্গে চুরমার হ'য়ে  
যাবে...

কিন্তু আমরা না নড়লেও, আমাদের হ'য়ে সময় আপনিই নড়ে। এবং  
ওই নড়াটুকুই যথেষ্ট। তাতেই ভেসে যায় ষত ভ্রাস্তি। নষ্টলে সব মনের  
মধ্যে জমে থাকত। সকাল থেকে সন্ধ্যা পর্যন্ত যখন ছুটো মানুষকে এক  
সঙ্গে থাকতে হয়—তখন ক'দিন গেলেই তাদের সত্যি চেহারাটা বেরিয়ে  
আসবেই আসবে। এর আর এদিক ওদিক নেই। মিথ্যেই পাহাড়া  
দেওয়া।...

ত্রিসট পরিবারেরও আসল চেহারাটা দু'দিনেই বেরিয়ে প'ড়ল। ওদের  
হাসিটা বাইরের ভাঙ।

আনন্স ক্রমে ভেতর মহলে পা দেয়। দেখতে পেল এখানকার বাসিন্দারা  
ব্যস্ত-সমস্ত পুরো সংসারী মধ্যবিত্ত শ্রেণীর মানুষ। এদের জগতে উল্লাস  
আছে—আনন্দ নেই; সেই নিরালোকের স্বাক্ষর এদের চোখে মুখে। ঐশ্বর্য  
যা আছে, তা আগ্লাময়, নাড়ে চাড়ে মহা উল্লাসেই। কিন্তু দেখলেই বোঝা  
যায় তার মধ্যেও তেঁতোর স্বাদ আছে। সমাজতন্ত্রের প্রশ্ন এখানে ওঠেই না।  
ওরা ভৌমিক; ভৌমিক-তন্ত্র ওদের এক-মাত্র উপাস্ত দেবতা। অন্ত কোন  
'তন্ত্র' আর 'বাদের' উপদেবতার প্রবেশ বন্ধ সেই দেউলের আশে পাশে—গুণু  
পাঁচিল তুলে এদের দিন কাটে। বিশ্বাস নেই কাউকে, অতএব ঘাঁটি আগ্লাময়  
নিজের চোখ। অনুজন, পরিজন, চাষী-বর্গাদার, ক্ষেতমজুর, প্রতিবেশী—সন্দেহ  
কাকেই বা নয়। পাহাড়াদারী খবরদারী প্রায়ই গেরিলা-স্বর্কে গিয়ে উৎসার।

হাঁসিগে খিস্ট ও টিকিগিগি' করে করেন। এবং যার শেহনে চোখ একবার  
 গেল তাকে জালে না ফেলতে পারে পর্বস্ত তার নিস্তার নেই। এবং পারলে  
 তার আৰম্ভ দেখে কে। কিন্তু তার হাসিটাই শেষ হাসি নয়। প্রতিশব্দ ও  
 দুর্বল নয়। কাদের শিকার পরদিনই হযত সুদে আসলে প্রতিশোধের হিসেব  
 ছুকিয়ে কেটে পড়ে। অতএব আবার প্রথম অংক থেকে পালা ফুট... '

এসব ঝগড়া-ঝাটির ব্যাপারে আনেৎকে বড় একটা টানে না কেউ।  
 বসবার ঘরে বা খাবার টেবিলেই বিচার সত্তা বসে। পারিবারিক এসব  
 সমস্যার আলোচনা এখানেই হয়। আনেৎ রোজার এই টগ্বে আত্মহাওয়ার  
 মধ্যে থেকেও একান্ত হ'য়ে থাকে টেবিলের এক অস্ত্রে। দেখে মনে হয় এ-  
 সীমানার কোলাহল ও-সীমানার পৌছায় না। কিন্তু আনেৎ-এর উদগ্র চিত্ত  
 চোখ মেলে থাকে—সুদূতম কথাটিও সে-দৃষ্টির সামনে খোয়া যায় না।  
 রোজারও হঠাৎ তদন্ততার তল থেকে কখন ছিটকিয়ে পড়ে ওধারের শ্রোতে।  
 পরিবারের সাধারণ স্বার্থের টানে বে শ্রোত বয়, নিষ্ক্রিয় দর্শক হ'য়ে তার তীরে  
 বসে থাকাই বা চলে কতক্ষণ! তারপর ভারী উত্তেজনা, হাওয়া গরম হ'য়ে  
 ওঠে—বাক-বিতণ্ডা, আলোচনা-সমালোচনার সকলের উচ্চ কণ্ঠ এক সঙ্গে  
 মিশে যেন ছুকান ওঠে। আনেৎ-এর অস্তিত্বও কারো মনে থাকে না। হঠাৎ  
 হয় তো কেউ ওকে সাক্ষী মেনে বসে এমনি বিষয়ে যার বিন্দু বিসর্গও বেচারী  
 করে মা। কখনও বা শেষ মুহূর্তে কর্তীর মনে পড়ে যার উপেক্ষিতার কথা।  
 শ্রোতের মুখে তাড়াতাড়ি পাথর চাপা দিয়ে মন-গলানো হাসি হেসে ওর সামনে  
 এসে বসেন। আশ্চর্য তৎপরতার কথার মোড় খুরিয়ে দেন অপেক্ষাকৃত ফুল  
 বিছানো পথে। সহজ আত্মীয়তার সুরে সহজ আলাপ চলতে থাকে তারপর।  
 ওদের সাধারণ কথাবার্তারও সবলে কুটিলে আশ্চর্য মেশামেশি হ'য়ে আছে—  
 যেমন ওদার আর কার্ণণ্য এক সঙ্গে জড়িয়ে আছে ওদের সামন্ত-তান্ত্রিক জীবন  
 ধারার। হাঁসিগে খিস্ট দিল-খোলা, হাসি-মুখ মাথুষ। অল্পপ্রাসে কথা  
 বলেন। শ্রীমতী এবং পরিবারের অন্ত সকলেই কাব্য আলোচনা করেন ;  
 এ বিষয়ে পাণ্ডিত-মহত্তা ওদের আর সার্বজনীন। কচির দিক থেকে ওরা  
 আছেন হুই দশক আগের আমলে। ভাল রাখতে পারেন না একালের গতি

সঙ্গে । আট দানের কিছু হ'লেই হ'ল—জোর করেই মতামত বলবেন স্ট্রট  
ক'রে । ধার করা বিত্তে—'ইনস্টিটিউটের' অধিক, বহু খেতাব-খারী মহা-পণ্ডিত  
[ ধার বিত্তার পরধ হ'য়ে গেছে— ] তাদের 'অধিক বহু', এই কথা বলেছেন ।  
এই পাকা বুর্জোয়াদের দল বাচাইয়ের মুখে প'ড়লে যা তর পার, তার কলমা  
করা ধার না । শিল্প রাজনীতি সব বিষয়েই নিজেদের মন্ত বড় পণ্ডিত মনে  
করে এরা । আসলে কোনটাতেই কানা কড়ির বিত্তে নেই ।

চুই বিষয়েই এরা সেই দলের মানুষ যারা বুদ্ধ জেতার আগে কখনও বুদ্ধ  
কেন্দ্রে আসে না ।

আনেৎ বেশ অনুভব করে এদের আর ওর মনে অনেক তফাৎ । ও দেখে  
শোনে, নিজেকে প্রশ্ন করে, এদের সঙ্গে ওর সম্পর্ক কোথায় ? এদেরই কেউ  
না কেউ ওর অভিভাবক হয়ে ব'সবে তাবতে ও শিউরে ওঠে না, হাসি পার  
ওর । ভাবে, সিল্ভী এদের হাতে প'ড়লে কি ক'রত ? উঃ কি বিক্রী চিংকার  
করে আর কি জোরে জোরে হাসে এরা । এত চেষ্টায় কি ক'রে...!

মাঝে মাঝে বাগানে বধন একা থাকে ওদের হাসি শুনে নিজে হেসে ওঠে ।  
একদিন রোজার শুনে ফেলে ওর মূহু হাসি । অবাক হ'য়ে জিজ্ঞাসা করে :

'ওকি, অমন একা একা হাসছ কেন ? কি হ'লো ?'

'কষ্ট, কিছু নয়, অমনি ।' আনেৎ বলে ।

খুব গভীর হ'তে চেষ্টা করে । কিন্তু ক'রলে কি হবে । হাসি ফুলে ফুলে  
ওঠে । বেসামাল হ'য়ে পড়ে কুমারী আর শ্রীমতী ব্রিসট্-এর সামনেও ।  
আনেৎ বিব্রত হ'য়ে মার্জনা চায় । প্রশ্নের সঙ্গে বিরক্তি মিশিয়ে  
শ্রীমতী বলেন :

'ওই বেরাড়া হাসিটি কিন্তু তোমায় ছাড়তে হবে লক্ষী ।'

কতক্ষণেরই বা ও হাসি । থেকে থেকেই মেঘের ছায়া ঘনিবে আসে ।  
পরম অস্বস্তিকৃত্য, পরম আনন্দে ঘণ্টার পর ঘণ্টা রোজারের সঙ্গ-স্থলে কাটিলে  
অকারণে অকস্মাৎ বিবাদের, উদ্বেগ, সংশয়ে মন ছেয়ে যায় । এমনি হচ্ছে গত  
শরৎকাল থেকে—এলোমেলো হাওয়া বইছে মনের দিগ্-দিগন্তে । ওকে ওলট্  
পালট্ ক'রে দিচ্ছে সেই হাওয়া । ও বিব্র হ'তে পারছে না রোজারের

‘সঙ্গে ঘনিষ্ঠতা হবার পর থেকে।’ গত ক’মাস আরও বেড়েছে অস্থিরতা—  
 ঘনটা সারাক্ষণ থাকে ভ্রু কুঁচকে ; অদ্ভুত কুৎসিত মেজাজ, বাঁকা বাঁকা কথা,  
 মানুষকে অকারণ খোঁচা দেওয়া, অহংকার করা যখন তখন ; অকারণ রাগ...।  
 সামলাতে পারে না ও, ব্যতিব্যস্ত হ’য়ে ওঠে ।

অনার্যত রূপকে দেখে নিয়ে হাতে হাতে রেখে ওরা বলতে পারবে : ‘যদসি  
 হৃদয়ং তব, তদসি হৃদয়ং যম...আজ গ্রহণ করলাম তোমাকে, তোমার সর্ব দোষত্রুটি,  
 দেবতা তোমাকে আর দানব তোমাকে , স্বীকার করলাম ছোট বড় তোমার সর্ব  
 প্রয়োজনকে—তোমার জীবনের নিজস্ব ধারাপথকে । তুমি ‘তুমিই’ এবং সেই  
 তোমার সত্য-স্বরূপের কণ্ঠে এই আমি দোললাম আমার কণ্ঠের মালা...’

আনেৎ জানে এমনি মুক্তি দিয়ে প্রেমকে বরণ করার বলিষ্ঠতা ওর আছে ।  
 গত ক’টা দিন ধ’রে রোজারকেও উন্টে পাণ্টে কেবলি দেখেছে । রোজার  
 জানে না ওর দৃষ্টির মুকুরে সব কিছুই অতি স্পষ্ট ভাবে প্রতিফলিত হয়েছে ।  
 পরম নিশ্চিত হ’য়ে বসে আছে রোজার—নিজের ওপরকার পাহাড়া পড়েছে  
 ধ’সে । অতিক্রান্তে যখন তখন ওর মধ্যকার ‘ত্রিসট’টি অত্যন্ত বে-আব্রু হ’য়ে  
 পড়ে আনেৎ-এর সামনে—। অতটা হয়ত ভাবতেও পারেনি আনেৎ । এ  
 রোজার স্বগোষ্ঠীর স্বার্থ-সংঘাতের সঙ্গে এক...শাঠ্য এক...তাদেরই মত  
 স্বার্থের রাস্তায় খিডকীর ছয়ার দিয়ে কাটে দরকার হ’লে । এ রোজার কঠিন হয়,  
 কুঁট হয়, নীচ হয়—আনেৎ বেদনা পায় । তবু কঠিন হাতে বিচার ক’রতে মন  
 সরে না—যদিও ওর বিচার-শালায় অপর কোন অপরাধীর এ ক্ষমা মিলত না ।  
 চরিত্রের এই বিকৃতিগুলোকে আনেৎ রোজারের সত্যরূপ বলে মানে না—এ  
 নকল-করা, ওপরকার জিনিস । ওর অনেক ক্ষেত্রেই মনে হয় রোজার এখনও  
 শৈশব অতিক্রম করেনি—নিজের পায়ের ওপর স্তির হ’য়ে দাঁড়াতেও শিখেনি—  
 আত্মীয় স্বজনের ধরদারীর মধ্যে নেহাৎই আচল-ধরা ছেলে এখনও । মুখে  
 বড় বড় কথা বলে কিন্তু পরম নিষ্ঠার তাদের পা-ফেলা-পথে চলে ডাইনে বায়ে  
 এতটুকু না নড়ে—মুখ থাকে ভয়ে কালো হ’য়ে কখন ডুল হ’য়ে যায় । আনেৎ  
 বুঝতে শুরু করেছে সমাজ-সংস্কার ইত্যাদি রোজারের যত বড় বড় আদর্শের  
 কথা তাও নেহাৎ খেলো । কাজে কথার সামঞ্জস্য নেই, মতিরও স্থিরতা নেই ।

আজ কাল আর ওর কথার আড়খরে আনেৎ ভোলে না। কাঁকটা ধরা পড়লেও আনেৎ-এর রাগ হয় না, কারণ বুঝে নিয়েছে ওটা কাঁকই, কাঁকি নয়। অনেক চেষ্টা করে, কিন্তু রোগ ছাড়ে না। কারণ চেষ্টা করতে গিয়ে উশ্টো ফল হয়—একটা প্রতিকূল, অত্যন্ত অস্বস্তিকর স্তব্ধতার মধ্যে ডুবে যায় ও। কিন্তু ওর স্বচ্ছ বুদ্ধি থাকে অক্ষুণ্ণ। তাই বিস্মিত হয়—কণে কণে এ মনোবিকার কেন; কেন এ মেঘ-রৌদ্রের খেলা। মনকে চোখ রাখায়, কিন্তু কোন ফল হয় না। বিশ্লেষণ করে নিজেকে, দেখে অজস্র অসম্পূর্ণতা রয়েছে নিজের। ঋনিকটা প্রশ্নর আসে—আন্তরিক নয়, জোর করা—এই ভাঁড়দের ওপর। [ বেয়াড়া মেয়ে, আবার |...না না, আর বলব না, কমা কর ] কারণ রোজারের আত্মীয় এরা। রোজারকে গ্রহণ ক'রলে এদেরও ফেলা চলে না। আর বাদ বাকী। চুলোয় থাক আর সব। ওরা দু'জন তো রইল এক পক্ষে, তখন আর কি!

দু'জন! কেবল দু'জন! রোজার কি দাঁড়াবে ওর পাশে! রাখবে ওকে আড়াল ক'রে। আনেৎ রোজারকে গ্রহণ ক'রবে কিনা এ প্রশ্নের আগেও প্রশ্ন হ'লো রোজার পারবে কিনা। আনেৎ-এর স্বরূপ যখন সে দেখবে তখন কি আন্তরিক ভাবে তাকে স্বীকার ক'রতে পারবে সে? কারণ এখন কতটুকুই বা ওর দেখেছে সে! কেবল তো দেখলে ঠোঁট জোড়া আর চোখ দু'টো। কিন্তু সত্যিকারের আনেৎ যে কি ভাবে, কি চায়, তা জানতে বুঝতে রোজার কখনও তেমন চেষ্টা করেছে বা চেয়েছে ব'লে তো মনে হয় না। তার চাইতে আনেৎকে সে তৈরী ক'রে নেবে—তাই বেশী সুবিধের। আনেৎ অবশ্য আশা ক'রে পথ চেয়ে ব'সে আছে—ভালোবাসার শক্তিতেই ওরা ঋজু অকুণ্ঠ দৃষ্টিতে পরস্পরের হৃদয়ের নগ্নরাগকে দর্শন করবে উন্নত-শীর্ষে। রোজার যে আনেৎকে ছলনা ক'রতে চাইছে তা নয়। সে নিজেকেই ছলনা ক'রছে। মিথ্যা হ'লেও, ওই মিথ্যা নিয়েই ও বেঁচে আছে। সুতরাং মনটা ঝাঁকি হাসি হাসলেও কেমন মায়া হয় ওর জন্ম আনেৎ-এর। রোজারের জন্মই ওই মিথ্যাকে সর্ব-প্রতিকূলতা থেকে রক্ষা ক'রতে, বাচিয়ে রাখতেও প্রস্তুত ও। মাঝে মাঝে রোজারের 'আমিটা' অত্যন্ত উৎকর্ষ ভাবে অনাবৃত হ'রে পড়ে—কিন্তু আনেৎ বোঝে এর মধ্যেও ওর কোনও কৃত্রিমতা বা ছয়ভিসন্ধি নেই। তাই রাগ হয় না। আসলে লোকটা দুর্বল। ওর দোষই ওর দুর্বলতা। কিন্তু

দেখাবে বেন—তারী শক্ত ও, একেবারে লৌহ-মানস ।...বেচারী রোজার...তারী  
 করণ মনে হয় ওর । মনে মনে হাসে আনেৎ ; কিন্তু হৃদয়ের ঘনি-ভাঙারে  
 অসুস্থ প্রশ্রয় আর ভালোবাসা । শক্ত দোষ সবেও ও বোঝে ভালো ছেলে  
 রোজার ; উদার, আগ্রহীল । যা যেমন শিশু সন্তানের ছোট ছোট দোষ ক্রটি-  
 গুলোকে স্নেহের চক্ষে দেখে স্নেহের শাসন করেন—আনেৎও তেমনি । ও বেন  
 যা, আর ছোট ছেলে রোজার । চরিত্রের বে দোষই থাক, তার জন্ত ও দায়ী  
 করে না রোজারকে । বরঞ্চ আরো মায়া হয়, আরও বুকে জড়িয়ে ধরতে ইচ্ছে  
 করে । আঃ ! কিন্তু আনেৎ-এর চোখে শুধু মাতৃ-হৃদয়ের প্রশ্রয়ই নেই, প্রণয়ীর  
 গভীর পক্ষপাতও আছে । ওদিকে দেহ বাৎসর্য—জোরাল তার কঠ । এদিকে  
 মুক্ত বিচার-বুদ্ধির নির্দেশ...কিন্তু শোনার মানুষ শোনে তার মনের রূএ রাছিয়ে,  
 তাইতে এই দোষগুলি দীপক হ'য়ে ওর কামনাকে জালিয়ে তুলছে । আনেৎ সব  
 স্ট্র দেখতে পার । কোনও উন্মুক্ত স্থানের উঁচু নীচ সমস্ত স্তরকে ভালো ক'রে  
 দেখতে হ'লে মানুষ যেমন মাথা নীচ ক'রে, চোখ আধা বন্ধ ক'রে একটা সামঞ্জস্য  
 ক'রে নেয়, আনেৎও তেমনি রোজারকে এমন এক দৃষ্টিকোণ থেকে দেখে যেখান  
 থেকে ওর দোষ ক্রটিগুলোকে আর অত উগ্র ব'লে মনে হয় না । রোজারের  
 চরিত্র-বিকার থাকলে তাও হয়ত এখন ভালোবাসতে পারে আনেৎ । কারণ  
 প্রেমাস্পদের অসম্পূর্ণতাকে বর্তই ভূমি অন্তরে গ্রহণ ক'রবে, ততই আপনাকে  
 তোমার আরও বেশী ক'রে দেওয়া হবে । আনেৎ তাবে : 'এই ভালো,  
 ভূমি যে সম্পূর্ণ নও প্রিয়, এই ভালো । ভূমি যদি জানতে আমার চোখ কি  
 দেখেছে, তবে বিরূপ হ'তে আমার পরা...না...না...ক্ষমা করো ! কিছু দেখিনি...  
 কিছু না... । কিন্তু আমি তো তোমার মত নই । ভূমিও দেখে নাও আমায়...  
 আমার অসম্পূর্ণতাকে । আমি আমিই এবং তাই থাকব । আমার অসম্পূর্ণতাই  
 আমার সত্যিকার আমি । তারই মধ্যে আমার স্বরূপকে আরো বেশী ক'রে  
 দেখতে পারে । আমার যদি চাও, আমার ভালো মন্দ মিশিয়েই আমার নিতে  
 হবে । পারবে নিতে...কিন্তু ভূমি তো আমার জানতে চাও না...বলতো  
 কবে সত্যি ক'রে ভূমি আমার দিকে চোখ তুলে চাইবে !'

এ হুটুও তাড়া নেই রোজারের। আনেৎ অনেকবার চেষ্টা করেছে কথা বলার। কিন্তু বিপজ্জনক ব্যাপারটা থেকে রোজার পালিয়ে বেড়াচ্ছে। সে-দিন তাই বেড়াতে বেড়াতে কথার মাঝখানেই হঠাৎ খেমে গেল আনেৎ। রোজারের দুটি হাত হাতের মধ্যে নিয়ে বললে :

‘রোজার একটু কথা বলা দরকার বে !’

‘সে কি ! আরো কথা ?’ হাসতে হাসতে বলে রোজার : ‘কথার কিছু কয়তি হচ্ছে নাকি ?’

‘না না, আমি তা বলছিমে ! কানে কানে দুটো মিঠে কথা কওয়া নয় ; কাজের কথা ।’

রোজারের মুখে ভয়ের ছায়া পড়ে।

‘তয় পাঙ্ক কেন ?’ আনেৎ বলে : ‘আমার নিজের বিষয়েই কিছু কথা ছিল ।’

‘তোমার বিষয়ে ?’ শাস্ত ভাবে বলে রোজার : ‘তাহ’লে তো শুনতেই হচ্ছে ; তোমার কথা যে আমার কাছে অমৃত !’

‘খামো তো !’ একটু উত্তেজিত হ’য়ে ওঠে আনেৎ : ‘শুনেই নাও আগে, তারপর তেঁতো মিঠের বিচার ক’রো। শুনলে আর মিষ্টি বলবে না ।’

‘কি এমন নতুন কথা গো ! আছে নাকি নতুন কথা আরো ? আমরা এত কথা বললাম, তাও ফুরায়নি ?’

‘আমি আর কোথায় কথা বলেছি !’ হাসতে হাসতে আনেৎ বলে : ‘যত কথা তো তুমিই বলেছ। আমি তো শুধু মাথা নেড়েছি আর ঠিক ! ঠিক ! বলেছি। আমায় কিছু বলতে দিলে কোথায় !’

‘দুষ্ট মেয়ে !’ রোজার তাড়া করে : ‘তাই বুঝি ! হ্যা—, বলেছি তো বেশ করেছি। কিন্তু বলুন তো মহারাণী, কার স্ত তি গেরে এক মুখ আমার পক্ষ-মুখ হয়েছে ?’

‘আমি কি অধীকার করছি?’ আমার মুখের কথাও তো আমার হ’লে  
তুমিই বলো।’

‘আমি বুঝি বড় বেশী কথা বলি?’ সরল ভাবে জিজ্ঞাসা করে রোজার।  
আনেৎ ঠোট কামড়ায়।

‘না গো না! আমি কি তাই বলছি? তুমি যখন কথা বল, শুনতে  
আমার ভারী ভালো লাগে। কিন্তু আমার কথা যখন বল আমি শুধু শুনি।  
এত সুন্দর! এত সুন্দর ক’রে বল তুমি যে আমি মনে মনে ভাবি, তাই হোক!  
তাই হোক! কিন্তু সে-সব কথা তো সত্যি নয়।’

‘ভারী অহুত তো! নিজের ছবি সুন্দর হোক মেয়েরা পছন্দ করে না, এই  
তোমাকেই প্রথম দেখলাম।’

‘ছবি দিয়ে কি করব?’ আমি আমিই থাকতে চাই। তুমি তো সুন্দর  
ছবি ক’রে আমার তোমার বাড়ীর দেয়ালে টাঙ্কিয়ে রাখবে বলে আমার  
আনোনি। আমি তো ছবি নই—আমি যে জ্যান্ত মানুষ, রোজার, যার ঠোঁট  
আছে, দুঃখ সুখ, ভালো লাগা, মন্দ লাগা আছে, চিন্তা করবার ক্ষমতা আছে।  
তার যা কিছু আছে সব নিয়ে সে তোমার ঘরে আসবে। সে যে পারবেই এ  
তুমি ঠিক জানো?’

‘আমি চোখ বুজে তোমায় গ্রহণ করেছি।’

‘কিন্তু আমি চাইছি তুমি চোখ খুলে রাখো।’

‘তোমার মুখেই যে তোমার স্বচ্ছ অন্তরধানিকে প্রতি মূহুর্তে দেখছি।’

‘হায় রোজার! একবার তাকিয়েও দেখবে না!’

‘আমি তোমায় ভালোবাসি, ওর বেশী আর কিছু চাইনে আমি।’

‘আমিও তো তোমায় ভালোবাসি। কিন্তু আমার কাছে তো ওটুকুই  
যথেষ্ট নয়।’

‘নয়?’ হত-বুদ্ধি হ’য়ে যায় রোজার।

‘না, আমি দেখে নিতে চাই।’

‘কি দেখতে চাও?’

‘তুমি আমায় কেমন ভালোবাসো তাই।’



‘সংসারে সব চাইতে তোমায় বেশী ভালোবাসি ।’

‘তাতে বাসবেই । কিন্তু কতটা ভালোবাসো, তা জিজ্ঞাসা করিনি ।  
করেছি, কেমন ভালোবাস তাই ।...তা, হ্যাঁ, আমি জানি, আমায় চাও তুমি ;  
কিন্তু তোমার আনেকে নিয়ে ঠিক তুমি কি করতে চাও, বলতো !’

‘কেন ? আমার অধাঙ্গিনী হবে !’

‘এই তো ।...কিন্তু বন্ধু ! আমি তো আধখানা নই, আমি যে গোটা মানুষ !’

‘ও সে একই কথা হ’লো । ভাসার হের ফের একটু, এই যা ! মানে তুমি  
হ’লে আমি, আর আমি হ’লাম তুমি ।’

‘না, না, রোজার ! দোহাট তোমার ! তুমি ‘আমি’ হ’তে যেওনা । ওটা  
আমার জন্মই থাক !’

‘আমাদের বৃদ্ধ জীবনেও কি তুমি আমি এক হব না ?’

‘তাই তো ভাবছি । মনে হ’চ্ছে পেরে উঠব না ।’

‘কেন, কি ভাবছ বলতো ? কিসের ভয় ? আচ্ছা, কথাটা কি ? তুমি আমায়  
ভালোবাসো, কেমন ? বাসতো ? বাস্—, ঐটেই তো আসল কথা ! বাকী  
আর যা আছে, তা নিয়ে মাথা ঘামিও না ! সে আমার কাজ, আমি দেখে  
নেব ’খন । আমি, আমার পরিবার সব তোমার । আমরা সবাই মিলে এমন  
ভাবে তোমার সব ব্যস্থা ক’রে দেবো যে তোমার কিছুটা ভাবতে হবে না ।  
তোমার চলতেও হবে না । আমরা ঠিক তোমায় চালিয়ে নিয়ে যাব ।’

আনেৎ নীচের দিকে তাকিয়ে পাবের আঙ্গুল দিয়ে মাটিতে অক্ষর কেটে  
যাচ্ছিল । ওর চোখে মুখে হাসি ।

[ বেচারী রোজার কিছুই বুঝতে পারছে না... ]

চোখ তুলে ও রোজারের দিকে তাকায় । রোজারের মধ্যে কোনও  
অস্থিরতা, উত্তেজনা নাই । সম্পূর্ণ শান্ত ভাবে ও আনেৎ-এর উত্তরের প্রতীক্ষা  
করছিল ।

‘একবার তাকাও তো, রোজার ! দেখতো, আমার পা দুটো বেশ  
ভালো, না ?’

‘চমৎকার ! সত্যি খুব সুন্দর !’ রোজার বলে ।

‘দূর। তাই বুঝি বলেছি,’ তর্জনী নাচিয়ে আনেৎ বলে : ‘মানে, বলছি—আমি বেশ ভালো হাঁটতে পারি, তাই না ?’

‘নিশ্চয়। খুব হাঁটতে পারো, আমারও খুব ভালো লাগে।’

‘তাহ’লে—! আমি চলতে পারি, অথচ তোমরা আমার চালিয়ে নিয়ে যাবে, তা কি ক’রে হয় বল তো ? সত্যি আমার জন্ত অনেক ভাবছ তুমি ? কি বলে যে ধনুবাদ দেব, জানিনে। কিন্তু লক্ষীট। আমার চলতে দাও। পথ চলতে কষ্ট হবে ভেবে যারা অ্যাংকে ওঠে, আমি সে-দলের নই। দয়া ক’রে ও কষ্টটুকু আমার কেড়ে নিও না। তাহ’লে যে আমার জীবনের রসই থাকবে না ! জীবনের সমস্ত স্পৃহা একেবারে উবে যাবে। বুঝতে পারছি—সমস্ত রকম কষ্ট থেকে তোমরা আমায় আগলে রাখতে চাও। আমার কোন কাজ থাকবে না, উচ্ছে থাকবে না, পথ-নির্বাচনের দায় থাকবে না। আগে থাকতেই তোমরা সব ঠিক ক’রে, বিল-ব্যবস্থা ক’রে—তোমার আমার ভাদেয়, সকলের জীবন, মানে গোটা ভবিষ্যৎটাকে ভাগ ভাগ ক’রে নির্দিষ্ট খোপে খোপে সাজিয়ে রেখে দেবে। ও আমি চাইনে, চাওয়া উচিতও নষ। আমি বুঝতে পারছি, আমার সবে শুরু। খুঁজছি আমি। নিজকে খুঁজছি। আমি জানি, এ আমার একান্ত পয়োজন। স্বাভাবিক ক’রেই হবে আমায়।’

‘খুঁজবে ? তুমি আবার কি খুঁজবে ?’ রোজারের মুখের ভাবে দক্ষিণের সাথে গ্লেন মেশান। ও ভাবছে ছেলেমানুষের খাম-খেয়ালী এ। আনেৎ-এর খোঁচা লাগে। রেগে উঠে বলে

‘দেখ, তামাশার কথা নষ। আমি জানি, আমি ক্ষুদ্রাদপি ক্ষুদ্র। যা আমি নই, তা দেখাতে যাটনে। কিন্তু যাই হই, যতটুকু হই—আমি জানি আমি কি। যতটুকুই হোক—আমার একটা জীবন আছে। খুব দীর্ঘ জীবন নাই হোক, জীবন তো ! আর জীবন মানুষ একবারট পায়। সুতরাং আমার অধিকার আছে...না, থাক ..অধিকার কথাটা নাই বললাম, ওটা গুমরের মত শোনায়। যাই হোক। এটুকু দেখতে হবে, কর্তব্য হিসেবে, মাত্র একটবারের জন্ত যা পেয়েছি তা অমনি না খোয়াই, হেলায় না ডালি দি।’

আনেৎ-এর কথা রোজারের মন স্পর্শ করলে না এতটুকুও, বরঞ্চ যেন আহত হ'লো রোজার। বললে :

‘জীবনটাকে হেলায় ডালি দিচ্ছ! তাই ভাবছ? তোমার জীবনটা নষ্ট হ'য়ে যাবে! কে বললে? কত বড়, সুন্দর লক্ষ্য রয়েছে, মানো না তা?’

‘যানি।...কিন্তু কি তা? আমায় তুমি কি দেবে? কি দান আছে তোমার ভাণ্ডারে?’

উচ্ছ্বসিত হ'য়ে ওঠে রোজার। রাজনৈতিক জীবনের যে-স্বপ্ন ও দেখেছে, ব্যক্তিগত ও সামাজিক জীবনের পরিপ্রেক্ষিতে যে বিপুল আশা আকাঙ্ক্ষা হৃদয়ে পোষণ ক'রছে, ব্যগ্র ভাষায় আর একবার তার বিবরণ দিতে আরম্ভ করে রোজার। আনেৎ গভীর মনোযোগ দিয়ে শোনে—তারপর কথার মাঝখানে একে থামিয়ে দিয়ে [এ সব কথা উঠলে রোজার থামতে চায় না] বলে :

‘সত্যি, রোজার যা বলছে, সত্যি সত্যি চগৎকার। কিন্তু আসল কথা কি জানো!...রাগ করোনা আবার...তোমার ঐ রাজনৈতিক উদ্দেশ্যের ওপর আমার কেমন যেন আস্থা নেই।’

‘সে কি! আস্থা নেই? কেন নেই? এর আগে তো ছিল। পরীতে আমাদের যখন প্রথম পরিচয়, তোমার কত বলেছি এ সব কথা—তখন তো তোমার আস্থা ছিল!’

‘আমি বদলে গেছি, রোজার।’

‘কিন্তু কেন? কেন বদলে গেলে? কি হয়েছে?...না না, কে বললে বদলেছ...বদলাওনি। যদি বলে থাকে, তাবার বদলাবে...আবার আগের মত হবে আমি জানি। কত উদার আবার আনেৎ! এই সব গণ-কল্যাণের, সমাজ-সংস্কারের, কাজ থেকে সে কি দূরে সরে থাকতে পারে?’

‘ওতে আগ্রহ আমার যথেষ্টই আছে; আগ্রহ নেই তোমাদের রাজনৈতিক কচকচিতে। ও আমার ভালো লাগে না।’

‘একই কথা তো, তফাত কোথায়!’

‘না, একই কথা নয়।’

‘হরে দরে একই দাঁড়ায়—একটা হাসিল হ’লে আপনা থেকেই আর একটা হবে।’

‘সন্দেহ আছে আমার।’

‘তবু ও ছাড়া আর পথ নেই। জন-সেবা, সমাজ-সেবা যাই বলো, ও ছাড়া গতি নেই।’

[ আনেৎ মনে মনে যোগ ক’রে দেয়... আসলে নিজের সেবাষ্ট। পরক্ষণেই চোখ রাখায় নিজেকেই আবার এসব কথা মনে আসার জন্ম। ]

‘আমার তো মনে হয় অন্য পথও আছে, ওই একমাত্র পথ নয়।’ আনেৎ বলে।

‘শুনি কি পথ আছে!’

‘পুরানো পথটাই এখনও সর্বোত্তম পথ—যে পথে গেছেন ঋগ্বেদের অনুগামীরা—ত্যাগের পথ, সন্ন্যাসের পথ। অর্থাৎ গণ-দেবতার দেউলে যেতে হ’লে সব বিলিয়ে সব পেছনে ফেলে পথে বেবতে হবে।’

‘নিছক স্বপ্ন—’

‘হযতো তাই। আজ তোমার ইউটোপিয়ায় বিশ্বাস নেই রোজার। কিন্তু একদিন বিশ্বাস করেছ বোধ হয়। অন্ততঃ আমার হাউ মনে হয়েছিল। অবশ্য এখন আর হয় না। রাজনীতির মধ্যে বাস্তব খুঁজে পেয়েছ তুমি। তোমার প্রতিভা আছে—তুমি জয়যুক্ত হবেই এ আমি ক্রব জানি। তোমার আদর্শে সংশয় থাকলেও তোমাকে আমি বিশ্বাস করি। তোমার সমস্ত ভবিষ্যৎ গৌরবময় হবে। আমি দিব্য চোখে দেখতে পাচ্ছি একটা পাণ্ডুর নেতৃত্ব করছ তুমি—বক্তা ব’লে দেশ-জোড়া তোমার খ্যাতি—পার্লামেন্টে অধিকাংশের সমর্থন লাভ করেছ। মন্ত্রী হয়েছ...’

‘খামো, খামো! সেই ‘ম্যাকবেথ্ তুমি রাজা হবে,’ তাই না? ভবিষ্যৎবাণী!’

‘হ্যাঁ, ভবিষ্যৎবাণীই বটে—। হাত গুণেও পারি আমি—ওবে নিজের পারিনে, এই হচ্ছে মুঞ্চিল।’

‘মুঞ্চিল কোথায়। আমি যদি মন্ত্রী হই তুমিও তার ভাগী হবে। আচ্ছা, সত্যি বলতো, একেবারে মন খুলে বল—তুমি খুশি হও না?’

‘মানে মন্ত্রী হ’লে ! সর্বনাশ ! কস্মিন্ কালেও না । খুশি আমি নিশ্চয়ই হব । কিন্তু সে তুমি খুশি হয়েছ ব’লে । আর আমি যদি তোমার কাছে থাকি, বিশ্বাস কর, যতদূর সাধ্য আমার কাজ আমি করব । এবং আমি দ্বারা যদি তোমার কোন সাহায্য হয়, খুশি হব । কিন্তু সত্যি কথা বলছি [ তুমিই তো মন খুলে বলতে বলেছ ] যে এতে আমার জীবন ভরবে না— এতটুকুও না ।’

‘তা আমি বুঝি । রাজনীতির ক্ষেত্রে হাজার যোগ্যতা থাকলেও মেয়েরা কেবল ওই গণ্ডীর মধ্যেই নিজেদের ধ’রে রাখতে পারে না । এই ধরনা মাকেই—! মেয়েদের আগল কর্ম-ক্ষেত্র গৃহ । আর তার উপযুক্ত কাজ বা বৃত্তি যাঁই বলা—সে মাতৃহ ।’

‘আমি জানি তা ।’ আনন্দ বলে : ‘ও নিয়ে তর্ক করার কিছু নেই । কিন্তু...[ ভয় হচ্ছে...বোঝাতে পারব কিনা জানি না ]...এখনও আমি জানিনে মাতৃহের মধ্যে কি আমি পাব । এমনতেই ছোট ছেলেপুলে আমি ভালোবাসি । হয়তো আরও বেশী ভালোবাসব যখন আমার নিজের সন্তান হবে...[ ‘নিজের’ বলেছি, পছন্দ হচ্ছে না বুঝি কথাটা ! তোমার ওপর আগ্রহ কমে গেছে, না ? ] হয়তো তাদের নিয়েই একেবারে ডুবে থাকব... জানিনে...হয়তো তাই হবে...হয় তো নয়...। কিন্তু এখনও যা অনুভবই করিনি, সে-সমক্ষে বলতে চাইনে কিছু । তবে সত্যি বলছি, নারীর ঐ যে বৃত্তি না পেশার কথা বললে, অর্থাৎ মাতৃহ—তার তাগিদ কিন্তু এখনও তেমন বুঝিছনে । আশায় ব’সে আছি—আজও যা জানিনে, জীবনের মধ্যেই একদিন তার গুণন-মোচন হবে । কিন্তু তবু মানবোনা, শুধু সন্তান নিয়ে সমস্ত জীবন ডুবে থাকাই নারীর একমাত্র ধর্ম । [ জ্ব কুঁচকিও না, বাপু ! ] সন্তান পালন করবে ঠিকি ; ঘর-সংসারও দেখবে, নিষ্ঠা দিয়েই দেখবে । এবং সেই সঙ্গে যা সব চেয়ে বড়, সব চেয়ে প্রয়োজন তার জন্মও নিজের কিছুটা রাখতে হবে ।’

‘সব চেয়ে বড় ?—’

‘আত্মা ।’

‘বুঝতে পারছিনে ।’

‘কি ক’রে বুঝবে ? এ যে জীবনের একেবারে অলঙ্ঘ্য পুরীর কথা ! সে কি বোঝান যায় ! কথা দিয়ে বোঝান যায় না । কথায় সে-শক্তি, সে-আলো, সে-গভীরতা কোথায় ! আত্মা !...সে কথা বলতে যাওয়াই পাগলামো...আত্মা কি ? তার অর্থ কি ? কি তা, বোঝাতে পারব না । কিন্তু আত্মা আছে... তার অর্থ আছে । আমিই আত্মা, রোজার ! আমার সত্যতম গভীরতম সস্তাই আত্মা !’

‘তোমার সেই সত্যতম, গভীরতম ভেতরকার মানুষটাকে : কি আমার দাওনি, আনেৎ ?’

‘সব কি দেয়া যায়, রোজার ?’ আনেৎ বলে ।

‘তাহলে আমার ভালোই বাসনা তুমি ।’

‘ভালোবাসি বইকি, খুব ভালোবাসি । কিন্তু তবু সব দেয়া যায় না ।’

‘তোমার ভালোবাসা সম্পূর্ণ নয় । ভালোবাসায় ঋণিকটা দেয়া আর ঋণিকটা রাখার হিসেব থাকেই না । যেখনে ভালোবাসা সেখানে সব-দেয়া । ভালোবাসো আনেৎ...ভালোবাসো...ভালোবাসো...’

বক্তৃতার জোয়ার খুলে যায় রোজারের...ভালোবাসার আহ্ব-দান, প্রিয়ের স্নেহের উন্মত্ত ত্যাগের আনন্দ ইত্যাদির সম্বন্ধে মর্ম-স্পর্শী ভাবনা ও জগৎসিনী বক্তৃতা দেয় রোজার । আনেৎ শোনে । [ ভাবে : এসব কথা বলছ কেন ? ভাবছ, এসব আমার অজানা ? ভাবছ, তোমার উন্মত্ত প্রয়োজন হলে আমি ত্যাগ করতে পারি না এবং সেই ত্যাগে আমার আনন্দ হবে না ? তা নয় । সব পারি, কিন্তু এক সর্তে—যে তোমার তরফ থেকে তার দাবী থাকবে না । আত্মা দাবী কেন কর তুমি ?...কেন এ তোমার প্রাপ্য বলে আশা করে থাক ? অধিকার বলে কেন মনে কর তুমি । আমার ওপর বিশ্বাস কেন নাট তোমার, রোজার ? ]

রোজারের কথা শেষ হলে আনেৎ বলে :

‘চমৎকার ! তোমার মত অমন স্নেহের ক’রে ছাট্ট এসব কথা কি আমি বলতে পারতাম ! কিন্তু বোধ হয় বলতে না পারলেও সময় এলে, প্রয়োজন হলে, বুঝতে পারব ।’

‘বোধ হয় ? সময় হ’লে ?’ রোজার উত্তেজিত হ’য়ে বলে ।

‘তুমি ভাবছ বড় কম হ’লো, না ? কিন্তু যত কম ভাবছ তত নয়...  
যেটুকু করতে পারব, তার বেশী [ কমট হবে ] প্রতিশ্রুতিও দিতে চাইনে ।  
অন্ত ভবিষ্যতের হিসেব করতে পারিনে । কি হবে ভবিষ্যতে কে বলতে পারে ।  
কিন্তু পরস্পরের ওপর বিশ্বাস আমাদের রাখতেই হবে । আমাদের কারো  
মধ্যেই ফাঁকি নেই । আমরা দু’জনেই দু’জনকে ভালোবাসি, তাই না  
রোজার ? আমাদের ক্ষমতায় যতদূর আছে তা করব বৈকি ?’

‘যতদূর ক্ষমতায় আছে ?’ রোজার বলে ।

হেসে আনেৎ বলে চলে

‘দেখ, আমার শক্তি দাও তুমি । এখনও যে অনেক কথা বাকী !’

‘বলে যাও -’

‘আমি তোমায় ভালোবাসি রোজার, কিন্তু আমি প্রাণ দিয়ে ভালোবাসতে  
চাই । ফাঁকি মেশাতে চাইনে ভালোবাসার মধ্যে । ছোট বেলা থেকে বড়  
একা থেকেছি এবং যথেষ্ট পরিমাণে স্বাধীনতা পেয়েছি । বাবা আমাকে পুরো  
স্বাধীনতা দিয়েছিলেন, কিন্তু তার অপব্যবহার আমি কখনও করিনি । কারণ  
আমার স্বাধীনতা ছিল সূত্র, স্বাভাবিক । কাজেই আমার কতগুলি অভ্যাস  
গড়ে উঠেছে, যা এখন ছাড়া বা বদলান কঠিন । আমি বুঝি যে আমাদের  
সমাজের আমার সমবয়সী মেয়েদের মধ্যে আমি কেমন বেখাপ্পা । আলাদা  
সব থেকে । নবু মনে হয়, সত্যিকারের তফাৎ নেই । আমার ধন,  
অনুভূতি, আমি যা ভাবি, তা সাহস করে বলতে পারি, আর বিবেক  
আমার সচেতন । এটো যা তফাৎ । তোমার জীবনের সঙ্গে আমার জীবন  
যুক্ত করতে বলছ তুমি । আমিও শিষ্ট চাই । দু’জনেই আমরা একান্ত করে  
জীবনের দোসর গুঁজেছি । আমার সে দোসর তুমিই চ’তে পার, রোজার,  
অবশ্য যদি তুমি চাও...’

‘যদি আমি চাই ! কি বলছ !’ রোজার আবেগ-ভরা স্বরে বলে . ‘ঠাট্টা  
করছ নাকি ? শুধু চাওয়া, আর কিছুই করিনে আমি ?’

‘তাই যদি চাও, যদি সত্যি আমার জীবনের সাথী হ’তে চাও...তবে

ভেবে দেখে ভালো ক'রে...ঠাট্টা করছি না। বেশ বুঝে দেখ। মিলনের অর্থ বা উদ্দেশ্য কাউকে দাবিয়ে রাখা নয়। আচ্ছা বলতো...আমায় কি দেবে তুমি... বুঝতে পারছি, কথাটা ভাবোনি। তা, ভাববে কি ক'রে? অসম মিলনই তো চ'লে আসছে আবহমান কাল থেকে। দুনিয়া তাতেই অভ্যস্ত হ'য়ে আছে। কিন্তু আমার কাছে একেবারে নতুন...অদ্ভুত...। কেবল ভালোবাসা নিয়েই তুমি আসোনি আমার কাছে। এসেছ তোমার সব নিয়ে—তোমার আত্মীয়স্বজন, বন্ধু-বান্ধব-মকেল, তোমার নির্দিষ্ট ভবিষ্যৎ-জীবন, তোমার পাকা ক'রে ছকা কর্ম-পন্থা, তোমার দল ও দলীয়তা, তোমার পরিবার ও পারিবারিক ঐতিহ্য...এই সব নিয়েই তোমার জগৎ এবং সেই পুরো জগৎটাই তুমি। আমারও একটা জগৎ আছে এবং আমি নিজেই একটা জগৎ। অথচ তুমি আমায় বলছ : 'আনন্দ, ছেড়ে চলে এস তোমার ঐ জগৎ। এস আমার ঘরে আমার পাতা আসনে।' আসব বলেই তো বসে আছি, বন্ধু। কিন্তু খণ্ডিত হ'য়ে আসব না। এখন বলো আমি ঠিক যা সে-ভ বে আমায় গ্রহণ করতে পারবে তো !'

'আমি সবটাই তো চাই গো। কিন্তু তুমিই যে বললে সবটা দিতে পারবে না আমাকে !' রোজার বলে।

'তুমি বোঝোনি। আমি বলছি, আমি সম্পূর্ণ স্বাধীন থাকব, ওরূপ তুমি আমাকে গ্রহণ করতে পারবে কিনা এবং কিছু বাদ না দিয়ে আমার সবখানিকেই মেনে নিতে পারবে কিনা।'

'স্বাধীন !' সংশয়ের সুরে জিজ্ঞাসা করে রোজার 'সেই ৮৯ সনের পর থেকে ফ্রান্সে প্রত্যেকটি মানুষই তো স্বাধীন -[ আনন্দ হাসে। সেই চিরকালে কথার ম্যাজিক ! ] যাকগে, আসলে দু'জনেরই দু'জনকে ভালো ক'রে বুঝে নেওয়া দরকার। বিয়ের পর তোমার পুরো স্বাধীনতা থাকতে পারে না, তা তো মানবে। বিয়ের দায়িত্ব হিসেবেই কতগুলো দায় এসে প'ড়বে।'

'ওই দায় কথাতেই তো আমার আপত্তি। দায় হ'তে যাবে কেন? যেখানে দুটো মানুষের একই জীবন, একই ক্ষেত্র, সেখানে যাকে ভালোবাসি, তার সুরে দুঃখে সংগ্রামে আমি তো সানন্দে স্বৈচ্ছায়ই অংশ নেব। আমার



কর্তব্য তা। এবং সে-কর্তব্য যতই কঠিন হবে, ততই ভালোবাসার ধর্মেই তা আমার শ্রিয় হ'য়ে উঠবে। কিন্তু তাই ব'লে আমার নিজের জীবনের কর্তব্য তো বিসর্জন দিতে পারিনে। তাও এক হাতে রাখতে হবে।'

'আবার কি কর্তব্য। তুমি নিজের কথা আমায় যা বলেছ, বা আমি নিজেও যতদূর জানি, এতদিন তোমার জীবন তো একেবারে নিঝু জ্বাটে পুরো শাস্তির মধ্যেই কেটেছে। সেরকম গুরুতর ঝামেলা কিছু পোয়াতে হ'য়েছে ব'লে তো মনে হয় না। তাহ'লে কিসের এমন ভাগিদ, বুঝতে পারছিনে তো! এতদিন যে সব কাজ কর্ম কর'ছিলে তার কথা বলছ? সে-সবই চালিয়ে যেতে চাইছ? কিন্তু দেখ আমার মনে হয় ঐ ধরনের জিনিস মেয়েদের পক্ষে একেবারেই সম্ভব নয়। বিশেষ ক'রে রুস্তি হিসেবে। গার্হস্থ্য-জীবনের মোটেই অণুকূল নয়—গার্হস্থ্য-জীবন ভগবানের একটি মহৎ দান, বুঝলে! তোমার কাছে কি বোঝা মনে হচ্ছে তা? আমি তো বিশ্বাসই করতে পারছিনে। তুমি মে বড্ড বেশী স্বাভাবিক। পুরে পুরি রক্ত মাংসের মানুষ! হুজুকে মাতা, বা ভাবানেকে ভেসে যাওয়া তো তোমার স্বভাব নয়। চমৎকার একটি ভারসাম্য রয়েছে তোমার মধ্যে।'

'কোন বিশেষ রুস্তির কথা হ'চ্ছে না। তাহ'লে তো গোলমালই থাকতো না। রুস্তি হ'লেই তা অবশ্য পাপনীয় হ'তো। তুমি যে আমার জীবনের ভাগিদ, ঝামেলা ইত্যাদির কথা বলছ অত সহজে তার সংজ্ঞা-নির্ণয় করা যায় না। খুব একটা নির্দিষ্ট চেতনা নেই, কিন্তু অত্যন্ত ব্যাপক।...প্রত্যেক জীবন্ত মানুষের মৌলিক অধিকারের প্রশ্ন...পরিবর্তনের অধিকার।'

প্রায় চীৎকার ক'রে গঠে রোজার: 'সর্বনাশ! বলা কি? পরিবর্তন! প্রেমেও?'

'আমি এক-নিষ্ঠ প্রেমেরই পক্ষপাতী, এবং আমার জীবনে এক-নিষ্ঠ প্রেমকেই আমি গ্রহণ করেছি। কিন্তু এক-নিষ্ঠ থেকেও পরিবর্তনের অধিকার আছে...। বুঝতে পেরেছি, রোজার! 'পরিবর্তন', কথাটাতেই আংকে উঠছ। আমারও মনে মনে চলছে।...জীবনের মুহূর্তগুলি যদি সত্যি সুন্দর হয়, তবে কদাপি পাদযেকং ন গচ্ছামি। মানুষ দুঃখ করে, কেন সুন্দর মুহূর্তগুলিকে চিরকালের

জন্ম ধরে রাখা রাখা যায় না !...তবু বলব ধরে রাখা উচিত নয় ! তাছাড়া ধরে রাখা যায়ওনা । চির-স্থির তো কেউ নয় । মানুষ যে জীবন্ত ; সে বেঁচে থাকে, সামনের দিক এগিয়ে চলে । যেতেই হয়, পেছনের ঠেলা রয়েছে যে ! এগিয়ে যেতেই হবে আমাদের । এতে ভালোবাসার কোনো তো কতি হয় না । প্রেম যে সঙ্গে সঙ্গেই থাকে আমাদের । কিন্তু প্রেম যদি পায়ের বেড়ী হয়ে মানুষকে পেছনে টেনে রাখতে চায়, তাকে নিয়ে একটি মাত্র রক্তীন ভাবনায় মশগুল হয়ে নিষ্ক্রিয় হয়ে জীবন কাটিয়ে দিতে চায়, তবে তাতে কল্যাণ হয় না । রক্তীন প্রেম হবতো সারা জীবনের সঙ্গে জড়িয়ে থাকে, কিন্তু জীবন তাতে ভরে না, রোজার !...

‘ভেবে দেখ, লক্ষ্মীটি । ভালো করে বুঝে দেখ, এমনও তো হ’লে পারে যে তোমার কর্ম-জগতে, তোমার চিন্তা-ধারার সঙ্গে কিছুতেই খাপ খাইয়ে নিতে পারছি না নিজেকে [ এখনও তো পারছি না ] । অথচ ঠিক আগের মতই ভালোবাসি তোমাকে । নিজের জন্ম যে-পথ তুমি বেছে নিয়েছ, তা উত্তম জেনেই নিয়েছ । তার নিন্দে করব, বা তা নিয়ে ঝগড়া করব একথা ভাবতে পারিনে । কিন্তু যেহেতু এটা তোমার পথ, তাই ব’লে এটা আমার ওপর চাপিয়ে দেবে, তাই বা কেমন ? ঘরের মধ্যে যদি হাঁপিয়ে উঠি, তবে জানালাটা একটু খুলে দেবার অধিকার আমার দেয়া উচিত কিনা বলো, রোজার ! দরকার হ’লে ধরো, দরজাটাও [ ভয় নেই, বেলী দূর যাব না ! ] । আমার জ্ঞান-জীবনের প্রবৃত্তি-প্রেরণা দিয়ে আমার বন্ধু-বান্ধব নিয়ে ক্ষমতা অনুসারে ছোট একটুখানি কর্ম-ক্ষেত্র রচনা করে নেব, যাতে এত বড় দুনিয়াটার একটা মাত্র বিন্দুতে বন্ধ না থেকে, একই দিকে তাকিয়ে না থেকে, চুপিটাকে আরও ছড়িয়ে দিতে পারি, একটু হাওয়া বদল করে নিতে পারি , দরকার হ’লে অন্য জায়গায় চলেও যাব...[ দরকার হ’লেই, বুঝেছ !...এখনও দরকার তখনি ..] । কিন্তু সে যাই হোক, আমি এটুকু অনুভব করতে চাই যে এ করার স্বাধীনতা আমার আছে.. আমি স্বাধীন ভাবে ইচ্ছা-শক্তিকে কাজে লাগাতে পারি, স্বাধীন ভাবে নিখাস ফেলতে পারি । এমন কি স্বাধীন হবার স্বাধীনতাও আমার আছে [ ইদ্রত’ কোন দিনই সে-স্বাধীনতার ব্যবহার হবে না ] ।...

‘ক্ষমা করো রোজার ! হয়ত হাসছ, হয়তো ভাবছ ছেলেমানুষী আকার, শুধু পাগলাবো। কিন্তু তা নয়, এ আমি তোমায় বলে দিলাম। এ আমার সত্যিকারের প্রয়োজন—এ না হলে আমি বাচব না। এ আমার নিশ্বাস, আমার প্রাণবায়ু। ও টুকু যদি কেড়ে নাও, তাহলে সত্যি আমি বাচব না। ভালোবেসে আমি সব করতে পারি। কিন্তু জ্বরদষ্টির মধ্যে বাচতে পারিনে আমি। আমার বাধবে কেউ এ চিন্তাটী আমার বিদ্রোহী করে তোলে। উদ্বাহ তো উদ্বন্ধন নয়, রোজার। বিবাহের মধ্যে ছুটীটী হৃদয়টী পূর্ণ-বিকশিত হয়ে উঠবে। একের স্বচ্ছন্দ বিকাশে আর একজন ক্ষুধ না হবে পরম আনন্দে পাশে গিয়ে দাঁড়াতে সহায় হয়ে, সহযোগী হয়ে—এই তো আমি বুঝি রোজার। এখন বল, পরিপূর্ণ মৃত্তির মধ্যে, এমন কি তোমার সহক্ষেপে মৃত্তি দিয়ে পারবে কি আমার ভালোবাসতে?’

[আনেৎ ভাবে : তাই যদি হয়, তোমার হাতে পারব আরো বেশী করে।]

রোজার শোনে উদ্বিগ্ন ভাবে। ও বিচলিত হয়েছিলে, একটু বিরক্তও হয়েছে। অস্বাভাবিক নয়, সকলেই হনো। আনেৎ অবশ্য আর একটু বুদ্ধি খরচ করতে পারত, আর একটু সাবধানে পা ফেলতে পারত। কিন্তু রোজারকে কাঁক দিতে ভেবে আর একটা বোঝা-পড়ার জন্ত ও অস্থির হয়ে পড়েছিল। তাইতে একটু বাড়াবাড়ি হবে যেত প্রায়ই। ওর মনের দ্বন্দ্ব একটু উগ্র হয়েই প্রকাশ পেত। তাইতে চমকে গিয়েছিল রোজার এবং তুল বুঝে বসল একে। আর একটু বলিষ্ঠ ভালোবাসা হলে এ-তুল বোঝার সম্ভাবনাটী ছিল না। কিন্তু সর্বোপরি রোজারের অহমিকায় ঘা লেগেছে। একবার ভাবছে এই মেয়েলী, খাম-খেবলীকে ও আমলেই আনবে না। আর একদিকে অসহ্য লাগছে এই নৈতিক বিদ্রোহ। বিষম অসুস্থত্ব ও পথ খুঁজে পাচ্ছে না। বিদ্রোহিনীর বিদ্রোহের মথোকার আকুলতাটুকু রোজারের অস্তরে পৌছোয় নি। সে শুধু এটুকু বুঝল যে প্রচ্ছন্ন রূপে অঘাত এল ওর মালিকানায়। নারী-জাতির সঙ্গে ব্যবহারের কৌশল ওর জানা নেই; নইলে আজ মনের বিরক্তি মনে চেপে ও উদার্য দেখিয়ে আনেৎ বা চাইত তাই দেবে বলে অঙ্গীকার করে যেত। ‘প্রেমিকের পণ !

সে তো হাওয়ার খেলা শুধু। তবে আর অত কার্পণ্য কেন?....' কিন্তু রোজারের যেমন দোষ ছিল তেমন গুণও ছিল। রোজার সেই যাকে বলে 'ভালো ছেলে।' নিজেকে নিয়েই ডুবে আছে মেয়েদের সম্বন্ধে বিশেষ কিছু জানে না, তাদের সম্বন্ধে মেশেও নি। তারপর মনের ভার গোপন করতেও জানে না। বিরক্ত হয়েছে আনেং-এর কথায়, লুকোতে পারলে না। 'আনেং আশায় আশায় আছে যে উত্তরে দু'হাতে দাক্ষিণ্য ঢেলে দেবে রোজার। কিন্তু নিরাশ হতে হ'ল। কারণ, শুনতে শুনতে শুধু নিজের কথাই ভাবছিল সে। তাই বললে :

'আনেং, তুমি যে সত্যি কি চাও আমার কাছে তা একটুও বুঝতে পারছিনে। বিয়েকে ভাবছ জেলখানা। সেই জেলখানা থেকে পালাতে চাও তুমি। আমার বাড়ীর দরজা জানালায় গরাদ আঁটা নেই। যথেষ্ট বড় বাড়ী, বেশ আরামে হাত পা ছড়িয়ে থাকা যায়। কিন্তু তাই বলে সব দরজা জানালা হা করে খুলে রেখে সদর অন্তর এক করে তো আর থাকা চলে না। থাকার জন্মই তো বাড়ী-খানা তৈরী হয়েছে। অথচ তুমি বলছ, তোমার থাকা চলবে না এখানে; তোমার নিজস্ব জীবন আছে, তার কাজ-কর্ম আছে, বন্ধু-বান্ধব আছে। আর যদি ঠিক বুঝে থাকি, এও বলছ যে খুশিমত বাড়ী ছেড়ে চলে বাবার—আর...জানিনে বাপু কিসের যে অসুবিধে তোমার এখানে—হ্যাঁ, আর যে-দিন ইচ্ছে ফিরে আসার অধিকারও না'কি তোমার আছে...আচ্ছা, তাই কি হয়, আনেং! তুমিই বলো! পারে কোন স্বামী স্বীকে এ ভাবে একটা গোলক ধাঁধার মধ্যে ছেড়ে দিতে? আর স্বামীর পক্ষেই বা কষ্টখানি অপমান ভাবতো! তুমি নিশ্চয়ই সত্যি সত্যি বলছ না, ঠাট্টা করছ। তাই না আনেং?....'

রোজারের কথার মধ্যে শুভবুদ্ধি ছিল না তা নয়। কিন্তু হৃদয়ের স্পর্শ-বিহীন নিছক শুষ্ক শুভ বুদ্ধি নিতান্তই অর্থহীন। আনেং বিচলিত হয়। কিন্তু মনের চাক্ষুণ্য ঢাকা প'ড়ে যায় বুকের গর্ভিত কাঠিলে। বলে :

'রোজার, যে মেয়েকে ভালোবাসবে তাকে বিশ্বাস করা দরকার। বিবাহিত জীবনে তোমার মান সম্মানকে সে আপনার করে নেবে না এ-কথা যদি ভাবো

তবে তাকে অপমান করা হয়। তুমি কি ভাবো যে তোমার মাথা নীচু হয়, এমন কাজ কখনও করতে পারি আমি? তোমার অপমান যে আমারও অপমান! তোমার ঘটনানি তুমি আমার হাতে তুলে দেবে তাকে আগলে রাখার দায় আমার কতখানি জানো? যতই আমি মৃক্ত হব, সে দায় আমার ততই বাড়বে। আমায় আর একটু মর্যাদা দিতে হবে, রোজার! একটুও বিশ্বাস ক'রতে পার না আমায়?’

রোজার বোঝে অবিশ্বাস দিয়ে বেঁধে রাখা যাবে না এ মেয়েকে। তারপর ভাবে—দূর ছাউ। এসব মেয়েলী গেখাল! তাই নিয়ে এত বাড়াবাড়ি করার দরকারই বা কি? তার চাউতে আমলেই আনবে না। যথেষ্ট সময় আছে—সব ঠিক হ'য়ে যাবে (অবশি যদি তত দিন মনে থাকে আনেৎ-এর)।

সুতরাং প্রেমিক-স্বলভ ব্যগ্রতার সঙ্গে বলে :

‘বিশ্বাস, আনেৎ! সম্পূর্ণ বিশ্বাস করি। তোমার ওই স্তন্যর চোখকে বিশ্বাস না ক'রে বাঁচবো কি ক'রে! তুমি শুধু আমায় এইটুকু বলো যে চিবকাল আমায় তুমি ভালোবাসবে...শুধু আমায়, আর কাউকে না...আর কিছু চাইনে তোমার কাছে আমি।’

জীবন মরণের প্রশ্ন আনেৎ-এর। সোজাসৃজি উত্তরটাকে এড়িয়ে যেতে চাউছে রোজার ঠাট্টা ভ্রামসা ক'রে। ওর এই হান্সা ধরণটা বিদ্রোহিনী মেয়ের ভালো লাগল না। শক্ত হ'য়ে উঠল ও।

‘না রোজার, ও প্রতিজ্ঞা করতে পারব না। তোমায় সত্যি আমি খুব ভালোবাসি। কিন্তু তাই বলে বে-ব্যাপানের সবখান আমার হাতে নেই তা নিয়ে যদি অমন একটা প্রতিজ্ঞা ক'রে বাঁস গ্রাহলে ফাঁকিই দেওয়া হবে তোমায়। কিন্তু তোমায় ঠকাত্তে তো পারব না আমি। শুধু এটুকু কথা আজ তোমায় আমি দিতে পারি, তোমার কাছ থেকে কোন দিন কিছু লুকোবনা। যদি এমন দিন কখনও আসে যে তোমার ওপর আমার ভালোবাসা নিঃশেষ হ'য়ে গেছে, অথবা আর কাউকে ভালোবাসছি, তবে সে-কথা সব চেয়ে আগে এমন কি আমার বন্ধুরও আগে তোমাকেই জানাবো। তুমিও তাই করো, রোজার। আমাদের মধ্যে যেন কোন ছলনা না থাকে।’

মনঃপূত হ'লো না রোজারের। অপ্রিয় সত্য দ্বারা এলে, বাড়ীতে কেউ নেই বলে কিরিয়ে দেওয়াই ত্রিসটদের ধর্ম। রোজারের ক্ষেত্রে তার ব্যতিক্রম হ'লো না। উচ্ছ্বসিত হ'য়ে উঠে বলে ও :

'...কি সুন্দর তুমি, আনেৎ ।...কিন্তু এসব কথা এখন থাক...চল অন্য কথা বলি ।'

[ তের ]

আনেৎ নিরাশ হ'য়ে কিরল। ওর আশা ছিল বেশ ভালো রকম খোলাখুলি কথা হ'য়ে যাবে। কাজটা খুব সহজ হবে এ ভরসা না থাকলেও অন্ততঃ রোজারের হৃদয়ের আলো তার অন্তরকে পথ দেখাবে এ আশাটুকু করেছিল। কিন্তু সব চেয়ে ওর দুঃখ যে রোজার ওকে বুঝলও না, বুঝতে চেষ্টাও করল না। দেখল শুধু ওপর ওপর, আর তাও নিজের দিক থেকে। আনেৎ-এরও যে একটা দিক আছে তা একবারও ভাবল না। ওর মত তীব্র সংবেদনশীল মনের কাছে এর বাড়া দুঃখ বুকি আর নেই।

কিন্তু নিজেকে ধাঁকি দেয়নি আনেৎ। রোজার ওর কথা শুনে বিব্রত হয়েছে, বিরক্ত হয়েছে; কিন্তু ওর কথার গুরুত্ব উপলব্ধি ক'রতে পারেনি। ভেবেছে, এসব ও-মেয়ের উদ্ভট খেয়াল। ও পাগলা নৃতন কিছু করতে চায়। কিন্তু রোজারের মা তো যেমনকে তেমন থেকেই দিব্যি সবার ওপর দিয়ে চলছেন। সবার অবশ্য এ গুণ থাকে না! আনেৎ-এর অন্য কতগুলো গুণ আছে—যার বিশেষ দাম এতদিন রোজার দেয়নি। কিন্তু আজ এইরূপে ওগুলোকেই আকড়ে ধরল ও। এবং এট ব্যাপারে ওর মনের চাইতে দেহের ক্রিয়াই বেশী। আনেৎ-এর আবেগ-ঢালা উৎসাহ-ব্যাকুল মনটাকে ওর অত্যন্ত ভালো লাগে। অবশ্য যতক্ষণ রোজারের অনুবিধায় পড়বার মত কোনও ব্যাপারে উৎসাহটি সক্রিয় হ'য়ে না ওঠে। তার প্রকৃতির সহজ-স্বভাবতায় গোপন রাখেনি আনেৎ যে সে রোজারকে ভালোবাসে। এটুকু রোজার পরিষ্কার বুঝে নিয়েছে যে কিছুতেই আনেৎ এ বন্ধন থেকে নিজেকে ছাড়িয়ে নিতে পারবে না।

এদিকে পাশের মানুষটির চিত্তের বজমক্ষে, বিবেকের যে খেলা চলছে, ভাবতেও পারেনি রোজার। এত ভালোবাসে রোজারকে আনেৎ যে মানুষটার আজকের এই দীন কৃপণ মূর্তি দেখেও বিশ্বাস করতে পারছে না ও। নিজেরই দেখার ভুল। এট কখাই বিশ্বাস ক'রতে পারলে যেন নেচে যায় ও। হাতড়ে বেড়ায়, যদি আর কোন অবলম্বন পার হাতের কাছে। আচ্ছা বেশ তো। স্বাধীনতা যদি নাই দেয় রোজার—তার জীবনের কোন অংশে প্রতিষ্ঠা ক'রবে সে একে! কিন্তু মন যেন কিছুতেই শুনতে চায় না যদিও বাধ্য হ'য়ে আজ নূতন পথে পা বাড়াতে হয়েছে। ওর স্থান হবে শুধু খাবার টেবিলে, ড্রইংরুমে আর শয়ন-কক্ষে। ঐটুকুতেই ওর মগ্নী রচিত হবে রোজারের আত্ম-প্রাধান্তে—যার মধ্যে এক বিন্দুও ছলা-কলা নেই, কৃত্রিমতা নেই। নিজের কথা মিঠে ক'রে সে শোনাতেও হয়ত, আনেৎ-এর থাকবে শুধু মাথা নেড়ে সায় দেয়া। সহকর্মীর মত স্ত্রীর সাথে সে তার রাজনৈতিক জীবন নিয়ে আলোচনা করবে, তার পরামর্শ নেবে, সে-মানুষ রোজার নয়। সামাজিক জীবনে স্ত্রীর পৃথক সত্বাকে যেমন সে স্বীকার করে না, এ অধিকারও সে নিশ্চয়ই দেবে না। যে মেয়ে একে ভালোবাসবে সে তার সবখানি একে দেবে আর ওর কাছ থেকে ছিটে খোঁটা পেয়ে সে ধন্য হবে—রোজারের মতে দাভাবিক রীতি তাই। আবহমান কাল থেকে তাই হ'য়ে আসছে। শ্রেষ্ঠদাতিমানে চিরকাল পুরুষ জেনে এসেছে সে যা দেয় নারীকে তার শ্রজন বেশী না হ'লেও দাম অনেক বেশী। সনাতন সেই শ্রেষ্ঠদাতিমান ওর মজ্জায়। কিন্তু করাসী পুরুষের স্বতাব-সৌজন্যে তা দাঁকাব করবে না রোজার। যদি কোনদিন আনেৎ স্বামীর নজীরে স্ত্রীর অধিকার দাবী করতে যায় তবে হয়তো হেসে সে বলবে :

'তটো এক কথা নয়।'

'কেন নয়?'

হয়ত উত্তর এডিয়ে যাবে রোজার। বিশ্বাসকে তর্কের হাতে নাহলে ভাঙ্গার ভয় বেশী থাকে। অন্তরের বন্ধ-মূল বিশ্বাসকে নিবারণ সে করবে না। আনেৎ ওর বিশ্বাস ভাঙতে চাইবে। কিন্তু ভুল পথে। প্রথমতঃ নিজের মত ওর ওপরে চাপাবার ব্যর্থ প্রয়াস, বোঝাবুঝির একটা সাধারণ সূত্র খুঁজে পাওয়ার, এবং

আবেদন নিবেদনের চেষ্টা, সব কিছুই যেন নূতন করে আনেৎ-এর ওপরে ওর ক্ষমতার সাক্ষ্য দেবে। অহংকারী হ'য়ে যেন ওঠে মানুষটা। সহসা হয়ত আনেৎ-এর ধৈর্য-চ্যুতি ঘটবে। কথা ব'লতে গিয়ে গলার স্বর কেঁপে উঠবে। রোজার সমস্ত হ'য়ে ওঠে ; ওরা যা চায়,—প্রসন্ন দাক্ষিণ্যে তথাস্ত ব'লে যায় অকাতরে। এই ওর কৌশল। যেন গানের সুর। সব যেন 'ওর কাছে গান। এর অপমান গিয়ে মর্মে বাজে।

আরো অনেক প্রশ্ন আছে। সিল্ভীর সঙ্গে সম্পর্কের ওপরেও আঘাত আসবে। কারণ এ-সমাজে স্বাধীনাদের স্থান নেই। তারপর সিল্ভী দরজীর কাজ করে। এমন মানুষের সঙ্গে সম্পর্ক রেখে—সে নিজেদের হোক আর বৌ-এর হোক—কিছুতেই মুখে চুন-কালি মাখতে রাজি হবেন না ব্রিসটরা। লুকিয়ে রাখতে হবে ব্যাপারটা। কিন্তু কিছুতেই রাজি হবে না সিল্ভী, আনেৎ নিজেও হবে না। কারণ ওদের আত্ম-সম্মানে যা পড়বে। আনেৎ রোজারকে ভালোবাসে। তাকে ও আরও তীব্র কামনা দিয়ে চায়। কিন্তু তাই ব'লে সিল্ভীকে বিসর্জন দিতে পারবে না। সিল্ভীকে ও অতিরিক্ত ভালোবাসে। ও ভোলেনি, এই ভালোবাসাই শুকে বার বার মানস-লোকের গভীরতম গভীরে নিয়ে গেছে। ও ছাড়া আর কেউ জানেনা এ খবর। সিল্ভীও নয়। হয়ত বা খানিকটা আন্ডাজ ক'রে থাকবে ও। রোজারের সঙ্গে অন্তরঙ্গ আলাপনের মুহুর্তে সিল্ভীর কথা বলেছে আনেৎ একেবারে প্রাণ ঢেলে দিয়ে। কোতুকে মনে মনে হেসেছে রোজার। হৃদয় যেন ছুঁষেও গেছে। হয়তো বা এ আনেৎ-এর জীবনের পেছনে ফেলে-আসা অধ্যায় বলেই। বর্তমানেও এই সম্পর্কের জের চলুক এ চায় না রোজার। বরঞ্চ কাউকে কিছু বুঝতে না দিয়ে গোপনে এর উচ্ছেদ সাধন করবে, এই সংকল্পই ও ক'রে রেখেছে মনে মনে। নিজের স্ত্রীর ভালোবাসার ব্যাপারে কারো সঙ্গে বখরাদারী করতে ও চায় না। তাই তো! 'নিজের স্ত্রী...' যেমন 'এই কুকুরটা আমার...' মালিকানার পাকা হিসেব...যে পরিবারের মানুষ...

খাকার মেয়াদ ফুরিয়ে গেল। তবু রয়ে গেল আনেৎ। বাইরে আদর আপ্যায়নে পরিবৃত আনেৎ। কিন্তু মালিকানার ফাঁস দিনে দিনে দিনে শক্ত



হ'য়ে ওঠে । যা মেয়ের গার্হস্থ্য-বৈরতন্ব হাজারো খুঁটিনাটির মধ্যে আত্ম-প্রকাশ করে । হরেক রকমের মশলার ওদের মন তৈরী—। ওরা সব জানে—সংসারের কথাই হোক আর বিশ্ব-সমস্তাই হোক ; ক্লোজকার আট-পৌরে জীবন হোক অথবা জীবন-সমস্তাই হোক । ওদের পৃথিবীটা, চিরকালের জন্য পাকা-পোক ক'রে কংক্রীটে গাঁথা হ'য়ে গেছে । সব গোনা গাঁথা, মাপা । আগে থেকে বন্দোবস্ত করা আছে সব । কোনটাকে সুখ্যাতি করবে—কোনটা গ্রহণ, কোনটা বর্জন করবে—একেবারে তালিকা-বন্দী করা আছে সব । মানুষের চাল-চলন, আচার-ব্যবহার, চিন্তা কাজ সব কিছুর বিচার হবে ওদের বিচার-শালায় ;—ওখানে আপীল চলবে না । ওদের বাকা হাসি আর কথার ভঙ্গি শুনে তর্ক করার ইচ্ছেই হয় না ।

‘মনের রাস্তা দুটো হয় না, বাছা ।’ ওরা প্রায়ই বলে ।

একটাই বা কেন হবে, ওর নিজস্ব রাস্তা একটা আছে বৈকি—এই কথাটাই আনেৎ মাঝে মাঝে বোঝাতে চেয়েছে ।

মৃদু হাসির সঙ্গে জবাব এসেছে : ‘পাগলী মেয়ে !’

আনেৎ এক মুহূর্তে ঠাণ্ডা হ'য়ে গেছে ।

আনেৎ এ বাড়ীর বৌ হ'বেই ওরা ঠিক ক'রে নিয়েছিল । একটু শিথিয়ে পড়িয়ে নিতে হবে এই যা । পাঠ আরম্ভও ক'রে দিয়েছে—একেবারে প্রথম থেকে । ত্রিসটদের আপন পঁজি-পুঁথি—তার আলাদা বার-তিথি মাস বছর, পাল-পার্বন ; এখানে সমাজ রয়েছে, রয়েছে পারীতে ; আত্মীয়-স্বজন বন্ধু-বান্ধব—তাদের সাথে আসা যাওয়া, মেলা-মেশা, ভালমানুষি, কুটুম্বিতা, ডিনার ইত্যাদি, অজস্র কর্ম তালিকা । বাইরে ‘আর পারিনে,’ বলে হাঁপান বটে গৃহিনীরা, কিন্তু এগুলো আছে ব'লেই তাঁরা আছেন । এসবই ওদের আসল গর্বের বস্তু । আর সর্বদা এই সব নিয়ে ব্যস্ত থেকে থেকে—কাজ করছি বলে মিথ্যে হ'লেও, সাস্বনা মেলে । চক্ষিণ ঘন্টার এই কেতা-দুরন্ত ঘাত্তিক জীবন আর তার মিথ্যে গানি অসহ লাগে আনেৎ-এর । সব যেন একেবারে আগে থেকে ধরে বেঁধে দেওয়া । কাজ, ক্ষুতি—হাঁ ক্ষুতিও আছে বৈকি ওদের... সব আগে থেকে ঠিক করা, বিধি-বদ্ধ ভাবে ।

...উঃ কি মজাই না হয় বখন 'হঠাৎ উৎপাত আসে...। কিন্তু যত উৎপাতই আসুক, কোন অঙ্কুহাতেই ছুটি নেই। আনেৎ-এর মনে হয় ওকে যেন একটা পাঁচিলের মধ্যে হাঁটের মত ক'রে গেঁথে দিয়েছে কেউ চুন সুরকী দিয়ে...।

অসহ্য লাগে এ-জীবন।

মনে হ'তে পারে আনেৎ-এর মত অমন অফুরন্ত কর্ম-শক্তিকে দাবিরে রাখা যায় না কিন্তু ও যেন একটা বিষম স্নায়বিক উত্তেজনার ঘোরে চলেছে। বে-ভাবনা মন জুড়ে আছে, অহোরাত্র ভাবনার ফলে সেটা কে অন্তরকম দেখায়। দিনের বেলা ছোট খাট ছ'চারটে যে-কথা শোনে, রাতের বেলা, ওকে একলা পেয়ে সেই কথারা দৈত্য-দানব হ'য়ে ওঠে। অনবরত তাদের সঙ্গে লড়াই চলে; নিজেই ভয় পেয়ে যায় সে-সাংঘাতিক লড়াই দেখে। কেবলি মনে হয়, এবারে হার। আর কিছুতেই আত্মরক্ষা করতে বুঝি পারবে না। সে-শক্তি কোথায় দেহে? বড় দুর্বল লাগে, নিজের ওপরে বিশ্বাস নেই; ভয় করে নিজের প্রকৃতিকে। বারে বারে কোথা থেকে একি চাঞ্চল্য ওর পীড়িত মনটাকে কেবলি নাড়া দিয়ে যাচ্ছে। কোথা থেকে আচমকা এই দমকা হাওয়ার ঝট্কা এসে সব তচনচ্ ক'রে দিয়ে যাচ্ছে। বুঝতে পারে না আনেৎ। জানে না ঐশ্বর্যময়ী আনেৎ, ওর সত্তার বিভব-বৈচিত্রের মধ্যে নূতন একটা সজ্জতির সুর বাজছে; ধীরে ধীরে জীবনের মধ্যেই তার উপলব্ধি হবে। আজ তারই সৃষ্টির আলোড়ন চলছে ওর মধ্যে। তাই এ বিক্ষোভ, তাই দেহ-মনের এ চাঞ্চল্য। আজ চারদিকে ওর বিপদ।

ভালোবাসার মধ্যে আজ সংশয় আনেৎ-এর, তাই এ-চাঞ্চল্য। জানে না ও—মনে হয় প্রেম ওর শুকিয়ে গেছে...তবু যেন 'পাত্র মোর রিক্ত হয় নাই...'। স্বপ্ন চলেছে হৃদয়ে আর মনে; মনে আর ইন্দ্রিয়ে। মনের ডুল ভেঙ্গে গেছে, যুচে গেছে তার চোখের রং। সত্যকে সে দেখছে। কিন্তু ডুল ভাঙেনি হৃদয়ের। কামনার বস্তুকে হারাবার ভয়ে ব্যাকুল দেহ...প্রবৃত্তিও বলে—ছাড়ব না।

আনেৎ বোঝে। রাখা ওর হেঁট হ'য়ে যায়। বলিষ্ঠ মন দৃষ্ট কঠে প্রতিবাদ তোলে :

‘আমি ভালোবাসিনে, আর ভালোবাসিনে...।’ কেন ভালোবাসিনে, রোজারের মুখেই তার জবাব খুঁজে পায় ওর বিদ্রোহী চোখ।

রোজার বোঝে না কিছুই। স্নেহ দিয়ে, প্রেম দিয়ে, ফুলে, উপহারে, আনেৎকে ঘিরে রেখেছে ও। ভেবেছে খেলায় জিৎ হয়েছে ওর। কিন্তু স্বপ্নেও ভাবেনি পোষ-না-মানা ওই মেয়ে আড়াল থেকে ওরই দিকে তাকিয়ে বসে আছে, বরণ-মালা হাতে। ‘তোমায় আমি স্বীকার ক’রলেম’ বলে যে-মানুষ ওর সামনে দাঁড়াবে তারই কণ্ঠে ওই মালা পরাবে বলে হৃদয় ওর উন্মুখ হ’য়ে আছে। কিন্তু রোজার ওই যাদু-মন্ত্র উচ্চারণ ক’রতে পারল কই? [ হয়ত’ তার কারণ ছিল ওর ] বরণ অবিদ্যুতভাবে বিপরীত কথা বলে আনেৎকে আঘাত দিয়েছে। ওপর থেকে বোঝা যায়নি, কিন্তু কত বিকৃত হ’য়ে গেছে ওর হৃদয়। পর-মুহূর্তেই রোজার ভুলে গেছে। কিন্তু ভোলেনি আনেৎ। . ওর বুকের মধ্যে গাঁথা হ’য়ে গেছে সব কথা—দশ দিন, দশ দিন কেন, দশ বছর পরেও প্রতিটি কথা ও মৃৎস্থ বলে যেতে পারত—স্মৃতি ওর এতটুকু ম্লান হয়নি, শুকোয়নি ওর বুকের কাচা ঘা। কিছুতেই ভুলতে পারলে না। কেমন ক’রে ভুলতে হয় জানে না বলে নিজকে ও তিরস্কার কম করেনি। মেয়েরা ভোলে না, ভুলতে জানে না। এমন কি জ্ঞানে গুণে শ্রেষ্ঠ যে মেয়ে, প্রিয় জনের অপরাধ ক্ষমা করতে পারলেও, ভুলতে পারে না।

মিহি সূতায় মিহি ক’রে বোনা প্রেমের বস্ত্রখানিতে ছিদ্র দেখা দিল। কাপড়খানা বেশ টান ক’রে আট সাঁট ক’রে মেলা, তবু এতটুকু নিশ্বাসেই তা কেঁপে ওঠে। পারিবারিক বৃত্তের মধ্যে, বংশগত দোষ-গুণ-বৈশিষ্ট্য-খাঁটি ব্রিসট রোজারকে দেখে, তার কঠিন নীরস বাগারঘড় শুনে এবং সাধারণ মানুষের প্রতি ওর অবহেলা দেখে আনেৎ ভাবে :

‘রোজার ঝ’রে যাচ্ছে! আজ ভালো লাগার মত যাও বা আছে, ক’বছর পরে তাও তো থাকবে না ও।’

দিব্য চক্ষুতে ও দেখতে পেল—বিবাহের পর চব্বিশ ঘণ্টার জীবনের প্রাক্কনে যেদিন এসে দাঁড়াবে, বড় বেদনাকর ভাবে মোহ-ভঙ্গ হবে সেদিন। সংঘর্ষ বাধবে বা ছ’জনের পক্ষেই অত্যন্ত ম্লানিকর হবে।

রোজারকে এখনও ভালোবাসে বলেই পরিণতিকে ও ছুহাতে ঠেকাতে  
চায় আজ ।

ইষ্টারের দুদিন আগে—রাতে ও একেবারে মন স্থির করে ফেলল।...কি  
ভয়ানক রাত...কি ভয়ানক তার ইতিহাস...কত উত্তপ্ত কামনার কঠরোধ করতে  
হ'ল...কত অবাধ্য দুর্মর আশাকে পানের তলায় দলে পিয়ে ফেলতে হ'ল... ।  
কল্পনার ঘর বেঁধেছিল রোজারের সঙ্গে...কল্পনার তুলি দিয়ে আঁকা কত সুখের  
কত গান গেয়েছিল আপন মনে...সব ছেড়ে যেতে হবে...পথের মাঝে ছ'হাতে  
ছড়িয়ে ফেলে দিয়ে যেতে হবে সব...! এতদিন পরে মানতে হবে, সব ভুল !  
বা কিছু এতদিনকার জানা, মানা...সব ভুল ! মানতে হবে সুখ নেই মানুষের  
অদৃষ্টে !...

অন্ত মেয়ে হ'লে এত বড় সৌভাগ্যটাকে প্রত্যাখ্যান করতে পারত না ।  
কেন, ওই বা কেন পারলে না গ্রহণ করতে !...একটু খানি ছেড়ে দিতে  
পারলে না !...না, পারলে না আনেনে । কি বিলী এই জীবন ! প্রেমও চাই,  
আবার মুক্তিও চাই...। ছুটোর কোনটাই না হ'লে জীবন চলে না । কিন্তু  
সামঞ্জস্যের পথ কোথায় ? লোকে বলে—ত্যাগ । ত্যাগ নইলে কিসের  
ভালোবাসা ! কিন্তু বৃহৎ প্রেমের অধিকারী যারা, তারাই যে আবার মুক্তি-  
পাশল । বলিষ্ঠ মানুষ তারা—অস্তুরে বাহিরে সব খানিই বল । প্রেমের  
কাছে মর্খাদাকে বিলিয়ে দেওয়া...তারা মনে করে আত্মাবমাননা...প্রেমের  
অবমাননা...। না, অত সহজ নয় এই প্রেম তত্ত্ব...পুষ্টির শাস্ত্রের কথা, নীটশের  
নীতি কথা, অহংকার-নিরংকার-তত্ত্বের মত অত সহজ নয় । নাশমাখা  
বলহীনের লভ্য : তেমনি প্রেমও বলহীনের দ্বারা লভ্য নয় । বল কাকে  
বলে ? দুর্বলতার উণ্টোটাই বল নয়, যেমন পানের উণ্টো পিঠে নয় পুণ্য ।  
ছুটোই বিপরীত-ধর্মী পৃথক পৃথক শক্তি-সত্তা, গুণ, ধর্ম ।...আমাদের সত্যকার  
জীবন-দর্শনে সামঞ্জস্যই একমাত্র সত্য ধর্ম হওয়া উচিত । কিন্তু মানুষের  
সমাজ মিথ্যের রাংতার মোড়া তথাকথিত ত্যাগ আর নিপীড়নকেই একমাত্র  
ধর্ম বলে জেনে ও মেনে এসেছে । কিন্তু আনেনে মিথ্যে বলবে কি ক'রে ?

তাহ'লে ? কঃ পহাঃ ? পলারন ? এই গোলক ধাঁধা হ'তে যত শিগ'গির  
পারো, পালাও আনেৎ । যে ক'রে হোক যেতেই হবে ! যখন ভালো ক'রে  
জেনেইছ এট বিবাহে ভূমি কাঁচবে না—তখন আর দেবী কেন ? কালই তাহ'লে...  
'ছিন্ন করো ফুলের মালা, ঘুচিয়ে দে তোর সজ্জা...' ! শেষ ক'রে দাও এই  
মিথ্যে !'

শেষ ? কল্পনার চোখে দেখতে পায় আনেৎ...সমস্ত পরিবার স্তম্ভিত হ'য়ে  
যাবে এই আকস্মিক ব্যাপারে ; ওর নিন্দার মুখর হ'য়ে উঠবে চারদিক ।...  
উঠুক ! এ সব তো যেমন তেমন ! কিন্তু...রোজার !...অন্ধকারের মধ্যে  
রোজারের মুখখানা ভেসে ওঠে...কি নিদারুণ ব্যথা পাবে সে ।...বাঁধ ভেঙ্গে  
নতন আবেগের উন্মত্ত জোয়ার নামে...সব ভাসিয়ে নিয়ে যেতে চায় । বুকের  
মধ্যে আগুন জ্বলছে...চিং হ'য়ে গুয়ে আছে বিছানার আনেৎ শুক হ'য়ে...  
কাঠিন্ হিম-শিলার মত ; চোখ খোলা, হাত দু'খানি বুকের ওপর, যেন অশান্ত  
স্নদপিণ্ডটাকে দুই হাতে চেপে রেখেছে ।...‘রোজার ! আমার রোজার !...’  
অন্ধকারের বুকে ওর নীরব মিনতি আছড়ে পড়ে : ‘আমায় ক্ষমা কর !  
ব্যথা তোমায় না দিয়ে পারলেম না । দিতে চাইনি...না : পারছিনে !  
পারছিনে !’

তারপর প্রেমের এমনি উত্তাল বচা নামে সব ছাপিয়ে ভাসিয়ে, অশুশোচনায়  
মরে যায় ও । প্রায় ছুটে যায়...ঘুমন্ত রোজারের শয্যাপ্রান্তে লুট'য়ে প'ড়ে ওর  
হাত দু'খানিতে চুমু খেয়ে বলবে :

‘সব ক'রব আমি, ভূমি যা চাও তাই ক'রব...’

সে কি ? এখনও রোজারকে ভালোবাসো আনেৎ ?...বিদ্রোহিনী মাথা  
নেড়ে ওঠে : ‘না, কখনও না...আর ভালোবাসিনে, এতটুকুও না...’

এ যে কত বড় মিথ্যে কথা !...

‘ভালোবাসিনে ?’ মিথ্যে...মিথ্যে ছলনা ! ভালোবাসা ওর মরে নাই,  
আরও উজ্জীবিত হ'য়ে উঠেছে । হয় তো এ-ভালোবাসা ওর সম্ভার  
উল্লম্বাংশের উপচার নয় [ কিন্তু কিইবা উত্তম, আর কিই বা অধম ! ] ।  
তা বৈকি ! উত্তমও আছে, অধমও আছে । দেহ আর আত্মা ।...প্রজ্ঞা

ফুরিয়ে গেলে ভালোবাসাও যদি ফুরিয়ে যেত ! ভারী আরাধনের হাতে !...  
 প্রিয়ের হাতের নিশীড়ন কখনও নারীর প্রেমকে হত্যা করতে পারেনি ।  
 কিন্তু জীবন বিডম্বিত হয়েছে, যেখানে ভালোবাসতে হয়েছে জোর করে ।...  
 আজ আহত বেদনায় জর্জর আনেৎ—কোথাই বা সাধনা ! বিশ্বাসের ভূমি  
 নাই—আত্মবিশ্বাস নাই, রোজারের গভীর প্রেম নাই । মনের গোপনে  
 নিরালায় বসে যত আশার জাল বুনেছিল, সব আজ ছিড়ে গেছে । আশা-  
 ভঙ্গের তীব্র বেদনায় ও জর্জরিত । রোজারকে সমস্ত প্রাণ দিয়ে একান্ত করে  
 ভালোবাসে বলেই ও রোজারের কাছে থেকে ওর স্বতন্ত্র সত্তার স্বীকৃতি  
 চেয়েছিল । চেয়েছিল সাধারণ মেয়ের মত নিজেকে ডালি দিয়ে যৌথ-জীবনের  
 নিষ্ক্রিয় অংশীদার শুধু না হয়ে আরও বেশী কিছু হতে । স্বতন্ত্র সত্তা নিয়ে ও  
 তার শ্রদ্ধাবতী, নিষ্ঠাবতী সহচারিণী হবে । কিন্তু রোজার তা বুঝল না তার  
 কাছে ওর এ মহা-দান মূল্য পেল না । লাহিত প্রেমের ক্রোধে ও বেদনায়  
 আনেৎ মুহমান হয়ে পড়ে ।...

‘না না আমি ভালোবাসিনে আর রোজারকে—বাসিনা—বাসবনা ’ দেহ  
 অবসন্ন...বিদ্রোহের হংকার মিলাব’র আগেই কান্নায় ভেঙে পড়ে ও । সুষুপ্ত  
 গভীর রাত্রির নীরবতা...বুদ্ধির হিম-শৈলের নীচে বসে আনেৎ আগুন হয়ে  
 জ্বলে...কেবলি আনেৎকে গ্রাস করতে না চেয়ে রোজার যদি একটুখানি নিজেকে  
 দিলে—দয়া করে করুণা করেই না হয়, যদি আভাসে, ইচ্ছিতে একটু জানতে  
 দিত তাহলে পরম আনন্দে ও ওর সব বিলিয়ে দিতে পারত ওর কাছে ।  
 একথা জানাতে পারবে না আনেৎ, চায়ওনা—খাক ওর মনে মনেই । কেবল  
 একবার ছুবার খোল ভূমি রোজার । ছাড়তে তোমায় কিছুই হবে না...কোন  
 ত্যাগ-স্বীকার করতে হবে না...শুধু হৃদয় মেলে একবারটি জানতে দাও ভূমি  
 আমার সত্য ভালোবাসো...। কিন্তু তাতো হবার নয় । রোজার ভালোবাসে  
 তার নিজের ধরনে—আনেৎ-এর স্বরমায়েস-মত নিরীধ সে পাবে কোথায় ! এ  
 দিক দিয়ে ও ভাবেওনি । আনেৎ-এর এইসব দাবীকে ও নেহাৎই গুরুত্বহীন  
 মেয়েলী দাবী বলে নিয়েছে—যা হাসিমুখে শুধু শোন । কি চায় ও ? অমন  
 করে কাঁদছে কেন ছাই ! রোজারকে ভালোবাসে, বেশ তো—তার কি ?...

‘তুমি আমায় ভালোবাসো, বাসোনা ? বলা, বাসো...আর চাইনে কিছু... এই আমার সব চাওয়ার সার ।’

‘আঃ আবার এই কথা ! ভালোনি দেখছি...!’

অশ্রুর সঙ্গে হাসি মেশে । বেচারী ! রোজার রোজারই । সে-দোষ তো ওর নয় । আমার যা তাই থাকব । বদলাতে চাই না । না ও, না আমি । শুধু একসাথে থাকা আমাদের চলবে না...

চোখ মোছে আনেৎ ।

আর নয়...আর দেবী নয়...এবারে অবসান হোক...

[ চোদ্দ ]

সারা রাত ঘুম হয়নি । শেষ রাতের দিকে ঘন্টাখানেকের জন্ত চোখের পাতা দুটো লেগেছিল মাত্র । ভোরে উঠল মন একেবারে সংকল্পে বেঁধে । দিনের আলোর সাথে সাথে মন অনেকটা স্নুহ । উঠে কাপড় চোপড় পরে নিলে,—রোজকার মত পরিপাটি ক’রে চুল বাধলে, অন্তদিনকার চেয়ে আর একটু বেশী যত্ন ক’রে প্রসাধনও ক’রলে । কঠিন হাতে মনের দুয়ারে জানালা এঁটে রেখে দিলে, পাছে আবার দ্বিধা আসে ।

হুঁটা স্নানাজ অন্ত দিনের মতই রোজার বৃকে খুশি হুলিয়ে ওর দরজায় এসে ঘা দিল—বডাতে যাবে হুঁজনে । রোজ যায় এমন । সঙ্গে চলল একটা কুকুর—ছটফটে, চঞ্চল জীব, এক মুহূর্ত স্থির হ’য়ে থাকতে পারে না—যেন একটা স্তম্ভমান ঘূর্ণি ছাওয়া । ঘেঁষা ঘেঁষি গাছে ছাওয়া ঘন বন—গাছের তলায় তলায় পায়ের হাঁটা পথ । তাই ধরেই চলল ওরা । তরুণ শব্দে প্রকৃতির যৌবনের স্বাক্ষর ! শ্যামল বনানীর মর্মে মর্মে আলোর তীর বেঁধা । গাছের শাখা পাখীর কলধরে আর সঙ্গীতে মুখর । আনেৎদের পায়ের শব্দে শব্দে ওরা উচ্চকিত হ’য়ে ওঠে ; জানার ঝটপট, পাতার ধস্ধস, ডালে ডালে সংঘর্ষের আওয়াজ তুলে সারা বনময় তাদের উদ্ভ্রাস্ত পলারন—আর ছোট্টাছুটি । কুকুরটাও মেতে ওঠে,

কান খাড়া ক'রে, নাক ভুলে হাওয়া থেকে গন্ধ শুধে নিয়ে সেও এদিক আর ওদিক দৌড়ে ঝড় তোলে। দাঁড়কাকের দল কর্কশ স্বরে কোলাহল করে; ওক গাছের নিরালা কোটরে বসে ঘুঘু মিথুন ডেকে চলে...। আর দূরে...বহু দূরে...দূর হ'তে দূরে...আরো দূরে কোকিলটা আকাশের গায়ে ডানার লেখায় বৃত্ত রচনা ক'রে ক'রে তার খাশত কালের আনন্দের ঝরণা-ধারা ঝরিয়ে' যায়... শ্রান্তিহীন, ক্লান্তিহীন। বসন্ত...বসন্ত এসেছে...বসন্তের নেশায় মাতাল হয়েছে পাখীটা...

উল্লসিত প্রকাণ্ড একটা কুকুরের মতই কোলাহলে, হাসিতে, ঝাপাঝাপিতে কুকুরটাকে মাতিয়ে তোলে রোজার। কয়েক পা পেছনে পেছনে চিন্তাকুল মনে নিঃশব্দে চলেছে আনেৎ। এখানেই বলি!...না থাক...ওঠ মোড়টায় গিয়ে...

রোজারকেও দেখেছে নিরীক্ষণ ক'রে, আর শুনেছে বনানীর সঙ্গীত...ও বলার পর কেমন হবে এই বনটার চেহারা!...মোড়টা চলে গেল...বলা হ'ল না...ধরা গলায় একবার ডাকল—'রোজার!' নিশ্বাসের মত শোভাল স্বরটা। রোজার শুনেতে পেল না, খেয়ালও করল না কিছু। আনেৎ-এর সামনে নীচু হ'য়ে—কিছু ভায়োলেট ফুল ভুলে নিল—তারপর আবার বক্ বক্ ক'রে চলল... আনেৎ আবার ডাকল—'রোজার!' ওর স্বরে এমন একটা ক্রেশ ফুটে উঠল, রোজার-এর কান এড়াল না। চমকে উঠে ফিরে তাকাল ও...আনেৎ-এর মুখে অস্বাভাবিক একটা পাণ্ডুরতা; কি যেন থম থম করছে ওর চোখে মুখে। কাছে এল রোজার...কেমন ভয় করতে লাগল।

আনেৎ বলল :

'রোজার; আমাদের ছেড়ে বেতে হবে।'

রোজার স্তম্ভিত...নির্ধাক...। ওর মুখে চোখে হতাশা কালো হ'য়ে ওঠে। বলতে গিয়ে কথা মুখে বেধে যায় :

'কি, কি, বলছ তুমি? কি বলছ?'

ওর চোখের দৃষ্টি এড়িয়ে আনেৎ দৃঢ়ভাবে বলে :

'আমায় চলে বেতে হবে রোজার। জানি কষ্ট হবে, তবু বেতে হবে। আমি পরিষ্কার বুঝেছি, তোমায় খ্রী হওয়া আমার পক্ষে সম্ভব হবে না...'



আরো কি বেন বলতে যাচ্ছিল ও, রোজার বাধা দিল : 'না না, তা নয়, তুমি ঠিক বুঝতে পারছ না। শাস্ত হও, শাস্ত হও আনেৎ ! তুমি কি পাগল হ'লে !...'

'না রোজার, আমায় যেতেই হবে।' আনেৎ বলে।

'যাবে ? তুমি ?' চীৎকার করে ওঠে রোজার : 'দেবনা যেতে...'

আনেৎ-এর বাহু দুটো ধরেছে রোজার নিষ্ঠুর কঠিন হাতের মুঠোর , কোমল মাংস যেন পিসে যাচ্ছে। তারপর চোখ পড়ে আনেৎ-এর মুখের দিকে...উদ্ধত গর্বে কঠিন মুখ, বরফের মত শীতল : সমস্ত শাসনের বিরুদ্ধে বিদ্রোহ ঘোষণা করে আছে ও-মুখ। রোজার বোঝে, আর আশা নেই...ওর পরাজয় সম্পূর্ণ হয়েছে।

'আনেৎ ! আমার রাণী ! যেয়োনা, যেয়োনা...। কে বললে অসম্ভব ! মোটেই অসম্ভব নয়...কি হয়েছে বলতো ! কি করেছি আমি ?'

কঠিন মুখখানিতে আবার ককণা জাগে। 'চল বসিগে, রোজার।' আনেৎ বলে।

[ একটা শেওল-ঢাকা পাথরের ওপর নেহাৎ বাধ্য-শিশুর মত আনেৎ-এর পাশে বসে রোজার। স্থির দৃষ্টিতে তাকিয়ে থাকে আনেৎ-এর মুখের দিকে... প্রতি কথায় মিনতি করে। ]

'শাস্ত হও, শাস্ত হও ! শোন, বলছি। শাস্ত হও, লক্ষী ! বিশ্বাস করো, আমার খুব কষ্ট হচ্ছে, কিছুতেই পারছি না...আমি কথাও বলতে পারছি না...'

'আর কথা নয়। কিছু শুনব না আমি।' চীৎকার করে রোজার : 'এ তোমার পাগলামী।'

'কিন্তু বলা যে দরকার।'।

রোজার ওর মুখ চেপে ধরে। আনেৎ সরিয়ে নেয় নিজেকে। অন্তরের তীব্র ধন্দ সবেও ওর সংকল্প শিথিল হয়নি। রোজার সে অনমনীয় শক্তির কাছে শক্তিহীন, পরাজিত, অভিভূত...প্রতিরোধ ছেড়ে শাস্ত, অবসর দেছে, অসহায় হ'য়ে শোনে আনেৎ-এর কথা। ওর চোখের দিকে তাকাবার সাহস

নেই। আনেৎ বলে যায় তার সিঁকাস্তের কথা, যা আজ ওর বলা চাই-ই। না বললে চলবে না। তুহিন-হিম, আবেগহীন, বেদনা-করা স্বর। হঠাৎ হঠাৎ গলা বেঁধে যায়। নিশ্বাস নেবার জন্ত খামলও হুঁএকবার। ভাষা অতি-স্পষ্ট, অনুগ্রহ, সুনির্বাচিত এবং সেই কারণেই অমোঘ বজ্রের মত তার জোর। আনেৎ এক সঙ্গে থাকতে সত্যি চেয়েছিল। প্রাণ মন দিয়ে, একান্ত ক'রে চেয়েছিল। প্রথম প্রথম আশাও ছিল। কিন্তু সে-সাধ, সে-স্বপ্ন ওর পূর্ণ হলো না। চিন্তায়, পরিবেশে, কাজে, সবটাতেই দু'জনের মধ্যে আকাশ পাতাল তফাৎ। নিজেকেই দোষ দেয় আনেৎ। ও হৃদয় দিয়ে বুঝেছে, বিবাহিত জীবন ওর জন্ত নয়। ওর নিজের অভিধানে, জীবন ও স্বাভাবিক যে সংজ্ঞা রয়েছে তা কোন দিক দিয়েই রোজারের সঙ্গে মেলে না। হয়তো রোজারই ঠিক। ভুল আনেৎ-এরই। অধিকাংশ মানুষই, মেয়েরা স্কন্ধ, হয়তো রোজারের মত ক'রেই ভাবে। আনেৎ-এরই ভুল হ'য়ে থাকবে। কিন্তু ভুল হোক আর ঠিক হোক— আনেৎ যে কি রকম তা তো বোঝাই গেছে। সুতরাং আর অনর্থক একজনকে কষ্ট দেওয়া কেন? নিজেও তো কষ্ট কম পায় না। একে একাই থাকতে হবে— ঐ জন্তই ওর সৃষ্টি। অতএব রোজারকেও তার প্রতিশ্রুতির দায় হ'তে মুক্তি দেবে; নিজেও নেবে। আর বাদ বাকী যা আছে—তার জন্ত কারো দায় নেই। কারণ দু'পক্ষের মধ্যে কোন রকম ছলনা ছিল না।

রোজারের মুখের দিকে ইচ্ছে ক'রেই তাকায় না। ঘাসের দিকে তাকিয়ে কথা বলছে আনেৎ। কানে আসে ওর দ্রুত নিশ্বাসের শব্দ। এমনি ক'রে শেষ পর্বন্ত বলে যাওয়া, সে এক কঠিন পরীক্ষা। কিন্তু তবু বলে গেল, তারপর সাহস ক'রে তাকাল একবার ওর মুখের দিকে। প্রচণ্ড একটা ধাক্কা লাগল। রোজারের মুখ বেন জলে ডোবা মানুষের মুখ। লাল টকটকে মুখ; ঝড়ের মত নিশ্বাস বইছে। কাঁদবে তারও শক্তি নেই, মুঠো করা হাত দুটো উদ্ভ্রাস্তের মত নাড়ছে। অনেক কষ্টে একটা নিশ্বাস নিয়ে—অত্যন্ত কাতর স্বরে বলে :

‘না না না...আমি পারব না...’

হুঁপিয়ে কেঁদে ওঠে।

বনের শেষে একটা ক্ষেত থেকে আসছে হৃৎ চলার কোলাহল। একজন চাষী কি যেন বলছে—তার কণ্ঠ ভেসে আসছে।

বিহ্বল আনেৎ হঠাৎ এসে রোজারের হাত ধরে। টানতে টানতে নিরে যায় পথ ছেড়ে বনে ; তারপর আরো দূরে, দূরে একেবারে বনের গভীরে...। বিবল রোজার—তার দেহে এতটুকু শক্তি নাই। যন্ত্রের মত চলছে সে আনেৎ-এর সাথে।

‘না না...আমি পারব না...কি হবে আমার !’...অশ্রাস্ত আর্তনাদ।

...রোজারকে শাস্ত ক’রতে চেষ্টা করে আনেৎ ; কিন্তু হতাশায় বিহ্বল, উন্মাদ রোজার—বিধ্বস্ত তার প্রেম, বিধ্বস্ত পৌরুস ; যে-মুখ একেবারে ঘরের ছুয়ারে এসে পৌঁছেছিল তাও মিলিয়ে গেছে...দেশের দেশের কাছে অপমানে মাথা হেঁট...

জীবনের সংগ্রামহীন আরামে বিগড়ে-যাওয়া ওই বৃদ্ধ-শিশুটি কোন দিন শাসন পায়নি, প্রতিবাদ পায়নি। হাত বাড়ালেই মুঠি ওর ভরে উঠেছে। তাই আজকের এত হার ওর সটল না ! একেবারে ভেঙ্গে পড়ল। নিশ্চিত ব’লে যা কিছু ছিল সব ভেঙ্গে চুরমার হ’য়ে গেল। নিজের ওপর বিশ্বাস আর রইল না ; রইল না পায়ের তলায় মাটি। বেরুবার পথ পাচ্ছে না রোজার ! এত গভীর বেদনা আনেৎকে গিয়ে আঘাত করে।

‘ছিঃ লক্ষীটি, কেঁদো না...কেঁদো না অমন ক’রে ! আবার ফলে কুলে ভ’রে উঠবে জীবন...আমাকে দরকারই হবে না আর...’

তবু কান্না থামে না রোজারের।

‘না না ওকথা বলো না...বলো না...’ রোজার বলে : ‘তোমায় ছাড়া আমার চলবেই না ; কোন কিছুতে আমার আর বিশ্বাস নেই...নিজের জীবনেও নয়...’

আনেৎ-এর সামনে নত-জামু হ’য়ে বসে পড়ে ও :

‘যেয়ো না আনেৎ ! আমায় ফেলে যেও না...যা চাও, তাই হবে...সব... সব ঠিক যেমনটি চাও...’

আনেৎ জানে আজকের এ-জোয়ারের মুখের কথা কাল আর থাকবে না। মনটা যেন কেমন হ’য়ে যায়। অতি কোমল ভাবে বলে :

‘তা হয় না, বন্ধু ! জানি অস্তুর্ব থেকেই বলছি, কিন্তু প্রতিশ্রুতি তো তুমি রাখতে পারবে না। যদিই বা পারো, কষ্ট হবে—তোমারও আমারও। চব্বিশ ঘণ্টা ঠোকাঠুকি চলবে...’

জগন্মল পাথর ! কিছুতেই নড়বে না। আনেৎ-এর পারে লুটিয়ে পড়ে ছোট শিশুর মত বিহ্বল হয়ে কাঁদতে থাকে রোজার।

করুণায়, ভালোবাসায়, আনেৎ-এর বুকে আঘাত লাগে শেলের মত। সারা দেহ অবশ হয়ে আসে। এতক্ষণ শক্ত হয়ে ছিল, কিন্তু ওই অশ্রুর বন্যায় সব ভেসে যায়। নিজের কথা আর ভাবতে পারছে না, চিন্তার ছেয়ে আছে শুধু রোজার। ওর হাঁটুর ওপরে রোজারের মাথাখানি—ওর অতি আদরের ধন। মাথার গভীর আদরে হাত বুলিয়ে দেয়, সান্ধনা দেয়, সান্ধনা দেয় গভীর স্নেহ-সিক্ত ভাষায়। অসহায় শিশুটির মুখ চুই হাতে তুলে ধরে নিজের রুমাল দিয়ে চোখ মুছিয়ে দেয়। হাত ধরে ওঠায়, জোর করে নিয়ে আবার চলতে আরম্ভ করে। অবশ ভাবে আনেৎ-এর হাতে নিজেকে ছেড়ে দেয় রোজার। শুধুই কেঁদে চলেছে ও, অঝোর বুক-ডাঙ্গা কারা। এগিয়ে চলেছে দু’জন। মুখে গাছের ডাল পাল্লা এসে লাগে। খেয়াল নেই। বনের দিকেই পা চলেছে ওদের...কিছু দেখেছে না, কিছু বুঝেছে না...জানে না কোথায় যাবে। আনেৎ টের পাচ্ছে ওর বকের মধ্যে আবেগ আর ভালোবাসার ঢল নামছে। রোজারকে জড়িয়ে ধরে বলে

‘কেঁদোনা লক্ষ্মী ! আমার রোজার ! আমার সোনা ! আমি সহঁতে পারছি না। কেঁদনা...আমি তোমায় ভালোবাসি।...সত্যি ভালোবাসি, রোজার !’

‘না...বাসোনা।’ রোজার আকুল হয়ে বলে।

‘বাসি। এতদিন ধরে তুমি আমার মত ভালো বেসেছ, তার সহঁস্র গুণ ভালোবাসি...বলো, বলো কি চাও তুমি ! কি করতে হবে আশায় বলো...। যা বলো করব...রোজার, আমার রোজার...’

সীমা শেষ হয়ে আসে। রিভিয়ারদের হাতা এসে ধার। নিজেরদের বাড়ীখানা আনেৎ চিনতে পারে...। রোজারের দিকে ডাকার ও। সারা দেহ

ছুড়ে কামনার ঝড় নেচে ওঠে, শিরায় শিরায় পেশীতে পেশীতে কামনার ঢেউ  
 ভাঙে। যেন আগুনের ঝড়—ফোটা একেশিয়া ফুলের নেশা-ধরানো সৌগন্ধের  
 মত কি যেন এক নেশায় মেতেছে ওর সমস্ত ইন্দ্রিয়। রোজারকে টানতে টানতে  
 দরজার দিকে ছুটে চলে ও। নিরালা নির্জন পরিত্যক্ত বাড়ী। ঝিল্মিলি সব  
 বন্ধ। ভেতরে গাঢ় অন্ধকার। বাইরের কড়া রোদ থেকে এসে ভেতরের অন্ধকারে  
 চোখ যেন অন্ধ হ'য়ে যায়। রোজার কি একটা আসবাবে ধাক্কা খায়।  
 রোজারকে চালিয়ে নেয় আনেৎ-এর জঙ্গল ছ'খানি হাত—যে-হাতের মধ্যে ও  
 ছেড়ে দিয়েছে নিজেকে...না কিছু ভাবছে, না দেখছে, না জানছে। নীচের  
 তলার অন্ধকার ঘরগুলো পেরিয়ে চলেছে আনেৎ...ওর অদৃষ্ট যেন ওকে তাড়িয়ে  
 নিয়ে চলেছে পেছন থেকে।...বাড়ীর পেছন দিককার সেই ঘরখানি, গত শরতে  
 যে-ঘরে ওরা ছ'বোন ছিল...আজও ওর আর সিলভীর দু'জনের শুভ্র দেহের  
 সুবাস মিশে আছে আধারে...শয্যায় আজও সুপ্ত দেহের স্পর্শ লেগে আছে...  
 এগিয়ে চলে আনেৎ-এর পা, আর হাতে ধরা রোজার...উচ্চ সিত কবণায়, আর  
 মাতাল আনন্দে আনেৎ আপনাকে উৎসর্গ ক'রে দেয়—প্রিয়ের হাতে।

[ পনর ]

নেশা যখন ভাঙল, অন্ধকার চোখে সয়ে এসেছে। ঝিল্মিল-এর কাঁকে  
 ফালি ফালি আলোর দল, বাইরে যে সুন্দর দিনটার শুরু হয়েছে তারি খবর  
 নিষে নাচতে নাচতে ঘরের মধ্যে আসে। চুখনে চুখনে আনেৎ-এর নিরাবরণ  
 শুভ্র দেহ ছেয়ে দেয় রোজার। ওর অন্তরের কৃতজ্ঞতা মুখের ভাষায়  
 ফোটে না...

বলা শেষ হ'য়ে গেলে হঠাৎ নীরব হ'য়ে যায় ও। আনেৎ-এর বুকের  
 পাশটার মুখ গুঁজে প'ড়ে থাকে...আনেৎও শুদ্ধ...নিখর...নিষ্পন্দ...কি যেন  
 ঘপে ডুবে আছে। বাইরে পাঁচিলের কাছটার গোলাপ-ঝাড়ে ভ্রমরের দল গুঞ্জে  
 মেতেছে। আনেৎ শোনে দূর হ'তে দূরে মিলিমে-ঘাওয়া গানের বেশের  
 মত আকাশের দিগন্তে ওই মিলিয়ে যাচ্ছে রোজারের ভালোবাসা...

রোজারের ভালোবাসায় এর মধ্যে ভাটা পড়েছে সে নিজেও বুঝেছে...  
 লজ্জায় হুঃখে মরমে মরে যাচ্ছে রোজার, তবু স্বীকার করতে মন সরে না।  
 আসলে আনেৎ-এর এই অপ্রত্যাশিত আত্মদানে ওর মন বিরাট খাড়া খেয়েছে।  
 বিচিত্র প্রকৃতি পুরুষের। নারীকে সে কামনা করে কিন্তু দয়িতের কাছে তার  
 শ্রদ্ধার ও ভালোবাসার অকুণ্ঠ আত্ম-নিবেদনকে সে রমণীর স্বথ চরিত্রের পরিচয়  
 হিসেবে অশ্রদ্ধার দৃষ্টিতে দেখে।

আনেৎ একটু ঝুঁকে ওর মাথাটা দুই হাতে তুলে ধরে অনেক ক্ষণ চোখের  
 দিকে তাকিয়ে থাকে—কিছু বলে না, নীরবে বিষণ্ণ হাসি হাসে। রোজারের  
 মনে হয় ওই গভীর দৃষ্টি ওর মর্মে গিয়ে পৌঁছেছে। সচকিত হ'য়ে ওঠে।  
 সত্যটা জানতে দিলে চলবে না আনেৎকে। একটা কৃত্রিম মুগ্ধতার গদগদ  
 হ'য়ে বলে :

‘আনেৎ, আর তো যেতে পারবে না ভূমি। এবার বিয়ে আমাদের  
 হতেই হবে।’

আবার আনেৎ-এর মুখে বিষণ্ণ হাসি ফুটে ওঠে। রোজারের মনটা  
 পড়ে নিয়েছে খোলা পুঁথির মত ক'রে :

‘না গো না’ বলে আনেৎ : ‘কিছুতেই হবে না।’

রোজার দুর্বলতা ঝেড়ে ফেলে :

‘আমি চাই—’

‘আমি চলে যাব।’ আনেৎ বলে।

‘কেন ? কেন যাবে ?’ রোজার বলে।

কেন-র জবাব রোজার নিজেই জানে, তবু আর একবার চেষ্টা ক'রে দেখতে  
 ইচ্ছে হয়। আনেৎ ওর মুখ চেপে ধরে ; রোজার ক্রোধে, আবেগে ওর হাতে  
 চুমু খায়...। কত ভালোবাসে ও আনেৎকে ! এই ছলনায় নিজের কাছেই  
 ছোট মনে হয় নিজেকে। আনেৎ কি দেখতে পেয়েছে ওর মন ?...ওর ঠোঁটের  
 ওপর আদর বুলিয়ে দিতে দিতে মিষ্টি হাতখানা ধেন বলে :

‘না না আমি কিছু দেখিনি...।’

দূর গ্রাম থেকে ঘণ্টার শব্দ ভেসে আসে...। নিস্তব্ধ ঘর...। আনেৎ

নীরব...ওর বুক ভেঙ্গে একটি দীর্ঘশ্বাস বেরিয়ে আসে...আজই শেষ...আজই শেষ...চাপা স্বরে বলে : 'রোজার, চলো ফিরে যাই...'

দেহ ছুটি বিচ্ছিন্ন হয়। খাটের পায়ের দিকে নতজানু হ'য়ে বসে রোজার আনেৎ-এর পাদুকাহীন পা দু'খানি কপালে চেপে ধরে...যেন সব দিয়ে প্রমাণ করতে চায়—'আনেৎ আমি তোমারি...' কিন্তু মন যে অন্য কথা বলে।

আনেৎ পোমাক পরবে, ঘরের বাইরে চ'লে যায় রোজার। সামনের দিকের বাধান্দার দেয়ালে কনুই ভর দিয়ে দাঁড়িয়ে প্রতীক্ষা করে ; কানে আসে পল্লীর কর্ম কোলাহল ; এই মাত্র যে স্বপ্নের মুহূর্তগুলি শেষ হ'য়ে গেল তারই সুবাসে বুক ভরে আছে। দুর্বলতা আর গব আর পরিতৃপ্ত কামনার আনন্দে বিহ্বল রোজার। নিজের কৃতিত্বে ও গর্বিত। মনে মনে বলে :

'বেচারি আনেৎ !'

আবার শুধরে বলে :

'আমার রাগি আনেৎ !'

বেরিয়ে আসে আনেৎ। সেই চির শাস্ত প্রতিমা। কিন্তু বড় মলিন, বড় পাণ্ডুর...কে বলবে ওর নিরালার...একর আর একান্তের এই স্বল্পায়ু ক্ষণ ক'টিতে কত বড় ইতিহাস রচিত হ'লো। কামনায় অশুশোচনায় আর ত্যাগের বেদনায়—? রোজারের চোখে কিছুই পড়ে না, সে আপনাতে আপনি ডুবে আছে। রোজার এগিয়ে যায় আনেৎ-এর সামনে, বলতে চায় : 'না, আনেৎ যেওনা।' আনেৎ নিজের মুখে অঙ্গুল চেপে নীরবে উদ্ভিত জানায় : 'চুপ, কথা কয়োনা।' বাগানের বেড়ার ধারে এসে একটা ত'ধর্নের ডাল ভেঙ্গে নেয়, তারপর সেটাকে দু'খানা ক'রে আধখানা রোজারকে দেয়। গেটের কাছে এসে রোজারকে চুম্ব খায়।

আবার বনের পথে নীরব চলা। আনেৎ-এর মিনতি—কথা কয়োনা। রোজারের হাতে ওর হাত—ওর চোখ আধখোলা, মুখে মৃহ হাসি, রোজারের স্পর্শে দরদ। এবারে পালা বদলেছে...রোজার চালায়, আনেৎ চলে। রোজারের মনেও পড়ে না—একটি মাত্র ঘণ্টা আগে এই পথেরই ধূলো ওর চোখের জলে ভিজছে।

বনের গভীরে মহোলাসে সোয় ছলে শিকারের পেছনে ধাওয়া ক'রে  
চলেছে কুকুরটা ।

[ বোল ]

পরের দিনই বিদায় নিল আনেং । বলল বাড়ী থেকে চিঠি এসেছে—বুড়ী  
পিসীর ভারী অসুখ । এই ছলে ত্রিসটরা অবশ্য তুলল না । কিছুদিন থেকেই  
সন্দেহ হচ্ছিল যে আনেং ওদের হাত থেকে ফস্কে যাচ্ছে । কিন্তু আত্ম-  
সম্মানের দিক থেকে বাইরে সম্ভাবনাটাকে স্বীকার করতে পারেনি ; এবং হঠাৎ  
চলে যাবার জন্ত যে কারণ আনেং দেখিয়েছে তা যে নেহাৎই ছিল তা বুঝলেও  
না-বোঝার ভান ক'রতে হয়েছে । আনেং মাত্র কদিনের জন্ত যাচ্ছে এই  
ভিত্তিতে সাময়িক বিদায়ের পালা অভিনয় করেছে শেষ পর্যন্ত ।

আনেং ব্যথা পেয়েছে এই ছলনার । কিন্তু তবু রোজারের অনুরোধে সে  
স্বীকার করেছে পারী পৌঁছবার আগে কিছুই প্রকাশ করবে না । সামনা-সামনি  
অত বড় কঠিন কথা উচ্চারণ করাও সহজ নয় । অতএব বানানো হাসি,  
পালিশ করা কথা, কোলাকুলি—সবই রইল ওদের বিদায়ের পালায় ;—রইল  
না শুধু হৃদয় ।

রোজার সঙ্গে এল টেশনে । অত্যন্ত বিষণ্ণ ছ'জনেই । আবার ও  
অনুরোধ করে : 'বিয়েতে রাজী হও, আনেং !' রোজার ভদ্রলোক, এবং  
অভিযাত্রীর ভদ্রলোক । তাই এর মনে হয় বিয়ে করতে ও বাধ্য । তাছাড়া  
মনও বলে—ওরে তোর জোর আছে যে ! আনেং-এরই কল্যাণে ওকে সেই  
জোর বুঝিয়ে দেবার তোর অধিকার আছে । রোজার ভাবে, আনেং তো আত্ম-  
সমর্পণ ক'রেইছে ; তার নিজস্বতা সে পরিত্যাগ করেছে, সুতরাং আজ আর  
উভয়ের সম্পর্কের মধ্যে আগেকার সে সাম্যের ভিত্তি নেই । সুতরাং বিবাহ  
ও দাবীই করবে এখন । আনেং স্পষ্ট দেখতে পায়—এখন যদি বিবাহে ও  
রাজী হয় তবে আগেকার চাইতে সহস্র গুণ শক্ত ক'রে প্রভুত্বের দ্বাশ টানবে  
রোজার । অবিপ্লি ঔচিত্য হিসেবে বিবাহের অনুরোধ ক'রে ঠিকই করেছে ;



রোজার এবং আনেৎ সে জন্ত কৃতজ্ঞ। কিন্তু তবু...প্রত্যাখ্যান করে।  
রোজার মনে মনে বিরক্ত হয়...আনেৎকে ও বুঝতে পারে না। [ ওর ধারণা  
আনেৎ ওর কাছে চিরকাল খোলা-পুঁথি ছিল। ] বিচার হ'য়ে ওঠে কঠোর—কিন্তু  
বাহিরে প্রকাশ করে না। আনেৎ বোঝে—বেদনার সাথে মেশে ব্যঙ্গ  
কিন্তু জেগে থাকে চির-দরদী চিন্তা...[ এ যে রোজারই... ]

ষ্টেশনের কাছাকাছি এসে ওর দস্তানা-ঢাকা হাতখানা ও রোজারের হাতের  
ওপর রাখে। রোজার চমকে ওঠে।

‘আনেৎ !’

‘ক্ৰটি মনে রেখোনা রোজার, আমিও রাখব না। মার্জনার সম্পর্কটাকে  
সহজ ক’রে নি চলো।’ আনেৎ বলে।

রোজার কথা বলতে চায়, পারে না। হাত ধরাই থাকে। কেউ  
কারো দিকে চাইতে পারে না, কিন্তু অনুভব করে পরস্পরের চোখে  
উদ্বেগ অশ্রুর সাগর কঠিন প্রয়াসে স্তব্ধ হ’য়ে আছে।

ষ্টেশন। এবারে সংযত হওয়া দরকার। রোজার আনেৎকে গাড়ীতে  
ভুলে দেয়। আরো যাত্রী আছে—সাধারণ সৌজন্যের সীমা লংঘন করা চলে  
না, কিন্তু পরস্পরের চোখ প্রিয়ের প্রতিমাখানি যেন আকর্ষণ পিপাসায় গণ্ডু  
ভরে পান করতে চায়। বাঁশী বাজে।

‘আবার দেখা হবে—’

মনে সে-বাণীর প্রতিধ্বনি জাগে : ‘হবে না, হবে না।’ গাড়ী চোখের  
আড়াল হ’য়ে যায়। সন্ধ্যার অন্ধকার ঘনিয়ে আসে। রোজার বাড়ীর পথ  
ধরে। রাগে দুঃখে ও বিহ্বল। নিজের ওপরে রাগ, আনেৎ-এর ওপরে রাগ ;  
ও যেন ফেটে ধান ধান হ’য়ে যাচ্ছে। মনে হয়...ছিঃ লজ্জা,...আরাম,  
আরাম, মুক্তি...

নির্জন রাস্তা...গাড়ী থামায় রোজার...স্বপ্নায়, ভালোবাসায়, কান্নায়  
ও ভেঙ্গে পড়ে।

আনেৎ বুঁব হাউসে ফিরে এল এবং ঘরের মধ্যে বন্দী হ'য়ে রইল ।  
 ব্রিসটলের কাছে চিঠিখানা পাঠিয়ে দিয়ে ও বাইরের সঙ্গে সব সম্পর্ক ছুঁলে  
 ছিল । বন্ধুরা কেউ জানতেই পারল না যে ও ফিরে এসেছে । চিঠিগুলি  
 অবধি খুলল না । দিনের পর দিন ঘরের মধ্যে কাটতে লাগল । এক পা  
 বেরুল না । বুড়ী পিসী খেয়ালী মেয়েকে বোঝেনি কোনদিন । না বোঝাটাট  
 অভ্যাস হ'য়ে গেছে । কাজেই ওর এই নির্জন বাসে তিনি ব্যাঘাত দিলেন না ।  
 আনেৎ-এর বহির্জীবনের পথ রুদ্ধ হ'ল । কিন্তু অন্তর্জীবনের দ্বার গেল খুলে ।  
 আহত কামনার তুফানে ওর চিত্তলোকের মৌন আকাশ পশুদন্ত ; একলা থেকে  
 সেই তুফানে নিজকে ও ছেড়ে দেয়...হাওয়ার বেগে গুলট্ পালট হ'য়ে যতক্ষণ  
 না শান্তিতে দেহ অসাড় হ'য়ে যায় । বেয়িয়ে যখন আসে দেহ একেবারে  
 ভাঙা ; ধমনী থেকে সমস্ত রক্ত যেন শুবে নিয়েছে ; সারা মুখ গলা অবধি  
 শুকিয়ে কাঠ ; কপাল আগুন ; হাত পা হিম বরফের মত । তারপর আসে তন্ত্রার  
 অধ্যায়—স্বপ্নের ঠাস বুনট্ করা । দিনের পর দিন স্বপ্নে বুঁদ হ'য়ে থাকে ও ।  
 চিন্তাগুলোকে গুছিয়ে নেবারও চেষ্টা করে না । চারদিক থেকে এলোমেলো  
 ভাষে মনটাকে তচ্‌নচ্‌ ক'রে দিয়ে যায়...শুক গভীর দুঃখ কখনও ; কখনও  
 তিস্ত-যথুর ; মুখে ছাই-এর মত স্বাদ কখনও বা ; কত হতাশা, বুককে তুলিয়ে-  
 দেওয়া কত শ্বতি—যখন তখন তীব্র নৈরাশ্রে সব আধার হ'য়ে যায় ; কত গর্ব  
 ও আবেগ ; কখনও বা মনে হয়, সব ভেঙ্গে চূড়ে ধ্বংস হ'য়ে গেল । কোন  
 প্রতীকার নাই ; অমোঘ নিরতি,—যার কাছে মানুষের মত চেষ্টা মত প্রয়াস সব  
 রূথা...প্রথমে মনে হয় যেন ও পিনে ষাচ্ছে, তারপর গভীর বেদনা...তারপর  
 তাও ধীরে ধীরে মিলিয়ে যায় বহু দুঃগত ক্লান্ত বেদনার বেশের মধ্যে, যার  
 সাথে মিলিয়ে আছে বিচিত্র এক সব-ভোলান অদ্ভুত নিবৃতি রাত...স্বপ্ন দেখে  
 আনেৎ...

বনের মধ্যে একা ও ।

দিশে-হারা হ'য়ে ছুটে চলেছে ঝোপ-ঝাড়ের মধ্য দিয়ে...গাছের ডালে ডালে কাপড় বেঁধে যায়, শিশির-ভেজা লতা-গুহা ওকে জড়িয়ে ধরে । নিজেকে মুক্ত করে অতি কষ্টে ; কাপড় ছিঁড়ে ফালি ফালি হ'য়ে যায় । নিজের দিকে চোখ পড়ে...অর্ধ অনাবৃত দেহ...লজ্জায় লাল হ'য়ে ওঠে আনেৎ । নত হ'য়ে চেঁড়া বসন দিয়ে আপনাকে আড়াল করতে চায় । হঠাৎ চোখ পড়ে সামনে মাটিতে শুকনো পাতার নীচে একটা ডিম্বাকৃতি ছোট বুড়ি...। হলদে পাতা নয়, নয় সোনালী ; রক্তের মত, বার্চের কাণ্ডের মত শুভ্র, সূক্ষ্মতম, শুভ্রতম বস্ত্র দিয়ে ঢাকা । উৎসুক দৃষ্টিতে বুড়িটার পাশে ঝুঁকে বসে পড়ে ও । বস্ত্র খানি নড়ে । আনেৎ-এর বুক দোলে । হাত বাড়িয়ে দেয়...বুক দোলে...দোলে...কেন দোলে ?...আনেৎ জানেনা...জানেনা...বোঝে না...

দিন যায়, সপ্তাহ যায় ; আনেৎ ব'সে ব'সে এই মহা-বিশ্বের কথা ভাবে...।

'প্রেম, এ কি ভূমি ! যেদিন দু'হাত মেলে তোমায় আমি ধরতে গিয়েছিলেম, তুমি পালিয়েছিলে । এইবারে ধরেছি তোমায়, আর ছাড়ব না, ছাড়ব না । আর পালিয়ে যেতে পারবে না । ওগো ছোট বন্দী আমার ! এই এই আমার দেহের ঝাঞ্ঝনে তোমায় বন্দী করলাম আমি । নাও, প্রতিশোধ নাও, আমায় গ্রাস কর ! গ্রাস কর আমায়, আমার প্রাণ-মূলকে নিঃশেষে শোষণ কর । আমার শোণিতে তোমার দেহ পুঁই হোক ! তুমিই তো আমি, তুমি আমার স্বপ্ন । বাইরের পৃথিবীতে তোমায় খুঁজে পাঠনি আমি...তাই আমারই মাংস আর শোণিতে তোমায় আমি রচনা করেছি...। আজ তাই তোমায় আমি পেয়েছি, ওগো প্রেম ! আমি তো সেই—সেই পরম প্রিয় ষাকে আমি ভালোবাসি...'















